

ՄԻԱՎՈՐՅԱԼ ՆԱԽԱԴԱՍՈՒԹՅՈՒՆԸ ԺԱՄԱՆԱԿԱԿԻՑ  
ՀԱՅԵՐԵՆՈՒՄ

ՆԵՐԱՇՈՒԹՅՈՒՆ

Ժամանակակից հայերենի ուսումնասիրությունը հասել է ակնառու նվաճումների: Տարիների ընթացքում հայերենի կառուցվածքի վերաբերյալ լույս են տեսել բազմաթիվ աշխատություններ: Այնուհանդերձ դեռ կան որոշ հարցեր, որոնք համակողմանիորեն չեն լուսաբանվել և, ավելին, գիտական շրջաններում առաջ են բերում տարակարծություններ: Դրանցից է միավորյալ նախադասության ըմբռնումը: Միավորյալ նախադասությունը բարդ համադասական կապակցության մի տարատեսակն է, նրա ինքնատիպ գրաւերումներից մեկը և ուրույն տեղ է գրավում շարահյուսական համակարգում: Զնայած դրան՝ այս կառուցի վերաբերյալ առ այսօր չի գրվել մի ամփոփ աշխատություն, և նրա մասին տարրեր ուսումնասիրություններում ասվածը առանձին դիտողություններից ու ուսհմանումներից այն կողմ չի անցել: Միավորյալ նախադասության դնահատման հարցում եղած տարակարծությունների պատճառները երկու կարգի են՝ օրյեկտիվ և սուբյեկտիվ: Ընդսմին, օրյեկտիվ պատճառ է միավորյալ նախադասության հարաբերակցությունը մի կողմից՝ բազմակի անդամներով (ենթականներով, լրացումներով) պարզ նախադասությանը, մյուս կողմից՝ բարդ նախադասության մյուս տեսակներին:

Միավորյալ նախադասության վերաբերյալ կարծիքների տարրերության սուբյեկտիվ պատճառներից նշելի են հատկապես երկուսը՝ նախական գործառնությունները, առաջնորդվելով տեսական տարրեր ոկորումներով, շարահյուսական այդ կառուցին մոտեցել են տարրեր հայեցակետներից: Երկրորդ՝ միավորյալ նախադասությունը հայերենում (և ոչ միայն հայերենում) առանձին ուսումնասիրության առարկա չի դարձել: Բացի այդ, շատերն այդ հարցին անդրադառնալիս հիմնվել են արմատավորված այս կամ այն տեսակետի, այլ ոչ թե լեզվական փաստերի համակողմանի ուսումնասիրության վրա: Եվ այդ ամենի արդյունքն այն է եղել, որ ոմանք միավորյալ են դիտել բազմակի թե՛ գլխավոր և թե՛ երկրորդա-

կան անդամներով կազմված նախադասությունները, ուրիշները՝ միայն բազմակի գլխավոր անդամներով նախադասությունները և այլն։ Կամ՝ լեզվաբանների մի մասը միավորյալ նախադասությունը պարզ է համարել, մյուս մասը՝ բարդ համադասական, ուրիշները՝ միշտակա օղակ պարզ և բարդ նախադասությունների միջև և այլն։

Նշեցինք, որ միավորյալ նախադասության մասին ասվածը դասագրքին սահմանումներից ու գիտական աշխատություններում համառոտ մեկնարանություններից այն կողմ չի անցել և, բնականարար, հեռու է այդ կաղապարի ամբողջական ու սպառիլ բնութագրումը լինելուց։ Դասական և ժամանակակից լեզվաբաններն ու մեթոդիստները պարզապես իրենց առջև խնդիր չեն դրել համակողմանիորեն հետազոտել այս կառուցք։ Ուստի հրապարակի վրա եղած գրականության մեջ, նախ, հստակ չեն այս նախադասության սահմանները, և, երկրորդ, իսուվում է միայն երկկազմ միավորյալ նախադասության՝ մեկ կամ մեկից ավելի ենթականներով ու բաղմակի ստորոգյալներով կազմված լինելու մասին։ Եվ, իրոք, լեզվական հարուստ փաստերի հիման վրա չեն լուսաբանվել միավորյալ նախադասության կառուցվածքային ու իմաստային առանձնահատկությունները։ Շարահյուսական հարաբերությունների քննությունը չի մասնավորվել միավորյալ նախադասության վրա վերջինիս մի տարածեսակը՝ միավաղմ միավորյալ նախադասությունը, համարյա ամբողջությամբ գուրս է մնացել քննությունից։ Չի բացահայտվել նաև միավորյալ նախադասության որոշ դրսևորումների ոճական նշանակությունը։ Այլ կերպ ասած՝ միավորյալ նախադասությունը դեռ բաղմակությանիորեն լուսաբանված չէ։ Մինչդեռ այս կաղապարի ուսումնասիրությունն ունի տեսական ու գործնական կարևոր նշանակություն։ Դա անհրաժեշտ է թե՛ հարցի մասնավոր քննության և թե՛ ժամանակակից հայերենի (և ոչ միայն հայերենի) քերականական կառուցվածքի ուսումնասիրությունը ամբողջացնելու առումով, որով և պայմանավորված է սույն աշխատության այժմեականությունը։ Մենք ձեռնամուխ ենք եղել միավորյալ նախադասության ուսումնասիրությանը՝ նպատակ ունենալով հստակություն մտցնել նրա կառուցվածքի ըմբռնման հարցում, քննել նրա, որպես բարդ համադասական նախադասության մի տարածեսակի, քերականական-կառուցվածքային, իմաստային-նրբերանգային ու գործառական-ոճական առանձնահատկությունները։

Ուսումնասիրությունը բաղկացած է հինգ գլխից։ «Միավորյալ նախադասությունը քերականագիտական մտքի գնահատմամբ» խորագիրը կրող առաջին գլխում պատմական ակնարկով ուրվագծել ենք միավորյալ նախադասության ըմբռնումը քերականագիտության պատմության մեջ՝ անդրադառնալով հայ, ոուս, նաև ելքոպական քերականագիտության մեջ։

միավորյալ նախադասության մասին եղած տեսակետներին։ Ակնհայտ է, որ հայ և ոռու քերականագիտության մեջ միավորյալ նախադասության մասին արտահայտված կարծիքների միջև կան զգալի ընդհանրություններ և որոշ տարրերություններ։ Ընդհանրությունները հիմնականում պայմանավորված են մի կողմից՝ լեզվական միևնույն իրականության մասին հայ և ոռու քերականների ըմբռնման ընդհանրությամբ, մյուս կողմից՝ տվյալ հարցում հայ լեզվաբանական մտքի վրա ոռու քերականագիտության ոմեցած ազդեցությամբ։ Ակներեւ է, որ միավորյալ նախադասության կաղապարը թեև տարածված է եղել գրաբարում, միջին հայերենում, բարբառներում, մեր գրական լեզվի երկու տարրերակիներում, այնուհանդերձ նրա ճանաշման և ուսումնասիրության հիմքերը դրվել են միայն XIX դարի կեսերին՝ աշխարհաբարի նշանավոր քերական Ստ. Պալասանյանի կողմից։

Երկրորդ գլխում աշխատել ենք հիմնավորել բազմակի ստորոգյալներով և բազմակի գերադաս անդամներով միավորյալ նախադասության բարդ համադասական կապակցություն լինելը, ճշգրտել նրա տեղը շարադյուսական համակարգում՝ ընդհանուր գծերով ներկայացնելով նրա կառուցվածքային յուրահատկությունները։ Միավորյալ նախադասությունը մենք համարում ենք բարդ համադասական նախադասությունը նրանում համադասական հարաբերությամբ կապված մենքից ավելի ստորոգումներ լինելու պատճառով։ Ավելի կոնկրետ՝ այն բարդ համադասական կապակցության մի տարատեսակն է։ Ակնհայտ է, որ համադասական նախադասության բաղադրիչներն ունենում են կա՛մ ընդհանուր ենթակա, կա՛մ էլ տարրեր ենթականներ։ Հստ այդ հատկանշի բարդ համադասական նախադասությունները բաժանվում են երկու խմբի՝ ա) ընդհանուր ենթակայով (ենթականերով) բարդ համադասական կամ միավորյալ նախադասություններ և բ) տարրեր ենթականերով բարդ համադասական նախադասություններ<sup>1</sup>։ Այս դասակարգումը մի կողմից՝ պարզում է բարդ համադասական նախադասության ընդդրկման սահմանները, մյուս կողմից՝ ճշգրտում է համադասական կապակցության մեջ միավորյալ նախադասության տեղը՝ դառնալով այս կառուցիչ յուրատիպ կանոնարկումը։ Նշենք, որ բարդ համադասական նախադասության նշված տարատեսակների տարրերությունը չի սահմանափակվում որպես ենթակայի յուրահատկություն, այլ միաժամանակ դառնում է ստորոգումների, հետևաբար նաև նախադասության կառուցվածքի տարրերակման հիմունք։ Հետևապես բազմակի ստորոգյալներով և բազմակի գերադաս անդամներ-

<sup>1</sup> Այս դասակարգման մասին տես Ժխտման հարաբերությամբ միավորյալ նախադասությանը նվիրված մեր հոդվածում (ԼՇ, Երևան, 1982, № 9, էջ 24—25).

րով նախաղասությունները կաղմում են բարդ համադասական կապակցության մի տարատեսակը՝ ընդհանուր ենթակալով բարդ համադասական կամ միավորյալ նախաղասությունը: Մենք այստեղ պահպանում ենք ավանդական տերմինը՝ միավորյալ նախաղասություն անվանումը հետեւյալ պատճառով: Լեզվաբանության մեջ (և առհասարակ) տերմինի փոփոխությունը չի խրախուսվում, իսկ եթե գիտության մեջ այն երկար կենսագրություն ունի, մեր կարծիքով, առավել ևս անհրաժեշտ է նրա պահպանումը: Միավորյալ նախաղասության ճանաչումն ու անվանումը ունեն շուրջ մեկուկես դարի պատմություն, ուստի ավանդական տերմինի պահպանումն ավելի նախընտրելի ենք համարում:

Աշխատության երրորդ և չորրորդ գլուխներում քննել ենք միավորյալ նախաղասության կառուցվածքային երկու (երկկազմ և միակազմ) դրսերումները: Ընդ որում, երկկազմ միավորյալ նախաղասությունը հատկանշվում է ենթակայի (ենթակաների) ու ստորոգյալների փաստացի դրսերմամբ և դրանց քերականական արտահայտության առանձնահատկություններով: Երկկազմ միավորյալ նախաղասության յուրատիպ արտահայտություններից մեկը ստորոգյալի կրկնությամբ կառուցն է, որը ժամանակակից հայերենում ոճական մեծ նշանակություն ունի:

Միակազմ միավորյալ նախաղասությունը մեղանում համարյա չի քննվել, չհաշված մեկ-երկու աշխատության մեջ խիստ հպանցիկ անդրադարձումները: Մենք ներկայացրել ենք միակազմ միավորյալ նախաղասությունը, նրա կառուցվածքային տարատեսակներն ու դրանց ռնական նշանակությունը: Այս կաղապարը, որի գնահատման հարցում կարելու է բաշմակի հատկանիշների՝ տրամարանորեն ընկալվող միևնույն առարկային կամ առարկաներին ստորոգվելու ըմբռնումը, ինչպես նաև միավորյալ նախաղասության որոշ այլ դրսերմամբ (ենթակայի կըրկնությամբ միավորյալ նախաղասություն և այլն) քննել ենք՝ հաշվի առնելով ոչ այնքան մակերեսային, որքան խորքային կառուցվածքը:

Համադասական հարաբերությունն ու նրա մասնավոր դրսերումները (միավորական, ներհակական, տրոհական և այլն) քննվել են հիմնականում տարրեր ենթականերով բարդ համադասական նախաղասության մեջ: Դրանք այլ յուրահատկություններով են արտահայտվում միավորյալ նախաղասության մեջ: Ուստի վերջին գլխում քննել ենք միավորյալ նախաղասության մեջ գործառվող շարահյուսական հարաբերությունները, դրանց դրսերման առանձնահատկությունները, միևնույն միավորյալ կառուցում տարրեր հարաբերությունների համատեղումը և այլն: Միավորյալ նախաղասության մեջ արտահայտվող հարաբերությունները մեկնել ենք՝ նկատի ունենալով նրա բաղադրիչների բովանդակությունը,

կապակցման եղանակը, շարադասությունը, ստորոգյալների կամ գերադաս անդամների արտահայտությունը և այլն:

Մենք բավական լայնացրել ենք միավորյալ նախադասության ընդդրկման սահմանները՝ հայագիտության մեջ որպես այդպիսին համարված կառուցների կողքին միավորյալ դիտելով նաև այնպիսի կաղապարյին դրսառումներ, որոնք մինչև հիմա կամ այլ գնահատում են ստացել և կամ էլ առհասարակ հատուկ քննության շեն ենթարկվել:

Ուսումնասիրությունը կատարել ենք գործառական տարրեր ոճերի (առօրյա-խոսակցական, գեղարվեստական, հրապարակախոսական, գիտական ու պաշտոնական) խոսքերից ընտրված փաստական հարուստ նյութի հիման վրա: Միավորյալ նախադասությունը բոլոր ոճերում և ամենից առաջ գեղարվեստական խոսքում տարածված կառուցյալ է: Առանձնապես շեշտում ենք գեղարվեստական ոճում նրա շատ գործածվելը՝ հաշվի առնելով այն, որ գեղարվեստական խոսքը գրական լեզվի զարկերակն է, որ այն, մյուս ոճերի համեմատությամբ, առավել լայն չափով է ընդգրկում գրական լեզուն, նրա իրողությունները: Աւշագրավ է, որ միավորյալ նախադասությունը շատ տարածված է մեր դասական ու ժամանակակից նշանավոր արձակագիրների ու բանաստեղծների ստեղծագործություններում: Միավորյալ նախադասությունը քննել ենք արդի հայենի իրողությունների հիման վրա՝ մեր տեսական գրույթները հաստատելու համար նյութ քաղելով հայ դասական ու ժամանակակից գրական ստեղծագործություններից, հրապարակախոսական ու գիտական գրականությունից, հաճախ դիմելով նաև ժողովրդախոսակցական լեզվին, որպեսզի վերլուծությունը լինի առավել համակարգմանի ու ամրողական, ընդգրկի ժամանակակից հայերենի բոլոր ոճերում միավորյալ նախադասության կաղապարային գրսենորումները: Առաջնորդվելով համաժամանակյա կտրվածքով՝ վերլուծությունը կատարել ենք համաժամանակյա կտրվածքով, իսկ անհրաժեշտության դեպքում դիմել ենք նաև աշխարհաբարի վաղ շրջանի լեզվական փաստերին:

Միավորյալ նախադասությունը կառուցվածքային ու իմաստային վերլուծությունների առատ նյութ է ընձեռում: Մեր աշխատության մեջ նոր մեկնակետերից են քննվում ու լուսաբանվում շարահյուսության որոշ հարցեր:

Այսպիսով՝ սույն ուսումնասիրության մեջ միավորյալ նախադասությունը դառնում է առանձին քննության առարկա, և դրա կառուցվածքի հետ կապված շատ հարցեր, բնականաբար, առաջադրվում ու մեկնվում են առաջին անգամ: Մենք օգտագործել ենք այն ամբողջ դրականը, ինչ ձեռք է բերվել հայ գերականագիտության մեջ շարահյուսական այս

Կառուվցի ու դրա հետ առնչվող հարցերի ուսումնասիրության բնագավառում:

Այս աշխատությունը ժամանակակից հայերենի միավորյալ նախադասության առաջին ամբողջական քննությունն է, ուստի բնավ էլ այն կարծիքին շենք, թե նրանում ամեն ինչ իր վերջնական լուծումն է գտել: Անշուշտ, կլինեն առարկություններ առանձին հարցերի քննության վերաբերյալ: Մենք սիրով կընդունենք բոլոր օգտակար դիտողությունները՝ հետագայում հաշվի առնելու նպատակով:

ՄԻԱՎՈՐՅԱԼ ՆԱԽԱԴԱՍՈՒԹՅՈՒՆԸ ՔԵՐԱԿԱՆԱԳԻՏԱԿԱՆ  
ՄՏՔԻ ԳՆԱՀԱՏՄԱՄԲ

XIX դարը ինչպես մյուս գիտությունների, այնպես էլ լեզվաբանության համար նշանավորվում է որպես բեկման ժամանակաշրջան։ Դարի հայ լեզվաբանական մտքի նվաճումներից մեկը միավորյալ նախադասության ըմբռնումն է։ Այս կառուցքը, ինչպես ասվեց վերը, թեև առկա է եղել մեր լեզվի պատմության նաև նախորդ փուլերում, այնուհետեւ հրապարակի վրա եղած գրականության մեջ չի արձանագրվել։

Միավորյալ նախադասության ըմբռնումը հայ քերականագիտության մեջ մշակվել է ոչ միանգամից։ Բազմակի ենթականերով կամ ստորոգյաներով նախադասությունները, որոնք ավելի ուշ, XIX դարի 2-րդ կեսին, շրջանառության մեջ են մտնում միավորյալ նախադասություն անվանումով, որպես նախադասության առանձին տեսակ՝ քննվել են Հովհ. Եղիազարյանի քերականության մեջ՝ բարդ նախադասություն անվանումով։ Ակնհայտ է, որ մեզանում Հովհ. Եղիազարյանը առաջիններից է ընդունել բարդ նախադասության գույությունը՝ այդպիսին դիտելով բաղմակի գլխավոր անդամներով բաղադրված՝ նախադասությունները։ Հետեւքար բարդ նախադասության ըմբռնումը Եղիազարյանի մոտ նեղ է։ Նրանում բացառվում են համադասական կապակցության մյուս դըրսնորումներն ու ամբողջ բարդ ստորադասական կապակցությունը։ Քերականի՝ բարդ նախադասության մեկնարանությանը բավականին նման է արդի դպրոցական դասագրերից մեկում եղած միավորյալ նախադասության սահմանումը։ Եղիազարյանը բարդ է անվանում այն նախադասությունը, «որ կազմի ՚ի բանի մի բայից կամ ՚ի բանի մի ենթակայից. զո. իսկ արին Վարդան համայն զօրոքն իւրօվք՝ խաղայր գնայր յառաջ. Պետրոս և Յոհաննէս ելանեին ՚ի տաճարէն Ան» (45, էջ 86) (ընդումը մերն է՝ Ա. Կ.): Հմմտ. «Բազմակի ենթականերով կամ բազմակի սարուցյալներով միավորված նախադասությունները կոչվում են միավորյալ նախադասություններ» (99, էջ 104):

Քննության առարկա շարահյուսական կառուցքի բում ուսումնասիրությունն սկսվում է արևելահայ աշխարհաբարի առաջին նշանավոր

բերական Ստ. Պալասանյանի դասագրքերով, որոնցում հեղինակը ներկայացնում է արևելահայ աշխարհաբարի քերականական կառուցվածքը, ուրիշ շատ հարցերի հետ քննում է նաև միավորյալ նախադասությունը՝ առաջինը գործածելով այս անվանումը: Պալասանյանը, բաղադրյալ (իմա՝ բարդ) զիտելով «այն նախադասութիւնը, որ կազմուած է երկու կամ աւելի պարզ նախադասութիւններից...» (78, էջ 23), նրա մի տարատեսակն է համարում միավորյալ նախադասությունը՝ գրելով. «Այն նախադասութիւնը՝ որ մի քանի նախադասութիւնների միաւորութիւնից է կազմվում, կոչվում է միաւորեալ—Լուսին և աստեղի լուսառու են զիւշերոյ և զուր ծովու դառն և աղի է նախադասութիւնները միաւորեալ են» (78, էջ 24): Այսուհետև կարդում ենք. «Միաւորեալ նախադասութեան մեջ կարող են լինել մի քանի ենթակայ կամ մի քանի ստորոգեալ, մի քանի միատեսակ յատկացուցիչ<sup>1</sup> կամ մի քանի պարագայական բառեր» (79, էջ 33): Նշանակում է՝ Պալասանյանը միավորյալ է համարում բաղմակի և զիմանիւր և երկրորդական անդամներով միավորված նախադասությունները:

Այսպիսով, Ստ. Պալասանյանը դասագրքերի համեստ սահմաններում քննության է առնում միավորյալ նախադասությունը՝ անդրագառնալով նաև նրա բաղադրիչների կապակցմանն ու տրոհմանը (տե՛ս 79, էջ 34): Սակայն միաժամանակ ակնհայտ է, որ միավորյալ նախադասության մասին քերականի արտահայտած մտքերի մեջ առկա է որոշ հակասություն<sup>2</sup>: Նախ՝ միավորյալ նախադասության վերը նշված սահմանումը հստակ չէ. այն չի արտացոլում այդ կառուցիչ յուրահատեկությունները և գրեթե չի տարբերվում բարդ նախադասության արդի սահմանումից ընդհանրապես և հենց իր՝ Պալասանյանի սահմանումից մասնավորապես:

Երկրորդ՝ եթե «Գործնական քերականության» մեջ հստակ երևում է Պալասանյանի կողմից միավորյալ նախադասությունը բաղադրյալ (բարդ) նախադասությունների շարքը դասվելը, ապա «Քերականութիւն մայրենի լնողուի» դասագրքում բացակայում է այդ հստակությունը, թեև այստեղ էլ սահմանումը նույնն է: Ավելին, այս գրքի երրորդ մասում՝

1 Հատկացուցիչ անվան տակ քերականը նկատի ոմի արդի ըմբնմամբ հատկաց պահին ու որոշիչը:

2 Հավանաբար այդ հակասությունն է հիմք ծառայել Ստ. Պալասանյանի կողմից միավորյալ նախադասության կառուցվածքի ըմբնման մասին տարակարծիք տեսակետների զրանորման համար Այսպես՝ դոցենտ Հ. Միթթարյանը գտնում է, որ Պալասանյանը միավորյալ նախադասությունը բարդ է համարել, իսկ դոցենտ Ա. Գրիգորյանը հավաստում է քերականի՝ այդ նախադասության պարզ դիտելը: Հմմտ. 76, էջ 96, 44 էջ 100: Ընդունելին Հ. Միթթարյանի տեսակետն է:

«Բաղդասութիւն» (կապակցություն) գլխում հեղինակը քննում է նախաղասության անդամների և նախաղասությունների կապակցման եղանակները՝ դրանք բաժանելով երկու մասի՝ «կապակցութիւն մասանց բանի» և «կապակցութիւն նախաղասութիւնների», գտնելով, որ «առաջին միջոցը տեղի ունի զիսաւորապէս պարզ նախաղասութիւնների մէջ, երկրորդը՝ բաղադրեալ նախաղասութիւնների մէջ» (79, էջ 189): Եվ նա միավորյալ նախաղասության մեջ գործառվող կապակցությունը ներկայացնում է առաջին մասում՝ պարզ նախաղասության կապակցության բաժնում:

Նման թերությունները, ինչ խոսք, չեն ստվերում Պալասանյանի աշխատությունների ակնառու արժանիքները: Դրանք արժանի են ուշարարության ոչ միայն որպես դասագրքեր, այլև որպես արևելահայ աշխարհաբարին նվիրված դասական ուսումնասիրություններ, որոնց շատ դրույթներ այսօր էլ ընկած են դպրոցական ու գիտական քերականության հիմքում:

XIX դարի 2-րդ կեսի քերականներից շատերը, որոնք հետեւել են Ստ. Պալասանյանի ստեղծած նոր ուղղությանը, միավորյալ նախաղասության ըմբռնման հարցում համարյա նույնությամբ որդեգրել են իրենց մեծ նախորդի մշակած տեսությունը: Այդ տեսակետից հիշատակության արժանի է Հատկապես Ն. Տեր-Ղևոնդյանի անոնքը: Ահա Ղևոնդյանի՝ միավորյալ նախաղասությանը տված սահմանումը. «Այն նախաղասութիւնը, որի մէջ անդամներից մինը կամ միւսը կրկնուած մի քանի անգամ, կուլում է միաւորէալ նախաղասութիւն, որովհետև նա կազմուած է մի քանի պարզ նախաղասութիւնների միախառնութիւնից» (103, էջ 43)<sup>3</sup>: Քերականը միավորյալ նախաղասությունը համարում է բարդ նախաղասության մի տարատեսակը, երբ գորում է. «Բաղադրիչներ և միաւորէալ նախաղասութիւնները բարդ նախաղասութեան տեսակներն են» (103, էջ 48):

Ակնհայտ է, որ XIX դարի վերջերին աշխարհաբարյան աշխատություններին զուգընթաց գեռևս հրապարակվում էին դրաբարյան դասագրքեր, որոնք ընդգրկում էին նաև շարացյուառթյան հարցեր: Հետաքըրքը բարական է դրանցում միավորյալ նախաղասության հաշվառման հանգամանքը: Այսպես, օրինակ, Հ. Ղուկասյանցի դասագրքում թիւ միավորյալ նախաղասություն հասկացության մասին խոսք չկա, բայց հեղինակը անդրադարձել է մեկից ավելի ենթականների կամ ստորոգյալների հարցին և, հետևելով Հովհ. Եղիազարյանին, այդպիսի նախաղասությունները դիտել է բաղադրյալ՝ ելակետ ոնենալով այն, որ դրանք կարող են

3 Ն. Տեր-Ղևոնդյանի դասակիրքն առաջին անգամ լուս է տեսել 1883 թ., բայց մեր ձեռքի տակ սմեցել ենք 1906-ի հրատարակությունը:

բաժանվել համապատասխան ինքնուրուց պարզ նախադասությունների (տե՛ս 69, էջ 84), մի մեկնաբանություն, որն այսօր էլ դեռ տարածում ունի:

Ստ. Պալասանյանի քերականության սկզբումքները որոշակիորեն անցել են նաև Ն. Մելիք-Թանգանի (74, էջ 10), Ա. Արաբաջյանի (35, էջ 50—51), Գր. Վանցյանի (101, էջ 7—8) հեղինակած դասագրերին, միայն այն տարրերությամբ, որ Մելիք-Թանգանն ու Գր. Վանցյանը բազմակի լրացումները դուրս են թողնում միավորյալ նախադասությունից և վերջինս սահմանափակում են միայն բազմակի գլխավոր անդամներով։

Մեր դարասկզբին միավորյալ նախադասության տեսության մեջ բեկում է մտնում մեծանուն հայագետ Մ. Արեղյանի գարագուիս կազմող «Աշխարհաբարի շարահյուսության» (1912 թ.) երեսն գալով։ Արեղյանն առաջինն է տարրերակում մտցնում բազմակի ենթականերով և բազմակի ստորոգյալներով կառուցների միջև՝ առաջինը դիտելով որպես միենանույն ստորոգյալին լրացնող բաղմակի ենթականերով պարզ նախադասություն<sup>4</sup>, իսկ երկրորդը՝ որպես բարդ համապատասխան նախադասություն։ Նման մոտեցումը, անշուշտ, պայմանավորված է Արեղյանի՝ նախադասության ըմբռնմամբ։ Անվանի հայագետը, առաջնորդվելով այն սկզբունքով, որ «խոսքը (նախադասությունը — Ա. Կ.) իմացվում է բայց, ուստի քանի բայց կա մի ասացվածքի մեջ, այնքան էլ խոսք կա» (3, էջ 362), իսկ նախադասության մյուս անդամները (ներառյալ ենթակաները), դրվելով բայցի վրա, «լրացնում, պարզաբանում են նրա ակնարկած նշանակությունները» (2, էջ 7), բազմակի ստորոգյալներով նախադասությունը դիտում է որպես մեկից ավելի բաղադրիչ նախադասություններից կազմված միավոր՝ միավորյալ նախադասություն, իսկ բազմակի ենթականերով նախադասությունը՝ պարզ նախադասություն։ Խոսելով շարահարական բարդ համապատասխան նախադասության մասին՝ Արեղյանը գրում է. «Շարահարությամբ կապակցության մի տեսակն է միախորյալ խոսք առվածը, որ մեջ մի քանի համադաս խոսքեր միանում են մի ընդհանուր ենթակայով։ Օրինակ՝ Մառախուղն իշավ, լիզեց կտուրները, քսվեց պատերին, հոսանուոտ ծալքերով պարուբեց ամեն ինչ և խառնվեց միապաղաղ գորշ գետնի հետ» (3, էջ 653)։ Ինչպիս տեսնում ենք, Արեղյանը՝ ա) միավորյալ է դիտում միայն բազմակի ստորոգյալներով բաղադրված նախադասությունը, բ) միավորյալ նախադասությունը համարում է բարդ համապատասխան նախադասության մի տարատեսակը։

<sup>4</sup> Մ. Արեղյանը ենթական և համարում էր բայի (ստորոգյալի) լրացում։

Հայ լեզվաբանության դարդաշման սովետական շրջանում միավորյալ նախադասությունը հիշատակվում է որպես ուրուզն կառուց: Քանի որ այս շրջանում շարահյուսության մասին առաջին լուրջ աշխատանքը պրոֆ. Գ. Սևակի «Հայոց լեզվի շարահյուսություն» (1936 թ.) դպրոցական դասագիրքն է, ուստի միավորյալ նախադասությունը հենց առաջինը ներկայացվում է այս դասագրքում: Գ. Սևակը ևս միավորյալ նախադասությունը դիտում է որպես բարդ համադասական նախադասության տարատեսակներից մեկը: Ընդ որում, նա միավորյալ է համարում և՛ բաղմակի ենթականերով, և՛ բաղմակի ստորոգյալներով կաղմված նախադասությունները: Բաղմակի ենթականերով և բաղմակի ստորոգյալները միավորյալ են համարում և բարդ համադասական նախադասության մի տարրատեսակ են դիտում նաև պրոֆ. պրոֆ. Ս. Ղազարյանը (տե՛ս 66, էջ 473—474), Ն. Պառնասյանը (տե՛ս 84, էջ 39), ակադ. ակադ. Գ. Բ. Զահուկյանն (տե՛ս 94, էջ 495) ու եղ. Աղալյանը (տե՛ս 24, էջ 433): Միավորյալ նախադասությունը նույն ձևով է ներկայացված նաև «Լեզվաբանական բառարանում» (տե՛ս 87, էջ 215): Հարկ է նշել, որ եթե դասական քերականները միավորյալ նախադասության ըմբռնման հարցում հիմնականում հետեւում էին Ստ. Պալասանյանին, այս սովետական շրջանում ուղենիշ են դառնում պրոֆ. Գ. Սևակի դասագրքի մեկնարանությունն ու սահմանումը: Դրանք համարյա նույնությամբ արտահայտվում են նաև տասնյակ տարիներ գործող դպրոցական ծրագրում ու մեթոդական մի շարք աշխատություններում, ինչպես նաև սփյուռքահայ դպրոցների համար պալած դասագրքում, որոնց քննությանը շինք անդրադառնում՝ խուսափելով կրկնությունից (տե՛ս 51, էջ 16, 21, էջ 133—136, 75, էջ 130, 71, էջ 201, 72, էջ 240—241, 14, էջ 385):

Մեթոդական որոշ աշխատություններում միաժամանակ փորձեր են արվում միավորյալ նախադասությունը մեկնել նորովի: Այսպես՝ ակադ. Ար. Ղարիբյանն իր մեթոդական ձեռնարկում միավորյալ նախադասությունը համարում է բարդ նախադասության մի տարատեսակը, երբ գրում է: «Բարդ նախադասությունները լինում են՝ բարդ միավորյալ, բարդ համադասական և բարդ ստորադասական» (67, էջ 403): Ընդունին, նա միավորյալ է դիտում բաղմակի ենթականերով ու մեկ ստորոգյալով, մեկ ենթակայով ու բաղմակի ստորոգյալներով, բաղմակի ենթականերով ու բաղմակի ստորոգյալներով կաղմված նախադասությունները: Գիտնականը բարդ նախադասության նույն դասակարգումը կատարում է նաև ավելի ուշ գրած իր մի աշխատության մեջ, ուր նա մասնավորապես անդրադառնում է իր կազմում ստորադաս նախադասություններ ունեցող

միավորյալ նախադասությանը՝ այն անվանելով քազմաքարդ միավորյալ նախադասություն (տե՛ս 68, էջ 268—272):

Միավորյալ նախադասությանը տարբեր առիթներով անդրադարձել է նաև պրոֆ. Ս. Գյուլբուդաղյանը: Նա իր մի հոգմածում առաջ է քաշում այն գրությը, թե որորշ ծավալուն դիրքայական դարձվածներ ստացվում են ոչ թե բարդ ստորադասական նախադասության պարզեցումից, ինչպես ընդունված է ասել, այլ միավորյալ նախադասություններից» (40, էջ 43), իսկ տարիներ հետո, կրկին անդրադասություվ միավորյալ նախադասությանը, գտնում է, որ պետք է բաղմակի ենթականերով ու մեկ ստորոգյալով միավորված նախադասությունը դիտել պարզ նախադասություն և դպրոցում «անցնել պարզ նախադասության բաժնում, բազմակի լրացումների հետ, թվել նրանց շարքում, իսկ բազմակի ստորոգյալներով նախադասությունները, անկախ ենթակաների քանակից, անցնել իրեն բարդ համադասական նախադասություն, շառանձնացնելով իրեն առանձին տեսակ» (42, էջ 126, տե՛ս նաև 43, էջ 277): Գյուլբուդաղյանն իր մի այլ աշխատության մեջ համառոտ խոսում է որոշ միակազմ միավորյալ նախադասությունների մասին (տե՛ս 41, էջ 79, 94):

Հայոց լեղի մեթոդիկայի պատմության մեջ բաղմակի գլխավոր անդամներով կազմված միավորյալ նախադասությանը տրվել են նաև այլ մեկնարանություններ: Այսպես՝ դոցենտ Զ. Ալեքսանյանն այն դիտում է, այսպես կոչված, բաղմաբարդ նախադասության տարատեսակներից մեկը (տե՛ս 20, էջ 32), իսկ դոցենտ Ա. Գրիգորյանը՝ պարզ նախադասություն (տե՛ս 44, էջ 100):

1950-ական թվականների կեսերից սկսած միավորյալ նախադասությունը սկսում է նորովի մեկնարանվել ժամանակակից հայերենի քերականական կառուցվածքին վերաբերող աշխատություններում: Շարահյուսական այս կառուցյին տարրեր առիթներով անդրադասություն է պրոֆ. Ս. Գրբահմյանը: Նա միավորյալ նախադասության մասին առաջին անգամ խոսում է գերանվանը նվիրված իր ուշագրավ աշխատության մեջ՝ դեռանունների ոճական կիրառությունների գննության կապակցությամբ (տե՛ս 8, էջ 268): Գիտնականը մեկ այլ առիթով միավորյալ նախադասությունը դասում է բարդ համադասական նախադասությունների շարքը՝ այդպիսին դիտելով բաղմակի ստորոգյալներով կազմված նախադասությունը (տե՛ս 12, էջ 347): Իր մի այլ աշխատության մեջ նա հիմնավորում է բաղմակի ենթականերով նախադասության պարզ, իսկ բազմակի ստորոգյալներով նախադասության բարդ (ավելի կոնկրետ՝ միավորյալ) լինելը՝ նման տարբերակիման հիմունք ընդունելով առաջին դեպքում մեկ, իսկ երկրորդ դեպքում մեկից ավելի ստորոգյալների առկայությունը, ինչպես նաև այն, որ «բաղմակի ստորոգյալների գծային հատութավորու-

մից ստացված միավորներն ունեն նախադասության հատկանիշ, ի տարբերություն բազմակի ենթակաների հատուցթավորման, որի գեպքում չենք ստանում նախադասության հատկանիշ ունեցող միավոր» (17, էջ 564): Պրոֆ. Ս. Արքահամյանը նաև ընդունում է միակազմ միավորյալ նախադասության գոյությունը հայերենում (տե՛ս 17, էջ 471):

Միավորյալ նախադասությանը անհամեմատ շատ է անդրադարձել պրոֆ. Վ. Առաքելյանն իր աշխատություններում: Նա նույնպես բազմակի ենթականերով նախադասությունը դիտում է պարզ նախադասություն, իսկ բազմակի ստորոգյալներով նախադասությունը՝ բարդ համադասական նախադասության մի տարատեսակը կազմող միավորյալ նախադասություն (տե՛ս 27, էջ 395. 15, էջ 238): Վ. Առաքելյանը քննում է նաև շարահյուսական այլ կառուցների (տարրեր ենթականերով բարդ համադասական և բարդ ստորադասական նախադասություններ) կազմում միավորյալ նախադասության հանդես գալը (տե՛ս 28, էջ 315—317, 322), իսկ նարեկացու լեզվին ու ոճին նվիրված աշխատության մեջ՝ մեծ բանաստեղծի գործածած միավորյալ նախադասությունների կառուցվածքային մի քանի առանձնահատկություններ, որն ինքնին որոշ լույս է սփռում գրաբարյան միավորյալ նախադասության վրա (տե՛ս 32, էջ 22, 108, 131, 132, 147, 150):

Դոցենտ Պ. Պողոսյանը միավորյալ նախադասությանը խիստ թուցիկ անդրադառնում է բայի ըղձական եղանակի ապառնի ժամանակի ոճական կիրառությունների քննության կապակցությամբ (տե՛ս 89, էջ 150), իսկ ավելի հանգամանորեն՝ իր ձեռնարկում՝ այն դիտելով որպես միջակա օղակ պարզ և բարդ նախադասությունների միջն (տե՛ս 90, էջ 184—185): Նա միավորյալ նախադասությունները բաժանում է երեք խմբի՝ ա) բազմակի ենթականերով ու մեկ ստորոգյալով, բ) բազմակի ստորոգյալներով ու մեկ ենթակայով, գ) բազմակի ենթականերով ու բազմակի ստորոգյալներով միավորված նախադասություններ և միաժամանակ հակված է բազմակի ստորոգյալներով նախադասությունները դասել բարդ նախադասությունների շարքը (տե՛ս 90, էջ 247):

«Ժամանակակից հայոց լեզվի» ակադեմիական հրատարակության 3-րդ հատորում բազմակի ստորոգյալների քննության կապակցությամբ բան. գիտ. թեկնածու Հմ. Օհանյանը գրում է. «Բազմակի են լինում նաև ստորոգյալները, որոնք կազմում են միավորյալ նախադասություն» (17, էջ 278): Իսկ տողատակին կարդում ենք. «Բազմակի ստորոգյալներով (այսինքն՝ միավորյալ— Ա. Կ.) նախադասությունը բարդ է» (ն. տ., էջ 278):

Բան. գիտ. թեկնածու էմ. Բաղդասարյանը մի հոգվածում քննում է

Նրկազմ միավորյալ նախադասության կետադրության մի քանի դրսեռումներ (տե՛ս 36, էջ 9—13):

Դոցենտ Գ. Գարեգինյանը բազմակի ստորոգյալներով նախադասությունները ներկայացնում է բարդ նախադասության բաժնում՝ հաշվի-առնելով այդ կառուցների մի մասի անցողիկ լինելը պարզ և բարդ նախադասությունների միջև, մյուս մասի հարելը բարդ նախադասությանը (տե՛ս 39, էջ 12):

Միավորյալ նախադասության կառուցվածքային, իմաստային ու ոճական առանձնահատկությունները, շարահյուսական տարրեր հարաբերությունների գործառությունն այս կառուցում և այլ հարցեր քննվել են մեր հրապարակած հոդվածներում (տե՛ս 52, էջ 117—119. 53, էջ 47—52. 54, էջ 40—50. 55, էջ 72—79. 56, էջ 44—51. 57, էջ 24—36. 58, էջ 19—20. 59, էջ 13—19. 60, էջ 33—47. 61, էջ 27—30. 62, էջ 81—91):

Ամփոփելով հայ քերականագիտության պատմության մեջ երկկազմ միավորյալ նախադասության մասին արտահայտված հարժիքները՝ կարելի է առանձնացնել հետևյալ տեսակետները.

ա) Մի քանի բայով (իմա՝ բայ-ստորոգյալով) կամ մի քանի ենթակայով կազմված նախադասությունը կազմությամբ բարդ է (Հովհ. Եղիա-դարյան):

բ) Բազմակի թե՛ գլխավոր և թե՛ երկրորդական անդամներով կազմված նախադասությունները կոչվում են միավորյալ նախադասություններ և դասվում են բաղադրյալ (բարդ) նախադասությունների շարքը (Ստ. Պալասանյան, Հ. Ղոկիասյանց):

գ) Բազմակի ենթականերով, բազմակի ստորոգյալներով միավորված ձևերը կազմում են միավորյալ նախադասություն (Մելիք-Թանգյան, Գր. Վանցյան):

դ) Բազմակի ենթականերով, բազմակի ստորոգյալներով միավորյալ նախադասությունը բարդ համադասական նախադասության մի տարրատեսակն է (Տեր-Ղեոնդյան, Գ. Սևակ, Էդ. Աղայան, Գ. Զահովյան, Ն. Պառասյան, Հ. Միհիթարյան, Ալ. Մանուկյան և այլք):

ե) Բազմակի ենթականերով (ու մեկ ստորոգյալով) նախադասությունը պարզ է, իսկ բազմակի ստորոգյալներով նախադասությունը՝ բարդ համադասական, տվյալ գեպքում՝ միավորյալ (Մ. Արեգյան, Ս. Ար-րահամյան, Վ. Առաքելյան, Հմ. Օհանյան, Գ. Դարեգինյան, Ա. Կարապետյան):

զ) Բազմակի ստորոգյալներով նախադասությունը պետք է դիտել բարդ համադասական նախադասություն, առանց միավորյալ անվանումը տալու (Մ. Գյուլբուդաղյան):

է) Բազմակի ենթականերով կամ բազմակի ստորոգյալներով կազմված միավորյալ նախադասությունը բարդ նախադասության մի առանձին տեսակ է՝ հավասարազոր բարդ համադասական և բարդ ստորադասական նախադասություններին (Ա. Ղարիբյան):

ը) Բազմակի գլխավոր անդամներով միավորյալ նախադասությունը միջակա օղակ է պարզ և բարդ նախադասությունների միջև (Պ. Պողոսյան):

թ) Բազմակի ենթականերով, բազմակի ստորոգյալներով միավորյալ նախադասությունը կազմությամբ պարզ է (Ա. Գրիգորյան):

Միավորյալ նախադասությունը քննվել է նաև ոռու քերականագիտության մեջ, ուր շարահյուսական այս կառուցքը հիմնականում ներկայացվել է որպես բազմակի անդամներով նախադասություն, որի կառուցվածքի որոշման հարցը նույնպես հարուցել է վեճեր ու տաշակարծություններ: Ի դեպ, այստեղ «նախադասության բազմակի երկրորդական անդամների մասին տեսությունը վեճի տեղիք չի տալիս» (138, էջ 236): Տարակարծությունները հիմնականում վերաբերում են բաղմակի գլխավոր անդամներով կազմված նախադասություններին, որոնց մասին արտահայտվել են համարյա այն կարծիքները, որոնք գրսնորվել են հայ քերականագիտության մեջ:

«Նության առարկա հարցի մասին ոռու քերականներից առաջինը խունը է Ն. Ի. Գրեշը: Նա համադաս կամ բազմակի անդամներով կազմված նախադասությունը դիտում է որպես մեկից ավելի նախադասությունների միավորման արդյունք և այն անվանում է միավորյալ նախադասություն (слитное предложение<sup>5</sup>)՝ ոռու շարահյուսագիտության պատմության մեջ առաջինը գործառության մեջ դնելով այս տերմինը: Գրեշը և հավասարության նշան է դնում բազմակի գլխավոր և երկրորդական անդամների միջև, երբ գրում է. «Երկու կամ ավելի նախադասությունների կլիասիոր և երկրորդական մասերը (ինչպիսիք են ենթական, ստորոգյալը, հանգուցքը, որոշելչը, խնդիրը) կարող են գումարվել իրար, այսինքն՝ միավորվել մի ամբողջության մեջ՝ ցույց տալով տարբեր համայստիքումներ» (137, էջ 369):

Ակադ. Ա. Խ. Վոստոկովը բազմակի գլխավոր անդամներով կառուցվածքները դասում է բարդ նախադասությունների շարքը՝ առանց գործածելու միավորյալ նախադասություն տերմինը (տե՛ս 131, էջ 105): Իսկ ակադ. Ֆ. Ի. Թուլակը, հետևելով Գրեշին, բազմակի անդամներով նա-

5 Слитное предложение рառացի նշանակում է «միաձույլ նախադասություն», բայց բանի որ հայերենում այդ կառուցքը ավանդաբար անվանվում է միավորյալ, ուստի մենք այստեղ և այսուհետև միաձույլ-ի փոխարեն գործածում ենք միավորյալ-ը:

խաղասությունները դիտում է որպես երկու կամ ավելի նախադասությունների միավորման արդյունք՝ դրանք անվանելով միավորյալ նախադասություն և դասելով բարդ նախադասությունների շարք (տե՛ս 120, էջ 43):

Բազմակի անդամներով կազմված նախադասությունների մասին բոլորովին այլ կարծիք է արտահայտում պրոֆ. Ա. Ա. Պոտերնյան: Նա մերժում է միավորյալ նախադասության, որպես բարդ նախադասության առանձին տարատեսակի, գոյությունը հաստատող ն. Գրեշի, Ֆ. Բուլակի և այլոց հիմնավորումները՝ դրանք դիտելով որպես տրամաբանության և քերականության երկու կարգերի՝ դատողության ու նախադասության շփոթման արդյունք (տե՛ս 157, էջ 117—118):

Ակադ. Դ. Ն. Օլյանիկո-Կուկինովսկին ընդունում է նախադասության բազմակի անդամների գոյությունը՝ դրանք անվանելով «նախադասության միատեսակ մասեր» կամ «նախադասության ներսի համազոր մասեր» (152, էջ 271, 273), բայց հրաժարվում է միավորյալ նախադասության տերմինից:

Քննության առարկա հարցին անհամեմատ ավելի հանգամանորեն է անդրադառնում պրոֆ. Ա. Մ. Պեշկովսկին իր «Русский синтаксис в научном освещении» աշխատության մեջ: Այստեղ նա մի կողմից նշում է, որ ավանդական «միավորյալ» տերմինը, եթե հրաժարվենք նրա պատմական ըմբռնումից, հաջող կերպով արտահայտում է այդ նախադասությունների էությունը» (155, էջ 406), մյուս կողմից էլ շեշտում է, որ «պատմական հայեցակետից այդ տերմինը ենթարկվում է արդարացի առարկության (այդ նախադասությունները նույնպես հին են, ինչպես ոչ միավորյալները), և «միավորման» այդ ընթացքը հնարավոր չէ ապացուցելը (ն. ա.): Պեշկովսկու կարծիքով՝ միավորյալ նախադասությունը միշտ է դիրք է գրավում պարզ և բարդ նախադասությունների միջև և ավելի շատ հակվում է զեպի բարդը:

Նեատենք, որ միավորյալ նախադասության գոյությունն ընդունող լեզվաբանները այն դիտում են որպես մի քանի բաղադրիչ նախադասությունների միավորման արդյունք: Այս տեսակետից բոլորովովն այլ կարծիք է արտահայտում ակադ. Ա. Ա. Շախմատովը: Նա թեև գործածում է «միավորյալ ենթակա» և «միավորյալ ստորոգյալ» տերմինները, բայց և այնպես հրաժարվում է այդ նախադասությունները դիտել որպես մի քանի նախադասությունների միավորում՝ գրելով. «Հազիվ թե հիմք ունենք մտածելու, թե մի քանի ստորոգյալների առկայությունը համապատասխանում է մի քանի նախադասությունների առկայությանը և որ, օրինակ, Կեսարը եկավ, տեսավ, հաղթեց նախադասության մեջ ունենք երեք նախադասությունների միավորում. Կեսարը եկավ, Կեսարը տեսավ

և Կեսարը նաղթեց» (176, էջ 235): Շախմատովը, այնուամենայնիվ, որոշակիորեն տարբերակում է բազմակի ստորոգյալները մյուս բազմակի անդամներից և միավորյալ նախադասություն տերմինը ավելի շատ գործածում է բազմակի ստորոգյալներով կառուցի համար՝ այն դասելով պարզ նախադասությունների շարքը: Անվանի լեզվաբանը հետագայում էլ անդրադասում է բազմակի ստորոգյալներով նախադասությունների հարցին: Որոշ ուսումնասիրողներ Շախմատովի արխիվում հայտնաբերել են նյութեր, որոնցում հեղինակը բազմակի ստորոգյալներով նախադասություններն արդեն դասում է բարդ նախադասությունների շարքը: Այս հարցին առաջինը անդրադարձել է ի. ի. Կարատաևան (տե՛ս 144, էջ 68—69), իսկ ավելի ուշ՝ պրոֆ. Վ. Ա. Բելոշապկովան: Բելոշապկովան վկայում է, որ ակադ. Շախմատովն իր ձեռագիր նյութերում մեկ ենթակայով ու բազմակի ստորոգյալներով կազմված նախադասությունները բաժանում է երկու խմբի՝ ընդհանուր լրացում (լրացումներ) ունեցող ստորոգյալներով նախադասությունները (օր.՝ Նրանք ինձ լողացրին, հացըին և կերակրեցին) համարելով միավորյալ ստորոգյալներով պարզ նախադասություններ, իսկ տարբեր լրացումներ ունեցող ստորոգյալներով նախադասությունները (օր.՝ Ես հանգիստ էի, և նայում շուրջս, և ուշադիր լսում)՝ մեկից ավելի նախադասությունների զուգակցում, այսինքն՝ բարդ նախադասություն (տե՛ս 121, էջ 168):

Ակադ. Վ. Վինոգրառովը մասնավորապես անդրադասում է բազմակի ստորոգյալներով կազմված նախադասությունների խնդրին՝ այդպիսիք դիտելով բարդացված պարզ նախադասություններ (տե՛ս 125, էջ 97—98):

Նախադասության բազմակի անդամների քննությանը տարբեր առիթներով անդրադասում է նաև պրոֆ. Դ. Է. Ռոզենտալը: Պրոֆ. է. Մ. Գալկինա-Ֆեոդորովիկի խմբագրությամբ լուս տեսած «Современный русский синтаксис» աշխատության մեջ, իր հեղինակած բաժնում (տե՛ս 168, էջ 235—256), և բուհական մեկ այլ ձեռնարկում (տե՛ս 123, էջ 388—397) Դ. Ռոզենտալը բոլոր կարգի բազմակի անդամներով կազմված նախադասությունները դիտում է պարզ նախադասություններ, իսկ մի այլ առիթով բազմակի ստորոգյալներով կազմված միակազմ նախադասությունները դասում է բարդ համադասական նախադասությունների շարքը (տե՛ս 160, էջ 119):

Բազմակի անդամներով կազմված նախադասությունները տարբեր ժամանակներում լուս տեսած մի շարք աշխատություններում գնահատվում են որպես պարզ նախադասություններ (տե՛ս 132, էջ 131—152, 158, էջ 62—70, 174, էջ 479—485, 167, էջ 458, 128, էջ 92):

Նախաղասության բազմակի անդամների ընդարձակ քննությունը կատարում են նաև պրոֆ. պրոֆ. Ա. Գ. Խուդինը, է. Ս. Սկոբլիկովան և Ֆ. Կ. Գուման: Նրանք մերժում են բազմակի անդամներով կազմված նախաղասություններին միավորյալ անվանում տալն ու բարդ նախաղասությունների շարքը դասելը և, էական տարբերություն չտեսնելով բազմակի գլխավոր ու բազմակի երկրորդական անդամներով միավորված նախաղասությունների միջև, դրանք բոլորը համարում են բարդացված պարզ նախաղասություններ (տե՛ս 161, էջ 153—174, 162, էջ 222—242, 166, էջ 194—205, 138, էջ 235—240):

1950—60-ական թվականներից սկսած ուրաջյուսագիտության մեջ կատարվում են բազմակի անդամներով կազմված նախաղասությունների նորույի միկնաբանություններ: Շատ ուսումնասիրողներ տարբերակում են մտցնում բազմակի ստորոգյալներով և բազմակի մյուս անդամներով կազմված նախաղասությունների միջև՝ առաջինները համարելով բարդ նախաղասությունների շարքը դասվող միավորյալ (ԸԼԻԹԻՕԵ), իսկ երկրորդները՝ բազմակի անդամներով պարզ նախաղասություններ: Այսպես՝ Ն. Ս. Պոսպելովը իր մի հոդվածում բազմակի բայական ստորոգյալներով կազմված նախաղասությունները անվանում է միավորյալ և դասում բարդ նախաղասությունների շարքը (տե՛ս 156, էջ 248—249): Ն. Ս. Վասիլևան բարդ նախաղասության մի տարատեսակն է դիտում բազմակի ստորոգյալներով կազմված միավորյալ նախաղասությունը (տե՛ս 124, էջ 47—48): Պրոֆ. Ա. Ս. Մուկինը իր «Структура предложений и их модели» աշխատության մեջ բավական լուրջ փաստարկումներով հիմնավորում է բազմակի ստորոգյալներով նախաղասությունների բարդ համադասական լինելը (տե՛ս՝ 150, էջ 143—150, 184—214, 216—217): Այս նույն տեսակետն արտահայտվել է նաև ժամանակակից ուսուցչելովի ակադեմիական հրատարակության մեջ (տե՛ս 136, էջ 657—667):

Բազմակի ստորոգյալներով նախաղասությունները բարդ է համարում նաև պրոֆ. Վ. Ա. Բելոշապկովան՝ հիմք ընդունելով դրանցում մեկից ավելի ստորոգումների առկայությունը: Նա գրում է. «Այդ (բազմակի ստորոգյալներով— Ա. Կ.) նախաղասություններն էապես տարբերվում են մնացած բոլոր բազմակի անդամներով նախաղասություններից, քանի որ նրանց մեջ համադասական կապով կապված են նախաղասության այն անդամները, որոնք ստորոգելիության կրողներն են: Այդպիսի նախաղասություններում կան մի քանի ստորոգելիական կենտրոններ (предикативных центров), եղանակային ու ժամանակային նշանակությունները ինքնավար են, դրանք կարող են համընկնել կամ շհամընկնելը (121, էջ 167): Այս ճշմարիտ տեսակետը բխում է նախաղասության մեջ

ստորոգյալի խաղացած դերի կարևորության ըմբռնումից։ Հետագա շարադրանքում կարդում ենք. «Ստորոգյալի՝ նախադասության հիերարխիայի գագաթի ընդունումից օրինաշափորեն բնում է բաղմակի ստորոգյալներով նախադասության ըմբռնումը... որպես բազմաստորոգելիական (ուղղակի պոլիպրեդիակտիվնոց) կառուցվածք, իսկ դա նշանակում է որպես բարդ նախադասություն» (ն. տ., էջ 170):

Բաղմակի գլխավոր անդամներով կազմված նախադասությունների քննությանը անդրադանում է նաև պրոֆ. Ն. Մ. Վալդինան։ Նա նշում է, որ «նախադասության գլխավոր անդամների բաղմակի իրությունը կարելի է ընդունել միայն այն դեպքերում, եթե կապակցված բառաձեկը չեն խաթարում պարզ նախադասության հիմքերը» (122, էջ 225): Եվ նա բաղմակի ենթականներով ու մեկ ստորոգյալով կազմված նախադասությունը համարում է պարզ նախադասություն՝ հաշվի առնելով այն, որ բաղմակի ենթականները կատարում են «մեկ շարահյուսական դեր» (ն. տ.) և կարող են ամփոփվել ընդհանրացնող բառի մեջ։ Ինչպես՝ Աղմուկ, Հայոցյանք, բառաշում, — այդ բոլորը լցվում են մի անկազմակիրաց խոսքի մեջ (Գոգու) (122, էջ 170): Նման կառուցում պրոֆ. Վալդինան տեսնում է մեկ ստորոգում (ն. տ., էջ 229): Նա ընդհանուր լրացում շոնմեցող բաղմակի անվանական գերադաս անդամներով միակազմ նախադասությունը (ինչպես՝ Քրիստո և աղմուկ) բարդ է համարում՝ նրանում տեսնելով մեկից ավելի ստորոգումների առկայությունը (122, էջ 225), իսկ բայական ստորոգյալներով ու մեկ ենթակայով, տարբեր կարգի ստորոգյալներով (բայական ստորոգյալ + անվանական ստորոգյալ) կազմված նախադասությունները դիտում է որպես միջակա օղակ պարզ և բարդ նախադասությունների միջև (տե՛ս 122, էջ 228—230):

Նախադասության բազմակի անդամները ներկայացվել են նաև «Русский язык. Энциклопедия» աշխատության մեջ (նախադասության բազմակի անդամներ բառահոդվածի հեղինակ է. Մ. Լազուտիկին), ուր մասնավորապես նշվում է բազմակի ստորոգյալներով կազմված նախադասությունների ըմբռնման հարցում տարակարծությունների գոյությունը (տե՛ս 164, էջ 173):

Ուշագրավ է նաև այն, որ մեկ ենթակայով ու բազմակի ստորոգյալներով կազմված նախադասությունները վերջերս լույս տեսած «Русская грамматика» աշխատության մեջ քննվում են բարդ նախադասության բաժնում։ Այստեղ նշվում է, որ այդպիսի «նախադասությունների պարզ կամ բարդ լինելը որոշող հատկանիշը պայմանավորված է ընդհանուր ենթակայի նկատմամբ ստորոգյալների. ոչ միանման հարաբերությամբ» (163, էջ 461): Այդ նախադասությունները մասնավորապես բարդ են դիտվում, եթե «ենթական այս կամ այն պատճառով ճեղքում է ստորոգ-

յալների շղթան և տեղադրվում նրանց միջև..., երբ նախադասությունների հնչերանգային բարդացման ընութագիրը չի համընկնում բայ-ստորոգ-յալների կերպային ու ժամանակային նշանակություններին: Հմտ-Անձնը գալիս էր, դադարում էր և նորից սկսվում (Պուշկ.): Գալիս էր անձրե, դադարում էր և նորից սկսվում» (ն. տ., էջ 461): Ահավասիկ բաղմակի ստորոգյալներով նախադասության բարդ համարվելու վերաբերյալ մեկ այլ պիտողություն. «Նախադասությունների բարդ լինելը վկայող հատկանիշ է նաև ստորոգյալների ոչ միատեսակ քերականական արտահայտությունը. «Նա իմ ընկերն է և ամեն բոլոր ինձ կօգնի» (ն. տ., էջ 461):

Ինչպես տեսնում ենք, բաղմակի անդամներով կազմված նախադասությունների հարցը ուստի շաբահյուսագիտության մեջ նույնպես ստացել է տարբեր մեկնարանություններ: Այդ տեսակետները կարելի է բաժանել հետեւյալ խմբերի:

ա) Բոլոր բաղմակի անդամներով կազմված նախադասությունները՝ կոչվում են միավորյալ և, որպես մեկից ավելի բաղադրիչ նախադասությունների միավորում, դասվում են բարդ նախադասությունների շարքը (ն. Գրեշ, Ֆ. Բուլակ):

բ) Բաղմակի անդամներով կառուցը բարդ նախադասություն է առանց միավորյալ անվանումը կրելու (Ա. Վոստոկով):

գ) Բաղմակի անդամներով նախադասությունը պարզ կամ բարդացված պարզ նախադասություն է (Ա. Պոտերնյա, Վ. Վինոգրադով, Ա. Դվորդեկ, Տ. Պոշտեննա, Ի. Ռասպովով, Ա. Ռուդնե, Է. Սկորլիկովա):

դ) Բաղմակի անդամներով կազմված միավորյալ նախադասությունը միջակա դիրք է գրավում պարզ և բարդ նախադասությունների միջև (Ա. Պեշկովսկի):

ե) Ընդհանուր լրացում, ոմնեցող բաղմակի ստորոգյալներով նախադասությունը պարզ է, իսկ տարբեր լրացումներ ոմնեցող ստորոգյալներով նախադասությունը՝ բարդ (Ա. Շախմատով):

դ) Բաղմակի ենթականներով ու մեկ ստորոգյալով նախադասությունը պարզ է, ընդհանուր լրացում չունեցող բաղմակի անվանական գերադաս անդամներով միակազմ նախադասությունը բարդ է, իսկ բաղմակի բայական ստորոգյալներով միավորյալ նախադասությունը միջակա դիրք է գրավում պարզ և բարդ նախադասությունների միջև (ն. Վալդինա):

է) Բաղմակի ստորոգյալներով միակազմ նախադասությունը բարդ համադասական կապակցություն է, իսկ բաղմակի մյուս անդամներով նախադասությունները պարզ են (Դ. Ռոզենտալ):

ը) Բաղմակի ստորոգյալներով նախադասությունները բարդ համադասական նախադասություններ են (Վ. Բելոշապկովա):

թ) Բազմակի բայական ստորոգյալներով նախադասությունները բարդ համադասական նախադասության մեջ մտնող միավորյալ (ԸԼԻԴ-ԻՈԵ) նախադասություններ են (Ն. Պոսպելով, Ա. Վասիլև, Ա. Մուխին):

Ինչպես տեսնում ենք, ոռու քերականագիտության մեջ, մասնավորապես վերջին երկու տասնամյակում, գերակշռում է բազմակի ստորոգյալներով նախադասությունը բարդ համադասական կապակցություն դիտելու տեսակետը:

Ավելացնենք նաև, որ եվրոպական շատ լեզուներում ևս «գերակշռում է մեկ ենթակային կից մի քանի ստորոգյալներով նախադասությունների մեկնաբանումը որպես բարդ նախադասություններ» (121, էջ 168): Ընդումին, այդ լեզուներում էլ նշված նախադասությունները կրում են միավորյալ անվանումը: Բազմակի ստորոգյալներով նախադասություններն այդպես են ներկայացվում մասնալորապես գերաներենում (տե՛ս 142, էջ 286), չեխերենում (տե՛ս 121, էջ 169) և այլ լեզուներում: Չեխերենում առավելապես իշխում է Ֆ. Տրավնիչկիի տեսակետը, որտեղ որի բազմակի են լինում նախադասության բոլոր անդամները, բացի բայական ստորոգյալից: Այդ դրույթի համաձայն մի քանի բայական ստորոգյալներով նախադասությունները դիտվում են որպես բարդ, իսկ մի քանի անվանական ստորոգյալներով՝ նախադասությունները՝ որպես բազմակի անդամներով պարզ նախադասություններ (121, էջ 169): Պրոֆ. Վ. Բելոշապկովան այդ մասին գրում է. «Դժվար է ամբողջովին համաձայնել հարցի այդպիսի հասկացությանը: Հազիվ թե անվանական և բայական ստորոգյալների ամբողջական հակադրումն օրինաշափ լինի: Անվանական ստորոգյալն իր կազմում ներառում է հանգույց՝ բայ-ստորոգյալի նման արտահայտելով ժամանակի, եղանակավորության ստորոգելիական կարգերը...» (Ն. տ., էջ 169): Մենք ամբողջովին բաժանում ենք այս տեսակետը: Թե՛ բայական և թե՛ անվանական բազմակի ստորոգյալներով կազմված նախադասությունները քերականական-կառուցվածքային նույն տիպն են ներկայացնում:

**ՄԻԱՎՈՐՅԱԼ ՆԱԽԱԴԱՍՈՒԹՅՈՒՆԸ ԲԱՐԴ ՀԱՄԱԴԱՍԱԿԱՆ  
ՆԱԽԱԴԱՍՈՒԹՅԱՆ ՀԱՄԱԿԱՐԳՈՒՄ**

Արդ՝ ո՞ր նախադասություններն են միավորյալ, և դրանք ո՞ր նախադասությունների շարքը պետք է դասել՝ պա՞րզ, թե՞ բարդ:

Միավորյալ նախադասությունը բարդ համադասական նախադասություն է: Այնքախ է, որ բարդ նախադասությունը, որպես կանոն, ունենում է մեկից ավելի ստորոգումներ, որոնք համադասական կապակցության մեջ կապվում են համադասական, իսկ ստորադասական կապակցության մեջ՝ ստորադասական հարաբերությամբ: Հետևաբար միավորյալ պետք է դիտել բաղմակի անդամներով կազմված այն նախադասությունները, որոնք բավարարում են համադասական հարաբերությամբ կապված բաղմակի ստորոգումներ ունենալու պահանջը: Բաղմակի լրացումներով նախադասությունները ունեն մեկ ստորոգում, ուստի կազմությամբ պարզ են: Հետևաբար այդ նախադասությունների միավորյալ (և ընդհանրապես բարդ) լինելու մասին անցյալի քերականների տեսակետը անհրաժեշտ հիմնավորում չունի:

Իսկ ինչպիսէ՞ն են բաղմակի գլխավոր անդամներով կազմված նախադասությունները: Սրանք ունեն կառուցվածքային տարբեր յուրահատկություններ: Նախ՝ բաղմակի ենթականերով ու մեկ ստորոգյալով նախադասության մասին: Ինչպես տեսանք, շատ լեզվարաններ դա ևս համարում են միավորյալ՝ նրանում տեսնելով մեկից ավելի ստորոգումներ, յուրաքանչյուր ենթակայի հետ ենթադրելով նաև ստորոգյալը, իսկ ումանք էլ այն դիտում են պարզ նախադասություն: Այս կառուցյը մենք ևս համարում ենք բաղմակի ենթականերով պարզ նախադասություն, քանի որ նրանում առկա է միայն մեկ ստորոգյալ, հետևաբար և մեկ ստորոգում: Բաղմակի ենթականերով ու մեկ ստորոգյալով նախադասությունը պարզ ենք դիտում նաև հետևյալ փաստարկումների հիման վրա:

1. Այս նախադասությունն իր բովանդակությամբ ու քերականական արտահայտությամբ հավասարագոր է բաղմակի լրացումներով պարզ նախադասությանը: Այսպես՝ հմտ. 1. «Ամեն առավոտ արծաթյա փո-

ղերի հնշունք, որսորդական բարակների մոնշունք... խռովում էին սուրամուտ անասունների վաղորդյան «անգիստը» (ԸՍ, 438): 2. «Լսում էին խոսակցությունները, կանչը, ծիերի վեճոցը, մանուկների լացի ձայնները, մեկի զիլ ծիծաղը» (ԱԲԵ, 549): Եթե ընդունենք, որ առաջինը բարդ նախադասություն է, ոմի մեկից ավելի ստորոգումներ և կաղմում է «Ամեն առավոտ արծաթյա փողերի հնչունը խռովում էր սորամուտ անասունների վաղորդյան «անգիստը» և «Ամեն առավոտ որսորդական բարակների մոնշունքը խռովում էր սորամուտ անասունների վաղորդյան «անգիստը» նախադասությունների թվաբանական գումարը, ապա նույնը պետք է ասել նաև երկրորդի մասին, նրանում ևս պետք է տեսնել ստորոգյալների, հետևաբար նաև ստորոգումների բազմակիություն, այսինքն՝ դա նույնպես պետք է համարել բարդ նախադասություն՝ կազմված «Լսում էին խոսակցությունները», «Ալսում էին կանչը» և այլն բաղադրիչ նախադասություններից, մի մեկնաբանություն, որը ճիշտ չէ:

2. Բազմակի ենթականներով ու մեկ ստորոգալով նախադասությունը բարդ դիտվելու դեպքում ըստ երևուցին հաշվի է առնվում ստորոգյալի՝ հոգնակի թվով գործածվելը՝ նըանում ընդունելով ստորոգումների հոգնակիություն: Նման տրամարանությամբ առաջնորդվելիս բարդ պետք է դիտել նաև հոգնակի գոյականով կամ դերանվամբ արտահայտված ենթակայով ու մեկ ստորոգալով կազմված և ընդհանրապես հոգնակի ստորոգալով բոլոր այն նախադասությունները, որոնց բազմակի ենթականները փոխակերպվում են մեկ դերանվամբ: Օրինակներ՝ «Աւալիույան աշակերտաները շտապում են դպրոց»: «Աւենենք սիրում էին նրան» (Մուր., 2, 44): «Նարեկացին ու Սայար-Նովան միշնադարյան հայ գրականության ամենախոշոր դեմքերն են» → «Նրանք միշնադարյան հայ գրականության ամենախոշոր դեմքերն են»: Տրամարանորեն հասկացվում է, որ, օրինակ, առաջին նախադասության մեջ աշակերտաներից յուրաքանչյուրը կատարում է շտապիկու գործողությունը, բայց դա չի նշանակում, թե այդ նախադասությունն ունի մեկից ավելի ստորոգումներ և բարդ է: Նույնը պետք է ասել նաև մյուս նախադասությունների մասին: Աւեմն դրանց պարզ լինելը ակնբախ է, քանի որ լեզվի մեջ կարևոր քերականական արտահայտությունն է: Պըտֆ. Ս. Գ. Աբրահամյանն իրավացիութեն գրում է: «Նախադասության կառուցվածքը որոշվում է ոչ թե նրանից բխող կամ ենթադրվող բովանդակությամբ, այլ առկա կառուցվածքով» (17, 563): Քերպած նախադասություններում քերականորեն առկա է մեկ ստորոգում: Նախադասության ստորոգումները մեկից ավելի են, եթե առարկային կամ առարկաներին վերագրվում են մեկից ավելի տարրեր հատկանիշներ, իսկ դա գոյություն ունի միայն մեկից ավելի ստորոգալների առկայության դեպքում: Անշուշտ, յուրաքանչյուր հատկանիշ կարող

Է արտահայտվել և առարկային վերագրվել առանձին բառական միավորով։ Հետեւարար ստորոգյալի՝ հոգնակի թվով արտահայտված լինելը ժի կարող հիմք դառնալ տվյալ նախադասությունը բարդ համարելու համար։

3. Հաճախ բազմակի ենթակաները ցույց են տալիս միևնույն առարկան՝ ստանալով եզակի ստորոգյալ։ ինչպես՝ «Սեղա՛, իմ գուտարը և քո Սահմանույշը միայնակ է» (ՄԳՄ, 79)։ Համատեքստից հասկանալի է, որ այսուղի գործող անձը մեկն է, որ Սևադյան համար դուսար է, իսկ Սեղայի համար՝ սոսկ Սահմանույշը, մտերիմ ընկերուհի։ Հետեւարար ճիշտ չի լինի մտածել, թի այդ կառուցում ստորոգյալի արտահայտած հատկանիշը «առանձին-առանձին վերագրվում է ենթականերին»։

4. Բազմակի ենթականերով ու մեկ ստորոգյալով նախադասության պարզ լինելն է հաստատում նաև հատուցիթավլորումը (տե՛ս 17, էջ 564)։ Ընդումին, բազմակի ստորոգյալների գծային հատուցիթավլորումից ստացված հողավորվող միավորներն արդեն բաղադրիլ նախադասություններ են, իսկ բազմակի ենթակաների հատուցիթավլորման դեպքում ստացվում է նախադասության հատկանիշը ունեցող միայն մեկ միավոր։ Այսպես՝ «Նրանք մեկնեցին Մոսկվա և մեկ ամիս հետո վերադարձան»։ «Արամը և նրա հարապատները մեկնեցին Մոսկվա»։ Առաջին նախադասությունը հատուցիթավորվում է երկու մասի, որոնցից յուրաքանչյուրը բաղադրիլ նախադասություն է՝ 1) Նրանք մեկնեցին Մոսկվա, 2) Մեկ ամիս հետո վերադարձան, հետեւարար այն բարդ համադասական նախադասությունը։ Է Մինչդեռ երկրորդ նախադասությունը հատուցիթավլորվում է բազմակի ենթակաների սահմանից, և ստացվում են նախադասության հատկանիշը ունեցող մեկ բառ (Արամը) ու մեկ նախադասություն։

Այսպիսով, բազմակի ենթականերով ու մեկ ստորոգյալով կազմված նախադասությունը պարզ է, համարժեք է բազմակի լրացումներով նախադասությանը և պետք է ներկայացնել պարզ նախադասության համակարգում։

Այժմ մեկ ենթակայով ու բազմակի ստորոգյալներով և բազմակի ենթականերով ու բազմակի ստորոգյալներով միավորված նախադասությունների մասին։ Այս նախադասություններում առկա են մեկից ավելի ստորոգային հատկանիշներ, միայն թե մեկ ենթակայով կառուցում այդ հատկանիշները հաշվարապես վերագրվում են միևնույն ենթակային, իսկ բազմակի ենթականերով կառուցում՝ բոլոր ենթականերին։ Օրինակ՝ «Պապս գլուխը կախել էր և ձախ ձեռքով բռնել ծնոտը» (ԱԲ, 1, 219)։ «Վարդանն ու Գևորգը գեացին պիոներական ճամբար, այնտեղ անցկացրին հետաքրքրական օրեր և օգոստոսի վերջին վերադարձան»։ Ինչպես տեսնում ենք, միակի ենթակայով ու բազմակի ստորոգյալներով և բազ-

մակի ենթականերով ու բազմակի ստորոգյալներով կաղմված նախադասությունները իրար նման են երկու էական հատկանշով՝ ա) ենթակայի կամ ենթակաների՝ բոլոր բաղադրիչ նախադասությունների համար ընդհանուր լինելով և բ) ստորոգյալների, հետևաբար նաև ստորոգումների՝ բազմակիությամբ։ Մեկից ավելի ստորոգումներ ունենալու պատճառով այդ նախադասությունները բարդ են։ Այնուհետև, քանի որ նրանց ստորոգային հատկանիշները, լայն առումով՝ բաղադրիչ նախադասությունները կապվում են համադասական հարաբերությամբ, ուստի դրանք բարդ համադասական նախադասություններ են։ Իսկ պարզելու համար, թե բազմակի ստորոգյալներով նախադասությունները ի՞նչ տեղ են գրավում բարդ համադասական կապակցության մեջ, ի՞նչ էական հատկանիշներով են տարրերվում այդ կապակցության մյուս դրսնորումներից, անհրաժեշտ ենք համարում անդրադառնալ բարդ համադասական նախադասության դասակարգմանը։

Հայտնի է, որ գոյություն ունեն համադասական նախադասության տարրեր դասակարգումներ։ Ռուս, հայ և այլ լեզուների քերականագիտության պատմության մեջ բարդ համադասական նախադասությունները սովորաբար դասակարգվում են ըստ բաղադրիչ նախադասությունների միջև գործառվող շարադրուսական հարաբերության, և ըստ այդմ էլ տարրերակիվում են միավորական, ներհակական, տրոհական և այլ հարաբերություններով բարդ համադասական նախադասություններ։ Նախադասության, որպես կաղապարի, դասակարգումը պետք է կատարել կառուցվածքային առավել էական հատկանշի հաշվառումով, որով նախադասության բոլոր դրսնորումները կարող են խմբավորվել։ Ընդ որում, տվյալ հատկանիշն ունեցողները կմիավորվեն որպես նույն կարգի իրակություններ, իսկ այդ հատկանիշը բացառողներն էլ, որպես այդպիսիք, կկազմեն մի այլ խումբ՝ հակադրվելով առաջիններին։

Տվյալ գեպքում մենք բարդ համադասական նախադասության դասակարգման հիմունք ենք ընդունում ենթակայի (ենթակաների) ընդհանուր կամ տարրեր լինելը հետեւալ պատճառներով։ Նախ՝ ենթական նախադասության գլխավոր անդամներից մեկն է՝ գործողության (լայն առումով՝ հատկանշի) «տերը»։ Հետևաբար նրա ընդհանուր կամ տարրեր լինելը բարդ համադասական նախադասության տարրերակման հիմունք դիտելը շատ կարևոր է։ Երկրորդ՝ ենթակայի ընդհանուր կամ տարրեր լինելը պայմանավորում է նաև ստորոգման յուրահատկությունը։ Այսպես, հմմտ. 1. «Միիթարը զինագործների հետ զրուցում էր մտերդաբար, իսկ Արթինի հետ իշխանավարի էր...» (ՍևԱՍ, 3, 193)։ 2. «Ես սիրամիր հարգանքով ողջունեցի երկուսին, իսկ հայրս բացատրեց նրանց յուր տարօրինակ հայտարարության պատճառը» (Մուր., 2, 90)։ Այս

երկու նախադասություններն էլ հանդիպադրական հարաբերությամբ բարդ համագասական նախադասություններ են: Կառուցվածքային միակ հատկանիշը, որով դրանք իրարից տարբերվում են, այն է, որ առաջինում ենթական ընդհանուր է երկու բաղադրիչ նախադասությունների համար. զրուցելու և իշխանավարի լինելու հատկանիշները հավասարապես ստորոգվում են այդ ենթակային, իսկ երկրորդում բաղադրիչը բաղադրիչ նախադասություն ունի իր ենթական: Ընդ որում, առաջին բաղադրիչի ուշումնելու դործողությունը, որպես հատկանիշ, ստորոգվում է նույն բաղադրիչի նույն ենթակային, իսկ երկրորդ բաղադրիչի բացատրելու գործողությունը՝ հայրս ենթակային: Հետևաբար՝ այն, թե բաղադրիչ նախադասությունների ստորոգային (կամ ստորոգվող) հատկանիշները վերաբրվում են նո՞ւյն առարկային (ենթակային), թե՝ տարբեր առարկաների (ենթականների), ունի էական նշանակություն: Մյուս կողմից՝ բանի որ ստորոգումը նախադասության ամենահիմնական հատկանիշն է, ուստի նրա յուրահատկությունը հավասարապես դանում է նաև նախադասության կառուցվածքային առանձնահատկություն: Այսպիսով, բարդ համագասական նախադասության մեջ ենթակայի ընդհանուր կամ տարբեր լինելը չի մնում որպես սոսկ ենթակայի յուրահատկություն, այլ տարածվում է նաև ստորոգման վրա՝ դառնալով նախադասության կառուցվածքային ընդհանուր հատկանիշ: Ըստ այդ հատկանիշի էլ բոլոր կարգի բարդ համագասական նախադասությունները բաժանվում են երկու խմբի՝ այսպիսով՝ ենթակայով նախադասություններ (և բ) տարբեր ենթականներով՝ նախադասություններ:

Առաջին դեպքում ենթական կամ ենթականները (եթե դրանք բաղմակի են) սովորաբար արտահայտվում են առաջին (սակավագեակ էլ հաջորդ) բաղադրիչում, բայց հավասարապես վերաբերում են բոլոր բաղադրիչներին: Ընդհանուր ենթակայով բարդ համագասական նախադասության բաղադրիչների ստորոգային հատկանիշները հավասարապես վերաբրվում են ընդհանուր ենթակային կամ ենթականներին, իսկ համապատասխան շարահյուսական հարաբերությունները գործառվում են միայն ստորոգվող հատկանիշների միջև: Դրանք բաղմակի ստորոգյալներով կազմված նախադասություններն են, որոնք հայ քերականագիտության պատմության մեջ հայտնի են միավորյալ նախադասություն, իսկ ուսւերենում՝ ըլլիտիկ պատճենություն՝ անվանումով. օրինակ «Հնագետը մի անգամ էլ պատույտ արեց քերդի շողոս կողմը, տեսրում մի բան նշանակեց և ապա արագ քայլերով հասավ ծիերին» (ԱԲ, 1, 183):

1 Ուստի քերականագիտական տերմինարանության մեջ այս նախադասությունը հայտնի է նաև ուղղականությունում՝ ստորոգությունում:

Տարբեր ենթականերով բարդ համադասական նախագասության բաղադրիչներից յուրաքանչյուրն ունի իր ենթական: Ծարաջյուսական հարաբերություններն էլ արտահայտվում են բաղադրիչ նախադասությունների ինչպես ստորոգյալների, այնպես էլ ենթակաների միջև. ինչպես՝ «Ես մեջքս պատին քսելով փորձում եմ հեռանալ, սակայն նրանք բայլ առ բայլ ծաղրելով գալիս են հետեւից» (ՍԶՄԿՊ, 83): «Գաբրիելը լողանում էր, իսկ կինն սպասում էր վրանի առաջ» (ՖՎՄԼՔՕ, 354): Այս նախադասություններից առաջինում հակասման, իսկ երկրորդում հանդիպադրական հարաբերությունները գործառվում են բաղադրիչ նախադասությունների թե՛ ստորոգյալների և թե՛ ենթակաների միջև:

Բարդ համադասական նախադասության այս դասակարգումն արդարացվում է նրանով, որ համադասական կապակցության երկու ենթատեսակներն ունեն կառուցվածքային, իմաստային ու ոճական տարբեր առանձնահատկություններ: Ահավասիկ այդ տարբերակի լատանձնահատկություններից մեջ բանիսու նախ, ինչպես նշեցինք, այդ երկու կառուցվածքը իրարից տարբերվում են ենթակայի (ենթակաների) ընդհանուր կամ տարբեր լինելով և, երկրորդ, դրանով պայմանավորված՝ նաև ստորոգումների յուրահատկությամբ:

Երրորդ՝ տարբեր ենթականերով բարդ համադասական նախադասության մեջ շարաջյուսական հարաբերությունները գործառվում են նաև ենթակաների միջև, մինչեռ միավորյալ նախադասության մեջ դա բացառվում է. ենթական այստեղ, ընդհանուր լինելով, երկրորդ բաղադրիչում միավորման, հակադրության, տրոհականության և այլն եղր շունի:

Չորրորդ՝ ներհակական հարաբերությունը ոչ միատեսակի է արտահայտվում համադասական նախադասության երկու դրսեորումներում: Այսպես՝ մեր տարբեր ենթականերով կառուցվում համասներ հակադրությունը լինում է լրիվ և մասնակի, ապա ընդհանուր ենթակայով կառուցվածքում այն միայն մասնակի է, քանի որ ենթական դուրս է մնում հակադրության ժիրից: Հմտ. 1. «Մեծ Տիկինը չնայեց նրան, այլ գործուը կախած, մտասուզ և լուրջ շարժվեց դեպի կանաց գունդը» (ԴԴՎ, 2, 505): «Ու թե մենք ենք աշխատանքը շուտ սկսել, այլ պարզապես դու ուշացցելք:

Հինգերորդ՝ ընդհանուր ենթակայով բարդ համադասական նախադասությունը ավելի սեղմ ոճի կառուց է և ալլի:

Ինչպես տեսնում ենք, բարդ համադասական նախադասության այս դասակարգումը մի կողմից՝ ճշգրտում է համադասական նախադասության սահմանները, մյուս կողմից՝ ինքնին լուծում է բազմակի ստորոգյալներով նախադասության խնդիրը, պարզում նրա կառուցվածքային

պատկանելությունը՝ համադասական նախադասություն լինելը և ավելի կոնկրետ՝ նրա տեղը բարդ համադասական կապակցության մեջ:

Այսպիսով, բազմակի ստորոգյալներով նախադասությունները կազմում են բարդ համադասական կապակցության մի տարատեսակը, որը կարելի է անվանել ընդհանուր ենթակայով բարդ նախադասական հախադասության, բայց մենք մեր շարադրանքում պահպանում ենք միավորյալ նախադասություն ավանդական տերմինը ներածության մեջ նըշված պատճառով:

Արդ՝ անցնենք ընդհանուր ենթակայով բայց համադասական կամ միավորյալ նախադասության կառուցվածքային յուրահատկությունների քննությանը: Ինչպես տեսնում ենք, միավորյալ նախադասության մեջ էական նշանակություն է ստանում շարադրուսական այնպիսի մի իրակություն, որպիսին նախադասության ընդհանուր կամ դետերմինացվող անդամն է<sup>2</sup>: Ակնհայտ է, որ եթե ընդհանուր անդամի գործառությամբ հանգես են գալիս ենթական ու ստորոգյալները, ձևավորվում է միավորյալ նախադասությունը: Ընդումին, ենթական ընդհանուր է, եթե հավասարական-վերագրման հարաբերությամբ կապվում է նույն կառուցի բոլոր ստորոգյալների հետ, իսկ ստորոգյալները ընդհանուր են, եթե նրանք նույն հարաբերությամբ կապվում են բազմակի ենթականերից յուրաքանչյուրին: Հետեւար բազմակի ենթականերով ու բազմակի ստորոգյալներով կազմված նախադասության մեջ ընդհանուր են և՛ ենթակաները, և՛ ստորոգյալները: Եթենք օրինակներ՝ «Ես շինեցի ուսուցուցից իմ սրինգը գեղջկական ու երգեցի սրտիս երգը՝ նրա երգին պատասխան» (Աթ, 77): «Ամառ երեկոները սպիտակ շորերով աղջիկներ ու տիկաներ գալիս են ու քարափի վրա նստում» (Աթ, 1, 242):

Դետերմինացիայի կամ նախադասության անդամների ընդհանուրականության դերը մեծ է նաև միակազմ միավորյալ նախադասության մեջ: Ընդումին, տարբեր կառուցվածքի միակազմ միավորյալ նախադասություններում այն գործառական տարբեր դեր ու նշանակություն ունի: Այսպիսս՝ ըննենք հետևյալ նախադասությունները, «Հեռախոսով զանգարեցին և հայտնեցին լուրբ»: «Մարդուն ընկերով են ճանաշում ու գնահատում»: «Պայքարել և նվաճել ազատություն»: Առաջին նախադասության ձևավորման (կամ բաղադրիչների միավորման) հիմքը համապատասխան գործողությունների դիմային անորոշությունն է և շարտահայտված միևնույն անձին (անձանց) տվյալ հատկանիշների վերագրումը. դանդահարողն ու լուրը հայտնողը նույն անձն է, որը տվյալ

2 Այս անդամների քննությունը տե՛ս 177, էջ 148, 159, 169. 84, էջ 38—41. 17, էջ 447—449. 11, էջ 53—55. 88, էջ 27—37:

գեպքում քերականորեն չի արտահայտվում, բայց տրամաբանորեն ըմբռում է որպես այդպիսին, որպես ընդհանուր ենթակա: Երկրորդ օրինակում բայական գերադաս անդամների, որպես բաղադրիչ նախադասությունների, միավորման հիմք են հանդիսանում՝ ա) նրանց գործողությունների վերաբերության ընդհանրականությունը, բ) այդ հատկանիշների տրամաբանորեն միևնույն հավաքական սույբեկտին վերագրումը և գ) միջոցի խնդրի (ընկերություն) ընդհանուր լինելը բոլոր բաղադրիչների համար: Իսկ վերջին նախադասության բաղադրիչների միավորման հիմքը միևնույն նպատակին ուղղված երկու փոխպայմանավորված գործողությունների միաժամանակյա առկայությունն է և, որ առավել կարևոր է, հնչերանգային ստորոգմամբ այդ հատկանիշները արտակեզվական միևնույն առարկային (առարկաներին) վերագրելը. պայքարելու և աղատություն նվաճելու կոչը ուղղվում է միևնույն անձին (անձանց), որից (որոնցից) և սպասվում է դրանց կատարումը: Հետևաբար բերված նախադասությունների մեջ ևս առկա է ընդհանուր ենթակա, միայն թե տրամաբանորեն: Այսպիսով, բոլոր բաղադրիչ նախադասությունների համար ընդհանուր հանդիսացող ենթական երկկազմ միավորյալ նախադասության մեջ քերականորեն արտահայտվում է (կամ կարող է վերականգնվել), իսկ միակազմում միայն տրամաբանորեն է ընկալվում:

Միավորյալ նախադասության մեջ ընդհանրականությունը դրսեռվում է նաև բայական բաղադրյալ ստորոգյալի միջոցով: Հաճախ այս նախադասության առաջին բաղադրիչում եղանակիչ բայ+անորոշ դերայ կաղապարն արտահայտվում է ամբողջությամբ, իսկ հաջորդ բաղադրիչում (կամ բաղադրիչներում) գործածվում է միայն անորոշ դերայը. ինչպես՝ «Ուզում եմ լինել քեզ հետ, Այստեղ՝ քո անհայտ երկրում, Կիզվել քո սիրով հավետ, Այրվել միշտ քո սուրբ հրում...» (Վ.Տ., 2, 12): Այստեղ ուզում եմ եղանակիչը երկրորդ և երրորդ բաղադրիչներում զեղչվել է, բայց քանի որ շարունակում է սուլեկցելը նաև այդ բաղադրիչների անորոշ դերայներին, ուստի ընդհանուր է բոլոր բաղադրիչ նախադասությունների համար: Սակավագեապ էլ ընդհանուր է լինում բաղադրյալ ստորոգյալի դերայական բաղադրիչը, երբ անորոշ դերայն արտահայտվում է միայն երկրորդ (կամ հաջորդ) բաղադրիչում. ինչպես՝ «Ամբատը չի կարող և չի կամենում ենթարկվել պարզ խաբեռության» (ԱՇՔ, 328—399):

Միավորյալ նախադասության մեջ ընդհանուր կարող են լինել նաև խնդիրներն ու պարագաները, որոնք առանձնապես ավելի են շեշտվում նախադաս շարադասության դեպքում. ինչպես՝ «Երգով է նա միշտ վարում ու հերկում, Մանում ու ներկում, Երեխա գրկում» (Պ.Ս., 4, 39): «Վար-

դանը տանն է դասերին նախապատրաստվում և միաժամանակ բանաստեղծություններ գրում»:

Այսպիսով, միավորյալ նախադասության մեջ ընդհանուր են լինում քերականական (երկկազմ կառուցցում) և տրամաբանական (միակազմ կառուցցում) ենթական (ենթականները), ստորոգյալները, մասամբ նաև խնդիր ու պարագա լրացումները: Դրանց ընդհանուր լինելու հիման վրա էլ կատարվում է բաղադրիչ նախադասությունների միավորումը<sup>3</sup>:

Ըստ գլխավոր անդամների արտահայտության միավորյալ նախադասությունները նույնպես լինում են երկու տեսակ՝ երկկազմ և միակազմ: Երկկազմ է այն միավորյալ նախադասությունը, որի կազմում առարկան (առարկանները) և նրան (նրանց) վերագրվող հատկանիշներն ունեն իրենց քերականորեն տարրերակված արտահայտությունը՝ հանձինս ենթակայի (ենթականների) և ստորոգյալների: Օրինակ՝ «Անդոն վերցրեց գրեթե և գլուխը բարձր բռնած անցավ նստարանների արանքով» (ԱԲ, 1, 238): «Մանուկն ու Արգարը վեր թռան տեղներից և գնացին» (ԴԴՎ, 409): «Խաչես տեսնում ենք, երկկազմ միավորյալ նախադասությունները ենթականների թվային արտահայտությամբ բաժանվում են երկու խմբի՝ ա) մեկ ենթակայով ու բազմակի ստորոգյալներով և բ) բազմակի ենթականներով ու բազմակի ստորոգյալներով նախադասություններ: Առաջին դեպքում ստորոգային տարրեր հատկանիշները վերագրվում են միևնույն առարկային, իսկ երկրորդ դեպքում՝ միևնույն առարկաններին: Սրանք կառուցվածքային էական տարրերություններ չունեն և միավորվում են ենթական կամ ենթականները բոլոր բաղադրիչ նախադասությունների համար ընդհանուր լինելու և այդ բաղադրիչների՝ համասեռ իրակություններ արտահայտելու իմաստային հիմքի վրա:

Միակազմ է կոչվում այն միավորյալ նախադասությունը, որի մեջ առարկան (առարկանները) և նրան (նրանց) վերագրվող հատկանիշները չունեն իրենց բառագերականական տարրերակված արտահայտությունը: Նման միավորյալ նախադասությունն ունի միաբնետ կառուցվածք. նրանում բացակայում է ենթակայի եղողը: Օրինակ՝ «Հեռանա աշբից, օտարանա սրտից» (Ա, 238): «Չլոել, միայն մեղմացնել կրակը» (ՀՔՄՏՁ, 1, 148):

Միավորյալ նախադասությունները միատարր չեն նաև բաղադրիչ նախադասությունների քանակի տեսակետից: Նախ՝ երկու խոսք միա-

<sup>3</sup> Տարրեր ենթականներով բարդ համադասական նախադասության մեջ ևս լինում են ընդհանուր անդամներ: Այդ գործառությամբ ավելի շատ հանգևս են գալիս երկրորդական անդամները, եղանակավորող բառերը, սակավադեպ էլ ստորոգյալը և այլն, որոնք նույն ձևով նպաստում են համադասական նախադասության բաղադրիչների կապակցմանը:

վորյալ նախաղասուրյան բաղադրիչ հասկացության մասին: Եթե տարբեր ենթականերով բարդ համադասական նախադասության բաղադրիչը նախադասություններն ունեն ենթակա + ստորոգյալ կառուցվածքը<sup>4</sup>, իսկ ամբողջ համադասական կապակցությունը՝ (ենթակա + ստորոգյալ) + (ենթակա + ստորոգյալ) կաղապարը, ապա միավորյալ նախադասության առաջին բաղադրիչը բաղադրվում է ենթակայից ու ստորոգյալից, իսկ մյուսը (կամ մյուսները)<sup>5</sup> միայն ստորոգյալից (կամ ստորոգյալներից): Հետեւարար երկկազմ միավորյալ նախադասությունն ունի յենթակա (ներ) ] + ստորոգյալ) + (ստորոգյալ) կաղապարը, իսկ միակազմ միավորյալ նախադասությունը՝ գեշադաս անեամ + գերադաս անեամ կառուցվածքը: Ինչպես տեսնում ենք, ստորոգյալները և գերադաս անդամները միավորյալ նախադասության մեջ խիստ էական նշանակություն ունեն, բարդ նախադասության բաղադրիչ պարզ նախադասությունների դեր են կատարում, ընդունուած որքան ստորոգյալ կամ զերադաս անդամ կա տվյալ նախադասության մեջ, այնքան բաղադրիչ նախադասություններից է կաղմված ամբողջ բարդությունը: Մեծանուն հայագետ Ա. Աբեղյանը իրավացիորեն գրում է, «Խոսքն (նախադասությունը—Ա. Կ.) իմացվում է բայից, ուստի քանի բայ կա մի ասացվածքի մեջ, այնքան էլ խոսք կա» (Յ, էջ 362):

Միավորյալ նախադասությունը [ինում Է՝ ա) համառոտ, երբ կաղմված է միայն գլխավոր անդամներից: Ինչպես՝ «Ամանք թե՛ խաղում էին և թե՛ առետուր անում» (Ա.ԾԹ, 169), և բ) ընդարձակ, երբ զլիամուր անդամներից բացի կան նաև լրացումներ. ինչպես՝ «Ինքը բարձրացնում էր Սոնալին ձիու վրա, հետո ձին նստում և գնում արտերը խուրձի» (Աթ, 1, 77): Կարող է նաև միավորյալ կառուցիչ մի բաղադրիչը լինել համառոտ, իսկ մյուսը՝ ընդարձակ: Ինչպես՝ «Կարդաց նամակը և տիրեց» (ՆԴ, 137):

Միավորյալ նախադասություններն ըստ բաղադրիչ նախադասությունների քանակի լինում են երկու տեսակ՝ երկբաղադրիչ և բաղմաբաղադրիչ: Երկբաղադրիչ միավորյալ նախադասությունը, որ կազմվում է երկու բաղադրիչներից, այս կառուցիչ պարզագույն տիպն է: Ինչպես՝ «Իսկ օրենքը մարդկանց աշքում սրբություն էր և անմահ ճշմարտություն» (Աթ, 3, 110):

Բաղմաբաղադրիչ է կոչվում երկուսից ավելի բաղադրիչ նախադասություններից կաղմված միավորյալ նախադասությունը: Տվյալ դեպքում բաղադրիչ նախադասությունների թիվը տեսականորեն անսահմանափակ է, իսկ գործնականում շատ լինել չի կարող, այլապես միտքը գտանում է տարտամ և լսողական տեսակետից էլ բարեհնշյում չէ: Բազմաբա-

<sup>4</sup> Հաշվի առնելով լրացումների պարտադիր սինելը՝ գրանք չենք հիշատակում:

ղագրիչ միավորյալ նախադասության պարզագույն տիպը եռաբաղադրիչ կառուցվածքն է. ինչպես՝ «Պառավը նորից նստեց դռան շեմքին, ողոնցը բաց արեց և սկսեց համրել դրամները» (ՆԴ, 84): Նման միավորյալ նախադասության ամենածավալում դրսնորումը շուրջ 20 բաղադրիչից կազմված կառուցվածքն է: Ընդ որում, ծավալման հնարավորության տեսակիտից արձակ խոսքը զիջում է չափածոյին: Օրինակ՝ «Ընկնում է ցած (1) ու կատաղում (2), Քարե անտակ կաթսայի մեջ ինքը իրեն աղում (3), մաղում (4), իրեն տանջում (5) ու շարշարում (6), Մտնում է ձոր (7), փրփրակալում (8), Խփում քարին (9), ետ է գալիս (10), Գժված գլուխն է ափին տալիս (11), Ուշքի գալով ոստնում է նա (12), նորից ընկնում քարի վրա (13), Քարը կրծում (14), Բաշը ցնցում (15), Ավագ ու խիճ խառնում իրար (16) Ու թոշում է քարերն ի վար» (17) (ՀՍՔԵ, 162—163):

Երկրաղադրիչ և բաղմաբաղադրիչ միավորյալ նախադասությունները տարբերվում են նաև այլ հատկանիշներով: Նախ՝ դրանք տարբերվում են բաղմաբաղադրիչ կառուցյում տարաբնույթ հարաբերությունների հավասարաչափ դրսնորման հնարավորությամբ, իսկ երկրաղադրիչ կառուցյում՝ դրա բացառմամբ: Հմմտ. 1. «Հետադիմական ուժերը պղծում են մի հինավորց ժողովրդի սրբությունները (1), ավերում նրա կերտած հոյակապ հուշարձանները» (ՍՀ, 18.09.1978, 4): 2. «Նա զապես իրեն (1), նստեց պարապելու (2), բայց չկարողացալ (3)» (ԱՇՔ, 98):

Երկրորդ՝ երկրաղադրիչ կառուցյի բաղադրիչները կապակցվում են կամ շաղկապով, կամ շարահարությամբ, իսկ բաղմաբաղադրիչները կարող են գուգակցել համաժամանակությունն ու տարժամանակությունը: Նույն ձևով երկրաղադրիչ միավորյալ նախադասության մեջ գործառվում է ներհակական հարաբերության դրսնորումներից միայն մեկը, իսկ բաղմաբաղադրիչները կարող են միաժամանակ արտահայտվել ներհակության տարրեր դրսնորումներ: Հմմտ. «Սունեն դուռը փակելուց հետո շատապով մոտեցավ մորը և տպարակը շալակից վար բերեց» (ՆԴ, 89) (տարժամանակություն): Շեսկը ինձ, լսեց, հետո մի «վայ» արավ, երկու ձերբով պիտի իշեց գլխին և մնաց այդպէս քարացած» (Ա. տ., 290) (համաժամանակություն և տարժամանակություն): «Եվ Պետին ավելի էր մտածում «փորձանքի» համար, բայց ավելի շուտ վախենում էր բժշկից...» (ԱԲ, 1, 51) (հակասում): «Նա փորձեց ընդունվել համալսարան, բայց չկար-

դացավ, իսկ հաջորդ տարին աշխատանքի անցավ գործարանում» (Հակասում և Հանդիպադրություն):

Միավորյալ նախադասություններն ըստ բաղադրիչների քանակի սահմանափակության կամ ավելացման հնարավորության լինում են բաց և փակ կառուցվածքի: Բաց կառուցվածք ունի նոր բաղադրիչի ավելացման հնարավորություն ունեցող միավորյալ նախադասությունը: Այդպիսիք են հիմնականում միավորական, մասամբ էլ տրոհական հարաբերությամբ միավորյալ կառուցվածքը. ինչպես՝ «Այդ նկատելով՝ Դավիթի իշխանը ձին խթանեց ինքնարեր և առաջ անցավ» (ՍԶՀԲ, 44): «Կովը ծնելուց տան տերը մի բան պիտի տար Պետում՝ մի հին արխալուղ, մի աման կաթնով կամ խոստանում էր կալին մի կոտ ցորեն» (ԱԲ, 1, 50): Այս երկրադադրիչ նախադասությունները կարելի է ժամանակելով նկարագրությունը: Հմմտ. «Այդ նկատելով՝ Դավիթի իշխանը ձին խթանեց ինքնարեր և առաջ անցավ, մտավ բերդն ու մոտեցավ հավաքված բազմությանը» և այլն:

Փակ կառուցվածք ունի այն միավորյալ նախադասությունը, որին այլ բաղադրիչ ավելացնել հնարավոր չէ: Դա հիմնականում բնորոշ է ներհակական հարաբերությամբ կառուցվածքին, որի պարզագույն տիպը երկրադադրիչ նախադասությունն է. ինչպես՝ «Հաջորդ գիշերն էլ լաց եղավ Սանդուխտը, բայց գլուխը խոնարհեց Օհանի տղի հետ մի բարձի վրա» (ԱԲ, 1, 44): Բազմաբազադրիչ միավորյալ նախադասությունն ունենում է փակ կառուցվածք, երբ նրանում զուգորդում են միավորական ու ներհակական հարաբերությունները, և ամբողջ նախադասության մեջ իշխում է ներհակությունը, որպես բարդության հակադիր եղբերի միջև գործառվող հարաբերություն. ինչպես՝ «Միքայելը մոտեցավ, գրկեց, բայց համբուրեց», (ԱՇԹ, 134): Այստեղ բայց-ով արտահայտված հակասման ներհակությունը սահմանափակում է նախադասության կառուցվածքը:

Միավորյալ նախադասության բաղադրիչների միջև տրուող արտասահման դադարի տևողությունը տարբեր է՝ պայմանավորված դրանց շարահյուսական հարաբերությամբ և ներքին-մտային կապով: Առավել կարճատես դադարը լինում է միավորական, մի փոքր ավելի՝ տրոհական և ավելի երկար՝ ներհակական հարաբերության դեպքում: Ընդսմին, ներհակական միավորյալ նախադասության բաղադրիչների միջև տրվող արտասահմանական դադարի տևականությունը մեծապես պայմանավորված է ներհակական շաղկապների բարձր արտասահման դադարը (գրողը) ներհակությունը ընդգծելու նպատակ է հետապնդում: Օրինակներ՝ «Սահակ Պարթևը գործով եկած էր Աշտիշատի վանքը և այստեղ պատահմամբ տեսավ Սամվելին» (ՐՍ, 78): «Պատմությունն անելիս պապս միշտ կամ

զահել օրերին էր երանի տալիս, կամ էլ առանձին շեշտով խոսքը վերցացնում» (Աթ, 1, 209): «Եվ մինչև հիմա ուրիշ տեղ չի ասել, բայց մտքից էլ չի հանել» (Ն. տ., 118): Նշենք, որ միավորական հարաբերությամբ միավորյալ նախադասության բաղադրիչների միջև արտասահական դադարը առավել տևական է լինում, երբ թվարկմանը զուգակցում են պատճառահետևանքային, մեկնական, մասի ու ամբողջի և այլ ածանցյալ հարաբերությունները. ինչպես՝ «Նա մի տեսակ Մարութիսանցան էր և իր եղբայրների ու քույրերի վերաբերմամբ. զրկում ու կողոպտում էր նրանց հոր մահից հետո» (ԱԾՔ, 330):

Տարբեր ենթականերով բարդ համադասական նախադասության համեմատությամբ միավորյալ նախադասության բաղադրիչների անկախությունն ավելի նվազ է, որովհետև ենթակայի ընդհանուր լինելը ավելի սերտ է դարձնում բաղադրիչ նախադասությունների կապը: Իհարկե, տարբեր միավորյալ նախադասությունների մեջ բաղադրիչների սերտությունն ու անկախությունը տարբեր են՝ պայմանավորված դրանց իմաստային կապով, կապակցման եղանակով, ժամանակային հարաբերությամբ, խոսողի (հեղինակի) վերաբերմունքով և այլ հանգամանքներով: Բաղադրիչ նախադասությունների սերտության աստիճանն ամենից առաջ կախված է դրանց իմաստային կապից. որքան ուժեղ է այդ կապը, այնքան բաղադրիչները ավելի սերտ են: Սակայն երբեմն, հատկապես շափածո խոսքում, միավորյալ նախադասության բաղադրիչները, հակառակ իրենց իմաստային սերտությանը, արտասանվում են տևական դադարով՝ պայմանավորված շափածոյի տաղաշափական յուրահատկություններով, մասնավորապես բանատողների միջև տրվող արտասահական դադարներով. ինչպես՝

«Մեր փլատակված-փլուզվածի տեղ  
Նա նորը կերտեց, նորը կառուցեց.  
Նալվարեկվածի ու սուրվածի տեղ  
Անտակ հատակից նորը հարուցեց.  
Արգելված երգի զվարթ գույնի տեղ  
Խորունեկի վրա տրտումը հինեց.  
Անմիտ միտումով քանդված բույնի տեղ  
Հոգեբանական մեր տունը շինեց...» (ՊԱ, 4, 262):

Միավորյալ նախադասության բաղադրիչների սերտության աստիճանը կախված նաև նրանց կապակցման եղանակից, գործառվող ժամանակային հարաբերությունից և այլն: Այսպես՝ շաղկապավոր միավորյալ նախադասության բաղադրիչները ավելի սերտ են, և դադարն էլ համեմատաբար կարճատես է: Այսուհետեւ, տարժամանակության գեպ-

բում բաղադրիլ նախաղասովթյունները երբեմն ավելի թույլ են կապվում և տրոհվում են միջակետով, մինչդեռ կատարման ժամանակապահերով՝ մոտ բայց ստորգալների միջև դադարը հիմնականում կարճատէ է լինում, և տրոհումն արտահայտվում է ստորակետով: Օրինակ՝ «Առավոտ շատ վաղ էր վեր կենում (1), մաքրում էր իր անշուք խուցը (2), մի պահ կարդում (3). ապա գնում տաճար ժամհարից առաջ (4), զահերն ու մոմերը վառում (5) և կանգնում աղոթքի» (6) (Աի, 3, 417): Այստեղ 1—2—3-րդ և 4—5—6-րդ բաղադրիչները իրենց թույլ դադարներով կազմում են արտասանական երկու խումբ, որոնց միջև տրվող դադարը տեսական է, և ամբողջ նախաղասովթյունը հատուցամորփում է երկու մասի:

Միավորիլ շաղիապներով կապակցվելիս միավորյալ նախաղասովթյան բաղադրիչների սերտությունը ոչ միշտ է պահպանվում: Երբեմն խոսովը (գրողը) նման կառուցվածքը ներկայացնում է բաղադրիչների թույլ սերտությամբ, որը արտահայտվում է արտասանական տեսական դադարով, գրավոր խոսքում՝ նաև կետադրությամբ (միջակետով): Ինչպիս՝ «Նա ուրախ տրամադրության մեջ էր. և այդ հանդամանքը համառում էր մոտալու հաջողությունների նշան» (ՄԳՄ, 162): «Երկար, աննպատակ թափառելուց հետո զարդված հասա տուն. և հագուստներս չենած ընկա անկողնուս վրա» (Աի, 3, 35): Այստեղ և-ից առաջ արտասանական տեսական դադարը և միջակետի գործածությունը մասսամբ արհեստական են, բխում են ոչ թե լեզվանյութի օրիկտիլ գնահատումից, այլ հեղինակի նախասիրությունից: Ինչպես տեսնում ենք, միավորյալ (և ոչ միայն միավորյալ) նախաղասովթյան բաղադրիչների սերտության ըմբռնումը կապվում է նաև խոսողի (գրողի) նախասիրության հետ (Հմմտ. 17, էջ 562): Այսպիս՝ «Վարդանը վրդովվեց: Սակայն չկամեցավ իր միտքը ոռնաղատել իր առջև նստած մի գիտունի և պատմիլ փիլիսոփային» (ԴԴՎ, 2, 444): Այս ինքնուրույն նախաղասովթյունները մեկ ուրիշը կարող էր գործածել որպես միավորյալ նախաղասովթյան բաղադրիչներ: Հմմտ, «Վարդանը վրդովվեց, սակայն չկամեցավ իր միտքը բռնաղատել...»:

Միավորյալ նախաղասովթյան բաղադրիչները կապակցվում են երկու եղանակով՝ բառական և շարահարական: Ընդ որում, կապակցման բառական եղանակը՝ իրացվում է համադասական շաղկապներով՝ և, ու, իսկ, բայց, սակայն, այլ, կամ, կամ թե, և կամ թե, բայց և այնպես, թե չե, եթե ոչ, և ոչ թե, այլ ոչ թե, ոչ թե... այլ, մինչդեռ, բայց և, սակայն և, և... և, թե...թե, կամ...կամ և այլն, որոնք գրանուրում են միակարգ ու միագործառական միավորների հարաբերություններ: Այդ շաղկապների գործածությունը մեծապես պայմանավորված է միավորյալ նախաղասովթյան բաղադրիչների շարահարական հարաբերությամբ. միավորիլ շաղ-

կապները հանգես են գալիս միավորական, ներհակականները՝ ներհակական, տրոհականները՝ տրոհական հարաբերությամբ միավորյալ նախադասությունների մեջ: Իսկ տարբեր հարաբերություններ համատեղող միավորյալ նախադասության մեջ գործածվում են տարբեր իմաստակիր շաղկապներ: Օրինակներ՝ «Սմբատը ամաչեց եղբոր արածից, սակայն շտափեց զսպել իր դժկամությունը» (ԱՇՔ, 83); «Կա՛մ հիմար է, կա՛մ խորամանկ ու նենդ» (ՀՔ, 1, 384); «Պապս ո՛չ նստում էր դարպասի քարին և ո՛չ էլ պառկում բակի թախտի վրա» (ԱԲ, 1, 208); «Մեկ էլ գվիրը տնկվում էր կտորի վրա կամ կունում էր և երդիկից կանչում» (ն. տ., 210):

Եարահարական միավորյալ նախադասության բաղադրիչների շարահյուսական կապն արտահայտվում է առանց բառական միջոցի, և նրանց կապակցման հարցում էական դեր են կատարում իմաստը, հնչերանգը, շարադասությունը և այլն: Եարահարական կապակցումը միավորյալ նախադասության մեջ նույնպես լինում է երկու տեսակ՝ լրիվ՝ մասնակի: Այն լրիվ է, երբ բոլոր բաղադրիչները կապվում են շարահարությամբ: Նման միավորյալ նախադասությունը լինում է թե՛ երկրադադրիչ և թե՛ բազմարադրիչ, ինչպես՝ «Հիվանդին գետնով են տալիս, ոտնահարում, փափուկ մսից քաշում, թեերից բռնում, ձգում, հրում մի պատից մյուսը, աքացի տալիս, երակներից բռնում, քաշում, մատները կոտրատում...» (ԱԲ, 1, 109):

Միավորյալ նախադասությունը մասնակի շարահարական է, երբ նրանում գործառվում են կապակցման բառական ու շարահարական եղանակները միաժամանակ: Նման նախադասությունը, բնականաբար, լինում է բազմաբազմպիլ: Ընդումին, շաղկապով կապակցվում են մեծ մասամբ նախավերջին և վերջին, սակավաղեապ էլ առաջադաս բաղադրիչները. ինչպես՝ «Հիվանդին պառկեցնում են անկողնում, մի քիչ դադար առնում և հետո նորից սկսում» (ԱԲ, 1, 108): «Ուժ արեց և ոտները քաշ տալով մոտեցավ նրան, խոր գլուխ տվեց» (ն. տ., 35):

Անբախի է, որ շարահյուսական կառուցները հաճախ ագերսվում են իրար հետ, միայն թե տարբեր կառուցների ընդհանրությունը տարբեր բնույթի ու տարրեր աստիճանի է լինում: Միավորյալ նախադասությունը աղերսվում է մասնավորապես մի կողմից՝ տարբեր ենթականերով՝ բարդ համադասական, մյուս կողմից՝ բարդ ստորադասական նախադասության հետ: Միավորյալ և տարբեր ենթականերով բարդ համադասական նախադասությունների հարաբերակցության մասին արդեն խոսեցինք: Միավորյալ ու բարդ ստորադասական նախադասությունների աղերսներից աշելի են հատկապես երկուսը: Նախ՝ բարդ ստորադասական նախադասությունը ևս հաճախ ունենում է ընդհանրությունը ենթակա: Այս դեպքում գե-

րադաս և ստորադաս նախադասությունների գործողությունները կատարող նույն առարկան է, որը կարող է լինել նաև բազմակի. ինչպես՝ «Նազգաց, որ ժարավից պապակում էր» (ՀԹԵ, 1, 331): «Գոռը և Հայկը դաստին քաղաքի հրապարակը, որպեսզի մասնակցեն տոնական շքերթին»:

Այսուհետև. ընդհանուր ենթակայով շարահարական կառուցվածքի որոշ նախադասությունների ըմբռնման հարցում նկատելի է երկվություն: Դրանց կառուցվածքը պետք է որոշել հնչերանգի հաշվառումով: Այսպես՝ «Խերն արել ես, կամրջովն էլ անցկացրու» (Ա, 180): «Հավը տանը կենա, կուտն ուտի» (Ն. տ.) նախադասությունները կարելի է համարել և համադասական, և ստորադասական: Հետևաբար դրանց առաջին բաղադրիչների բովանդակությունները կարող են ըմբռնվել թե՛ որպես առկա իրողություն և թե՛ որպես պայման ու նպատակ: Առաջին դեպքում այդ նախադասությունները կլինեն միավորյալ, իսկ երկրորդ դեպքում՝ բարդ ստորադասական: Հմմտ. «Խերն արել ես և կամրջովն էլ անցկացրու» և այլն:

Մեծ հետաքրքրություն է ներկայացնում միավորյալ և այլ կառուցների հարաբերակցության հետ կապված նաև մեկ այլ հարց՝ շարահյուսական համանիշության մասնավոր մի դրսեւորումը հանդիսացող դերքայական դարձվածով (այսուհետև՝ ԴԴ) կառուցի և միավորյալ նախադասության միջև գործառվող համանիշությունը, այսինքն՝ ԴԴ-ով կառուց-միավորյալ նախադասություն համանիշային շարքը, որը ցարդ գուրս է մնացել հետազոտողների ուշադրությունից, մինչդեռ լեզվական փաստերը հավաստում են դրա գոյությունն արդի հայերենում: Այս հարցին անդրադառնում ենք ավելի հանգամանորեն՝ հաշվի առնելով դրա բննության կարեւորությունը ինչպես բում միավորյալ նախադասության, այնպես էլ շարահյուսական համանիշության ուսումնասիրության առումունք:

Շարահյուսագիտության մեջ ընդունված է ԴԴ-ը և ստորադաս նախադասությունը դիտել որպես համանիշ ձևեր, երբ ԴԴ-ի գործառութը համապատասխանում է ստորադաս նախադասության բնույթին, և այս հիմքի վրա ԴԴ-ով նախադասությունն ու համապատասխան բարդ ստորադասական կապակցությունը համարվում են համանիշ կառուցները: Ուսումնասիրությունները ցույց են տալիս, որ ԴԴ-ով նախադասությունները երբեմն էլ աղերսվում են ոչ այնքան ստորադասական կապակցությանը, որքան միավորյալ նախադասությանը՝ վերջինիս հետ կաղմելով յուրատիպ համանիշային շարք<sup>5</sup>, որը հանդես է բերում քերականական-

5 ԴԴ-ով նման նախադասությունները փոխակերպվելիս ավելի շատ հակլում են պետք միավորյալ կառուցը:

կառուցվածքային և իմաստային-ոճական միանգամայն այլ յուրահատկություններ:

Դեռև կառուցվածքային նախադասություն համանիշային շարքի երկու անդամները կամ եզրերը արտահայտում են առարկայական ու հատկանշային միևնույն հարաբերությունները. տարբերությունը քերականական-կառուցվածքային է, հետևաբար նաև՝ ոճական-գործառական: Այսպես՝ քննենք հետևյալ օրինակը. «Ռունգերից և բերանից ծխի քուլաներ բաց թողնելով՝ գլխով է անում» (ԱԲ, 1, 194) — «Ռունգերից և բերանից ծխի քուլաներ է բաց թողնում ու զլխով է անում»: Այս նախադասություններն ունեն առարկայական նույն բովանդակությունը. միևնույն առարկան (ձին) երկու տարբեր գործողություն է կատարում, այս սինթն՝ սուրյանեկտին վերաբրվում են երկու հատկանիշներ, միայն այն տարբերությամբ, որ երկրորդ օրինակում երկու հատկանիշներն էլ առարկային քերականորեն են վերաբրվում և այդ առումով էլ հավասարանշանակ են ու գործառական տեսակետից նույնը՝ ստորոգային: Մինչդեռ այլ է թե՝ միմյանց և թե՝ սուրյանեկտի հետ այդ նույն հատկանիշների փոխհարաբերությունը առաջին օրինակում: Այստեղ առաջին հատկանիշը (բաց թողնել) առարկային վերաբրվում է տրամաբանորեն, իսկ երկրորդը՝ քերականորեն, ուստի դրանք հավասարարժեք չեն. երկրորդ հատկանիշը, արտահայտվելով ստորոգայլով, կազմում է ամբողջ նախադասության առանցքը, իսկ առաջինը դենուտանտային տեսակետից ունի ածանցյալ դեր ու նշանակություն (չնայած ժամանակային տեսակետից նախորդում է հիմնական գործողությանը):

Եթելած համանիշային շարքի անդամ-նախադասությունների տարբերությունը նաև ոճական-վերաբերմունքային է, քանի որ ռնդանցով արտահայտվում է խոսողի տարբեր վերաբերմունքը իր հաղորդածի նկատմամբ, տարբեր նպատակադրվածությունը» (85, էջ 35): Երկրորդ օրինակում նկարագրված գործողություններին հավասար նշանակություն է տրվում, իսկ առաջինում խոսողի (հեղինակի) վերաբերմունքն այլ է. այստեղ, ինչպես նշեցինք, գործողություններից մեկը հիմնական է համարվում՝ արտահայտվելով ստորոգայլով, իսկ մյուսը՝ երկրորդական՝ արտահայտվելով դերայով: Հետևաբար այդ համանիշ կառուցվները իրարից տարբերվում են նաև իմացական-իրադրական հատկանիշով: Եվ, վերջապես, այստեղից հետևում է քննության առարկա համանիշային շարքի երկու անդամների նաև մյուս տարբերությունը, այն է՝ ««հիմնականում նույնը լինելով իրենց բառական կազմով՝ նրանք... չեն համընկնում քերականական իմաստների ծավալով» (85, էջ 37) ու թվով: Անտարակույս, առաջին նախադասության մեջ կա քերականական մեկ, իսկ երկրորդում՝ երկու ստորոգում: Ստորոգման թվային տարբերությունն էլ

պայմանավորում է այդ նախադասությունների կառուցվածքային տարբերությունը՝ առաջինի պարզ, իսկ երկրորդի բարդ լինելը։ Հետևաբար հիշյալ նախադասությունները համանիշ ձևեր են, որոնք հեշտությամբ փոխակերպվում են մեկը մյուսով, իսկ փոխակերպումը շարահյուսական համանիշության հիմնական առանձնահատկություններից մեկն է։ Ակադ. Գ. Զահովյանը գրում է. «Փոխակերպվելու դեպքում պահպանվում են կառուցվածքի միավորները (բառերը) և բաղադրիչների սերման ժառը, կատարվում է քերականական ձևերի փոփոխություն և միավորների տեղափոխություն» (94, էջ 503): Իսկ նա ահա թե ինչպես է բնութագրում փոխակերպումն առհասարակ։ «Փոխակերպումն ընդհանրապես ու այլ ինչ է, ինչ ոչ սուբյեկտիվ ընկալման, հաղորդման բնույթի և վերաբերմունքի տարրերության դրսերում՝ կառուցվածքային տարրերությունների ձևով։ Կառուցվածքային այդ տարրերությունները դրսերովում են (փոխակերպման լայն ըմբռնման դեպքում) քերականական բնույթի միավորների հավելման ու փոխարկման, նախադասության անդամների տեղափոխության և զեղչման ձևով» (94, էջ 529): Մեր քննած համանիշային շարքի երկու անդամներն ունեն նույն սերման ժառը և բառային կադմը։ Միայն առաջին անդամի մեջ, որպես քերականական միավոր, ավելացվել է ու շաղկապը, որը կարող էինք նաև չհավելել՝ բաղադրի նախադասությունների կապակցումը իրացնելով շարահարությամբ։ Շարքի անդամները տարրերվում են միայն քերականական (այս հիմքի վրա նաև կառուցվածքային) ձևավորմամբ՝ հանձին դերքայ (բաց թողնելով)՝ ստորոտյալ (բաց է թողնում) տարրերության։

Այսպիսով՝ ԴՊ-ով կառուցվածքային նախադասություն համանիշային շարքի անդամները խորքացին կառուցվածքում նույն են, իսկ մակերեսային կառուցվածքում՝ տարրերը։

Արդ՝ այս համանիշային շարքում ո՞րն է միջուկային կաղապարը, և ո՞րը՝ փոխակերպը։ Ընդունված է նախադասություն-ԴՊ շարքում ելակետային համարել նախադասությունը (հմմտ. 94, էջ 535): Ուստի մեր քննած շարքում էլ միջուկային է միավորյալ նախադասությունը, որից սերիում է նրա փոխակերպը՝ ԴՊ-ով կառուցը, որը մտքի ավելի բարձր վերացության արդյունք է։ Ավելացնենք նաև, որ միավորյալ նախադասության վերածումը ԴՊ-ով կառուցի կամ հակառակը նախադասության կաղապարի արտաքին փոխակերպման մի դրսերումն է արդի հայերնում։ Սա նաև գործառական փոխակերպում է։

ԴՊ-ով կառուցվածքային նախադասություն համանիշային շարքը միատարր չէ՝ պայմանավորված շարքի առաջին անդամի կառուցվածքային անմիատարրությամբ։ Քանի որ ԴՊ-ով կառուցը լինում է թե՝

պարզ և թե՛ բարդ, տվյալ դեպքում՝ միավորյալ<sup>6</sup>, ուստի քննության առարկա համանիշային շարքն ունի երկու դրսեղորում՝ ա) ԴԻ-ով պարզ նախադասություն—միավորյալ կառույց, բ) ԴԻ-ով երկրադադրիչ միավորյալ նախադասություն—բազմաբաղադրիչ միավորյալ նախադասություն, որոնցից յուրաքանչյուրում համանիշությունը հանդես է բերում դրսեղորման տարրեր յուրահատկությունները Երկու գեպքում էլ էական նշանակություն ունեն ԴԻ-ի շարադասությունը և համանիշային շարքի անդամները բաղադրող շարահյուսական միավորների՝ ԴԻ-ի ու պարզ նախադասության հիմնական մասի, ԴԻ-ի ու միավորյալ նախադասության մեջ դրա լրացյալ հանդիսացող գերադաս անդամի միջև գործառվող իմաստներն ու նրբիմաստները:

Այժմ անցնենք այս համանիշային շարքի հիշյալ մասնավոր դրսեղորմանների քննությանը:

Ա. «ԴԻ-ով պարզ նախադասություն—միավորյալ կառույց» համանիշային շարքը: Եարահյուսական համանիշության այս շարքի գործառումը շատ ավելի հաճախադիպ է: ԴԻ-ով կառույցի հետ համանիշային շարք կաղմող միավորյալ նախադասությունը, որպես կանոն, լինում է երկրադադրիչ, և համանիշությունը գործառվում է ԴԻ-ի ու միավորյալ նախադասության տվյալ բաղադրիչի (մասնավորապես վերջինիս բայց ստորոշյալի) միջև: ԴԻ-ը նախադասության հիմնական մասի նկատմամբ լինում է նախադաս, միջադաս ու հտադաս<sup>7</sup>, և ամեն մի շարադասության դեպքում ԴԻ-ով պարզ նախադասության ու միավորյալ կառույցի համանիշությունը ստանում է տարրեր յուրահատկություններ:

Համանիշային այս շարքում պարզ նախադասության նախադաս ԴԻ-ը մեծ մասամբ ունենում է անորոշ գերբայի գործիականություն, ուակավադիպ էլ հարակատար դերբայով արտահայտված գերադաս անդամ, որը համանիշ է միավորյալի առաջին ստորոգյալին: Օրինակներ՝ նվազագույնը՝ մեծարանի առաջին հրամանը՝ պատվեց «արքայական բանաստեղծների նախագահ» կոչումով» (Ահ, 3, 79)—«Եվ ամեն նարգում մեծարան առաջինը՝ առաջական բանաստեղծների նախագահ» կոչումով: «Ու նանկարծ մի սարսափելի նիշ արձակելով՝ ներս ընկալ ինդանագ» (ՆԴ, 135)—«Ու նանկարծ մի սարսափելի նիշ արձակելով՝ այս գուգահեռ օրինակներում ընդհանուր է նաև ԴԻ-ի ու նրա լրացյալ ստորոգյալի և միավորյալ նախադասության բաղադրիչների միջև գործառվող ժամանակային հարաբերությունը. շար-

6 Երենց կազմում ԴԻ ունեցող տարրեր ենթականներով բարդ համադասական և բարդ ստորագասական կապակցությունները միավորյալ կառույցի հետ համանիշություններն կազմում:

7 Իսկ իր լրացյալի նկատմամբ ԴԻ-ը լինում է միայն նախադաս և հտադաս:

քի առաջին անդամը բաղադրող ԴԴ-ի և ստորոգյալի գործողությունների տարժամանակությունը (ԴԴ-ի գործողությունը նախորդում է ստորոգյալի գործողությանը) պահպանվում է նաև մյուս անդամի՝ միավորյալ կառուցի բաղադրիչների միջև:

Նկատելի է, որ երբ ԴԴ-ի գերադաս անդամն արտահայտվում է հարակատար գերրայով, այդ բառակապակցությունն ու նրա լրացյալ ստորոգյալը և հետեաբար նաև համանիշ միավորյալ նախադասության բաղադրիչները միմյանց հետ կապվում են համաժամանակությամբ՝ պարմանավորված այդ գերբայի ու դրանով կազմված եղանակային ձևի ցուց տված գործողության ժամանակային մշտատեսության իմաստով. ինչպես՝ «Դավիթն էլ ահա սարի գագաթին կանգնած՝ գոռում է վիշապի նման» (ՀՅ, 236)՝ «Դավիթն էլ ահա սարի գագաթին կանգնած է և գոռում է վիշապի նման»:

Հաճախ էլ այս համանիշային շարքի երկու անդամների անմիշական կազմիների<sup>8</sup> միջև գործառվող ժամանակային հարաբերությանը դուգակցում են պայմանի, հիմունքի և այլ ածանցյալ հարաբերություններ. ինչպես՝ «Ասենով նրա հուզի երգը՝ կամաց-կամաց մոտեցան մեզ»՝ «Ասեցին նրա հուզի երգը և կամաց-կամաց մոտեցան մեզ»:

Թննված պարզ նախադասությունների մեջ մասում ենթական դեղլված է, որը, անշուշտ, նպաստում է դրանք միավորյալի փոխակերպվելիս նախադասության անդամների շարադասությունը անփոփոխ մնալուն: Այլ է վիճակը, երբ ԴԴ-ին հաջորդում է ենթական խորացնելով այդ բառակապակցության ու նախադասության հիմնական մասի երկատումը. ինչպես՝ «Այդ նկատելով Թորգումը գոռում էր...» (ՍԶՀԲ, 362): «Գիքորին նկատելով՝ նա իսկույն կանգ առավ...» (ՀՅ, 271): Այս նախադասությունները միավորյալի վերածվելու դեպքում դերբայը դառնում է ստորոգյալ, իսկ ենթական, որպես ընդհանուր անդամ, տեղափոխվում է առաջին բաղադրիչ, որը բնավ էլ չի խաթարում համանիշությունը, քանի որ, ինչպես վերը տեսանք Դ. Զահուկյանից կատարված մեջքերման մեջ, փոխակերպման ժամանակ շատ հաճախ «կատարվում է քերականական ձևերի փոփոխություն և միավորների տեղափոխություն», Հմմտ. «Թորգումն այդ նկատել էր և գոռում էր»: «Նա Գիքորին նկատեց և իսկույն կանգ առավ»: Մրանք, անշուշտ, բերված կառուցյների համանիշային կանոնարկված ձևերն են: Իսկ եթե ենթականների շարադասությունը չփոխենք, կստանանք մի փոքր այլ կառուցվածք: Հմմտ. «Այդ նկատել էր, Թորգումը գոռում էր»: «Գիքորին նկատեց, նա իսկույն կանգ

8 Այստեղ անմիշական կազմի տերմինով պայմանականորեն նշում նաև պարզ նախադասության հիմնական մասը (ստորոգյալը, մյուս լրացըմները...) և ԴԴ-ը:

առավ»: Այստեղ ենթակաների ըմբռնման հարցում նույնիսկ առկա է նաև երկիմուցիթ, և այս նախադասությունները ըմբռնվում են նաև իրան տարբեր ենթականերով համադասական կապակցություններ, որպես թե՛ նկատել է մեկը, գոռում է մեկ ուրիշը (Թորգոմը) և այլն: Եվ իմաստի պահպանման համար անհրաժեշտ է դառնում հիշյալ ԴԻ-ով պարզ նախադասությունների փոխակերպման ժամանակ ենթակայի շարադասության փոփոխությունը:

Ակնհայտ է, որ ԴԻ-ով պարզ նախադասություն—միավորյալ կառույց համանիշային շարքի առաջին անդամում կամ եղրում ԴԻ-ը սակալագեալ էլ լինում է միջադաս, ընդ որում՝ միջադաս նախադասության հիմնական մասի նկատմամբ: Ինչպես՝ «Այժմ, Շապումի ձեռքում մի անարգ գործիք դարձած, գալիս է ծածկելու հայրենի երկիրը հրով ու սրով» (ՄՍ, 54): Ահավասիկ սրա համանիշը. «Շապույչի ձեռքում մի անարգ գործիք է դարձել և այժմ գալիս է ծածկելու հայրենի երկիրը հրով ու սրով»: Առաջին նախադասության մեջ ընդգծված ԴԻ-ը վիճակի (լայն առումով՝ ձևի) պարագա է, բայց ստորոգյալի հետ մասնակի շափով կապված է նաև պատճառահետեւանքային հարաբերությամբ: Այսինքն՝ այստեղ ԴԻ-ի և ստորոգյալի միջև իշխողը ձևային (կամ վիճակաձևային) հարաբերությունն է, իսկ պատճառահետեւանքային հարաբերությունը ածանցյալ է: Մինչդեռ նրա միավորյալ տարրերակում ձևային հարաբերությունը փոխարկվել է թվարկման, իսկ պատճառահետեւանքային հարաբերությունն ավելի մեծ կշիռ է ձեռք բերել:

Ինչպես նշեցինք, միավորյալ կառույցի հետ համանիշային շարք կաղմող պարզ նախադասության մեջ ԴԻ-ը լինում է նաև ետադաս: Այս դեպքում ԴԻ-ի գերադաս անդամը, որպես կանոն, արտահայտվում է անորոշ դերայի գործիքական հոլովով և իր լրացումներով ստորոգյալի հետ կապվում է ժամանակային հարաբերությամբ, որին հաճախ դուդակում էն պատճառահետեւանքային, նպատակային և այլ իմաստային-քերականական հարաբերություններ, որոնք պահպանվում են նաև միավորյալ տարրերակում: Ինչպես՝ «Եվ նա լոին հեղությամբ թեքեց իր գլուխը՝ քույլ ալպով Միքայելին իրեն համբուրել» (ԱԾԲ, 384)→«Եվ նա լոին հեղությամբ թեքեց իր գլուխը և քույլ ալպով Միքայելին իրեն համբուրել»: «Ըներն իզուր են կաղկանձում՝ թաքնվելով դեղերի մեջ» (ԱԲ, 1, 175)→«Ըներն իզուր են կաղկանձում և թաքնվում դեղերի մեջ»:

Բ. «ԴԻ-ով երկրադադրիչ միավորյալ նախադասություն—բազմարադադրիչ միավորյալ նախադասություն» համանիշային շարքը: Այս շարքում, որ նույնպես շատ տարածված է, համանիշությունը փաստորեն գործառվում է առաջին անդամի ԴԻ-ի ու երկրորդ անդամի համապատասխան բաղադրիչ նախադասության միջև: Եվ ԴԻ-ը ստորոգյալի փո-

իսկերպվելու դեպքում երկրադադրիչը միավորյալ նախադասությունը վերածվում է բազմաբաղադրիչի։ ինչպես՝ «Վերջապես մտնելով նախարան՝ ժանրորեն նստեց առաջին պատահած աթոռին ու լոեց» (ՄՓՀԲ, 129)՝ «Վերջապես մտավ նախարան, ժանրորեն նստեց առաջին պատահած աթոռին ու լոեց»։ Այստեղ ԴՊ-ի համանիշը բաղադրիչը նախադասությունը շարքի երկրորդ եղրում քերականական ու իմաստային կապով հարաբերվում է այն բաղադրիչին, որի կազմի մեջ է առաջին եղրում բառակապակցության ձևով։ Այսուհետեւ բերված ԴՊ-ով բաղադրիչը նախադասությունն ունի նաև ստորադասական կապակցությամբ համանիշ, այսինքն՝ շարքը եռանդամ է։ Հմմտ։ «Վերջապես երր մտավ նախարան, ժանրորեն նստեց առաջին պատահած աթոռին ու լոեց»։

Երր ԴՊ-ը շարադասվում է երկրադադրիչը միավորյալ նախադասության մեջտեղը, էական նշանակությունը է ստանում այն, թե նա ո՞ր բաղադրիչի մեջ է մտնում։ Սա կարեոր է թե՛ ԴՊ-ի ու այդ բաղադրիչը նախադասության հիմնական մասի իմաստային կապի և թե՛ համանիշ ձևում այդ բաղադրիչի ու «նոր բաղադրիչի» քերականական ու իմաստային կապի բացահայտման տեսակետից։ Այսպես, օրինակ, ԴՊ-ը երկրադադրիչը միավորյալ նախադասության երկրորդ բաղադրիչում լինելու գեպքում իշխում է գործողությունների թվարկման իմաստը, և այս հիմքի վրա էլ՝ ծամանակացին հարաբերությունը, որը նմանապես պահպանվում է նաև նրա համանիշ ձևում։ ինչպես՝ «Երբեմն դրանով պատեր էին հյուսում և, դրսից ու ներսից ծեփելով, բնակվում էին մեջը» (ՄԶՀԲ, 307)՝ «Երբեմն դրանով պատեր էին հյուսում և դրսից ու ներսից ծեփելու էին ու բնակվում մեջը»։

Հաճախ ԴՊ-ով միավորյալ նախադասությունը ևս լինում է բազմաբաղադրիչ։ Զի բացառում նաև միևնույն նախադասության մի քանի բաղադրիչների՝ ԴՊ-ով լրացում ստանալը։ Այս դեպքում համանիշացին շարքը հատկանշվում է հետևյալ յուրահատկությամբ։ ԴՊ-ներին համանիշ բաղադրիչը նախադասությունները երկրորդ եղրում համապատասխան քերականական իմաստներով հարաբերվում են այն բաղադրիչներին, որոնց ստորոգյալները առաջին եղրում ԴՊ-ների լրացյալն են հանդիսանում։ ինչպես՝ «Հավերը շարժվեցին թափի վրա..., թափահարեցին թևերը և սկսեցին կտուցներով քորել թևերի և կրծքի տակ, հետո վզները երկարացրին դեպի ներքե, նայեցին դես ու դեն, ցնցելով մսեղ, կարմիր կատարները, և հանկարծ ահագին կռկողով ցած թուան, օդի մեջ ցանելով իրենց բափկող վետուենքը» (ՆԴ, 81)՝ «Հավերը շարժվեցին թափի վրա..., թափահարեցին թևերը և սկսեցին կտուցներով քորել թևերի և կրծքի տակ, հետո վզները երկարացրին դեպի ներքե, նայեցին դես ու դեն, ցնցելով մսեղ, կարմիր կատարները, և հանկարծ ահագին կռկողով ցած թուան, օդի մեջ ցանելով իրենց բափկող վետուենքը» (ՆԴ, 81)՝ «Հավերը շարժվեցին թափի վրա..., թափահարեցին թևերը և սկսեցին կտուցներով քորել թևերի և կրծքի տակ, հետո վզները երկարացրին դեպի ներքե, նայեցին դես ու դեն, ցնցելով մսեղ, կարմիր կատարները, և հանկարծ ահագին կռկողով ցած թուան, օդի մեջ ցանելով իրենց բափկող վետուենքը» (ՆԴ, 81)։

դեմ, ցնցեցին մսեղ, կարմիր կատարները և հանկարծ ահազին կոկոռցով ցած թուան ու օդի մեջ ցանեցին իրենց քափվող փետուրները»:

Սակավագեակ հտադաս ԴՊ-ը միաժամանակ լրացնում է միավորյալ նախադասության բոլոր բաղադրիչներին (ավելի ճիշտ՝ դրանց բայ-ստորոգյալներին): Պառնալով ընդհանուր անդամ կառուցի բոլոր բաղադրիչների համար: Այս դեպքում ԴՊ-ը մեծ մասամբ լինում է հետևանքի պարագա, իսկ հետևանքային հարաբերությունը, թեպետ ոչ նույն սաստկությամբ, պահպանվում է նաև կառուցի համանիշ ձևում: Ինչպես՝ «Եվ նրանք իրար երեք անդամ գրիշցին ու երեք անդամ համբուրեցին՝ դառնալով հավատարիմ ընկերներ» (Աի, 3, 174)՝ «Եվ նրանց իրար երեք անդամ գրիշցին և երեք անդամ համբուրեցին ու դարձան հավատարիմ ընկերներ»: Ինչպես տեսնում ենք, ԴՊ-ով արտահայտված հետևանքի պարագան փոխակերպվում է անվանական ստորոգյալի:

ԴՊ-ը ավելի հաճախ հանդիս է գալիս համանիշային շաղթի առաջին անդամի վկրչին բաղադրիչ նախադասության կազմում՝ հտադաս շարադասությամբ: Բայց այդ բառակապակցությունը այսուեղ ևս իր լրացյալի հետ կապվում է ստորադասական ամենատարրեր հարաբերություններով, որոնք ածանցյալ ձևով պահպանվում են նաև համանիշ միավորյալի վերջին ու նախավերջին բաղադրիչների միջև: Ընդ որում, առավել հաճախադիպը պատճառահատևանքային հարաբերության դրսեռումն է: Ինչպես՝ «Յնորագեղ շնորհներով ծագեց արշալույսը և ծավալվեց դրախտի վրա ու բարախեց ամեն շնչին գուղձն իսկ շողերի և գույների աննառ կախարդանքի մեջ»:

Այս համանիշ շարքում դրսեռուվում է նաև նպատակային հարաբերությունը, որը ԴՊ-ի գերադաս անդամի՝ անորոշ գերբացի տրականով արտահայտվելու դեպքում լնդգծված է լինում, իսկ գործիականով արտահայտվելու դեպքում թուլանում է՝ մոտենալով հետևանքային հարաբերությանը: Հմմտ: «Երեք հեծյալ անշատվեցին դեմից անցնող զոկատից և մտան ձորը՝ նշան անելով» (ԴՊ, 2, 446)՝ «Երեք հեծյալ անշատվեցին դեմից անցնող զոկատից և մտան ձորը ու նշան արեցին»:

Եթեմն էլ ԴՊ-ն իր լրացյալի հետ կապվում է վիշման հարաբերությամբ: Այս դեպքում նրա գերադաս անդամը, որպես կանոն, լինում է ժխտական բայցածի, որը համանիշ կառուցում փոխակերպվում է քրիստուկան ստորոգյալի, իսկ ստացված նոր բաղադրիչ նախադասությունն իրեն նախորդող բաղադրիչի հետ կապակցվում է հակասման շաղկապով: Ինչպես՝ «Եյազիմ-բեգը հաճախ մոտենում էր և համբուրում երգուուու և թերային ձեռնիկը՝ տակավին շիամարձակվելով ավելի վեր բարձ-

բանալ» (ԱՇՔ, 84)→«Թյագիմ-բեգը հաճախ մոտենում էր և համբուրում երգուհու «եթերային ձեռնիկը», սակայն տակավին չէր համարձակված ավելի վեր բարձրանալ»: Այս շարքի երկրորդ եղում սակայն-ի փոխարեն և (ու) միավորից գործածվելու դեպքում զիջման իմաստը թուլանում է: Հմմտ. «Դավիթը շիշը տեղը դրեց, պահարանի դուռը շրիսկոցով փակեց և գնաց նորից պառկեց թախտի վրա, շմռանալով հայենյանի մի նոր փունջ հրամցնել կենզր» (ՆԴ, 57)→«Դավիթը շիշը տեղը դրեց, պահարանի դուռը շրիսկոցով փակեց և գնաց նորից պառկեց թախտի վրա ու շմռացավ հայենյանի մի նոր փունջ հրամցնել կենզր»:

Ուսումնասիրությունները նաև ցույց են տալիս, որ քննության առարկա համանիշային շարքի առաջին անդամի կազմում, ԴԴ-ի ու նրա լրացյալի կամ լրացյալների (երբ ԴԴ-ը հավասարապես լրացնում է երկու բաղադրիչ նախադասությունների ստորոգայլներին) միջև, գործառվող իմաստային ու քերականական կապը ոչ միշտ է նույնությամբ պահպանվում նրա համանիշ կառուցվածքում. օրինակ՝ «Դուք ներբողում եք բոռնցքն իշխողի, որքի և այրիի դատն եք պաշտպանում՝ ծեծելով ձեր քար կուրծքը արյունոտ ձեռքերով» (ԱԻ, 3, 157)→«Դուք ներբողում եք բոռնցքն իշխողի, որքի և այրիի դատն եք պաշտպանում, ծեծում եք ձեր քար կուրծքը արյունոտ ձեռքերով»: Այստեղ ընդգծված ԴԴ-ը նախադասության ամբողջ նախորդ մասի (երկու բաղադրիչ նախադասությունների) հետ կապված է հետևանքային հարաբերությամբ, որը շարքի երկրորդ եղում փոխակերպվել է պարզ թվարկման:

Սակավագեակ էլ համանիշային շարքի առաջին եղուում, նախադասության հիմնական մասի ու ԴԴ-ի միջև, գործառվող քերականական կապի ըմբռնման հարցում նկատվում է երկվություն, և այդ եղորդունում է համանիշային երկու կամ ավելի տարրերակ, այսինքն՝ շարքը լինում է բազմանդամ: Այսպես, օրինակ, «Նա լոեց, հառաջեց, նակատը արտելով» (ԱՇՔ, 186) նախադասության մեջ ընդգծված ԴԴ-ը կարող է ըմբռնվել որպես՝ ա) ենթադրվող ստորոգայլ (...մակատը արուեց), բ) ձևի պարագա (...նակատը արուելով հառաջեց): Ուստի այդ կառույցը ստանում է հետեւալ համանիշ ձևերը. «Նա լոեց, հառաջեց, նակատը արուեց»: «Նա լոեց, նակատը արուելով հառաջեց»:

Եվ, վերջապես, մի յուրահատկության մասին ևս երրեմն միավորյալ նախադասության տվյալ բաղադրիչի կազմում լինում են երկու կամ ավելի ԴԴ-ներ, որոնց շարադասությունը լինում է՝ ա) միատարր և բ) անմիատարր: Շարադասության այս տարրերությունն էլ պայմանավորում է ԴԴ-ների ու միավորյալ նախադասության հիմնական մասի իմաստային ու քերականական կապը և համանիշային շարքի մյուս անդամի կառուցվածքային յուրահատկությունը:

Նախ՝ միատարր շարադասությամբ բաղմակի ԴԻ-Ներով նախադասության մասին։ Ավելի հաճախ համասեն ԴԻ-Ները միավորյալ կառուցցում արտահայտվում են ետադաս շարադասությամբ։ Այս գեպքով ԴԻ-Ների գերադաս անդամներն ունենում են բաղադրյալ կազմություն։ Այսուհետև, այդ բառակապակցությունների՝ անորոշ գերբացի դորժիականով արտահայտված գերադաս անդամը, գործածվելով միայն 1-ին ԴԻ-ի մեջ, ընդհանուր է լինում երկու ԴԻ-Ների համար։ Դերբայի այս ընդհանուր լինելը պահպանվում է նաև համանիշ կառուցցում, ուր նա արդեն հանդես է գալիս որպես բաղմակի բայական բաղադրյալ ստորոգյալների ընդհանուր եղանակիլ, որը, իբրև կառուցվածքային յուրահատկություն, բնորոշ է միայն միավորյալ նախադասությանը։ Օրինակ՝ «Նա շորորում էր բաղմաթիվ սենյակներում, հրամաններ տալիս աղախիններին, կատակներ անում՝ ջանալով բոլորին հանելի լինել և զարմացնել իր սրամտություններով» (ՍԽՄՍ, 3, 145)՝ «Նա շորորում էր բաղմաթիվ սենյակներում, հրամաններ տալիս աղախիններին, կատակներ անում՝ ջանալով բոլորին հանելի լինել և զարմացնել իր սրամտություններով»։ Ինչպես տեսնում ենք, շարքի առաջին եղրում, երրորդ բաղադրիշ նախադասության ստորոգյալի (կատակներ (էր) անում) ու ԴԻ-Ների միջև առկա նպատակի հարաբերությունը, որ լրացական հարաբերությունն է, համանիշ ձեռում փոխակերպվել է պարզ թվարկման՝ շեշտելով թվարկվող միավորների համասեռությունն ու համազորությունը։

Երբեմն էլ միավորյալ նախադասության միևնույն բաղադրիշի կազմում ԴԻ-Ները հանդիպում են անմիատարր շարադասությամբ։ Մեկը լինում է նախադաս, մյուսը՝ ետադաս։ Ի տարբերություն միատարր շարադասության, այս գեպքում ԴԻ-Ները մեծ մասամբ լինում են անհամասեռ՝ պայմանավորված միևնույն ստորոգյալի հետ լրացական տարբեր հարաբերություններով կապվելու հանգամանքով։ Այս պարագայում բնորոշը, անշուշտ, ԴԻ-Ների միևնույն բաղադրիշ նախադասության մեջ հանդես գալին է։ Սակայն երբեմն դրանք հանդես են բերում շարադասական այլ յուրահատկություն։ Միավորյալ նախադասության առաջին ստորոգյալին լրացնող ԴԻ-Ներից մեկը գործածվում է լրացյալից առաջ, իսկ մյուսը՝ երկրորդ բաղադրիշում, լիբրջինիս ստորոգյալից հետո՝ բերականական արտահայտության պլանում։ Հետանալով իր բուն լրացյալից Օրինակ՝ «Սմբատին աხսնելով, նա ոտքի կանգնեց ու բարևեց, երեան հանելով իր հասակի բարձրությունն ու մեջքի կորությունը» (ԱԾՔ, 63)։ Այսուղև, ինչպես տեսնում ենք, 2-րդ ԴԻ-ը ևս կապվում է առաջին բաղադրիշի ստորոգյալի հետ, և այդ կապը ոչ այնքան քերականական է, որքան տրամաբանական։ Իրոք, Սմբատն իր հասակի բարձրությունը և

մեջքի կորությունը կարող է ցուցադրել ոչ թե բարեկելով, այլ միայն ոտքի կանգնելով:

Թերված նախադասության մեջ ԴՊ-ները անհամասեն են միևնույն ոտքի կանգնեց ստորոգյալին տարրեր հարաբերությամբ լրացնելու համար. առաջին ԴՊ-ը գործողության կատարման հիմունքն է արտահայտում և հիմունքի պարագա է<sup>9</sup>, իսկ հաջորդը լրացյալի հետ կապվում է հետևանքային հարաբերությամբ և հետևանքի պարագա է: Ահավասիկ այդ նախադասության համանիշ ձեզ. «Նա Սմբատին տեսավ, ոտքի կանգնեց ու բարեց և երեան հանեց իր հասակի բարձրություն» ու մեջքի կորությունը: Այստեղ հիշյալ հարաբերությունները նույնությամբ պահպանվում են:

Այսպիսով՝ ԴՊ-ով կառույց—միավորյալ նախադասուրյուն համանիշային շարքն ունի կառուցվածքային, իմաստային ու ոճական մի շարք առանձնահատկություններ:

Միավորյալ նախադասությունը ոչ միշտ է հանդես գալիս ինքնուրույն: Այն իր դրսերումներով (միակազմ, երկկազմ) արտահայտվում է նաև շարահյուսական այլ կառուցցների կազմում: Ավելի հաճախ դառնում է տարբեր ենթականներով բարդ համադասական կապակցության բաղադրիչ: Այս գեպքում ամբողջ նախադասությունը բաղադրվում է երկու կամ ավելի անմիջական կազմիններից՝ միավորյալ նախադասությունից և մեկ այլ (պարզ կամ բարդ) նախադասությունից, որոնք կապվում են ամենատարբեր հարաբերություններով. ինչպես՝ «Ճիշտանը առմեկում էր, օրիսական ջանենք էր անում, բայց հինգ-վեց աժդահաւ տղամարդ վրեն նստած չեն թողնում» (ՀԹ, 300): «Նա (երկիրն) է որոշում ազգերի ճակատագիրը, առանց երաքնալու բանի համար նաև անցյալդ բնունել, ոչ ենթադ հասկանալ, ոչ ապագադ անօրինել» (Ն. ա., 403): Իսկ երբեմն էլ, հատկապես շափածո խորում, համադասական կապակցության մեջ միավորյալ նախադասության բաղադրիչները շարադասվում են միշարկված ձևով՝ ընդհատվելով այլ բաղադրիչով կամ բաղադրիչներով. ինչպես՝ «Ապրում ենք, վկա են լեռները, Խարվում ենք, վկա են լեռները» (ՀՄԹԵ, 148):

Բազմաբաղրիչ բարդ համադասական կապակցությունը հանախ բաղադրվում է մեկից ավելի միավորյալ նախադասություններից կամ միավորյալ նախադասություններից: Այս գեպքում չի բացառվում նաև բարդության ստորին օղակներում ստորադասական հարաբերության դրսերումը. ինչ-

<sup>9</sup> Այստեղ մասսամբ առկա է նաև ժամանակային հարաբերություն (հմմտ. «Սմբատին տեսանելուն պես նա...»: Կամ՝ «Երր Սմբատին տեսավ, նա...»):

պես՝ «Հիմա սարերը ևնած դարեր են, Պատմություններ են աններ ենի, թոլոր քարերը շիրմաքարեր են եվ բեկորներ են հին փառերի» (2026, 19): «Ասում է ու կացինք պարառմ, շպրառմ դեպի բաղերը, որ մինը սպանի. բաղերը եղանակով ցրվում են, փախչում, որը եղեգնուտն է մըտնում, որը թուռում գնում, կացինն էլ ընկնում է լճի խոր տեղը, տակն անում, կորչում» (Հթ, 394):

Բարդ համադասական նախադասության անմիջական կազմիչներից մեկը կարող է լինել միավորյալ, իսկ մյուսը՝ ստորադասական նախադասություն. ինչպես՝ «նա գեում, պառկում է հանգած մի խարույկի մոտ, բայց հեռվից եկող աղջկական ճիշերը թույլ շեն տալիս, որ աշք փակի» (ՍԱՅՃ, 84):

Մանորություն: Հաճախ միավորյալ նախադասության բաղադրիչներից մեկն ունենում է ստորադաս նախադասություն: Զի բացառվում նաև նրա բոլոր բաղադրիչների՝ ստորադաս նախադասություն ստանալը: Երկու դեպքում էլ ամերոջ նախադասությունը պետք է դիտել համադասական (տվյալ դեպքում՝ միավորյալ): Հաշվի առնելով նրա անմիջական կազմիչների միջև գործառվող հարաբերությունը (հմմտ. 17, էջ 373): Օրինակ՝ «Թոլորը նրան թշնամացել են և դիտմամբ բաղցած են բոլուսմ, որ սովոր մեռնի» (ԱՇՔ, 202): «Նախորդ վարժությունից արտագրել սեռական նոլովով գործածված գոյականները, որոնք ցուց են տալիս պատկանելություն, և կազմել նախադասություններ, որոնցում այդ հոլովածեները գործածված լինեն հատկացուցչի պաշտոնով» (ԺՀ, 3, 464):

Միավորյալ նախադասությունը արտահայտվում է նաև բարդ ստորադասական նախադասության կազմում՝ դառնալով գլխավոր կամ երկրորդական նախադասություն (երկու դեպքում էլ բաղադրյալ կազմությամբ): Ընդամեն, գլխավոր նախադասություն է դառնում, երբ նրա բոլոր բաղադրիչներն ունենում են ընդհանուր ստորադաս նախադասություն. ինչպես՝ «Ում կամենում էր, տուն էր բերում, պատվում, նամփադնում» (Հթ, 287):

Միավորյալ նախադասությունը ստորադասական կապակցության մեջ ավելի հաճախ հանդես է գալիս երկրորդական նախադասության գործառությով՝ կազմելով համաստորադասություն. ինչպես՝ «Չմոռանամ, ոչ Սահակա վարժապետին սիրում էին մեր զյուլում և մինչեւ օրս էլ հիշում են» (Հթ, 398): Երբեմն էլ այն արտահայտվում է բարդության ստորին օղակում. լրացնում է երկրորդական նախադասությանը՝ կազմելով ենթաստորադասություն ու համաստորադասություն. օրինակ՝ «Վահենում էի միջամտել, որովհետև գիտ կեկեն այդպիսի դեպքում այն

աստիճան զայրացած էր լինում, որ ոչ միայն շեր լսի ինձ, այլև կարող էր վիրավորանք հասցնել միջամտուրյանս համար» (ՆԴ, 183):

Սակավադեպ բարդ ստորադասական կապակցության մեջ միավոր-յալ է լինում թե՛ գլխավոր և թե՛ երկրորդական նախադասությունը. ինչպես՝ «Երբ պահակները հեռանում էին միջանցքից կամ նստած տեղերում մրափում, բանտարկյալներս մոտենում էինք դռներին, անցքեցից իրար ձայն տալիս և սկսում էինք խոսել» (ԱԻ, 3, 315):

Միավորյալ նախադասությունը նմանապես հանդես է գալիս նաև մեջբերվող նախադասությամբ կապակցության մեջ՝ դառնալով թե՛ ուղղակի և թե՛ հեղինակի խոսք. օրինակ՝ «— Զվերը ձերը չեն,— կտրուկ Ասում է Անդոն և գլուխը բարձր պահած գնում է դեպի կամուրջը, դեպի մեր քաղը» (ԱԲ, 1, 237): «— Եվ բռնվածին կխոշտանգեն ու կսպանեն շարաշար, — ավարտեց քանդակագործը» (ՍԶՀԲ, 320): Երբեմն էլ միավորյալ է լինում թե՛ հեղինակի խոսքը և թե՛ ուղղակի խոսքը. ինչպես՝ «— Լավությունը արա ու թեկուզ ջուրը զցի..., — ասում է անծանորն ու շեանում ապշած մարդ ու կնկա աշխերից...» (ՀԹ, 363):

## ԵՐԿՎԱԾՄ ՄԻԱՎՈՐՅԱԼ ՆԱԽԱԴԱՍՈՒԹՅՈՒՆ

ԸՆԴՀԱՆՈՒՐ ԲՆՈՒԹԱԳԻՐ

Երկկազմ միավորյալ նախադասությունն ունի երկրեւո կառուցվածք. նրանում առարկան (առարկաները) և ստորոգվող հատկանիշներն արտահայտվում են բառաքերականական տարրերակվածությամբ. ինչպես՝ «Հնձած արտում կաքավները հավաքում էին ընկած հատիկները, կացահարում թափված հասկերը» (ԱԲ, 1, 77): «Առաջներում քաղաքի տափարակը, մեր քաղերը, ամբողջ ձորը խիտ աճտառ են եղել, մթին խոռոշներ ու քավուաններ» (ն. տ., 241): Այսպիսով, բազմակի ստորոգյալներով միավորված այն համադասական նախադասությունը, որի մեջ տարբեր հատկանիշներ վերագրվում են միևնույն առարկային կամ առականերին, կոչվում է երկկազմ միավորյալ նախադասություն:

Երկկազմ միավորյալ նախադասության երկու եղբերի փաստացի արտահայտությունը պարտադիր չէ: Հաճախ ոճական նկատառումով զեղչվում է ենթական (ենթակաները) կամ ստորոգյալներից մեկը. ինչպես՝ «Չգնացի, բայց գիրքն էլ բաց շարի» (ԱԲ, 1, 155): «Քո քարավաններն են օրորում անքուն իմ սիրտը բեկված և իմ հին վերքին թերում են հանգիստ ու հոգում՝ խնդում» (ՎՏ, 2, 100): Սրանք թերի, բայց երկկազմ միավորյալ նախադասություններ են:

Ենթական և ստորոգյալը նախադասության գոյությունը պայմանավորող անդամներն են, որոնք էական դեր են խաղում նաև միավորյալ նախադասության մեջ: Այստեղ մեր նպատակն է քննել ենթակայի ու ստորոգյալի (ստորոգյալների) մասնավորապես այն յուրահատկությունները, որոնք երկան են գալիս հիմնականում միավորյալ նախադասության մեջ՝ պայմանավորված վերջինիս կառուցվածքային, իմաստային ու ոճական առանձնահատկություններով<sup>1</sup>: Հարկ է նշել այդ յուրահատկություններից մի քանիսը: Նախ՝ ենթական ընդհանուր անդամի գոր-

1 Ենթակայի ու ստորոգյալի քննությունը տե՛ս 3, էջ 366—371. 27, էջ 29—181. 12, էջ 275—281. 17, էջ 139—176:

ծառույթով հանդես է գալիս միայն միավորյալ նախադասության մեջ: Երկրորդ՝ ստորոգյալները երկկազմ, իսկ բայական և անվանական գերադաս անդամները միակազմ միավորյալ նախադասության մեջ (միայնակ կամ լրացումներով) ստանում են բարդ նախադասության բաղադրիչ նախադասությունների գործառություն ստանալը մասամբ խախտում է ենթակայի ու ստորոգյալի ընդունված հավասարաթեքությունը. ստորոգյալներն այստեղ ավելի մեծ դեր ու կշիռ են ձեռք բերում:

Մենք ենթական (ենթակաները) և ստորոգյալները ստորև քննում ենք հենց այս (և ոչ միայն այս) առանձնահատկությունների հաշվառումով:

#### ՄԻԱՎՈՐՅԱԼ ՆԱԽԱԴԱՍՈՒԹՅԱՆ ԵՆԹԱԿԱՆ

Միավորյալ նախադասության ենթական հետաքրքրություն է ներկայացնում ամենից առաջ ընդհանուր անդամ լինելու տեսակետից: Այս նախադասության թե՛ միակի և թե՛ բազմակի ենթակաները, որպես կանոն, գործածվում են բաղադրիչ նախադասություններից միայն մեկում, բայց հավասարապես վերաբերում են նաև մյուս բաղադրիչին կամ բաղադրիչներին: Բազմակի ենթակաները լինում են երկանդամ, բազմանդամ ու խմբավորումներով, կապակցվում են համադասական շաղկապներով ու շարահարությամբ և կամ էլ շաղկապով ու շարահարությամբ միաժամանակ: Այդ ենթակաների կապն ավելի է ուժեղանում, երբ դրանք կապվում են մի կողմից... մյուս կողմից զուգադրությամբ: ինչպես՝ «իմ ծառն ու ծիլերն ու ծաղիկները կյանք էին առնում ու պրադավորվում ու մեռնում անվերջ (Ս. Կապ.): «Մի կողմից վերավորված պատվի զգացումը և հասարակական ծաղրն ու արհամարհները, մյուս կողմից խղճի խայթը նրա հոգին ճնշում էին, սիրտը մորմոքում» (ԱԾՔ, 200):

Թվարկվող բազմակի ենթակաները հաճախ ամփոփում են իրենց հաջորդող բոլորը, ամենը, ամենքը, այս ամենը, այս բոլորը դերանուններով ու դերանվանական կապակցություններով, որոնք տվյալ դեպքում ունեն ընդհանրացնող նշանակություն (Հմմտ. 27, էջ 403): Ենթակաների և նշված բառերի ու կապակցությունների հարաբերությունը մասի ու ամբողջի կամ մասնավորի ու ընդհանուրի հարաբերություն է: ինչպես՝ «Մառաները, սպասավորները, նամիշտներն ու աղախիները,— ամենքը տոնական հագուստներով զարդարված, ձեռքները և մազերը կարմիր

ներկած, վազվում էին այս ու այն կողմ և օրվա պատշաճին վայել պատրաստություններ էին տեսնում» (ԲՍ, 550): Այստեղ ընդգծված միավորները մոտենում են բացահայտիչ-բացահայտյալի կապակցությանը: Իսկ երբ տրոհումն արտահայտվում է բութով, ընդհանրացնող բառերն ամբողջությամբ դառնում են բացահայտիչ. ինչպես՝ «Հակոբ Գասպարյանը, Աքդովլա Մահմեդովը, Ալեքսանդր Գալրիլից՝ բոլորը, աշխատել էին ուժերի գերագույն լարումով, առաջադրանքը կատարել էին գերազանց»<sup>2</sup> (ԱՀ, 1, 3. 1983 թ., 1):

Որոշակի հետաքրքրություն է ներկայացնում միավորյալ նախադասության ենթակայի (ենթակաների) շարադասությունը: Ենթական (ենթակաները) արտահայտվում է թե՛ առաջին և թե՛ երկրորդ (կամ հաջորդ) բաղադրիչ նախադասության մեջ: Իհարկե, առավել հաճախադեպը առաջադաս բաղադրիչում գործածությունն է. ինչպես՝ «Սմբատը, դառնությամբ գլուխը շարժելով, նայեց նրան և գուրս գնաց» (ԱԾՔ, 261): Այստեղ առաջին բաղադրիչն ունի սովորական շարադասություն: Իսկ երբ խոսողը (գրողը) ցանկանում է առանձնապես շեշտել ստորովնող հատկանիշը, այդ բաղադրիչն արտահայտվում է շրջուն շարադասությամբ: Ինչպես՝ «Անհանդիսա է նոզիս ու տրտում» (ՎՃ, 2, 170):

Սովորական շարադասությամբ շափածո միավորյալ նախադասության մեջ ենթական երեմն հանդես է գալիս ստորոգյալների հետ թույլ կապակցվածությամբ և դրանցից առանձնանում է արտասանական տեսական դադարով, որը գրավոր խոսքում արտահայտվում է կախման կետերով. ինչպես՝

«Նրազանքներս...

Մաքրում են բոլոր

Քարագրությունները

եկ քարագինները

Ուկեցօծում ենք (ՀՍՍԲ, 184):

Որոշակիորեն տարբերվում է նմանատիպ այն կառույցը, ուր գոյականով արտահայտված ենթակային հաջորդում է զերանուն ենթական: Այս գեպքում գոյականն արդեն ստանում է անվանողական արժեք ու անվանական անդեմ միակազմ նախադասության գործառություն և արտասանական ավելի տևական դադարով է բաժանվում, իսկ գերանումը դառնում է նախադասության ենթական<sup>3</sup>. ինչպես՝

«Հոգսերս... նրանք

Պնդաճակատ են

Ու երես առած,

Արթնանում են միշտ

Ինձանից առաջ

<sup>2</sup> Օրինակը բերում ենք մասնակի փոփոխությամբ:

<sup>3</sup> Գոյականն ու գերանունը կարելի է նաև միասին դիտել բաղադրյալ ենթակա-

Խոսք ու խրատիս  
Գլուխ չեն դում,

Ու միշտ ինձանից  
Առաջ են քնում» (ՀՍՍԲ, 144):

Չափածո միավորյալ նախադասության զեղված ենթական երբեմն գործածված է լինում որպես վերնագիր: Այսպիսին է մարդիկ բառը հետևյալ օրինակում.

### Մարդիկ

Գնում են-գալիս,  
Առնում են-տալիս,  
Անում են, դնում,  
Թողնում են, գնում (ՀՍՍԲ, 137):

Միավորյալ նախադասության ենթական կարող է գործածվել նաև երկրորդ բաղադրիչում, իսկ բազմաբաղադրիչ կառուցվածքում՝ նաև հաջորդ բաղադրիչում: Բոլոր դեպքերում ենթակայի ետաղաս շարադասությունը պայմանավորված է լեզվառնական նկատառումներով: Ենթական ետաղաս է շարադասվում, երբ կարեորությունը տրվում է ստորոգվող հատկանիշներին: ինչպես՝ «Մի անկյունում ծալապատիկ թախտի վրա նստած երգում ու նվագում էին սազանդարեները» (ԱՇՔ, 7): Բազմաբաղադրիչ միավորյալ նախադասության մեջ ենթական վերջին բաղադրիչում է գործածվում նաև այն դեպքում, երբ նախադաս բաղադրիչներն արտահայտում են օրյեկտիվ իրողություններ, իսկ վերջին բաղադրիչը՝ այդ ամենից բխող հարցում: ինչպես՝ «Մեծ ու փոքր ստերով համեմված իրենց նամակներով, պլալան, էժանագին ծանրոցներով որմբակոծում են, թոնավորում, տրամադրում, ի՞նչ են ուզում նրանք» (ՎՊՀԲԱ, 125):

Չափածո միավորյալ նախադասության ենթակայի ետաղաս բաղադրիչում գործածվելը երբեմն էլ պայմանավորված է լինում ստորոգյալի կրկնությամբ: ինչպես՝ «Դեռ արցունքներ ունի, դեռ արցունքներ ունի ժիածանի մեջ պահած, Հողք ամեն հողում տարագիրներ ունի» (ՀՍՔԾ, 141): Ընդհանրապես չափածո ձևով արտահայտված նախադասության ենթակայի կամ ենթակաների վերջադաս շարադասությունը որոշ հանդիսավորություն է հաղորդում խոսքին: ինչպես՝ «Առատ են արել սերն ու բարիքը, Որ անվիշտ ապրի իրենց բալիկը, ինձ սիրով սնել Ու կյանք են տվել իմ հայրենիքը, Անուշ բալիկը» (Մ. Կորյուն):

Միավորյալ նախադասության ենթակայի յուրահատկություններից մեկն էլ կրկնությունն է բաղադրիչ նախադասություններում: Ենթական կրկնում է հիմնականում լեզվառնական նկատառումներով՝ գործողի դեմքը ընդգծելու, բաղադրիչ նախադասությունների կապը ուժիղացնե-

լու, խոսքին արտահայտչականություն ու հանդիսավորություն հաղորդելու և այլ նպատակներով՝ շփոխելով նախադասության կառուցվածքը (միավորյալ լինելը):

Ենթական կրկնվում է մեծ մասամբ շարահարական միավորյալ նախադասության մեջ, որովհետև անշաղկապ նախադասության բաղադրիչների կապը համեմատաբար թուլ է լինում, և ենթական իր կրկնությամբ մասամբ լրացնում է այդ թերին՝ ուժեղացնելով բաղադրիչ նախադասությունների մտային ու քերականական կապը թայց, մյուս կողմից, ենթակայի կրկնությունը նախադասությունը ենթարկում է պարբերույթային անդամահատման. ինչպես՝ «Սամվելը ամբողջ մարմնով դողաց. նա համարյա լսեց վերջին խոսքերը» (ԲՍ, 81): Այս նախադասությունը շաղկապային կապակցության փոխակերպվելու դեպքում արտասանական դադարը նվազում է, և վերանում է ենթակայի կրկնության անհրաժեշտությունը: Հմմտ. «Սամվելը ամբողջ մարմնով դողաց և համարյա լսեց վերջին խոսքերը»:

Ենթակայի կրկնությունը պայմանավորված է լինում նաև միավորյալ նախադասության բաղադրիչները կապող շարահյուսական հարաբերությամբ. ինչպես՝ «Վախիր մեծ զգացում է. նա երեխն անդամալույծ է անում մարդուն, թայց հաճախ մղում է հնարագիտության ու խիզախովդյան» (ՍՀՀԲ, 55): «Անդոկ իշխանը արցունք չէր սիրում. նա իսկուն մոտեցավ դստեր, շոյեց նրա ուսերը և խնդրեց, որ դադարեցնի լացը» (ն. տ., 257): Ենթակայի կրկնությունը առաջին նախադասության մեջ պայմանավորված է մեկնական (նաև մասի ու ամբողջի), երկրորդում՝ պատճառահետևանքային հարաբերությամբ: Դրանցում նա-ի գործածությամբ այդ հարաբերություններն ավելի են ընդգծվում:

Զափածո միավորյալ նախադասության մեջ ենթակայի կրկնության ոճական նշանակությունն ավելի մեծ է: Այստեղ այն ավելի հաճախ կրկնվում է խոսքին արտահայտչականություն հաղորդելու նպատակով՝ ստեղծելով նույնասկիզբ: Նման միավորյալ նախադասությունը լինում է նաև անհանգույց. ինչպես՝

«Դու կանգնած ես անխոցելի ու անխոս,

Դու շես գնում—օ՛, իմ սիրտը մի՛ խոցիր...» (ՎՏ, 2, 184):

«Դու մի բանակ, դու մի զորք,

Դու մի տոհմի շլուզ,

Դու հրթիռի հրացուք

Ու երդիկի ծուլս» (ՀՍՍԲ, 150):

Այս վերջին նախադասությունը անհանգույց է: Հաճախ էլ այդպիսին է լինում ենթակայի հարակրկնությամբ կազմված միավորյալ նախադասության բաղադրիչներից միայն մեկը (կամ մի մասը). ինչպես՝

«Դու՝

Երկու տա՛ռ,

Դու՝

Հասարա՞կ մի դերանուն,

Եվ ընդամենն այդ քո երկո՞ւ հատիկ տառով

Այս բովանդակ աշխարհին ես ինձ տեր անում» (ՊՍ, 1, 271):

Ինչպես տեսնում ենք, միավորյալ նախադասության ենթական կըրկընվում է նույնությամբ կամ բառական այլ արտահայտությամբ: Ինկերեմն էլ միևնույն կառույցում դուքսակցում են կրկնության այդ երկու ձևերը: Բայտ այդմ էլ ենթակայի կրկնությամբ կազմված միավորյալ նախադասությունները բաժանվում են երեք խմբի՝ ա) նույն բառական արտահայտությամբ կրկնվող ենթակայով նախադասուրյուններ, բ) տարբեր բառական արտահայտությամբ կրկնվող ենթակայով նախադասուրյուններ և գ) ենթակայի կրկնության երկու ձևերը համատեղող նախադասուրյուններ:

1. Հաճախ միավորյալ նախադասության ենթական կրկնվում է նույնությամբ, բառական նույն արտահայտությամբ: Նման կրկնությունը կատարվում է հիմնականում բաղադրիչ նախադասությունների կազմը ուժեղացնելու, գործող առարկան ընդգծելու նպատակով: Այդ կրկնությունը ավելի բնորոշ է դեբանվամբ և գոյականով արտահայտված ենթակային: Բոլոր դեպքերում կրկնվող ենթական դառնում է բաղադրիչ նախադասությունների տրամաբանական շեշտակիր անդամը. ինչպես «Ես կմնամ այստեղ, ես կղունեմ ինձ հայրենիքի խաղաղությանը» (ԸՄ, 251): «Ձօքը խոր է, ձօքը տաք է» (ԱԲ, 1, 241): Ինկ բազմաբաղադրիչ միավորյալ նախադասության մեջ ենթական ոչ բոլոր բաղադրիչներում է կրկնվում. ինչպես՝ «Գետը գնում է դեպի օվկիան, գետն անմահ է, անքննելի» (ԱՀԱ, 328):

Կրկնությունը բնորոշ է միավորյալ նախադասության նաև բաղմակի ենթականներին, միայն այն յուրահատկությամբ, որ բազմակի ենթականների մի մասը կարող է նաև չկրկնվել: Դա ավելի շատ հանդիպում է հրապարակախոսական ու գեղարվեստական ոճերի խոսքում. ինչպես՝ «Կոլանտեսուրյունները, սպլանզները և մյուս կազմակերպությունները պարտավոր են վնասատուների և հիվանդությունների դեմ պայքար կազմակերպել նաև իրենց տերիտորիայում գտնվող անհատական օգտագործման հողամասերի վրա, այդ նպատակով կոլտեսասությունները և

սովխոգները վաճառում են կոլտնտեսականներին և բանվոր-ծառայողներին անհրաժեշտ բանակի բուժանյութեր, ժամանակավոր օգտագործման համար տրամադրում են սրսկիլ ու փոշոտիչ ապարատներ» (ԺԺ, 9, 217): Այստեղ երեք ենթականներից մեկը (կազմակերպությունները) չի կրկնվել, որովհետեւ նրանով արտահայտված «ոգնակի առարկաները չեն մասնակցում 2-րդ և 3-րդ բաղադրիչ նախադասությունների գործողությունների կատարմանը:

Զափածո միավորյալ նախադասության դերանուն ենթակայի մեջընդմեջ կրկնությունը հաճախ կատարվում է բաղադրիչ նախադասությունները կապակցելու նպատակով, ինչպես նաև ոիթմի պահանջով։ Ինպես՝ «Նա որբ էր ծնվել ու սնվել կյանքում, եվ ոնց սկսվեց, այնպես էլ գնաց. Անձնական կյանքում նա միշտ որբ մնաց Որբ օթևանող հինավորց վանքում» (ՊՍ, 4, 147):

Ակնհայտ է, որ ենթական երրեմն կրկնվում է ստորոգյալի լրացման կամ էլ ստորոգյալի ու նրա լրացման հետո Այս վերջին դեպքում միավորյալ նախադասության բաղադրիչները կազմվում են կրկնության սկզբունքով. ինչպես՝ «Դու ինձ չես տեսնում լուսն երազում, Դու ինձ չես լսում ձմռան փոթորկում» (ՎՏ, 1, 56): «Ես ենքնից դառնացած ներացա, ևս ենքնից հեռացա ու լացի» (ՎՏ, 1, 30):

2. Ծամանակակից հայերենում շատ տարածված է միավորյալ նախադասության ենթակայի կրկնությունը նաև բառական այլ արտահայտությամբ։ Թվում է՝ նման կառուցցը ոչ թե միավորյալ, այլ տարբեր ենթականներով բարդ համադաստիքան նախադասություն է։ Մենք այն միավորյալ ենք համարում՝ հաշվի առնելով տարբեր բառական արտահայտություն ունեցող ենթականների՝ միևնույն առարկան ցուց տալը։ Այստեղ քերականականի ու տրամաբանականի հակադրությունը մեծ չէ, ուստի էական նշանակություն ենք տալիս տրամաբանական, գործոննեն; Ենթակայի տարբեր բառական կրկնությամբ կառուցի միավորյալ դիտվելու հարցում, իհարկե, կա որոշ պայմանականություն։ Բայց որքան էլ ենթականները այս դեպքում քերականորեն տարբեր լինեն, միևնույն է, չենք կարող անտեսել դրանց՝ միևնույն սուրյակատը ցուց տալը և բոլոր բաղադրիչ նախադասությունների համար ընդհանուր լինելը, մի բան, որ միավորյալ նախադասության բոյն հատկանիշն է։ Այլ էերագ ասած՝ մենք այստեղ ամելի շատ հաշվի ենք առնում խորբացին կառուցը։

Տարբեր բառական արտահայտությամբ կրկնվող ենթակայով միավորյալ նախադասությունները նույնպես միատարր չեն՝ պայմանակարգած միևնույն կառուցում ենթակայի՝ ինչպես նույն, այնպես էլ տարբեր խոսքիմասային պատկանելություն ունեցող բառերով կրկնվելու հանգա-

մանքով։ Ուստի դրանք էլ բաժանվում են երկու ենթախմբի՝ ա) միևնույն խոսքիմասային պատկանելուրյուն ունեցող բառերով արտահայտված ենթակայի կրկնուրյամբ միավորյալ նախադասուրյուններ և բ) տարբեր խոսքիմասային պատկանելուրյուն ունեցող բառերով արտահայտված ենթակայի կրկնուրյամբ միավորյալ նախադասուրյուններ։

Միևնույն խոսքի մասին պատկանող բառերով արտահայտված ենթակայի կրկնությունն ավելի բնորոշ է գոյականով և դերանվամբ արտահայտված ենթականերին։ Ընդումին, գոյական ենթակայի երկրորդ (կամ հաջորդ) կրկնությունը կարող է արտահայտվել նաև փոխանուն բառով։ Օրինակներ՝ «Կիեր լուր էր, սիրտ շուներ խոսելու. խեղճը առավոտից մինչև երեկո ոտքի էր եղել, հարեանի բուրդն էր լվացել գետի մեջ ու սաստիկ հոգնել էր» (Աի, 3, 270), «Նրանք լավ տղաներ ու աղջիկներ են, ի տարբերություն բիտնիկների՝ ավելի ակտիվ են, ամենն էլ դեմ են վիետնամական պատերազմին, բողոքում են ամերիկյան քաղաքականության դեմ, ցույցեր են անում, (ՎՊՀԲ, 56)։

Արդի հայերենում առավել շատ են հանդիպում այն միավորյալ կառուցները, որոնցում ենթական կրկնվում է տարբեր խոսքի մասերի պատկանող բառերով։ Այս դեպքում հիմնականում զուգակցում են միևնույն ենթակայի՝ գոյականական և դերանվանական արտահայտությունները։ Ընդ որում, ենթական, որպես կանոն, գոյականով արտահայտվում է առաջին բաղադրիչը նախադասության մեջ։ Նման միավորյալ նախադասության բաղադրիչների ինքնուրույնությունը մեծ է, այնպես որ դրանք կարող են գործածվել նաև որպես ինքնուրույն նախադասություններ։ ինչպես՝ «Մարզպահումի իշխանը հանգիստ շունչ քաշեց. նա կարծես թեթևացավ յուր սիրտը ճնշող ամենավերջին ծանրությունից էլք (ՄԴՄ, 104), Այսուղի բաղադրիչների ինքնուրույնությունը հիմնականում պայմանավորված է գոյական ենթակայի ու նրա կրկնության՝ բաղադրիչը նախադասությունների սկզբում ունեցած գործածությամբ, որի հետեանքով բաղադրիչների միջև տրվող արտասանական դադարը մեծ է, և հնչերանգը հատութավորվում է։ Նշենք, որ դերանում ենթական կարող է գործածվել նաև նույն բաղադրիչի վերջում։ ինչպես՝ «Աննան աշքերը կենտրոնացրեց մի կետի. մտածում էր նա» (Աի, 3, 406)։

Ենթակայի կրկնությամբ պայմանավորված՝ միավորյալ նախադասության բաղադրիչների անկախությունն անհամեմատ ավելի է մեծանում, երբ բուն ենթական և նրա կրկնված ձեզ արտահայտվում են կողքկողքի, այսինքն՝ երբ գոյական ենթական գործածվում է առաջին բաղադրիչի վերջում, իսկ դերանում ենթական՝ երկրորդ բաղադրիչի սկզբում։ ինչպես՝ «Զէր խոսում և Մարզպահումին։ նա էլ խորասուզվել էր մտածմոնքների մեջ» (ՄԴՄ, 154)։ «Անմասն չէին անզամ հեռու մենաստան-

ների կրոնավորները. նրանք էլ տարուբերում էին գլուխները և շշնջում...» (ՍԶՀԲ, 185): Այս նախադասությունների բաղադրիչների քերականական կապն այնքան թուլ է, որ դրանք կարելի է գործածել որպես ինքնուրույն նախադասություններ: Հմմտ. «Չէր խոսում և Մարզպետունին: Նա էլ խորասուզվել էր մտածմոնքների մեջ» և այլն:

Դերանվամբ կրկնված ենթական արտահայտվում է նաև երկրորդ (կամ հաջորդ) բաղադրիչ նախադասության վերջում: Այս դեպքում բաղադրիչների կապը ավելի սերտ է լինում, և տրոհումն էլ արտահայտվում է ստորակետով. ինչպես՝ «Նեղանում է արքան, զայրանում է նա» (ԱԻ, 3, 131):

Նշված բոլոր դեպքերում գոյականով արտահայտված ենթական միավորյալ նախադասության երկրորդ (կամ հաջորդ) բաղադրիչում կրկնվում է նա դերանվամբ: Գոյական ենթական կրկնվում է նաև ինքը դերանվամբ: Սա գործառվում է գլխավորապես հանդիպադրական, սակավադեպ էլ միավորական հարաբերությամբ կառուցում: Այս դեպքում բաղադրիչ նախադասությունների անկախությունը (և արտասանական դադարը) նվազ է լինում, որը գրավոր խոսքում արտահայտվում է ստորակետով: Ավելացնենք նաև, որ գոյական ենթական կարող է և զեղչվել: Օրինակ՝ «Նախագահը դաշտում յուրաքանչյուրին ամրացրեց իր կոնկրետ գործին, իսկ ինքը գնաց շրջկենտրոն»: «Ո՞չ հավաքվածներին էր ներս թողնում, ո՞չ էլ ինքն էր դուրս գալիս» (ՀՔ, 1, 428):

3. Սակավադեպ էլ բաղմարադարրիչ միավորյալ նախադասության մեջ զուգակցում են ենթակայի՝ նույն և տարբեր բառական արտահայտությամբ կրկնությունները: Այս դեպքում ենթական հիմնականում արտահայտվում է դերանվամբ: Ընդ որում: առաջին և երկրորդ բաղադրիչներում այն կրկնվում է նույնությամբ, իսկ հաջորդ բաղադրիչներում՝ բառական այլ արտահայտությամբ: Բայց միևնույն ենթակայի բառաքերականական այդ տարբեր արտահայտությունները նույն առարկան (անձն) են ցուց տալիս. ինչպես՝ «Դու ոսկի գրի ոմես, դու այնպես իմաստուն ես, ինքդ քեզ հրաժեշտ ես ասում, ինքդ քեզ կրկին ընդունում ես» (ԵԶՓ, 226): Այստեղ ընդգծված ձևերը միևնույն երկրորդ գեմքն են ցուց տալիս:

#### ՄԻԱՎՈՐՅԱԼ ՆԱԽԱԴԱՍՈՒԹՅԱՆ ՍՏՈՐՈԳՅԱԼՆԵՐԸ

Էնդունելով ենթակայի ու ստորոգյալի հավասարարժեքության մասին իշխող տեսակետը՝ միաժամանակ շենք կարող չնշել նաև միավորյալ նախադասության մեջ ստորոգյալների խաղացած էական դերը: Ինչպես նշել ենք, այստեղ դրանք (միայնակ կամ լրացումներով) ստանում են քարդ նախադասության բաղադրիչ նախադասությունների գործառու-

թյուն։ Այսուհետև այս նախադասության կառուցվածքային ու իմաստացին-ոճական շատ առանձնահատկություններ պայմանավորված են ստորոգուալների արտահայտությամբ, բառական նշանակությամբ և այլ յուրահատկություններով։

Երկկաղմ միավորյալ նախադասություններն իրենց ստորեգյալների արտահայտությամբ միատարր չեն և բաժանվում են երեք խմբի՝

ա) բայական ստորոգուալներով միավորյալ նախադասություններ.

բ) անվանական ստորոգյալներով միավորյալ նախադասություններ.

գ) բայական և անվանական ստորոգյալներով միավորյալ նախադասություններ։

## Ա. ԹԱՅԱԿԱՆ ՍՏՈՐՈԳՅԱԼՆԵՐՈՎ ՄԻԱՎՈՐՅԱԼ ՆԱԽԱԴԱՍՈՒԹՅՈՒՆ

Ժամանակակից հայերենում ավելի հաճախադեպ են բայական ստորոգուալներով կազմված միավորյալ նախադասությունները, որպիսիք անվանում ենք բայական միավորյալ նախադասություններ։ Ընդմին, բայական միավորյալ են թե՛ պարզ և թե՛ բայական բաղադրյալ ստորոգյալներով բաղադրված նախադասությունները. ինչպես՝ «Նորից բարենց իր երկրի կարգով նւ բարի մաղեց ջանել զոնադին» (ՀԹ, 159). «Մարանը խրճիթի կիսախավարի մեջ աշխատեց լավ դիտել որդու գեմքը, բայց ոչինչ չկարողացավ տեսնել, բացի այդ գեմքի խավար ուրվագծից» (ՆԴ, 84): Երբեմն էլ միավորյալ նախադասությունը կազմվում է բայական տարբեր ստորոգյալների (պարզ և բայական բաղադրյալ) զուգակցումով. ինչպես՝ «Աւատան մի քիչ շեմ ու շատ արակ, վերը խոստացալ երկու տարրում արհեստին վարժեցնել» (ԱԲ, 1, 22): Հետեւբար բայական միավորյալ նախադասությունները բաժանվում են երեք ենթախմբի՝ ա) պարզ ստորոգյալներով միավորյալ նախադասություն, բ) բայական բաղադրյալ ստորոգյալներով միավորյալ նախադասություն և գ) «պարզ ստորոգյալ + բայական բաղադրյալ ստորոգյալ» կաղապարով միավորյալ նախադասություն։

## ա. Պարզ ստորոգյալներով միավորյալ նախադասություն

Ավելի հաճախ միավորյալ նախադասությունը կազմվում է պարզ ստորոգյալներով։ Օրինակներ՝ «Մի հին տրտմություն անսփոփ ու խոր, Որպես վիշտն անել հայրենի հողիս, երգում է սրտիս դառնագին օրոր եվ անդուզ ցավով մաշում է հոգիս» (ՎՏ, 2, 39): «Այդ ժամանակ արքայական զորքը նորեն կդառնար և կիարձակվեր նրանց վրա» (ՄԳՄ, 160): «Դու միայն լավ հսկիր կոլխոզի արտին, գողանալ շտաս» (ՆԶՀ, 227):

Ուսումնասիրությունները ցույց են տալիս, որ հաճախ պարզ նախադասության մէջ որպես ստորոգյալ հանդես եկող զուգագրական հարադրությունը քայլայվում է, և նրա բաղադրիչները ձեռք են բերում ինքնուզույն բառական արժեք ու այս հիմքի վրա էլ՝ առանձին ստորոգյալների գործառույթ, որով նախադասությունը փոխակերպվում է միավորյալի՝ Այսպես, օրինակ, «Հետաքրքրությունից մի օր վեր կացա և զնացի հիվանդանոց՝ Դավիթ Ֆոմիշին տեսնելու» (ՆԴ, 176) միավորյալ կառուցը ձեւալորվել է «Հետաքրքրությունից մի օր վեր կացա զնացի հիվանդանոց...» պարզ նախադասության զուգագրական բայց-ստորոգյալի բաղադրիչների անդամահատման հետևանքով:

Զուգագրության քայլայմամբ բազմակի ստորոգյալների առաջացումը կատարվում է օրյեկտիվ ու սուրյեկտիվ պատճառներով: Օրյեկտիվ պատճառ են դառնում ամենից առաջ խոսքային հանգամանքները և մասնավորապես նախադասության կառուցվածքը: Այսպես՝ երբ զուգագրության բաղադրիչների միջև գործածվում են այլ անդամներ, մասնաւումը դառնում է օրինալափ. ինչպես՝ «Եղեղ տարած քաղաքից դուրս, փակիցին փայտե տնակների մէջ» (ՎՊՀԲԱ, 232): Երբեմն էլ զուգագրության քայլայումը պայմանավորված է լինում հարադրության լուրաքանչուր բաղադրիչից հետո օժանդակ բայի գործածությամբ. ինչպես՝ «Միշտ զորեղը ենջում է, ոչնչացնում է անդորին» (ԲՍ, 509):

Զուգագրության քայլայմամբ բազմակի ստորոգյալների երևան գալը պայմանավորված է լինում նաև սուրյեկտիվ հանգամանքներով և ամենից առաջ հերինակային նախասիրությամբ: Պրոֆ. Վ. Առաքելյանը գրում է. «Երբ գրողը կամ խոսողը ցանկանում է այս կարգի (զուգագրական—Ա. Կ.) բայերի ամբողջական իմաստները առանձնացնել, այդ դեպքում հիշյալ բայերը ստորագրելով բաժանում է, որով գրանք առանձին-առանձին շեշտվում են, իմաստավորվում. օրինակ՝ Գնանք, զարկենք, Զարդենք, կրակենք (Թ, 1, 331): Այս դեպքում արդեն ունենք միավորված բազմակի պարզ ստորոգյալներ» (27, էջ 115), այսինքն՝ միավորյալ նախադասություն: Մյուս կողմից՝ երբ զուգագրության բաղադրիչներն իմաստով շատ մերձ են լինում, դրանց տրոհումն արհեստական է դառնում. ինչպես՝ «Տիկինը զնաց, նատեց յուր տեղը» (ԲՍ, 116):

Ընդհանրապես առօրյա ոճին բնորոշ խոսքում նկատելի է երկու հակագիր միտում. մի կողմից՝ զուգագրության քայլայմամբ բազմակի ստորոգյալներով միավորյալ նախադասության ձեւավորումը, մյուս կողմից՝ առանձին պարզ ստորոգյալների միավորմամբ զուգագրության, հետևաբար և պարզ նախադասության ստեղծումը: Հմմտ. «Մրանք զալիս, զլախ են տալիս թագավորին» (ԽևԱ, 114): «Քեաց Օհանը երեխի ոտի Մի զույգ ոտնաման բերալ երկաթի...» (ՀԹ, 219):

Միավորյալ նախադասության մեջ պարզ ստորոգյալների գործառույթով հանդիս են գալիս նաև դարձվածքներն ու դարձվածքային արտահայտությունները՝ կազմելով դարձվածք-միավորյալ նախադասություն։ Ինչպես՝ «Ինչ ես կորցրել, ընչի ման գալի» (ՀԹ, 160): Դարձվածք-միավորյալ նախադասությունը երբեմն կազմվում է միայն դոմինանտ անդամներից։ Ինչպես՝ «Բաժանի՛ր և տիրի՛ր»:

Միավորյալ նախադասության պարզ ստորոգյալներն արտահայտվում են նույն կամ տարրեր եղանակաժամանակային ձևերով։ Ըստ այդմ էլ նման միավորյալ նախադասությունները բաժանվում են երկու ենթախմբի՝ ա) միևնույն եղանակի բայաձեւերով արտահայտված ստորոգյալներով նախադասություններ (և բ) տարրեր եղանակների բայաձեւերով արտահայտված ստորոգյալներով նախադասություններ։

### 1. Միենույն եղանակի բայաձեւերով արտահայտված պարզ ստորոգյալներով միավորյալ նախադասություններ

Ավելի հաճախ միավորյալ նախադասության պարզ ստորոգյալներն արտահայտվում են միևնույն եղանակի բայաձեւերով։ Ընդ որում, ժամանակային տեսակետից դրանց արտահայտությունը կարող է համընկնել կամ շամընկնել։ Դրան համապատասխան էլ նման միավորյալ նախադասությունները բաժանվում են երկու ենթախմբի։

ա) Միենույն եղանակի նույն ժամանակաձևով արտահայտված ստորոգյալներով միավորյալ նախադասություններ։ Այս դեպքում միավորյալ նախադասության ստորոգյալներն ունենում են եղանակաժամանակային համապատասխանություն։ Դրանք կարող են տարրերիվել միայն սեռով և բովանդակության նկատմամբ ունեցած հարաբերությամբ (հաստատական ու ժիստական)։ Օրինակներ՝ «Քարափոր տներից կապույտ ծուխը ծագում է դեպի վեր և լիզում խոնավ ժայռերը» (ԱԲ, 1, 222); «Ես քիչ եմ եղել այդ հասարակության մեջ, բայց շատ եմ զգացել» (ԱՇՔ, 273); «Հուշերս հավաքեմ մեկ-մեկ եվ մտքով մանկանամ նորից» (ՀՍՐԵ, 59); «Կանցնի, Մարգո՛, այս երեկոն և կանենտանա հավերժի մեջ» (ՎՏ, 1, 369); Միավորյալ նախադասության ստորոգյալները հարկադրական եղանակով արտահայտվելու դեպքում պիտի (պետք է) եղանակիվ մեծ մասսամբ գործածվում է միայն առաջին բաղադրիչում, իսկ երբ անհրաժեշտ է լինում շեշտել գործողությունների հարկադրականությունը, անհրաժեշտությունը, այն կրկնվում է բոլոր բաղադրիչներում՝ լիցքավորելով խոսքը և այն հարստացնելով անհրաժեշտականության տարրեր նրբերանգներով։ Ինչպես՝ «Պիտի վեր կենամ ես այս առավոտ Ու գեամ այնտեղ ու գնամ մեր տուն» (ՎԴԱՄ, 62); «Քո խատուտիկ ալիկներով

Պիտի նայես մի օր հեռում, Դրոշ պիտի պահես մի օր Քո ամրացած ձեռնիկներով, — Ու շմարող իմ երգերով Պիտի գնաս դեպի գրոհ...» (ԵԶԸԵ, 131):

Հարկադրական եղանակիշի կրկնությունը պայմանավորված է լինում նաև ենթակայի կրկնությամբ. ինչպես՝ «— Դու զեռ պետք է գնաս թյուղանդիա, Մուշե՛ղ, դու պետք է տանես իմ խնդրակցության նամակը կայսրին...» (ՐՍ, 387):

Միավորյալ նախադասության պարզ ստորոգյալները սակավագեպեպ էլ արտահայտվում են միևնույն երկրորդական վերլուծական ժամանակաձևով. ինչպես՝ «...մենք արդեն լվացած, մաքրած էինք լինում մեր ոշխարհները» (ՄԱՀԼՏ, 572): «Մի ուրիշը նրա տեղում՝ վաղուց արդեն նուզված և հյուծված կլիներ» (ՐՍ, 421):

Բ) Միևնույն եղանակի տարբեր ժամանակաձևերով արտահայտված ստորոգյալներով միավորյալ նախադասություններ: Միավորյալ նախադասության ստորոգյալներն արտահայտվում են նաև բայական միևնույն եղանակի տարբեր ժամանակաձևերով, որպիսի դեպքում վերանում է գործողությունների միալարությունը, խոսքը օժտվում է ներքին դիմամիկայով, շարժունությամբ: Ինչ խոսք, միևնույն կառուցում ոչ բոլոր ժամանակաձևերն են զուգակցում: Օդինակներ՝ «Մարդը մի շարաթ առաջ նրա անունը լսելիս դեմքը քրիեցնում էր, հիմա նոզին չի տալիս շտեսած» (ԱՇՔ, 7): «Բա մեռած Հռ շենք, ապրում ենք, էլլ...» (ՀԹ, 2, 1): «Նրանք նոր են վերադարձել Ֆրանսիայից, իսկ գնացել են 1963-ին» (ՎՊԾԲԱ, 123): «Արշակը ոչ միայն պիտի մերժեր, այլև պիտի արհամարեի ձեզ ավելի...» (ՍԶԸԲ, 300):

Երբեմն ստորոգյալներից մեկն արտահայտվում է տվյալ բայականակի դլամալոր, իսկ մյուսը՝ նրա երկրորդական վերլուծական ժամանակաձևով. ինչպես՝ «Դրա Հեղինակը, ըստ երևույթին, ամբողջապես տոգորված է եղել իմ ուսմոմքով և ամեն ինչ կառուցել է իմ սկզբունքով» (ԷԶԳՀ, 593): «Մի օր հերը աշխատելիս է լինում, ծարավում է» (ՀԹ, 3, 197):

## 2. Տարբեր եղանակների բայաձևերով արտահայտված պարզ ստորոգյալներով միավորյալ նախադասություններ

Միավորյալ նախադասությունը կազմվում է նաև տարբեր եղանակների բայաձևերով արտահայտված պարզ ստորոգյալներով: Այս դեպքում միևնույն կառուցում զուգակցում են տարբեր եղանակաժամանակային ձևերը: Բայ-ստորոգյալների ժամանակային բազմազանությունն ավելի է մեծանում, երբ բազմաբաղդրիչ կառուցում զուգակցում են

տարբեր եղանակների ժամանակածերն ու միևնույն եղանակի տարբեր ժամանակածերը։ Այս պարագայում ավելի է հաղթահարվում նկարագրության մեօրինակությունը։ Միավորյալ նախադասության մեջ մասնավորապես զուգակցում են՝ ա) սահմանական եղանակի ներկան, ապանին և հարկադրական ապառնին՝ «Շատ բան եմ ուղղում, շատ բան էլ դեռ ուղղեմ պիտի, թայց ձեռք չեմ տալիս ու ձեռք չեմ տալու ... լոկ քո ժպիտին» (ՊՍ, 1, 288), սահմանական ներկան, վաղակատարն ու ենթադրական ապառնին՝ «Կարապները լճերի մեջ, ջրերի վրա Դեռ ֆեն են, դեռ նիբում են. կարքնանան հիմա» (ԵԶ, 1, 78), գ) սահմանական ներկան ու հրամայականը՝ «...օ», խնայի՛ր, խայրում ես դու» (ՎՃ, 2, 37), դ) սահմանական եղանակի անցյալի անկատարն ու հարկադրական ապառնին՝ «Մեղանից երկու հաղար տարի առաջ մարդիկ ընտանիքի պատիվն անարգող հրեշներից այդ ձևով էին իրենց վրեժը լուծում և երկու հաղար տարուց հետո դարձյալ նույն ձևով պիտի լուծեն» (ՄԳՄ, 151), ե) սահմանական անցյալի անկատարն ու ըղձական անցյալը՝ «Թայց ինչպես սառութիք, ոչ մի տեղ չեմ նանդիսարում նրան. զնայի՞ն րանց տուն, նամա՞կ գրեի» (ՆԴ, 209):

Միավորյալ նախադասության ստորոգյալները արտահայտվում են նաև տարբեր եղանակների երկրորդական վերլուծական ժամանակներով. ինչպես՝ «Երանի Կարոյի հետ փախած լինեիր, հիմա մի օրինավոր մարդ դարձած կլինեիր» (ԲԿ, 238):

բ. Բայական բաղադրյալ սառուցյալներով միավորյալ նախադասություն

Միավորյալ նախադասությունը հաճախ կազմվում է բայական շաղադրյալ ստորոգյալներով<sup>4</sup>: Նման կառուցը պետք է ամենից առաջ տարրերակել անորոշ գերբայներով արտահայտված բազմակի ուղիղ ինդիքներով պարզ նախադասությունից։ Այսպիս՝ հմատ. 1. «Թոշուններն անգամ չեն նամարձակվում շափել ծովի անհում տարածությունը և մերձենալ նրա անհյուրընկալ ափերին» (ԲՍ, 214); 2. «Իշխանը ներս մտնելուն պես երամայեց շեփոր հնչեցնել և ամրոցի բնակիչներին արքացնել» (ՄԳՄ, 298): Այս նախադասություններից առաջինը միավորյալ է, իսկ երկրորդը՝ պարզ։ Առաջին նախադասության եղանակիցի և անորոշ գերբայների գործողությունները վերաբերում են միևնույն բռչունները. ենթակային։ Մինչդեռ երկրորդ օրինակում երամայեց-ը պարզ ստորոգյալ է, իսկ հնչեցնել-ը և զարբնեցնել-ը՝ նրա ուղիղ խնդիրները, քանի

<sup>4</sup> Ակադ. Գ. Զահուկյանը եղանակի բայի և անորոշ գերբայի կապակցությունը անվանում է բարդ ստորոգյալ։ Տե՛ս 94, էջ 412:

որ նրամայեց բայաձեկի գործողությունը վերաբերում է իշխանը ենթակային, իսկ դերբայների գործողությունները՝ այլ անձանց. այդ գործողությունների կատարումը, բնականաբար, սպասվում է այլոց կողմից: Հետևաբար դիմավոր բայաձեկը (կամ բայաձեկերը) և անորոշ դերբայները միավորյալ նախադասություն են կազմում, եթե դրանց գործողությունները վերաբերում են ընդհանուր ենթակային կամ ենթականերին (Հմմտ. 27, էջ 144):

Բայական բաղադրյալ ստորոգյալներով միավորյալ նախադասությունները նույնպես միատարր չեն և բաժանվում են երկու ենթախմբի:

ա) Տարբեր եղանակիշներ ունեցող ստորոգյալներով նախադասություններ: Այս դեպքում միավորյալ նախադասության բաղադրիչներից յուրաքանչյուրի ստորոգյալն ունի իր առանձին եղանակիլը. ինչպես՝ «Չուզեցի խանգարել նրան և, փոքր ինչ կուանալով դեպի նա, սկսեցի նայել դեմքին» (ՆԴ, 276):

բ) Ընդհանուր եղանակիշ ունեցող ստորոգյալներով միավորյալ նախադասություններ: Միավորյալ նախադասությունը ավելի հոգճախ ունի մեջ է ընդհանուր եղանակիշ, որը, որպես կանոն, արտահայտվում է միայն առաջին բաղադրիչ նախադասության մեջ, բայց հավասարապես վերաբերում է նաև մյուս բաղադրիչին կամ բաղադրիչներին՝ «ուղեկցելով» վերջիններիս անորոշ դերբայներին. ինչպես՝ «Որպես մի ցնդած պուտ՝ նս այսօր կուզեմ երգել, էմալե՛, պրոֆիլը Զեր—Ել երգով լինել Զեղ Հետ» (ԵԶ, 1, 170):

Բայական բաղադրյալ ստորոգյալներով միավորյալ նախադասության մեջ էական դեր է խաղում բայասեռի քերականական կարգը: Ակնհայտ է, որ հաճախ եղանակիշն ու անորոշ դերբայները լինում են սույն սեռի. ինչպես՝ «Փորձիր հասկացնել, ցույց տալ իսկական հանցավորներին» (ԴԴՎ, 2, 478):

Նման կառուցում դերբայների սեռը տարածվում է ամբողջ ստորոգյալների վրա: Այսպես՝ «Միքայելն սկսեց հուզվել և կատաղել թըղթերի գեմ» (ԱՇՔ, 72) նախադասության մեջ չնայած սկսեց եղանակիլը ներգործական սեռի բայց է, այնուհանդերձ երկու ստորոգյալներն էլ ունեն չեռոք սեռ՝ պայմանավորված հուզվել և կատաղել դերբայների սեռով:

Բայ-ստորոգյալների սեռի դրսևորման հարցում դերբայական ձևերի դերի կարևորությունն ավելի հստակ երևում է կրավորական կառուցվածքի միավորյալ նախադասության մեջ: Եղանակիլը կրավորական չի լինում, բայց երբ անորոշ դերբայները լինում են կրավորական սեռի, ստորոգյալներն ինքնին դառնում են կրավորական, իսկ ամբողջ նախադասությունը՝ կրավորական կառուցվածքի. ինչպես՝ «Այստեղ մարդկա-

յին մտքի ու ձեռքի աշխատանքը նոր միայն սկսել էր գնահատվել ողպակ շուկայի ապրանք ու նարսանարվել» (Եիրվ., ծ, 7):

գ. «Պարզ սառողայալ + բայական բաղադրյալ սառողայալ  
կառուցի միավորյալ նախադասուրյուն

Պարզ և բայական բաղադրյալ ստորոգյալներով կազմված միավորյալ նախադասության մեջ պարզ ստորոգյալն արտահայտվում է բայական գրեթե բոլոր եղանակաժամանակային ձևերով, իսկ եղանակիլ բայերը դրսենում են ամենատարբեր իմաստներ: Այս կառուցյունը որոշ նշանակություն է ստանում նաև ստորոգյալների շարադասությունը: Ավելի հաճախագեցը պարզ ստորոգյալի՝ առաջին բաղադրիչում հանդես գտան է: ինչպես՝ «Հրացանի որոտից անտառը որոտաց և սկսեց նոնառք» (ՀԹ, 298):

Նախադաս է լինում նաև բայական բաղադրյալ ստորոգյալը՝ նախադասության մտքի ծանրաբեռնվածությունը տեղափոխելով առաջին բաղադրիչը: ինչպես՝ «Արծվին չուգեց աղմուկ հանեն, կանգնեց» (ԴԴՎ, 2, 394): Այս դեպքում պարզ ստորոգյալը կարող է լինել նաև բաղադրյալի գերբայական բաղադրիչի դիմավոր ձևը: ինչպես՝ «Ո՞վ կարող է, ինձ ներել և ինչո՞ւ պիտի ներե» (ՄԳՄ, 281):

Բաղմաբաղդրիլ միավորյալ նախադասության մեջ պարզ և բայական բաղադրյալ ստորոգյալները թվով հավասար են լինում կամ անհավասար: Իսկ դրանց շարադասությունը լինում է՝ ա) սովորական հաջորդական, երբ սկզբում գործածվում են պարզ ստորոգյալները, իսկ հետո՝ բաղադրյալները կամ հակառակն, և բ) միջարկված, երբ տարբեր կառուցյի ստորոգյալները գործածվում են մեջընդմեջ: Օրինակներ՝ ա) «Նա ձեռքը մացրեց երիտասարդ ուղեկցի թվել տակ, սկսեց ժպտալ և ինչ-որ շշնջալ» (ԱՇՔ, 348): բ) «Դեղեցկագեմ բժիշկը ժպտում է գոհունակությամբ և ասես ինչ-որ բան է ուզում ասել, բայց չի ասում» (ՀԶ, 4.1.1978 թ., 4):

#### Բ. ԱՆՎԱՆԱԿԱՆ ՍՏՈՐՈԳՅԱՆՆԵՐՈՎ ՄԻԱՎՈՐՅԱԼ ՆԱԽԱԴԱՍՈՒԹՅՈՒՆ

Միավորյալ նախադասությունը կազմվում է նաև անվանական բաղադրյալ ստորոգյալներով: Նման կառուցվածքը անվանում ենք անվանական միավորյալ նախադասություն: ինչպես միշտ, այս դեպքում էլ ստորոգվող հատկանիշներն արտահայտվում են անոն խոսքի մասերին պատկանող կամ իբրև այդպիսին հանդես եկող բառերով, իսկ դրանք առարկային (առարկաներին) ստորոգվում են բայական հանգույցների:

միջոցով. ինչպես՝ «Բանաստեղծ Դանիել Վարուժանն էլ իր ազգի սիրան  
էր ու լեզուն» (ՀՔ, 1, 489):

Ենթական (ենթակաները) և անվանական ստորոգյալները կապվում  
են յուրատիպ նույնաբանական հարաբերությամբ: Ակադ. Գ. Զահորկ-  
յանը, խոսելով անվանական ստորոգյալի մասին, գրում է. «Անվանա-  
կան նախադասությունը առարկայական (գոյաբանական) առումով յուրա-  
տեսակ նույնաբանություն է, որտեղ հավասարության մեջ է դրվում  
առարկան ինքն իր հետ» (94, էջ 407): Անվանական պարզ երկկազմ  
նախադասության այս սահմանումը տարածելի է նաև անվանական միա-  
վորյալ նախադասության վրա, միայն թե վերջինս այնպիսի նույնա-  
բանություն է, որով հավասարության մեջ են դրվում առարկան (առար-  
կաները) և իր (իրենց) ստորոգային հատկանիշները: Այնպես, օրինակ,  
«Մեր աշխարհն է ամենքիս կյանքը և ապավենը» (ՍԶՀԲ, 286) նախա-  
դասությունը սուրյեկտիվ-իմացական երկու ակտի դրսեորում է («Մեր  
աշխարհն է ամենքիս կյանքը» և «Մեր աշխարհն է ամենքիս ապավենը»),  
որը միաժամանակ դառնում է միանույն սուրյեկտի երկու վիճակների  
արտահայտությունը: Բերված նախադասության մեջ առկա է երեք եղր.  
առաջինը սուրյեկտն է (աշխարհը), իսկ մյուս երկուակ՝ ստորոգելիական  
վերադիրները կամ ստորոգելիները (կյանքն ու ապավենը): Ընդ որում,  
առաջին և եղրորդ ու երրորդ եղրերի հարաբերությունն արտահայտվում  
է հանգույցի միջոցով: Այդ նախադասությունը կարելի է արտահայտել  
 $A_1 + A_2 + A_3$  բանաձևով, ուր  $A_1$ -ը ենթական է,  $A_2$ -ը՝ հանգույցը,  
 $A_3$ -ը՝ առաջին ստորոգելին, իսկ  $A_3$ -ը՝ երկորդ ստորոգելին: Ինչպես  
տեսնում ենք, այստեղ հանգույցը ընդհանուր է երկու ստորոգյալների,  
հետեւարաց և երկու բաղադրիչ նախադասությունների համար:

Հանգույցը կարող է նաև ընդհանուր վիճնել, չնայած հաջորդ բա-  
ղադրիչներում նրա բացակայությանը: Դա առկա է լինում ստորոգյալի  
մասնակի զեղչումով միավորյալ նախադասության մեջ. ինչպես՝ «Եր-  
կուսն էլ դեղնած էին, արյունաքամ, եփանդուա» (ԱՇԲ, 316): Այս նա-  
խադասությունը կարելի է արտահայտել հետեւյալ կաղապարային բա-  
նաձևով:  $A_1 + A_2 + A_3 + (a) + A_4 - (a)$ , ուր  $A_1$ -ը ենթական է,  $A_2$ -ը,  
 $A_3$ -ը և  $A_4$ -ը՝ ստորոգելիները (դեղնած, արյունաքամ, եփանդուա),  $a$ -ն՝  
առաջին հանգույցը (էին),  $(a)$ -երը՝ զեղչված հանգույցները:

Երբ անվանական ստորոգյալներն ունենում են համասեռ լրացում-  
ներ, հանգույցը մեծ մասամբ արտահայտվում է վերջին բաղադրիչում.  
ինչպես՝ «(Մաղլիկը) էնքան քնքուշ, էնքան նախշուն, էնքան սիրուն է լի-  
նում» (ՀԹ, 376): Զի բացառվում նաև հանգույցի կրկնությունը յուրա-  
քանչյուր ստորոգելիի հետ, որով ստորոգվող հատկանիշները առանձին-

առանձին ընդգծվում են. ինչպես՝ «Նա բանաստեղծ էր ու երգաստեղծ էր» (ՊՍ, 4, 40):

Միավորյալ նախադասության մեջ հանգույցի գործառույթով հանդիս են գալիս հիմնականում եմ, լինել բայերը, սակավ կիրառությամբ շեղոք սեփի որոշ բայեր՝ դառնալ, ներկայանալ, կանգնել, ընկերել, մեալ, քվալ, ծեանալ, երեալ և այլն, կրավորական սեփի մտածական, ասացական, իմացական, նաև գործողության իմաստ ունեցող մի շաբթ բայեր՝ ասվել, ընտրվել, կարգվել, ընդունվել, համարվել, հարգվել, հոչակվել, նրատարակվել, կանչվել, ենշվել, դրվել, գտնվել, կոշվել և այլն:

Ինչ վերաբերում է միավորյալ նախադասության ստորոգելիներին, վերջիններս արտահայտվում են ամենատարեր բառերով։ Այնուհետև միևնույն կառույցով ստորոգելիներն արտահայտվում են նույն կամ տարբեր խոռոչի մասերի պատկանող բառերով։ Ըստ այդմ էլ անվանական միավորյալ նախադասությունները բաժանվում են երկու ենթամբք՝ ա) միևնույն խոսքիմասային պատկանելություն ունեցող ստորոգելիներով նախադասություններ և բ) տարբեր խոսքիմասային պատկանելություն անեցող սառողմաններով նախադասություններ։

Ա. Ավելի հաճախ միավորյալ նախադասության ստորոգելիներն արտահայտվում են միւնույն խոսքիմասային պատկանելություն ունեցող բառերով։

ա) գոյականներով՝ «Մի՞թե վերջին պոետն եմ ևս, վերջին երգիչն իմ երկրի» (Վ.Տ., 1, 235):

բ) դերանուններով՝ «Տունը ի՞մս էր և ի՞մս էլ կլինի» (ԵԴ, 174):

գ) ածականներով՝ «Կառամատուցը դատարկ էր, լուս, կիսախափար» (ՀԹ, 1, 350):

դ) թվականներով՝ «Այդ թաղամասում նրա կառուցած շնչքերը առաջինն են և իններաբար»:

ե) անկախ դերբացներով՝ «Ամոթը կովելը չե, այլ ձեզ հետ նստելը, ձեզ հետ խոսելը և մինչև անգամ ձեզ երեսը տեսնելը» (Շիրվ., 8, 104): «...ես վախեցող և փախչողը չեմ» (Ա.Ի., 3, 303):

զ) մակրայներով՝ «Նրա պատմելը արագ էր և ի միջի այլոց» և այլն:

Բ. Անշանական միավորյալ նախադասությունները հաճախ էլ բաղադրվում են տարբեր խոսքի մասերի պատկանող բառերով արտահայտված ստորոգելիններով։ Այսպիսիք առաջին խմբի միավորյալ նախադասություններից տարբերվում են՝ ա) միևնույն առարկային կամ առարկաներին ստորոգվող ամենաբաղմապիսի ու տարաբնույթ հատկանիշներին արտահայտելու հնարավորությամբ և բ) հանգույցների արտահայտությամբ։ Այս գեպքում հանգույցները համարյա միշտ արտահայտվում են եմ-ով։ Իր այս առանձնահատկությամբ միավորյալ նախադասությունը

տարբերվում է նաև նույն կարգի տարբեր ենթականերով բարդ համադասական նախաղասությունից, ուր ավելի հաճախագեպը տարբեր հանգույցների զուգակցումն է:

Նման կառուցում տարբեր արտահայտություն ունեցող ստորոգյալների ընդհանրությունը ստորոգային ամենատարբեր հատկանիշների վերագրումն է միևնույն առարկային կամ առարկաներին:

Միևնույն միավորյալ նախաղասության մեջ ստորոգելիներ են դառնում՝

ա) գոյականն ու ածականը՝ «Աղջիկ էր նա սովորական, Անգամ ամենից գեղեցիկը չէր...» (ՎԴԱՄ, 105);

բ) գոյականն ու դերանունը՝ «Հայրենիքը մեր նախնիքն են, մեր ծնողներն են, մենք ենք» (ԱԻԵ, 359);

գ) հարակատար դերբայը (այս դերբայի՝ ձեաբանական արժեք չունեցող ձևերը) և ածականը՝ «Ստրկությունը համատարած էր և ամենազոր...» (ԱԻ, 3, 117);

դ) գոյականն ու ենթակայական դերբայը՝ «Նորածիններին մկրտող բալոր էր, պատկվողների գլխին՝ խաչ բռնող...» (ՀՔ, 1, 469);

ե) գոյականն ու անորոշ դերբայը կամ դերբայական կապակցությունը՝ «Միրանի տափի առավելությունը քամիներից պաշտպանված լինելը է և շրի մոտիկուրյունը» (ԱԲ, 1, 63);

զ) մակրայն ու ածականը՝ «Դա արդեն շափից դուրս էր և անդիմանալի» (ԱԱՃ, 39);

է) մակրայը, ածականն ու հարակատար դերբայը՝ «Այդ երգը վաղուց է, քախծոտ է և մեզ շատ նուզած է»:

ը) ածականն ու թվականը՝ «Այդ կինը իր սեղի մեջ միակն էր և առաջընը» (Մուր., 2, 7):

ը) ածականն ու ենթակայական դերբայը՝ «Աշքերը պղտոր էին ու բափառող» (ՎԱ, 113):

ժ) գոյականն ու կապական կապակցությունը՝ «Հրայրն ու Ժիրայրը երկուոյակներ էին, բայց իրար նման չէին» (ՀՔ, 1, 433) և այլն:

Գ. ԲԱՅԱԿԱՆ ԵՎ ԱՆՎԱՆԱԿԱՆ ՍՏՈՐՈԴՅԱԼՆԵՐՈՎ ՄԻՍՎՈՐՅԱԼ ՆԱԽԱԴԱՍՈՒԹՅՈՒՆՆ  
ՏԵՍԱՆԵՐԸ

Երկկազմ միավորյալ նախաղասությունը կազմվում է նաև բայականն ու անվանական ստորոգյալներով։ Այսպիսի նախաղասությունը ունի «Ձենքակա (ներ) լրայական ստորոգյալ-+անվանական ստորոգյալ» կառուցվածքը։ Ընդումին, երկրաղադրիլ միավորյալ նախաղասության մեջ

ստորոգյալի երկու դրսերումներն ունենում են հավասար ընդգրկում, իսկ բազմաբաղադրիչ նախադասության մեջ դրանք թվով թե՛ հավասար են լինում և թե՛ անհավասար: Օրինակ՝ «Ամենքը լուս էին և խորին երկյուղածությամբ սպասում էին թագավորի ձայնին» (ՄՍ, 340): «Հայրս բարի է, շատ է սիրում ինձ և միշտ կատարում է խնդիրքս» (ՆԴ, 103):

Ստորոգյալների շարադասության հարցում երկրադադրիչ միավորյալ նախադասությունը էական յուրահատկություններ չի դրսենորում. բայց ական ստորոգյալը առաջին բաղադրիչ նախադասության մեջ արտահայտվելու դեպքում անվանականը լինում է հաջորդ բաղադրիչում և ընդհակառակն: Իսկ բազմաբաղադրիչ միավորյալ նախադասության մեջ գործառվում է թե՛ աստիճանական և թե՛ խառը շարադասությունը. ինչպես «Ճանապարհը ամայի էր, քարեարու և անհարք, մերթ բարձրանում բլուրները...» (ՄՁՀԲ, 79): «Այսօր գրանք իրարու, Խեղճ լինենք ու շամաշենք, Բախտ շտենշանք ու հեռու Տարիները շնիշենք» (ՎՃ, 1, 113):

Բայրական և անվանական ստորոգյալներով միավորյալ նախադասությունները միատարր չեն՝ պայմանավորված բայական ստորոգյալների՝ անմիատարրությամբ: Դրանք բաժանվում են երեք ենթախմբի.

ա) «պարզ ստորոգյալ+անվանական ստորոգյալ» կաղապարով միավորյալ նախադասություններ՝ «Մանուկը մեծացավ, դարձավ մի շնորհալի երիտասարդ» (Ահ, 3, 332):

բ) «քայլական բաղադրյալ ստորոգյալ+անվանական ստորոգյալ» կառուցի միավորյալ նախադասություններ՝ «Նա այնքան լավ չէր, բայց ոչ մի կերպ չէր ուզում ցույց տալ» (ՄՓՀԲ, 122):

գ) «պարզ ստորոգյալ+քայլական բաղադրյալ ստորոգյալ+անվանական բաղադրյալ ստորոգյալ» կաղապարով միավորյալ նախադասություններ: Սա առավել ընդհանուր կառուցվածք է, ուր զուգակցում են ստորոգյալի բոլոր դրսերումները ամենատարբեր շարադասությամբ: Ինչպես՝ «Նա ենգենած էր, ուժապառ, հաղիկ կարողանում էր կանգնել ոտքի վրա» (ԱՇՔ, 264):

## ՍՏՈՐՈԳՅԱԼԻ ԶԵՂՋՈՒՄԸ ՄԻԱՎՈՐՅԱԼ ՆԱԽԱԴԱՍՈՒԹՅԱՆ ՄԵջ

Ժամանակակից հայերենում ստորոգյալի զեղջումը գործուն երևույթ է, որը պայմանավորված է լեզվի ներքին խնայողության պահանջով, ոճի և էմասության հատկությամբ: Պրոֆ. Ս. Գ. Արրահամյանը տեղին է նկատել, որ «լեզում միշտ ձգտում է սեղմության, և այդ տեհողենցի զնորդիկ նախադասության մեջ չի գործածվում այն, ինչ որ առանց գործած-

վելու հասկանալի է, ինչի գործածվելու անհրաժեշտությունը չկա: Ստորոգյալի զեղչումը ևս, ինչպես ամեն մի զեղչում, այդ տեսքենցի արտահայտությունն է» (17, էջ 456): Միշտ էլ ստորոգյալի զեղչման հիմքը համատեքստում հասկանալի լինելն է, իսկ նպատակը՝ կրկնությունից, հիտեաբար նաև ոճի միօրինակությունից խուսափելը:

Ստորոգյալի զեղչումը առանձնապես շատ է հանդիպում բարդ համադասական կապակցության մեջ: Ընդումին, այն տարբեր յուրահատկությամբ է արտահայտվում միավորյալ և տարբեր ենթականերով բարդ համադասական նախադասությունների մեջ:

Զեղչված ստորոգյալով միավորյալ նախադասությունը թերի նախադասության տարատեսակներից մեկն է: Ինչպես միշտ, այս կառուցվածքում ևս զեղչումը հիմնականում կատարվում է երկրորդ բաղադրիչում, թեաբետ չի բացառվում զեղչումը նաև առաջին բաղադրիչում: Ակընհայտ է, որ երկագմ միավորյալ նախադասության մեջ զեղչվում է ստորոգյալը, իսկ միակազմ միավորյալ նախադասության մեջ՝ բայական գերադաս անդամը<sup>5</sup>:

Միավորյալ նախադասության մեջ ստորոգյալի և բայական գերադաս անդամի զեղչումը պայմանավորված է լինում նախադասության կառուցվածքով, բաղադրի նախադասությունների միջև գործառվող շաբահուսական հարաբերությամբ, խոսքային միջավայրով, հաղորդման նպատակով ու եղանակով և այլ հանգամանքներով, որոնց համապատասխան էլ այդ անդամների զեղչումն ունենում է տարբեր դրսեորումներ:

Միավորյալ նախադասության մեջ նույնպես ստորոգյալը զեղչվում է երկու ձեռվ՝ ամբողջովին և մասամբ: Ընդունում, բայական և անվանական ստորոգյալները դրսեորում են զեղչվելու տարբեր յուրահատկություններ: Այսպես՝ բայական ստորոգյալը զեղչվում է թե՛ ամբողջովին և թե՛ մասամբ, իսկ անվանական ստորոգյալը՝ միայն մասամբ. զեղչվում է հանգույցը:

Այնուհետև, միևնույն միավորյալ նախադասության մեջ կարող են տեղ գտնել ստորոգյալի զեղչման այդ ձեւերից մեկը կամ երկուսը միաժամանակ՝ պայմանավորված բաղադրիչ նախադասությունների քանակով. ստորոգյալի զեղչման ձեւերից միայն մեկի դրսեորումը բնորոշ է թե՛ երկրադադրիչ և թե՛ բազմաբաղադրիչ միավորյալ նախադասությա-

5 Այստեղ ներկայացնում ենք նաև միակազմ միավորյալ նախադասության բայական գերադաս անգամի զեղչումը՝ հաշվի առնելով նրա նմանությունը երկագմ միավորյալ կառուցվի ստորոգյալի զեղչմանը:

նը, իսկ ամբողջովին ու մասամբ զեղչումների միաժամանակյա դրսեռ-  
բումը՝ միայն բազմաբաղդրիշ կառուցին։ Հստ ստորոգյալի զեղչման  
ձևերի՝ միավորյալ նախադասությունները բաժանվում են երեք խմբի։

ա) ստորոգյալի ամբողջովին զեղչումով նախադասություններ։

բ) ստորոգյալի մասամբ զեղչումով նախադասություններ։

գ) ստորոգյալի զեղչման երկու ձևերը համատեղով նախադասու-  
թյուններ։

Արդ՝ քննենք ստորոգյալի զեղչման այս ձևերն առանձին-առանձին։

1. Ստորոգյալի ամբողջովին զեղչումով միավորյալ նախադասու-  
թյուններն ավելի հաճախադեպ են։ Միավորյալ նախադասության մեջ  
ամբողջովին զեղչվում է։

ա) Ամենից առաջ պարզ ստորոգյալը։ Երբ միավորյալ նախադա-  
սության երկրորդ (կամ հաջորդ) բաղադրիշի ստորոգյալն արտահայտ-  
վում է նույն բայով, ինչ որ առաջին բաղադրիշի ստորոգյալն է, կրկնու-  
թյունից խուսափելու համար այն երկրորդ (կամ հաջորդ) բաղադրիշում  
զեղչվում է։ Նման զեղչումն արտահայտվում է ավելի հաճախ հանդի-  
պագրական, համեմատաբար սակավ միավորական և ավելի քիչ հակաս-  
ման, ժխտման ու տրոհական միավորյալ նախադասություններում։ Ելլ  
պայմանավորված միավորյալ նախադասության բաղադրիչների հարա-  
բերությամբ՝ պարզ ստորոգյալը դուսկորում է զեղչման տարրեր յուրա-  
հատկություններ։ Ակնհայտ է, որ յուրաքանչյուր կոնկրետ դեպքում ստո-  
րոգյալի զեղչման հիմքը տարբեր է լինում։ Այսպես՝ հանդիպագրական  
հարաբերությամբ միավորյալ նախադասության մեջ ստորոգյալի զեղ-  
չումը ստորոգական հակադրության բացառման արգասիք է, այս դեպքում  
հակադրություն են մեծ մասամբ ստորոգյալների (իսկ միակազմ կառուց-  
վածքում՝ բայական գերադաս անդամների) լրացումները։ Օրինակներ՝  
«Նաի այնտեղ շինեց արքայական հոյակապ ապարանք, իսկ միշնա-  
բերգում՝ գեղեցիկ դոյլակ...» (ՄԳՄ, 437—438), «Ինչո՞ւ շես վիզդ ծուռ  
պահում, բերանդ՝ փակ» (ՍԽՄՍ, 3, 180)։ «Աստված մեկին տալիս է մի  
մատնոց խելք, մի կարաս բախտ, մեկին՝ մի կարաս խելք, մի մատնոց  
բախտ» (Ա, 309)։

Համախ այս կարգի բազմաբաղդրիշ միավորյալ նախադասության  
առաջին ստորոգյալը լինում է տարրեր, իսկ մյուս բաղադրիչների ստո-  
րոգյալներ՝ նույնը։ Այս դեպքում բնականաբար զեղչվում է միայն վեր-  
ջին ստորոգյալը։ Ինչպես՝ «Մի երեկո խեղճ կնիկը վառել էր օչախը  
վրան դրել էր ջրով լի մի կավե աման, մեջն էլ՝ մի քանի հատ կարմիր  
տակ» (Ա, 3, 270)։

Ակնբախ է, որ ստորոգյալի համարանությամբ զեղչվում է նաև  
հանդիպագրական հարաբերությամբ միակազմ միավորյալ նախադա-

սության բայական գերադաս անդամը. ինչպես՝ «Կաթը շափում են լիտ-  
րով, խնձորը՝ կիլոգրամով» (ՆՊՔՃՀ, 156): «Հացը տաշտիցդ վեր կալ,  
ընկերը՝ գեղիցդ» (Ա, 223): Երբեմն ընդհանուր բայական գերադաս  
անդամը զեղչվում է ընդհանրապես, բայց մտքից հանկացվում է: Այս-  
պես, օրինակ, «Հասկացողին՝ մին, շհասկացողին՝ հաղար ու մին» հան-  
րահայտ ասացվածքի երկու բաղադրիչներում էլ զեղչված է ասա գե-  
րադաս անդամը: Սակավագեաք էլ միակազմ միավորյալ նախադասու-  
թյան բայական գերադաս անդամները զեղչվում են բոլոր բաղադրիչ-  
ներում նույնը մինելու դեպքում. ինչպես՝ «Հաղար խոսքին մեկ խոսք,  
հաղար ճնճռուն մեկ քար» (Ա, 7): Այստեղ զեղչված են ասա և զցիր գե-  
րադաս անդամները:

Երբ զեղչված ստորոգյալը առաջին բաղադրիչը նախադասության  
ստորոգյալի ժխտական ձևն է, նրա փոխարեն գործածվում է ոչ, սակա-  
վագեակ էլ՝ երբեք բառը. ինչպես՝ «Նա երեկ գնացել է դպրոց, իսկ այսօր՝  
ոչ»:

Հաճախ միևնույն պարբերությանը բաղադրող հանդիպադրական  
միավորյալ նախադասությունների բաղադրիչները ունենում են նույն  
բայց ստորոգյալը: Այս դեպքում դրանցից յուրաքանչյուրի առաջին բա-  
ղադրիչում ստորոգյալը արտահայտվում է, իսկ հաջորդ բաղադրիչում՝  
զեղչվում (առանձին կամ լրացումներով հանդերձ). ինչպես՝ «— Զէ,  
աղա, (շները) գիլի վրա ուրիշ տեսակ են հաշում, մարդի վրա՝ ուրիշ:  
Խմբի լրա ուրիշ տեսակ են հաշում, կենդու մարդի լրա՝ ուրիշ...» (ՀԹ,  
311): Այս պարբերության մեջ զեղչված է հաշում են պարզ ստորոգյալը  
ձեկի պարագայի գործառույթ ունեցող բառակապակցության (ուրիշ տե-  
սակ) մի բաղադրիչի (տեսակ) հետ: Իհարկե, հաճախ, հատկապնս ժո-  
ղովրդախոսակցական լեզվում, գործողությունը շեշտելու նպատակով  
ստորոգյալը կամ բարական գերադաս անդամը չի զեղչվում, կրկնվում է.  
ինչպես՝ «...Հունվարի ասածից նեածարվում է փետրվարին, մի տարի  
հառաջ գրած բանից երածարվում է ներկայում» (ՄնԵՏ, 47): «Առաջ  
կըլիփս ծեռնաբաց, վերջը կըլիփս գլխաբաց» (Ա, 50): Զեղչված ժխտա-  
կան ստորոգյալի փոխարեն ոչ-ի գործածությունը ավելի հաճախադեպնպ  
է, նույնիսկ, կարելի է ասել, պարտադիր է տրոհական հարաբերությամբ  
միավորյալ նախադասության մեջ. ինչպես՝ «Արդյոք զարկե՞ն, թե ոչ»  
(ԽԴԲԿ, 142) (=Հզարկեն):

Հակասման հարաբերությամբ միավորյալ նախադասության մեջ  
ստորոգյալի զեղչումը, ինչպես նաև զեղչված ժխտական ստորոգյալի  
փոխարինումը երբեք, ոչ, բնակ և այլ բառերով հիմնականում նման են  
հանդիպադրական կառուցվածքում նույն իրակություններին. ինչպես՝  
«— Աշոտը նրա աշքերն է կուրացրել, բայց իմ՝ սիրտը» (ՄԳՄ, 146):

«Վարդանը և Արամը երեկ ինձ այցելել են, բայց այսօր՝ ոչ» (=չեն այցելել):

Պարզ ստորոգյալը յուրատիպ է զեղչվում միավորական հարաբերությամբ միավորյալ նախադասության մեջ: Հետաքրքրական է, որ այստեղ, նախ, ստորոգյալը զեղչվում է մեծ մասամբ տարժամանակության արտահայտման դեպքում, և, երկրորդ, այդ զեղչվումը մասամբ նման է հանդիպաղրական միավորյալ նախադասության ստորոգյալի զեղչմանը: Այնքանով, որքանով միավորյալ նախադասության բաղադրիչների բայց-ստորոգյալների գործողությունները կատարվում են տարբեր ժամանակներում, ժամանակային այդ տարբերությունը մասամբ դառնում է նաև հակադրություն բաղադրիչ նախադասությունների միջև, որը և, մեր կարծիքով, ստորոգյալի զեղչմանը նպաստող ամենահիմնական պայմաններից մեկն է: Ահավասիկ այդպիսի օրինակներ. «Ասպետը նիզակի ծայրով խոտը մոտեցրեց խոյին և միսը՝ վագրին...» (Աի, 3, 265): «Կամսարականը քմծիծաղ նայեց նախ հյուրին, ապա ներողամիտ ժպիտով՝ երիտասարդ իշխանին» (ՍԶՀԲ, 31): «Մարդը, որը ներկայացել է թղթակցին, 1969-ին Երևանից արտագաղթել էր Թեյրութ, ապա՝ ԱՄՆ» (ՎՊՀԲԱ, 110): Այս նախադասություններում բայական անդամի լրացումների միջև հակադրության մասնակի առկայությունը ավելի ակնրախ երևում է հանդիպաղրական հարաբերությամբ տարբերակում: Հմամատը նիզակի ծայրով խոտը մոտեցրեց խոյին, իսկ միսը՝ վագրին...» և այլն, թերված օրինակներում առկա է նաև մեկ այլ հակադրություն՝ պայմանավորված միենույն գործողության՝ տարբեր առարկաների հարաբերմամբ:

Միավորական հարաբերությամբ բաղմարադադրի՛չ միավորյալ նախադասության առաջին բաղադրիչի ստորոգյալը նույնպես կարող է լինել տարբեր: Ավելին, զեղչում ունեցող առաջադաս բաղադրիչները կարող են լինել մեկից ավելին: ինչպես՝ «Պատանի Հուակեց կանոնած էր պատի մոտ և յուր փայլում աշքերով երբեմն նայում էր յուր տիրոջ վրա և երբեմն՝ ծերունի Արքակի վրա» (ԲՍ, 161—162): «Ես ունեցաւ ընկերներ, բայց ոչ մեկին չկարողացաւ մաքուր սիրել և մաքուր սիրվել. մի քանիսի հետ կապված էի տնտեսական ակնկալությամբ, մի երկուսին՝ ուրիշ հույսերով..., մի քանիսին էլ՝ գաղափարներով ու բնավորություններով...» (ԱիՀ, 82):

Այս կառուցվածքին ձևով նման է այն բաղմարադրիչ միավորյալ նախադասությունը, որի առաջին և հաջորդ բաղադրիչների միջև, բացի թվարկումից, առկա են նաև մեկնական, մասի և ամբողջի և այլ ածանցյալ հարաբերություններ: ինչպես՝ «Նա որբ էր. ոչ հայր ուներ, ոչ մայր» (ՍԽԱ, 77): «Մի անանուն ծերունի կար, ո՞չ տուն ուներ, ո՞չ

Հաց» (Ահ, 3, 212): Այս նախադասությունների վերջին բաղադրիչներում գեղշված է ուներ ստորոգյալը:

Այս կարգի միավորյալ նախադասությունը կարող է գործածվել իրրև համադասական պարբերութիւն առաջին մաս կամ եղր. ինչպես «Ամեն օր, խանութք փակվելուց հետո, գրաբները լցրած տուն էր գնում. երբեմն տանում էր բրինձ, երբեմն՝ շամիչ, շատ անգամ՝ կաղին և ընկոյզ, ուրիշ անգամ՝ զանազան բաներ, երբեմն էլ՝ շայ ու շաբար, — մեկ խոսքով նրա այրի մոր համար ապրուստի հորդահոս աղբյուր էր բացվել» (ՈՊԵ, 498):

Միավորական հարաբերությամբ բազմաբաղադրիչ միավորյալ նախադասության մեջ ստորոգյալի զեղչումը հաճախ ավելի է ընդգծում թվարկումը՝ դրանով իսկ մեղմելով թվարկման միալարությունը և լիս-բավորելով խոսքը. օրինակ՝ «Անահիտը ժպտալով նալեց մեզ, առաջ՝ երվանդին. ապա՝ ինձ, հետո՝ նորից երվանդին և գլխով թեթև նշան արեց նրան» (Ահ, 3, 350):

Երբ այսպիսի միավորյալ նախադասությունն արտահայտվում է չափածո ձևով, հանգավորման նպատակով ու ոփթմի պահանջով, ինչպես նաև բաղադրիչ նախադասություն-տողերի կապը ուժեղացնելու համար պարզ ստորոգյալները երբեմն զեղչում են միշտարկված ձևով. ինչպես՝

«Նստել է ձորում՝ սրկինքը զեմքին,  
Ծանր նստել է և ամեն մեկին  
Իրեն արժանի պատիվն է ուալիս.  
Վայրի աղավնուն՝ հաճարը վայրի,  
Մոլորկած ամպին իր քիվն է տալիս,  
Խրտնած քարայծին՝ մութն իր քարայրի» (ՀՍԹԵ, 15):

բ) Սակավագեալ բայական բաղադրյալ ստորոգյալը: Այս զեղչումը ավելի բնորոշ է ներհակական հարաբերությամբ այն միավորյալ նախադասությանը, որի մեջ հակադրության երկրորդ եղրի ստորոգյալը նախորդի ժխտական ձևն է, որպիսի զեպքում զեղչված ստորոգյալի փոխարեն մեծ մասամբ գործածվում է երեք բառը, և որպում է բութ. ինչպես՝ «Բաղին ամեն ինչ կարող էր սպասել, բայց այդ բանին՝ երեք» (ԱԲ, 1, 26):

2. Գործառական ամենատարբեր ոճերում հաճախ են հանդիպում ստորոգյալի նաև մասնակի կամ մասամբ զեղչումով միավորյալ նախադասությունները: Նման զեղչումը բնորոշ է թե՛ բայական և թե՛ անվանական ստորոգյալին՝ տարբեր յուրահատկություններով հանդերձ: Միավորյալ նախադասության մեջ մասամբ զեղչվում է.

ա) Ավելի հաճախ պարզ ստորոգյալը: Ինչպես միշտ, այս դեպքում էլ պարզ ստորոգյալի մասմբ զեղչումն արտահայտվում է օժանդակ բայի զեղչումով: Նկատելի է, որ նման զեղչումը չի պայմանավորվում բաղադրիչ նախադասությունների շարահյուսական հարաբերությամբ, ի տարրերություն պարզ ստորոգյալի ամրողովին զեղչման: Այս դեպքում սժանդակ բայը գործածվում է մեծ մասմբ առաջին բաղադրիչում, իսկ մյուս բաղադրիչում կամ բաղադրիչներում զեղչվում է, և դերբայը կամ զերբայները ստանում են ստորոգյալի գործառույթ: (ինքը, զեղչված օժանդակ բայը միշտ մտովի ուղեկցում է դերբային): Այս դեպքում շեշտվում է ոչ այնքան գործողությունների, իրեն հատկանիշների, լեռագրումը նույն առարկային կամ առարկաներին, որքան տվյալ գործողությունների կատարման փաստը: Օրինակ՝ «Իմ թախիծն էլ այն ամպի պես Յնորում է քնքշաբար, Բոցավառվում հիշելով քեզ եվ արտասվում քեզ համար» (ՎՃ, 2, 95): «Այս անգամ Անանիան ձյութ է հալում, հովացնում ու թափում ձիու մեջքին» (ՍԽԱ, 38):

Հաճախ էլ օժանդակ բայը զեղչվում է բաղմաբաղադրիչ միավորյալ նախադասության առաջադաս բաղադրիչներում և արտահայտվում միայն վերջին բաղադրիչում՝ նշելով նախադասության ավարտը: Նման զեղչումը ավելի բնորոշ է շափածո խոսքին և ունի ոճական նշանակություն, այն նպաստում է ոիթմի ձևավորմանը և հուզական հագեցվածությանը:

«Դու նրանց համար այրվելով ապրում,  
Մաշված մատներով նրանց պապերի  
Օջախը ծխում,  
Տունն էիր պահում նրանց հայրենի» (ՀԱԹԵ, 159):  
...Ամպը լացել, հեռացել  
Ու թաց հողն էր երազում» (ՎԴԱՄ, 171):

Երբեմն էլ օժանդակ բայը գործածվում է միավորյալ նախադասության առաջին և վերջին բաղադրիչներում, որոնց արտարերման տոնը նույնն է լինում, իսկ միջադաս բաղադրիչում կամ բաղադրիչներում զեղչվում է, ինչպես՝ «Այժմ նայում էր մայրական գգմանքով, միաիթարում և երբեմն շեզ մազերը շոյելով համբուրում էր նրան» (ԱՇՔ, 375):

բ) Բայական բաղադրյալ ստորոգյալը: Հայերենի զարգացման արդի փուլում նկատելի է բայական բաղադրյալ ստորոգյալի մասնակի զեղչման կայունանալու միտում: Սակայն այդ զեղչման ոլ ամեն մի դրսնորումն է ստեղծում թերի կառուցվածք: Միավորյալ նախադասության մեջ մասնավորապես նկատելի է բայական բաղադրյալ ստորոգյալի մասնակի զեղչման երկու արտահայտություն:

նախ, ինչպես նշեցինք, միավորյալ նախադասության բաղադրիւները հաճախ ունենում են ընդհանուր եղանակին, որպիսի կառուցվածքը թերի չէ: Օրինակ՝ «Ամբողջ մարդկությունը ցանկանում է իր տագնապները քողնել հին տարվա հետ և վերանորոգել իր հույսերը նոր տարվա գալուստով» (ՀԶ, 1.1.1979, 4): «Մենք փորձեցինք նրան համոզել կամ կուտել համառությունը»: Թերևս բացառություն է կազմում նման կառուցվածքի հանդիպադրական հարաբերությամբ միավորյալ նախադասությունը, որի մեջ եղանակիչի զեղչումը, հակադրությանը բնորոշ հնչերանգով պայմանավորված, ավելի շատ է զգացվում. երկրորդ բաղադրիչում, անորոշ դերբայից առաջ, հնչերանգը կտրուկ իշխում է՝ նշելով եղանակիչի զեղչումը, որը գրավոր խոսքում արտահայտվում է բութով: Հմմտ: «Նրանք վճարում էին արքունի գանձարանին մի որոշյալ հարկ, պարտավորված էին որոշ թվով զորք պահել, պատերազմի ժամանակ օդնել թագավորին, իսկ խաղաղության ժամանակ՝ պահպանել տերության սահմանները» (ԲՍ, 173): Այս նախադասությունը, ի տարբերություն վերևի օրինակների, արդեն թերի է, որովհետև նրա վերջին բաղադրիչի արտարերման ժամանակ ակնհայտորեն զգացվում է եղանակիչի (պարավորված էին) զեղչումը:

Երկրորդ՝ երրորդ հակասման հարաբերությամբ միավորյալ նախադասության բաղադրիչների միջև գործառվում է սահմանափակման հարաբերություն, առաջին բաղադրիչի բայական բաղադրյալ ստորոգյալը սովորաբար լինում է հաստատական, իսկ երկրորդ բաղադրիչներ՝ ժխտական: Այս դեպքում ավելի հաճախ երկու ստորոգյաներն էլ ունենում են նույն բայով արտահայտված անորոշ դերբայ բաղադրիչը, որը երկրորդ բաղադրիչում զեղչվում է, բայց մտովի հասկացվում է: Սակայն այս դեպքում անորոշ դերբայի զեղչումը «մնում է աննկատ», և նույն բաղադրիչում եղանակին բայց դառնում է պարզ ստորոգյալ, ինչպես՝ «Նորից փորձեց ոլուխը վեր հանել, դարձյալ չկարողացավ» (ԱԲ, 1, 302) (=շկարողացավ վեր հանել): «Մանուկն ուղում է Ոտքի փուշն հանել, Սակայն ոչ մի կերպ չի կարողանում...» (ՎԴԱՄ, 30) (=չի կարողանում հանել): Ինչպես երևում է, այս նախադասություններում անորոշ դերբայ-բաղադրիչի շեղչումն այնքան բնական է (առանց կարական հնչերանգ ստեղծելու), որ այս կառուցվածքները պետք է դիտել իբրև լրիվ (ոչ թերի) նախադասություններ:

Նույն ձևով երրորդ հակասման հարաբերությամբ միավորյալ նախադասության բաղադրիչն նախադասությունների բայական բաղադրյալ ստորոգյալներն ունենում են նույն բայով արտահայտված եղանակին, իսկ անորոշ դերբայները՝ տարբեր բառական արտահայտություն, երկրորդ (կամ հաջորդ) բաղադրիչում անորոշ դերբայն արտահայտվում է, իսկ

եղանակիլը զեղչվում է՝ փոխարկվելով երբեք, բնավ, հազիվ թե բառերով ու կապակցություններով։ Այս զեղչվում երկրորդ ստորոգյալը սովորաբար ունենում է ժխտական բնույթի՝ Օրինակ՝ «Մենք մեզ սեփական ուժերով, իրավ է, պաշտպանվել կարող ենք, բայց մեր երկիրը թշնամուց իսպառ մաքրել՝ հազիվ թե» (ՐՍ, 385) [= (հազիվ թե) կարողանանք մաքրել]։ Այսպես զեղչվում է նաև միակազմ միավորյալ նախադասության բայական գերադաս անդամի մի բաղադրիչը՝ զիմավոր ձեր, որը տվյալ դեպքում ունի եղանակիչ արժեք. ինչպես՝ «— Նրան կարելի էր խնդրել, բայց երբեք՝ երամայել» (ՄԳՄ, 195) [= (երբեք) (չէր կարելի երամայել)]։ Այս և նախորդ նախադասություններն արդեն թերի են։ Ի դեպ, երբ նման միավորյալ նախադասության առաջին ստորոգյալը լինում է անվանական, հաջորդ ստորոգյալի եղանակիչ բայի զեղչմամբ կառուցվածքը լինում է արհեստական։ Հմտությունը է, ինքը նույնպես դժգոհ էր, բայց նզումին՝ երբեք...» (ՍԶՀԲ, 281) [= (երբեք) չէր նզումում]։ Ստորոգյալի այսպիսի զեղչումը խորթ է արդի լեզվամտածողությանը։

Միավորյալ նախադասության կազմում բայական բաղադրյալ ստորոգյալի մասնակի զեղչում պետք է դիտել նաև այն, երբ երկրորդ (կամ հաջորդ) բաղադրիչի անորոշ գերբայը լինում է անվանական բաղադրիչով բայական հարազրություն, և դրա անվանական բաղադրիչն արտահայտվում է, իսկ բայականը՝ զեղչվում։ ինչպես՝ «...հայրդ... կարող է քո կարիքներին կարելից լինել և քո ցավերին՝ ցավակից» (ՐՍ, 506) [= կարող է ցավակից լինել]։

գ) Առավել հաճախակի անվանական բաղադրյալ ստորոգյալը։ Այս զեղչում, որպես կանոն, հիմնականում զեղչվում է հանգույցի։ Յարբեր անվանական միավորյալ նախադասություններ դրսուրում են հանգույցի զեղչման արբեր յուրահատկություններ՝ պայմանավորված վերադրի խոսքիմասային և հանգույցի բառական արտահայտությամբ, նախադասության արտահայտության ձևով (արձակ, շափածո) և այլ իրակիություններով։

Դոյական և ածական վերադրիներով ստորոգյալների հանգույցի զեղչումն ավելի հաճախադեպ է։ Ընդ որում, երկու դեպքում էլ հանգույցը սովորաբար գործածվում է առաջին բաղադրիչ նախադասության մեջ, իսկ մյուսում կամ մյուսներում զեղչվում է։ ինչպես՝ «Սա մասնավոր դեպք չէ, այլ հասարակական երեսույթ (ՍՇԲ, 218)։ «Դավիթն անվախ էր, արագաշարժ և սրատես» (ՄԳ, 1976, № 8, 41)։ Ինչպես երեսում է այս օրինակներից, զեղչված հանգույցով և թվարկման հարաբերությամբ միավորյալ նախադասության արտասանությունը գրեթե չի տարբերվում նույն նախադասության շեղչված ստորոգյալով տարբերակի արտա-

սանությունից և գրավոր խոսքում չի արտահայտվում կետադրությամբ (բութով): Մինչդեռ հանդիպադրական հարաբերության դեպքում զեղշմած հանգույցով բաղադրիչ նախադասությունն ունենում է կտրական հնչերանգ, որն արտահայտում է հանգույցի զեղչված, հետևաբար նաև նախադասության թերի լինելը: Այս դեպքում էլ հանգույցի զեղչումը գրավոր խոսքում արտահայտվում է բութով. ինչպես՝ «Թա Վահան Մամիկոնյանի երկրորդ կինն էր, իսկ Սամվելի՝ խորթ մայրը» (ԲՍ, 89): «...Աշխարհում մեզ դու պարզերես դարձեցիր, իսկ ինքդ քեզ՝ Կրկին հաղթող մենամարտիկ...» (ՊՍ, 4, 168):

Ինչպես տեսնում ենք, այս օրինակներում երկրորդ բաղադրիչի հնչերանցի կտրական լինելը և բութի գործածությունը պայմանավորված են բաշագրիչ նախադասությունների միջև գործառվող ներհակական հարաբերությամբ: Անգամ այն դեպքում, երբ միավորյալ նախադասության բաղադրիչները կապված են միավորական հարաբերությամբ, իսկ արտաքիլական պլանում նրանց միջև մասսամբ առկա է հակադրություն, նախադասությունը դարձյալ արտասանվում է հանգույցի զեղչումն ակնարկող հնչերանգով. ինչպես՝ «Մինչև զբեթե հիսուն տարեկան հասակը ծխական դպրոցում ուսուցիչ էր նա հայոց լեզվի, իսկ դասամիջոցներին՝ աշակերտների վրա հսկիչ...» (ԱՅ, 3, 381):

Մանրություն: Այս նախադասության բաղադրիչների միջև հակադրության առկայությունն է հավաստում նրա՝ հանդիպադրական տարբերակի հեշտությամբ փոխարկվելու հնարավորությունը: Հմմտ. «Մինչև զբեթե հիսուն տարեկան հասակը ծխական դպրոցում ուսուցիչ էր նա հայոց լեզվի, իսկ դասամիջոցներին՝ աշակերտների վրա հսկիչ»:

Սակավաղեապ էլ, հատկապես շափածո խոսքում, հանգույցը զեղչվում է նախադաս բաղադրիչում կամ բաղադրիչներում և արտահայտվում է միայն վերջին բաղադրիչում՝ ամբողջացնելով թվարկումը. ինչպես:

«Մի օր դարձնած անտառ,  
Մի օր հնձած հովիտ,  
Մի օր կորդ ես եղել» (ՀՍՍԲ, 8):

Բաղմաբաղադրիչ միավորյալ նախադասության մեջ հանգույցը երբեմն արտահայտվում է առաջին և վերջին բաղադրիչ նախադասություններում, իսկ միջադաս նախադասության մեջ զեղչվում է. ինչպես՝ «Մեկի խիղճն ես եղել ու հավատը բարու, Մեկի համար մտքի Ավուր հաց ես եղել» (ՀՍՍԲ, 231):

Բաղմաբաղադրիչ անվանական միավորյալ նախադասության մեջ հանգույցը երբեմն արտահայտվում է առաջին երկու-երեք բաղադրիչնե-

րում, իսկ մյուսներում զեղչվում է: Նման զեղչումը ավելի շատ տարածված է շափածո խոսքում: Բանաստեղծը դրան դիմում է ոճական նկատառումով. խոսքին հուզականություն հաղորդելու, ստորոգվող հատկանիշները ընդգծելու և, հնարավորին շափ, ստորոգելիական ավելի շատ հատկանիշներ (հետևաբար և բաղադրիչ նախադասություններ) թվարկելու համար: (Մինչդեռ նման դեպքում հանգույցի կրկնությունը ամեն մի վերադրի հետ՝ սահմանափակում է թվարկվող բաղադրիչ նախադասությունները): Ահավասիկ մեկ օրինակ.

«Դու մեր հաստատ Մասիս սարը»  
 Վստահելի թիկունքն իս մեր (1),  
 Մեր երգերի ծովասարը (2),  
 Ու բյուրակյան ակունքն իս մեր (3),  
 Մեր արնոտված հավթի լեզուն (4),  
 Մեր կարոտած ֆիդան յարը (5),  
 Մեր լեփիլեցուն հոգիների ձայնատարը (6),  
 Մեր երգերի խազը-նոտան-ձայնատարը (7),  
 Զայնասփյուռը կենդանի (8),  
 Ու ձայների թանգարանը (9),—  
 Մեր հայկական երգարանը... (10) (ՊՍ, 4, 239):

Այս միավորյալ նախադասության տասը բաղադրիչ նախադասություններից ընդամենը երկուսում է հանգույցը արտահայտված (թիկունքն ես, ականքն ես), իսկ մյուսներում զեղչված է: Եվ այդ զեղչումը այնքան բնական է ու պատճառաբանված, որ բաղադրիչ նախադասություններում հանգույցի (ես) «վերականգնումը» հանճարեղ բանաստեղծի անմահ պոեմի այս հատվածը զրկում է իր շքեղ փայլից:

Երբեմն միավորյալ նախադասության մի բաղադրիչում զեղչված հանգույցը մյուս բաղադրիչում արտահայտված հանգույցը չէ: Ավելի հաճախ զրանք լինում են նույն հանգույցի հաստատական և ժիմտական ձեերը: Դա առավել բնորոշ է ժիմտան հարաբերությամբ միավորյալ նախադասությանը. ինչպես՝ «Դիսերտացիոն աշխատանքները շպետ է լինեն ինքնանպատակ, այլ գիտական հետազոտությունների տրամաբանական ամփոփում (ԺԸ, 9, 431) (=այլ պետք է լինեն... ամփոփում):

Նշենք նաև, որ գոյական և ածական ստորոգելիներով միավորյալ նախադասության մեջ հանգույցը երբեմն էլ բոլոր բաղադրիչ նախադասություններում արտահայտվում է՝ ստորոգելիներն առանձին-առանձին ընդգծելու, շեշտելու համար. ինչպես՝ «...բայց բանտում օրերը տարիներ են, դարեր են, երբեմն հավերժույն են» (Ահ, 3, 319):

Հանգուցը զեղչվում է նաև տարբեր խոսքի մասերով արտահայտված ստորոգելիներով բաղադրված միավորյալ նախադասության մեջ. ինչպիս՝ «Մանկությունից եղել ես մտածող ու աշխաբաց» (ԱՇՔ, 4, 150): «Նորածիններին մկրտող բավոր էր, պատկվողների գլխին՝ խալ բռնող, զարիբություն գնացողին՝ բարի ճանապարհ, վերադարձողին առաջինը բարի գալուստ մաղրող էր» (ՀԹ, 1, 469—470):

Ավելացնենք նաև, որ հանգուցը զեղչումը հաճախ էլ պայմանավորված է լինում անվանական ստորոգյալի ժխտական բնույթով: Այս դեպքում հանգուցը կարող է զեղչվել և երբեք-ով փոխարինվել նաև առանց առաջին ստորոգյալի ժխտականը լինելու: Դա հանդիպում է հատկապես «պարզ ստորոգյալ+անվանական ստորոգյալ» կառուցվածքի՝ միավորյալ նախադասության մեջ. ինչպիս՝ «Նա հուսալքված, մոլորված է, բայց դավաճան՝ երեխ» (ՍԽՄՍ, 3, 388) (=դավաճան չէ):

Իսկ երբ միավորյալ նախադասությունը բաղադրված է լինում նույն անվանական ստորոգյալի հաստատական ու ժխտական ձևերով, և ժրխտական ստորոգյալն էլ լինում է նախադաս, զեղչումը հիմնականում բացառվում է. ինչպիս՝ «ՄԵՒՆՔ պատասխանատու չենք մեր մեջ արթնացած զգացումի, տենչի համար, բայց պատասխանատու ենք այն կատարածներ, իրականացնելու մեջ» (ԱԻ, 3, 399):

Զեղչված անվանական ստորոգյալներով միավորյալ նախադասության մասին մեր խոսքը ամբողջացնելու նպատակով համառոտակի անդրադառնանք անհանգուց միավորյալ նախադասություններին: Դրանք այնպիսի կառուղիներ են, որոնք ընդհանրապես հանգուց շոմեն, թեև մտովի կարող ենք վերականգնել: Ընդհանրապես անհանգուց նախադասությունները (պարզ, բարդ համադասական և այլն) արդի հայերենում, մասնավորապես գեղարվելիստական գրականության մեջ, շատ տարածված են: Լնզվաբանական գրականության մեջ նրանց գոյությունը արձանագրվել է, միայն թե տրվել են տարբեր մեկնություններ: Տարակարծությունները առկա են ինչպես ոռու, այնպես էլ հայ քերականագիտության մեջ: Ուստի շարահյուսագիտներից Գալկինա-Ֆեդորովը այդպիսի ստորոգյալները գիտում է իրեն զրո հանգուցով անվանական բաղդրյալ ստորոգյալներ: Նա գրում է. «Առանց հանգուցի, լոկ մի վերադրով ստորոգյալը նույնպես անվանական բաղդրյալ ստորոգյալ է, սակայն զրո հանգուցով, որի բացակայությունը ծառայում է իրեն ներկա ժամանակի հատկանշի արտահայտություն: Այդպիսի ստորոգյալը ավելի նպատակահարմար է բաղդրյալ համարի նրա համար, որ այն հարաբերակցվում է հանգուցատիպ ստորոգյալներին...» (168, էջ 155): «Русский языки» ձեռնարկի հեղինակները՝ Ա. Զեմսկին, Ս. Կրուկովը և Մ. Սվետլանը, հետեւելով Գալկինա-Ֆեդորովին, հանգուցի բացակայու-

թիունը համարում են ներկա ժամանակի դրսեւորման ցուցիչ՝ զրո ցուցիչ, իսկ համապատասխան անհանգույց ստորոգյալները՝ անվանական բաղադրյալ ստորոգյալներ (տե՛ս 141, էջ 22—24): Նրանք այդպիսի ստորոգյալների ամենաբնորոշ առանձնահատկությունն են դիտում արտասահմական դադարը:

Քննության առարկա ստորոգյալները այլ ձևով են գնահատվում ուսւաց լեզվի ակադեմիական քերականության մեջ: Այստեղ դրանք դիտվում են իրեն պարզ անվանական ստորոգյալներ (տե՛ս 135, էջ 414—420):

Հայ շարահյուսագիտության մեջ նույնպես անդրադարձվել է անհանգույց անվանական ստորոգյալների քննությանը: Այստեղ գրեթե նույն կարծիքներն են արտահայտվել, որպիսիք առկա են ուսւաց լեզվի քերականագիտության մեջ: Մեզանում այս հարցին առաջինը հանգամանուրեն անդրադարձել է պրոֆ. Վ. Առաքելյանը: Նա, քննելով այդպիսի ստորոգյալների առաջացման պատճառներն ու գործածության պայմանները, դրանք դիտում է պարզ անվանական ստորոգյալներ (տե՛ս 27, էջ 150—151): Իսկ դոցենտ Ա. Քյուրքչյանը այդպիսի ստորոգյալները անվանում է անհանգույց կամ զրո հանգույցով անվանական բաղադրյալ ստորոգյալներ (տե՛ս 104, էջ 10) և դրանք տարրերակում է անվանական ստորոգյալի ու բայական հանգույցով կազմված ստորոգյալներից, որպիսիք էլ կաղմում են բայանվանական բաղադրյալ ստորոգյալներ (ն. տ., էջ 11—31, նաև՝ 105, էջ 181, 189):

Ինչպես տեսնում ենք, անհանգույց անվանական ստորոգյալների գնահատման հարցում կան տարակարծություններ: Այդ կարծիքները հիմնականում բաժանվում են երկու խմբի՝

ա) անհանգույց անվանական ստորոգյալները պարզ անվանական ստորոգյալներ են.

բ) անհանգույց անվանական ստորոգյալները անվանական բաղադրյալ ստորոգյալներ են:

Մեր կարծիքով՝ առավել ընդունելին վերջին տեսակետն է, և դա հետեւալ պատճառով: Նախ՝ նման անուն բառերը ստորոգյալի գործառույթ են ձեռք բերում, որովհետեւ միշտ մտովի ըմբռնվում է դրանց բայական հանգույցի գոյությունը, ճիշտ այնպես, ինչպես միակազմ անվանական ռախաղասություններում ենթադրվում է գործողության կամ եղելության իմաստ, թեև նրանցում բայական բաղադրիչ չկառ (12, էջ 259): Ինչպես միակազմ անվանական ռախաղասության մեջ ստորոգումը իրացվում է հնչերանգով, և ամեն մի բառ կամ բառերի կապակցություն նախադասություն է դիտվում իր հնչերանգային ստորոգման շնորհիվ, նույն ձևով էլ երկկաղմ նախադասության մեջ անհանգույց անվանական ստո-

րոգելիները ստորոգյալ են ըմբռնվում իրենց դիմային նշանակությամբ (մասնավորապես պետք է շեշտել դրանց ընդհանրական ներկայի իմաստը):

Երկրորդ՝ տվյալ դեպքում հանգուցի զեղչումը չի բացառում ստորոգումը. դրանցով հաստատվում կամ ժխտվում է հատկանշի առկայությունը, և միաժամանակ դրսեռումը է խոսողի վերաբերմունքը հաղորդվածի: Նկատմամբ:

Այսուհետեւ, քանի որ այդպիսի վերաբերների չարտահայտված հանգուցը մտովի ըմբռնվում է և կարելի է վերականգնել, նշանակում է այդ ստորոգալները նույնպես պետք է դիտել իրեն անվանական բաղադրյալ ստորոգալներ, միայն այն տարրենությամբ, որ դրանց հանգուցը պարզապես զեղչված է, Հետևաբար այդպիսի նախադասություններն էլ զեղչված հանգուցով անվանական նախադասություններ են:

Ուսումնասիրությունները ցույց են տալիս, որ շատ հաճախ, հատկապես շափածո խոսքում, անհանգուց է լինում նաև միավորյալ նախադասությունը: Սա հանդիպում է մասնավորապես այն դեպքում, եթե խոսողը (կամ հեղինակը) ներկայացնում է միևնույն առարկայի կամ առարկաների կայուն, անփոփոխ վիճակները իրեն ստորոգվող հատկանիշներ: Այդ դեպքում հատկանիշների վերաբրումը առարկային (կամ առարկաներին) նաև պլան է մղվում: Օրինակ՝

«Գալինան ամպրոպը՝

Շանթի շեկ մոլուցը

Եվ արցունք բարի» (ՎԴԱՄ, 134):

Սա արտաքուստ նման է միակաղմ միավորյալ նախադասությանը, սակայն երկկաղմ կառուցվածքի է, քանի որ նրանում սոսկ երկու անգամ զեղչված է նույն է հանգուցը, որը հեշտությամբ կարող ենք վերականգնել, և դրանից իմաստն ու կառուցվածքը չեն տուժի, միայն խախտվում է շափածո խոսքի ոփթմը, և այդ խոսքը հակվում է դեպի արձակ արտահայտությունը: Հմմտ. «Գալինան ամպրոպը շանթի շեկ մոլուցը է և արցունք (է) բարի»:

Անհանգուց ստորոգալներով միավորյալ նախադասությունների առկայությունը պայմանավորված է լինում համատեքստային մի շարք հանգամանքներով: Ամենից առաջ դա հանդիպում է այն դեպքում, եթե տվյալ միավորյալ նախադասությունը համատեքստում ունի իրեն նախորդող մի այլ միավորյալ նախադասություն, որի ենթական նույնն է, իսկ ստորոգալներն ունեն հանգուց: Այս երկրորդ միավորյալ նախադասության մեջ հանգուցի (հանգուցների) զեղչումը կրկնությունից խուսափելու հետևանք է. ինչպես՝

«Եվ այդ գրուցքը զանգատ է ու ֆեն...  
 Եվ այդ գրուցքը՝  
 Գեղարդյա վանքի կամարների տակ  
 Դարեր տվայտող նույն տառապանքը,  
 Հրե արցոնքով լացող նույն մոմը,  
 Բեկված խաչքարի նույն տիրությոնը  
 Եվ Արտամետի  
 Հին խնձորենու ծաղկաթերթերի  
 Նույն սուսն սպիտակ... (ՎԴԱՄ, 129):

Անհանգույց միավորյալ նախադասությոնը կարող է լինել նաև տարբեր ենթականերով բարդ համադասական նախադասության երկրորդ (կամ հաջորդ) եղբը: Այս գեպքում միավորյալ նախադասություն-բադադրիչի հանգույցի գեղջումը պայմանավորված է լինում համադասական նախադասության առաջին բաղադրիչում դրա առկայությամբ. ինչպես «Երկինքը փակ է հավետ, երկիրը՝ դառն ու դաժան...» (ՎՃ, 2, 10): «Թայց բոլոր խոսքերը իզուր են արգեն, Թալիսմանները մեռած և անուժ...» (ՎՃ, 1, 80): Սակավադեպ անհանգույց միավորյալ նախադասությունը տարբեր ենթականերով բարդ համադասական նախադասության վերջին եղբ է դառնում առանց համադասական կազմակցության առաջին մասում նույն հանգույցի արտահայտության. ինչպես «Անցնում է անօթեան երկրում այն միշտ հյուրասեր, Անցնում է զյուլ ու ավան, Բոլորը — լուս ու ավեր» (ՎՃ, 2, 64):

Երբեմն էլ անհանգույց միավորյալ նախադասությունը ինքնուրույն է լինում: Այս դեկտում նրա գոյությունը պայմանավորվում է խոսքի ընդհանուր շղթայով, մասնավորապես նրան նախորդող նախադասությամբ կամ նախադասություններով, որոնց հանգույցը մտովի տարածվում է նաև միավորյալ կառուցքի վրա. ինչպես՝

«Հետ դարձա՛ կրկին: Այնքան մութ էին  
 Խոսքերդ այն գիշեր: Մուր ու առօրյա» (ԵԶ, 1, 277):

«Նա մերթ Սխտոր քարումն էր, մերթ Անդոկի լանշերին, մերթ ճանճիկի անդամ և մերթ Բրիմոցի ցից ժայռերի վրա: Միշտ զենքը ձեռքին և Մարքյին մեջին կապած» (ԵԴԱԿ, 299):

Իսկ երբ միավորյալ նախադասությունն ունենում է «անհանգույց անվանական ստորոգյալ+բայական ստորոգյալ» կառուցվածքը, հանգույցի գեղջումը պայմանավորված է լինում հաջորդ բաղադրիչում բայական ստորոգյալի դիմային ցուցիչի առկայությամբ. ինչպես «Արագը ծով, Արագը ելման, Դուրս է եկել իր ափերից» (ՀԹ, 142):

3. Սակավադեա էլ միմնույն բազմաբաղադրիչ միավորյալ նախադասության մեջ միաժամանակ առկա են լինում ստորոգյալների ամբողջովին և մասամբ զեղչումները. ինչպես՝ «Երազի պես սարից գալիս, Երազի պես անցնում ձորով,— Զորին շողք ու շուր է տալիս, Զրադացին՝ երդ ու կորով» (ՀԱՔԵ, 166): Այս նախադասության առաջին երկու բաղադրիչներում զեղչված է հանգույցը (է), իսկ վերջին բաղադրիչում՝ տալիս է պարզ ստորոգյալը:

## ՍՏՈՐՈԳՅԱԼԻ ԿՐԻՆՈՒԹՅԱՄԲ ՄԻԱՎՈՐՅԱԼ ՆԱԽԱԴԱՍՈՒԹՅՈՒՆՑ

### ԸՆԴՀԱՆՈՒՐ ԲՆՈՒԹԱԳԻՐ

Նախադասության անդամների կրկնությունը ժամանակակից հայերենում շատ տարածված է: Այն հիմնականում կատարվում է ոճական նկատառութով և գործառվում է առօրյա-խոսակցական, գեղարվեստական ու հրապարակախոսական ոճերում: Կրկնվում են նախադասության գրեթե բոլոր անդամները, միայն թե ամեն մի անդամի կրկնությունը յուրովի է աղջում նախադասության կառուցվածքի մրա: Այդ տեսակի ել ստորոգյալի կրկնությունը (ի՞արկե, ոչ բոլոր դեպքերում) էապես տարբերվում է նախադասության մյուս անդամների կրկնությունից: Եթե մյուս անդամների կրկնությունը հիմնականում ոճական նշանակություն ունի, ապա ստորոգյալի կրկնությունը ավելի հաճախ փոխում է նախադասության կառուցվածքը՝ պարզ նախադասությունը փոխակերպելով բարդ համադասական (ավելի կոնկրետ՝ միավորյալ) նախադասության:

Ստորոգյալի կրկնությունը քննվել է տարբեր տեսանկյուններից՝ ժամանակակից ուսւաշարական լինում ևն հիմնականում պարզ ստորոգյալի կրկնությունը՝ այն համարելով այդ ստորոգյալի բարդացված ձևերից մեկը (տե՛ս 135, էջ 403—404, 172, էջ 503, 123, էջ 319, 132, 169, էջ 26—37, 121, էջ 170—171): Սովորակայ լեզվարանության մեջ ստորոգյալի կրկնությանը առաջինը անդրադարձել է պրոֆ. Վ. Առաքելյանը՝ քննության առնելով պարզ ստորոգյալի կրկնության ձևերը և դրանց ոճակիմաստային նշանակությունները (տե՛ս 27, էջ 107—111): Պրոֆ. Ն. Պառնասյանը ստորոգյալի կրկնությունը դիտում է որպես շարահարական բարդ համադասական նախադասության բաղադրիչների կապակցմանը նպաստող բառական միջոց (տե՛ս 84, էջ

8 Այս կառուցի ու նրա ոճական նշանակության համակողմանի քննությունը տե՛ս 59, էջ 13—19. էջ 31—46:

43—44): Պրոֆ. Ա. Աբրահամյանը, անդրադառնալով արդի հայերենի կերպավորության վերլուծական դրսենորումների բնութագրմանը, կերպավորության դրսենորումներից մեկն էլ համարում է պարզ ստորոգյալի կրկնությունը (տե՛ս 6, էջ 10—16):

Ինչպես նկատելի է, թե՛ ոուս և թե՛ հայ շարահյուսագիտության մեջ քննվել է հիմնականում պարզ ստորոգյալի կրկնությունը և այն էլ ոչ համակողմանիորեն: Ակնբախ է, որ կրկնվում է ինչպես պարզ, այնպես էլ բաղադրյալ ստորոգյալը՝ պայմանավորելով նախադասության կառուցվածքային, մասամբ նաև իմաստային ու ոճական մի շարք առանձնահատկություններ:

Արդ՝ ստորոգյալի կրկնությամբ կազմված նախադասությունը պա՞րզ է, թե՞ բարդ:

Ստորոգյալի կրկնված ձևերը տարբեր ենթակաների հետ գործառվելու դեպքում ստանում են ինքնուրույն ստորոգյաների գործառություն, և այդպիսի նախադասության՝ տարբեր ենթականերով բարդ համադասական կապակցություն լինելն էլ կասկած չի հարուցում. ինչպես «Ընած է երկիրը, քնած է քամին» (ՀԹ, 2, 14): Բայց երբ ստորոգյալի կրկնությունն արտահայտվում է ընդհանուր ենթակայի հետ, նախադասության կառուցվածքի ըմբռնման հարցում առաջանում է երկվություն, որը հաղթահարելու համար ամենից առաջ պետք է պարզել՝ միևնույն ենթակայի հետ ստորոգյալի բոլոր կրկնությունները մե՞կ բառաքերականական արժեք ունեն, թե՞ դրանք ինքնուրույն ստորոգային միավորներ (ստորոգյալներ) են: Վերը նշված ոուս մասնագիտական գրականության մեջ ընդհանուր ենթակայի հետ պարզ ստորոգյալի բոլոր կրկնությունները դիտվում են որպես մեկ սարք ստորոգյալ, իսկ ամբողջ նախադասությունը՝ պարզ նախադասություն: Այս հարցին ժամանակակից հայ շարահյուսագիտության մեջ գրեթե չի անդրադարձել: Բացառություն է կազմում միայն պրոֆ. Վ. Առաքելյանի հետևյալ դիտողությունը. «Եթե ստորոգյալը կրկնվում է նախադասության տարբեր անդամների շրջապատում, ապա այդպիսի կրկնվող ստորոգյալները պետք է դիտել որպես անկախ ստորոգյալներ» (15, էջ 167): Դա նշանակում է, որ նախադասության տարբեր անդամների հետ կրկնվող ստորոգյալներն ինքնուրույն ստորոգյալներ են, իսկ այդպիսի նախադասություններն էլ կազմությամբ բարդ են:

Կրկնվող ստորոգյալների ինքնուրույնությունը, բառական տարբեր շրջապատներից բացի, պայմանավորված է լինում նաև մի շարք այլ հանգամանքներով: Ընդհանրապես միևնույն ենթակայի հետ ստորոգյալի կրկնությունը կարող է նախադասության կառուցվածքը փոխել կամ չփոխել՝ նայած թե միևնույն ստորոգյալի կրկնությունները բառաքերա-

կանական ինքնուրբույնություն ունե՞ն, թէ՝ ոչ Դրանում համոզվելու համար դժտարկենք հետեւյալ օրինակները.

1. «Կանչում էր, կանչում ձյունոտ լեռներում Մեկը կարոտի իրիկ-նամուտին» (ԵԶ, 1, 37): «Իսկ ես խոսում եմ, խոսում եմ, խոսում» (ՊՍ, 1, 314): «Ու որիշի թևերով, Այլ սեփական թևերով ես լողայի, լողայի Բաց կապույտի մեջ» (ՀՍՍԲ, 138):

2. «Երգում էին բլուկները՝ գորշ զգեստ հագած և լուսեղեն աշուկ-ներով. Երգում էին իրենց դյութական ուրբայաթները սիրո կրակով կը-րակված, — ու Երգում էին Սաադիի սրտի մեջ» (ԱԻ, 3, 72): Ասպետ և սպասավոր խմում էին Արտյուրի արևաշտության և ազնիվ քաջության հարմար, խմում էին երկու անդավաճան ընկերների սիրո անվախճա-նության համար» (ն. տ., 175): «Առաքելը պատմում էր իրենց կյանքը, թափառումները հայրենիքից զրկվելուց հետո, պատմում էր մահերի ու ծնունդների մասին...» (ՀՔ, 1, 405):

Այս երկու խմբի նախադասություններից առաջինները պարզ են, իսկ երկրորդները՝ բարդ հետեւյալ պատճառներով:

Առաջին. բերլած երկու շարքի նախադասություններում ստորոգ-յաները կրկնվում են տարբեր նպատակադրումներով: Առաջիններում դրանք կրկնվում են սոսկ կերպավորման նպատակով և նախադասու-թյունների կառուցվածքը շեն փոխում, իսկ կերպավորությունը, որ բա-յին բնորոշ միջմակարդակային կարգերից է, ամենից առաջ ընդգծում է գործողությունը, մասսամբ նշում նաև տեսականությունը, անընդհատա-կանությունը, նաև հուզական լիցք է հաղորդում խոսքին: Մինչդեռ հա-չորդ շարքի նախադասություններում ստորոգյալները կրկնվում են այլ նպատակներով՝ պայմանավորված բառական տարբեր միջավայրերում դրանց գործածությամբ: Այստեղ կրկնված ստորոգյալների՝ տարբեր լրացումներ ունենալը (1-ին և 3-րդ օրինակներ) կամ նույն կարգի, հա-մասեր լրացումներն ընդգծելու նպատակով դրանցից յուրաքանչյուրի հետ առանձին գործածվելը (2-րդ օրինակ) ուժեղացնում են նրանց ինք-նուրուցնությունը իմաստային ու քերականական տեսակետից:

Երկրորդ. կրկնվող հատկանիշը առաջին շարքի նախադասություն-ներում տվյալ առարկային վերագրվում է միևնույն, իսկ հաջորդ նա-խադասություններում՝ տարբեր հանգամանքներում (տեղ, ժամանակ, նպատակ և այլն):

Երրորդ. Ֆթե առաջին խմբի օրինակներում կրկնված ստորոգյալ-ները շարադասվում են իրար մոտ ու արտաքիրվում են առանց տեսական դադարի, որը նրանց ավելի է զրկում բառաքերականական ինքնուրուցնու-թյունից, ապա երկրորդ շարքի նախադասություններում կրկնված ստո-

բոգյալների՝ իրարից հեռու գործածվելը ավելի է մեծացնում նրանց բառական ու շարահյուսական ինքնուրույնությունը:

Չորրորդ, շարադասությամբ պայմանավորված՝ առաջին խմբի ստորագյալները չեն սահմանազատվում հնչերանգային տևական դադարով. դրանք չունեն բարդ նախադասության բաղադրիչ նախադասություններին բնորոշ որոշակիորեն ինքնուրույն հնչերանգը և, ընդհակառակն, միավորվում են պարզ նախադասության բաղմակի անդամներին բնորոշ սովորական թվարկման հնչերանգով: Մինչեւ երկրորդ շարքի նախադասություններում կրկնված ստորոգյալներն իրենց լրացումներով ստանում են հնչերանգային առանձնացում. արտաքերվում են բարդ համադասական նախադասության բաղադրիչներին բնորոշ իշնող-բարձրացող հընչերանգով:

Այսպիսով՝ երբ ընդհանուր ենթակայի կրկնված ստորոգյալները շարադասություն են իրար մոտ և միասին ցույց տալիս միւնույն գործողությունն իր տեսականության մեջ ու ստանում են նույն լրացումը կամ լրացումները<sup>9</sup>, այդ դեպքում չեն ունենում բառաքերականական ինքնուրույնություն և, հետեւաբար, կազմում են մեկ բարդացված ստորոգյալ, իսկ ամբողջ նախադասությունը՝ պարզ նախադասություն: Նման կառուցվածքում ստորոգյալի կրկնությունն ունի սոսկ կերպավորման նպատակ, իսկ երբ ընդհանուր ենթակայի ստորոգյալի կրկնված ձևերը իրարից հեռու են շարադասություն, գործածվում են տարբեր բառական միջավայրերում, արդեն ձեռք են բերում անկախություն ու ինքնուրույնություն և նմանվում են տարբեր բառերով արտահայտված ստորոգյալներին: Միևնույն ստորոգյալի այդպիսի կրկնությունները ինքնուրույն ստորոգյալներ են, իսկ նման կրկնությամբ կազմված նախադասությունը բարդ է, տվյալ դեպքում՝ միավորյալ:

Ստորոգյալի կրկնությամբ կազմված միավորյալ նախադասություններն ունեն կառուցվածքային ու իմաստային մի շարք առանձնահատկություններ: Երկրազարդիչ կառուցվածքում՝ ստորոգյալը կրկնվում է երկու, իսկ բաղմաբաղադրիչում՝ երկուսից ավելի անդամ. ինչպես՝ «նա սիրամ էր ընդարձակություն, սիրում էր ազատություն» (ԲՍ, 485): «Հայելը և Դավիթը աշխատում են միասին, աշխատում են ոգևորությամբ, աշխատում են բոլորի հոգատար ուշադրության պայմաններում»: Բաղմաբաղադրիչ միավորյալ նախադասությունը հաճախ կազմվում է երկու տարբեր ստորոգյալների՝ կրկնությամբ. ինչպես՝ «Որմիղգուխտը

9 Կրկնվելիս ստորոգյալը կարող է նաև լրացում չտանալ. ինչպես՝ «Միուս՝ մեռած աղջիկս» (ՍԶՀԲ, 59):

կարմբեց, գունաքափվեցավ, դարձյալ կարմբեց, դարձյալ գունաքփեցավ» (ՐՄ, 130):

Ստորոգյալի կրկնությամբ միավորյալ նախադասությանը նույնպես բնորոշ են քաց և փակ կառուցվածքները: Բաց կառուցվածք ունեն միավորական հարաբերությամբ նախադասությունները, որոնցում ստորոգյալը կարող է նորից կրկնվել: Այսպես՝ «նայեցին իրար, նայեցին նրան» (ԵԶ, 2, 45) երկրաղադրիչ կառուցյում ստորոգյալը կարող է նորից կըրկընվել՝ երկրաղադրիչ կառուցվածքը փոխարկելով բազմարարաղադրիչի: Ինչպես՝ «նայեցին իրար, նայեցին նրան, հետո նայեցին դիմացի սարերին»: Փակ կառուցվածք ունեն հիմնականում ներհակական հարաբերությամբ երկրաղադրիչ միավորյալ նախադասությունները, որոնց կազմում ստորոգյալը մեծ մասամբ չի կարող նորից կրկնվել: Ինչպես՝ «նրան մի քանի օր առաջ էին բերել այստեղ, բայց բերել էին արդեւ կիսամնու» (ՍԱԾՀ, 23):

Ստորոգյալի կրկնությամբ միավորյալ նախադասության բաղադրիչների ինքնուրույնությունն ու կապի սերտությունը տարբեր են լինում՝ պայմանավորված այդ բաղադրիչների միջև գործառվող շարահյուսական հարաբերությամբ, բայց ական լրացումների բնույթով, ստորոգյալների կրկնության ձևով և այլ հանգամանքներով: Կրկնված ստորոգյալների (ու նրանց լրացումների), որպես բաղադրիչ նախադասությունների, անկախության աստիճանը մեծապես պայմանավորված է նրանց շարահյուսական հարաբերությամբ: Ներհակական հարաբերության դեպքում ստորոգյալների ինքնուրույնությունն անհամեմատ մեծ է: Ինչպես՝ «Արամն ու Հայելը պատմեցին կատարվածի մասին, սակայն պատմեցին ու հանգամանորեն»:

Միավորական հարաբերությամբ կառուցվածքում կրկնվող ստորոգյալները կապի սերտության ու ինքնուրույնության տեսակետից տարբեր յուրահատկություններ են հանդես բերում: Նախ՝ բայց ական լրացումները թվով շատ և արտահայտության ծավալով մեծ լինելու դեպքում կրկնվող ստորոգյալները (իրենց լրացումներով) արտարկվում են տեսական դադարով, որը գրավոր խոսքում արտահայտվում է միջակետով: Ինչպես՝ «Ես նավատացել եմ աստծուն և բնությանը. նավատացել եմ ազնվության հաղթանակին՝ վատի նկատմամբ» (ԷԶԴՀ, 52): Իսկ ստորոգյալների անկախությունը նվազ լինելու դեպքում գրանց միջև դադարը կարճաժակ է լինում, որը գրավոր խոսքում արտահայտվում է ստորակետով: Ինչպես՝ «Նա ծածկեց Սամվելից և նրա հորեղբոր՝ Վասակի շարաշար մահը Շապուհից, ծածկեց և Արշակ թագավորի աքսորվելը...» (ՐՄ, 48):

Այսուհետեւ, տարծմանակության դեպքում կրկնված ստորոգյալների ինքնուրույնությունն ավելի է մեծանում, իսկ գա առկա է, երբ՝

ա) նախադասության մեջ գործածվում են ժամանակի դրսեւրման բառական միջոցներ, բ) ստորոգյալի երկրորդ (և Հաջորդ) կրկնության հետ գործածվում են համեստականշի շափը նրա կրկնվելու նշումով արտահայտող շափի մակրայներ (նորից, վերստին, կրկին, դարձյալ), գ) կրկնված ստորոգյալները ընդհատվում են այլ ստորոգյալով ու նշված շափի մակրայներով, դ) նույն գործողությունը յուրաքանչյուր կոնկրետ դեպքում հարաբերում է տարբեր առարկայի կամ կատարվում է տարբեր հանգամանքներում, ե) կրկնված ստորոգյալներն ստանում են տարբեր լրացումներ, կամ այս վերջիններն արտահայտվում են ստորադաս նախադասությամբ: Օրինակներ ա) «Նայեցին դեպի վերև, ինտ լուռ ժպիտով նայեցին միմյանց երեսին» (ԲՍ, 401); բ) «Նա երեկոյի սկզբում կատարեց Կոմիտասի «Կոտոնկը», երեկոյի վերջում նորից կատարեց «Կոտոնկը»: գ) «Հափշտակված էր կիլիթ դրախտի տեսարաններով. անթարթ նայում էր շուրջը, ետ դառնում և նորից նայում» (Ահ, 3, 194): դ) «Մի քիչ հետո ուշքի գալով, բաց արեց ալքերը, նայեց առաստաղին, նայեց նեֆիմին, (ԱԱԾՀ, 170): ե) «Դարձավ իր կովից իշխան Թաթուլը, Դարձավ հաղթական իրեն զորքի նետո...» (ՀԹ, 252): «Այն ժամանակ նա կարծում էր, թե այդ մարդու սերը կարող էր լինել անշեշ, կարծում էր նաև, որ անա զավակ վաղուց որոնած մեկին» (ԱՇՔ, 271): Ինչպես տեսնում ենք, միավորյալ նախադասության բաղադրիչները տարծամանակությամբ կապվելու դեպքում միմնույն ստորոգյալի կրկնությունները ցույց են տալիս նույն գործողության կատարումն իրար հետմից, որոշ ընդմիջումներով, որ համարժեք է տարբեր գործողությունների:

Ավելացնենք նաև, որ ստորոգյալի նմանակությամբ կրկնվում է նաև բայական գերադաս անդամը՝ կազմելով միակազմ միավորյալ նախադասություն. ինչպես՝ «Ինչո՞ւ մեալ, ո՞ւմ համար մեալ» (Ահ, 3, 351):

#### ՍՏՈՐՈԳՅԱԼԻ ԿՐԿՆՈՒԹՅԱՄԲ ՄԻԱՎՈՐՅԱԼ ՆԱԽԱԴԱՍՈՒԹՅԱՆ ՏԵՍԱԿՆԵՐԸ

Միավորյալ (և ոչ միայն միավորյալ) նախադասության մեջ ստորոգյալը կրկնվում է տարբեր ձևով: Այսպես, օրինակ, «Մարդկանց հետ իրենց սկ բախտն են կիսել, Սկ օրն են կիսել ու բախտը սպիտակ» (ՀՍՍԲ, 206), «Արդեն հարյուր հազար համբարձումներ են եկել ու զալիս ենք (ՎՊՀԲԱ, 142) նախադասություններից առաջինում կիսել են ստորոգյալը երկրորդ անդամ կրկնվել է նույնությամբ, իսկ հաջորդում արտահայտվել են նույն բայ-ստորոգյալի տարբեր քերականական ձևերը՝ սահմանական եղանակի վաղակատարը և ներկան, այսինքն՝ այստեղ ստորոգյալը կրկնվել է մասամբ: Բազմաբաղադրիչ միավորյալ նախադասության մեջ գործածվում է այսպիսի միավորյալ, որը կազմում է միավորյալի մասամբ առաջին բայ-ստորոգյալը և միավորյալի մասամբ առաջին բայ-ստորոգյալը:

թյունը երբեմն էլ համատեղում է ստորոգյալի կրկնության երկու ձևերը՝ լրիվ և մասնակի կրկնությունները. ինչպես՝ «Դու խորհրդածում ես քնության մասին, խորհրդածում ես կյանքի հավերժության շուրջը և ընդմիշտ պիտի է խորհրդածես»:

Ստորոգյալի կրկնությամբ միավորալ նախադասությունները դասակարգելիս պետք է հաշվի առնել ստորոգյալի կրկնության տարրեր ձևերը և դրանց զուգակցումը: Ըստ այդմ էլ նման միավորյալ նախադասությունները բաժանվում են երեք խմբի.

ա) ստորոգյալի լրիվ կրկնությամբ միավորյալ նախադասություններ.  
բ) ստորոգյալի մասնակի կրկնությամբ միավորյալ նախադասություններ.

գ) ստորոգյալի լրիվ և մասնակի կրկնության համատեղմամբ միավորյալ նախադասություններ:

#### ՍՏՈՐՈԳՅԱԼԻ ԼՐԻՎ ԿՐԿՆՈՒԹՅԱՄԲ ՄԻԱՎՈՐՅԱԼ ՆԱԽԱԴԱՍՈՒԹՅՈՒՆ

Ստորոգյալի լրիվ կրկնությամբ միավորյալ նախադասությունն այնիվ հաճախադեպ է: Այս կառուցվածքում ստորոգյալը կրկնվում է նույնությամբ, լրիվ շափով: Ընդունին, ստորոգյալի բոլոր տեսակները հավասարաշափ չեն կրկնվում: Միավորյալ նախադասության մեջ լրիվ կրկնվում է.

1) Ավելի հաճախ պարզ ստորոգյալը: Վերջինս կրկնվում է տարրեր ձևով՝ դրսենորելով միավորյալ նախադասության ոճական, մասսամբ նաև կառուցվածքային ու իմաստային տարրեր առանձնահատկություններ: Պարզ ստորոգյալի կրկնության ձևերից մեկը երկանդամ կրկնությունն է՝ երկու տարրեր ստորոգյալների միաժամանակյա կրկնությունը: Այս դեպքում բաղադրիչ նախադասությունները կապահցվում են և, ու միավորիշ շաղկաներով կամ շարահարությամբ, իսկ գործողության կերպավորությունը, մասնավորապես տեսականությունը, ընդգծված է արտահայտվում: ինչպես՝ «Մինչև մութն ընկնելը բուրդ նաղոյի բնակատեղում պատիվներ արին Առաքելին, լոեցին ու խոսեցին, լոեցին ու խոսեցին ու երեկոյան կողմ ձիերը հեծած անհետացան» (ՀՔ, 1, 411): Գործողություններից մեկի տեսականությունն ավելի է ընդգծվում, երբ տվյալ ստորոգյալը վերջին կամ նախավերջին բաղադրիչում փոխում է իր շարադասությունը: Այս դեպքում մասսամբ փոխում է նաև բաղադրիչներին-մտային փոխհարաբերությունը. օրինակ՝ «Նստում են իմաստուններն ու մտածում, մտածում են ու նստում...» (Սիև, 6):

Հաճախ պարզ ստորոգյալը կրկնվում է իր լրացումներով՝ ընդգծելով դրանց բառական նշանակությունը: Այդ լրացումները կարող են լի-

նել նաև համանիշ ձեեր. ինչպէս՝ «Բայց հասակ է առել, հասունացել ինձ նետ, Հասունացել ինձ նետ՝ կոկ մի քառորդ դարում» (ՊՍ, 1, 35). «Երկուող շունեմ, ան շունեմ ես» (ՀԹ, 59):

Կրկնվող պարզ ստորոգյալը լրացում կարող է ունենալ միավորյալ նախադասության կամ միայն մեկ բաղադրիչում՝ սովորաբար երկրորդում (կամ հաջորդում) և կամ ել բոլոր բաղադրիչներում: Դրան համապատասխան պարզ ստորոգյալի լրիվ կրկնությամբ միավորյալ նախադասությունները բաժանվում են երկու խմբի՝ ա) միայն մեկ բաղադրիչում լրացում ունեցող միավորյալ նախադասություններ և բ) բոլոր բաղադրիչներում լրացում ունեցող միավորյալ նախադասություններ: Առաջին դեպքում պարզ ստորոգյալը միավորյալ նախադասության նախադաս բաղադրիչում գործածվում է առանց լրացման, իսկ երկրորդ (երրեմն նաև հաջորդ) բաղադրիչում՝ լրացման հետ: Այս դեպքում ստորոգյալի երկրորդ կրկնության նպատակը ընդհանուր գործողության մասին հաղորդումը այդ գործողության որևէ հանգամանքին կամ նրա հետ կապված առարկային վերաբերող լրացուցիչ տեղեկությամբ հարստացնելու է: Եվ տրամարանական շեշտը ընկնում է հենց այդ լրացման (կամ լրացումների) վրա. ինչպէս՝ «Եվ այժմ նա հոր դպաղի առօք լալիս էր և լալիս էր արցունեներ քափելով սրտի մեջ» (ԱՇՔ, 19): «...Հայրս գալիս է և զալիս է նայոց սպառապետի պաշտոնով» (ԲՍ, 61):

Երրեմն առաջին բաղադրիչում էլ ստորոգյալն ունենում է լրացում, բայց որան կաբեռություն չի տրվում, և դարձալ ընդգծվում է ստորոգյալի երկրորդ կրկնության լրացումը: Առաջին բաղադրիչի լրացումը ալելի հաճախ լինում է՝ ընդհանուր անդամ և, բնականաբար, չի ընդգծվում. օրինակ՝ «Նա կպատճի կնոջը և կլպատճի շարշար» (ԱՇՔ, 154): Այստեղ կնոջը ընդհանուր ուղիղ խնդիրը չոմի երկրորդ բաղադրիչ նախադասության շարշար ձևի պարագայի ոճակիմաստացին ընդգծվածությունը: Ավելին, խոսողի (գրողի) նպատակը ու այնքան պատճելու փաստի արձանագրումն է, որքան դրա իրականացման ձևի ընդգծված դրսնումը:

Պարզ ստորոգյալի լրիվ կրկնությամբ կազմված երկրորդ խմբի միավորյալ նախադասությունների մեջ ստորոգյալի ամեն մի կրկնություն հիմնականում արտահայտվում է լրացման (կամ լրացումների) հետ: Ընդ որում, միևնույն կառուցցում ստորոգյալի բոլոր կրկնությունները կարող են ստանալ կամ նույն և կամ տարրեր գործառությով լրացումներ: Ըստ այդ լրացումների արտահայտության՝ միավորյալ նախադասությունները բաժանվում են երկու հնֆախմբի:

ա) Համասեռ լրացումներով ստորոգյալի կրկնությամբ միավորյալ նախադասություններ: Այս դեպքում ստորոգյալի բոլոր կրկնություններն

ունինում են նույն խնդիրը կամ պարագան՝ տարրեր բառական արտահայտությամբ: Կարեոր նշանակություն է ստանում կրկնված ստորոգյաների խնդրառությունը: Նկատեի է, որ այստեղ ստորոգյալը կրկնվում է խնդիրներն ու պարագաները շիշտելու, ընդդեմ նպատակով: Նման միավորյալ նախադասությունը համանիշ է բազմակի խնդիրներով կամ պարագաներով պարզ նախադասությանը: Այսպես՝ հմտությունը հարգում էր այդ մարդուն, հարգում էր և նրա անժերանալի արիությունը: Սրանք շարահյուսական համանիշ ձևեր են, իմաստով նույնն են, իսկ կառուցվածքով՝ տարրեր: Ակնհայտ է, որ դրանց միջն առկա է նաև ոճական-վերաբերմունքային տարրերություն. առաջին նախադասության մեջ առանձին-առանձին ընդգծված են ուղիղ խնդիրները, իսկ երկրորդ տարրերակում նույն ուղիղ խնդիրները միավորված են թվարկման հնչերանգով՝ առանց հատուկ ընդգծվածության:

Հաճախ համասեռ լրացումներն ստանում են նույնաբնույթ ստորագան նախադասություններ, որոնք կրկնվող ստորոգյաների բառացիրականական ինքնուրույնությունն ավելի են մեծացնում. ինչպես՝ «Մտածում էր իրենց տան վրա, ին օրերի վրա, երբ ազատ խաղում էր հանդերում ու լիասիք հաց էր ուստում, մտածում էր էն երեկոների վրա, երբ ներն ու մերը կովում էին իւեն քաղաք քերելու համար... մերը լաց էր լինում, չեր ուզում...» (Հթ, 272): Երբեմն էլ հենց լրացումներն են արտահայտվում նույնաբնույթ երկրորդական նախադասությամբ: Չի լրացում նաև նրանցից մեկի բառական, իսկ մյուս՝ ստորագան նախադասությամբ արտահայտությունը. ինչպես՝ «Այրովում եմ, երբ ենու ևմ լինում երանից, այրվում եմ նորից, երբ մոտն եմ լինում երա» (Աի, 3, 20): «Մենք չենք նկատել, որ անցել ենք Սարիդամիջը, չենք նկատել սարալանջին փոված հրաշք անտառները» (ՎՊՀԲԱ, 167):

Լրացումների համասեռությունը հաճախ ավելի մեծանում՝ ընդպրոկելով նախադասության նաև այլ անդամներ: Դա արտահայտվում է այն ժամանակ, երբ առաջին բաղադրիչ նախադասության լրացումները ևս մյուս բաղադրիչում ունենում են իրենց համասեռ ձևերը: Այս դեպքում միավորյալ նախադասության բաղադրիչների միջև առաջանում է իմաստային ու բառաքերականական զուգահեռություն, որը մեծ մասմբ դրսկորվում է նաև շարադասության մեջ. ինչպես՝ «Եմ աշքերի մեջ այնքան կրակներ եմ մարել և եկ հոգու մեջ, հուսահատ, այնքան տառներ եմ մարել» (ԵԶ, 1, 295):

բ) Անհամասեռ լրացումներով ստորոգյալի կրկնությամբ միավորյալ նախադասություններ: Այսպիսի կառուցվածքներում պարզ ստորոգյալը կրկնվում է տարրեր լրացումների հետ: Անհամասեռությունը գոր-

ժառվում՝ է՝ ա) երբ ստորոգյալը կրկնվում է տարրեր խնդիրների կամ պարագաների հետ, բ) երբ կրկնվող ստորոգյալներից մեկի հետ զործածվում է խնդիր, իսկ մյուսի հետ՝ պարագա։ Ակնրախ է, որ լրացման լրացումների անհամասեռությունն այս դեպքում ավելի մեծ է։ Իբրև տրամարանական շեշտակիր անդամներ հանդես են գալիս կրկնված ստորոգյալների անմիջական լրացումները՝ խնդիրներն ու պարագաները։ Այս դեպքում կրկնված ստորոգյալների բառաքերականական ինքնուրուցնությունը անհամեմատ մեծ է։ ինչպես՝ «Ետ նայեց Դիլան դային, եկած նանապարհին նայեց» (ԱԲ, 1, 77): «Սիրտս ճշաց երդեներիդ լույսին կարու—ճշաց ցրտից» (ԵԶ, 1, 26): «Բայց նոգեն եմ արդեն եկ նոգեն եմ այնքան» (ՊՍ, 1, 311):

2) Մասսամբ անվանեական բաղադրյալ ստորոգյալը։ Ընդսմին, այս կրկնությունը հիմնականում պայմանավորված է լինում որոշիչ և հատկացուցիչ լրացումների ընդգծված դրսեորմամբ։ Տվյալ դեպքում առավել հաճախադեպը՝ գոյական ստորոգելիիով ստորոգյալի կրկնությունն է համասեռ որոշիչներն ու հատկացուցիչները ընդգծելու նպատակով։ ինչպես՝ «Իմ բախտի տերն եմ ևս այսօր և առհավետ եկ տերն եմ նաև երերների» (ՊՍ, 1, 65): «Փառասեր մարդ էր Բյուզանդ էֆենդին և փառքի մարդ էր» (ՎՓՄՊ, 95): Նման կրկնությունը երբեմն էլ կատարվում է անհամասեռ լրացումների դրսեորման նպատակով։ Այս դեպքում անհամասեռություն են կազմում որոշիչն ու հատկացուցիչը։ ինչպես՝ «Ես հավատեն քո, Քայլող հավատը» (ՊՍ, 1, 505):

Խնդրառություն ունեցող ածական վերադրով ստորոգյալը կրկնվում է հիմնականում խնդիրներն առանձին-առանձին ներկայացնելու համար։ ինչպես՝ «Արտագերսը ծանոք էր Հռոմին, ծանոք էր նաև Բյուզանդիային» (ԲՍ, 351):

3) Մակավադեպ բայական բաղադրյալ ստորոգյալը, որի կրկնությունը հիմնականում նման է պարզ ստորոգյալի կրկնությանը։ Բայական բաղադրյալ ստորոգյալի լրացումները ևս լինում են համասեռ ու անհամասեռ։ ինչպես՝ «Վարդանը և Գևորգը փորձում են համոզել ընկերներին, փորձում են համոզել բոլոր ժամութ մարդկանց»։ «Դու կարող ես օգնել Հայկին և կարող ես օգնել բոլոր շատ»։

#### ՍՏՈՐՈԳՅԱԼԻ ՄԱՍՆԱԿԻ ԿՐԿՆՈՒԹՅԱՄՄՐ ՄԻԱՎՈՐՏԱԼ ՆԱԽԱԴԱՍՈՒԹՅՈՒՆ

Ստորոգյալի կրկնության մյուս ձևը մասնակի կրկնությունն է։ Մասնակի ենք անվանում ստորոգյալի այն կրկնությունը, երբ այն կրկնվում է ոչ ամբողջությամբ, մասնակի շափով։ Մասնակիորեն կրկնված ստորոգյալներն ավելի ինքնուրուցն են ու անկախ։ Ակնհայտ է, որ պարզ և 211

րաղագրյալ ստորոգյալների կրկնության նպատակը և ոճական-քիրականական նշանակությունը տարբեր են: Միավորյալ նախադասության մեջ մասնակի կրկնությամբ հանդես են դալիս:

ա. Ավելի շատ պարզ ստորոգյալը: Այս ստորոգյալի կրկնված ձևերի միջև գործառվում են քերականական տարրերություններ: Մասնավորապես կրկնվում են միևնույն պարզ ստորոգյալի՝

1) տարբեր եղանակաժամանակային ձևերը: Ընդումին, կրկնվող ստորոգյալները նույն եղանակի բայաձեւեր լինելու դեպքում իրարից տարրերվում են միայն ժամանակային իմաստով. ինչպես՝ «...Այստեղ կատարվել է և մասսամբ կատարվում է մի խոր հեղաշրջում» (ՎՏ, 2, 277): Իսկ միևնույն ստորոգյալի տարբեր եղանակաձեւերը կրկնվելու դեպքում՝ դրանց միջև արդեն գործառվում են թե՛ եղանակային և թե՛ ժամանակային տարրերություններ. ինչպես՝ «— Զի կամենում և ահավասիկ պատճվում է շարաշար ու պիտի պատժվի հավիտյան...» (ՍԶՀԲ, 417):

2) տարբեր սեռային (մասնավորապես ներգործական ու կրավորական, չեղոք ու ներգործական) ձևերը. ինչպես՝ «Զորն կին նետում մայրերը մանկանց ու նետվում այնպես...» (ՊՍ, 4, 268): «Հասկացի՛ր, հասկացը՛ ուրիշներին» (ՍԽՄՍ, 3, 60):

3) հաստատական ու ժխտական ձևերը, որոնք կարող են ունենալ նաև տարբեր երանգ. ինչպես՝ «Խոսքերն այդ իմ մեջ և՛ կան, և՛ չկան՝ Ստորերկրյա քո ջրերի պես» (ՊՍ, 1, 507): «Նա կորցրե՞ց բոլորին, բայց չկորցրեց յուր սրտի վեհությունը» (ԲՍ, 402): Միավորյալ նախադասության առաջին ստորոգյալը ժխտական լինելու դեպքում երկրորդ բաղադրիում կարող է ժխտվել ուղիղ խնդիրը՝ ստեղծելով լրիվ ու մասնակի ժխտման յուրատիպ զուգակցում. ինչպես՝ «Զես թնդունում դու արդին կանչ ու հրավեր, Ոչ էլ մեզ ես ընդունում, Տո՛ լաճ տնավեր» (ՀՍՍԲ, 151):

Նմանապես կրկնվում են նաև միակազմ միավորյալ նախադասության բայական գերադաս անդամի հաստատական ու ժխտական ձևերը. ինչպես՝ «Մի՛ ունեցիր հարյուր դահեկան, ունեցի՛ր երկու բարեկամ» (Ա, 225): «Գենա՛լ, թե՛ շգնալ»:

4) սակավադեպ է՛ տարբեր երանգային ձևերը: Դա արտահայտվում է այն ժամանակ, երբ միևնույն ստորոգյալի ամեն մի գործածություն ունի մյուսից տարբեր երանգ: Նման կառուցվածքը խառը երանգի միավորյալ նախադասություն է. ինչպես՝ «...Ու թերում է հողմը, թերում շառաշանքներն՝ Ա՛խ, թամար...» (ՀԹ, 25):

Պարզ ստորոգյալի մասնակի կրկնություն ենք դիտում նաև բայական զուգադրությամբ արտահայտված ստորոգյալի բաղադրիչներից մե-

կի կրկնությունն իրը կ ինքնուրուց ստորոգյալ կամ էլ, ընդհակառակն, պարզ բայով արտահայտված ստորոգյալի կրկնությունը դուժադրական հարաբերությամբ ստորոգյալի կաղմում։ Այս դեպքում ստորոգյալների ինքնուրուցնությունը մեծ է լինում, և էական նշանակություն է ստանում դրանց շարադասությունը. զուգադրական բայ-ստորոգյալի արտահայտությամբ ու շարադասությամբ է պայմանավորվում մյուս ստորոգյալի արտահայտությունը. օրինակ՝ «Բույնը դիտելուց հետո զնաց կանգնեց ճահիճը, կանգնեց կնոջ զարկված տեղի վրա...» (Ահ, 3, 52): «Գնա, որդի՛, գեա բեր» (ԱՇՔ, 148):

Բ. Բայական բաղադրյալ ստորոգյալը: Այս կրկնությունը շատ տարածված է և միատարր չէ՝ պայմանավորված նրանով, որ կարող են կրկնվել այդ ստորոգյալի թե՛ եղանակիւը և թե՛ անորոշ դերքայքը։ Դրանցից յուրաքանչյուրի կրկնության դեպքում նախադասությունն ստանում է կառուցվածքային ու ոճական-իմաստային տարրեր յուրահատկություններ։ Բայական բաղադրյալ ստորոգյալի մասնակի կրկնությամբ միավորյալ նախադասություն է կաղմվում,

1) Երբ կրկնվում է միայն եղանակի բայը՝ նման կրկնությունն ունի ավելի շատ կերպավորիչ նշանակություն, բայց քանի որ գործողությունն այդ ստորոգյալի կազմում հիմնականում արտահայտվում է անորոշ դերքայով, ուստի տարրեր անորոշ դերքայ և միևնույն եղանակի բայ ունեցող ստորոգյալների անկախությունը համեմատաբար մեծ է։ Օրինակ՝ «Ցանկանում էր խոսել, ցանկանում էր քերեացնել ամբոխված վշտերը» (ԲՍ, 135):

Բազմաբաղադրիչ կառուցվածքում ընդհանուր եղանակի լուրեմն կրկնվում է առաջին նրկու բաղադրիչ նախադասություններում, իսկ հաջորդ բաղադրիչում (կամ բաղադրիչներում) դեղլվում է. ինչպես՝ «Ցանկանում էր ներս մտնել, ցանկանում էր նայել քնած որդու վրա,— երկար նայել և նիանալ նրանով» (ԲՍ, 460):

2) Երբ կրկնվում է անորոշ դերքայը՝ արտահայտելով գործողության տեսականությունը. ինչպես՝ «Մտածող աշքեր ուներ թենումին, կարօղ է ժամերով խոսել երեք հարլուր վաթսոմ մեղեդիներից յուրաքանչյուրի մասին, խոսել իմացությամբ, սիրով, քնքշանքու» (ՎՊՀԲԱ, 224): Անորոշ դերքայի կրկնությունը երեմն էլ կատարվում է նախորդ և հաջորդ բաղադրիչների կապակցման նպատակով. օրինակ՝ «Ա՛խ, ինչպես կուզնայի վեր կենալ. Վեր կենալ և բախել բոլորի դռները և դուրս կանչել բոլորին կյանքի շքեղ խնջուկի համար» (Ահ, 3, 67): Նմանապիս կրկնվում է նաև ընդհանրական դիմավոր միակազմ միավորյալ նախադասության գերադաս անդամի անորոշ դերքայ բաղադրիչը. ինչպես՝ «Ո՛չ,

կարելի է շարունակ փետրել, փնտրել մեղ նման, բայց և չգտնել» (ՊՍ, 4, 314):

3) Երբ ստորոգյալներից մեկը բայական բաղադրյալ է, իսկ մյուսը՝ պարզ Ընդ որում, պարզ ստորոգյալն ու բաղադրյալ ստորոգյալի դիրքայական բաղադրիչն արտահայտվում են նույն բայով: Այս դեպքում ստորոգյալները լիովին ինքնուրույն են ու անկախ: ինչպես՝ «Առաջմ Սասանյանները շեն կարող համբերել և շեն համբերում մեր քրիստոնյա Արշակունիներին» (ԲՍ, 266):

Նման միավորյալ նախարարության բայական բաշադրյալ ստորոշյալը հաճախ լինում է ժխտական բնույթի, որպիսի դեպքում հաջորդող ստորոգյալը լինում է հաստատական, և բաղադրիչ նախադասություններն էլ կապվում են ժխտման հարաբերությամբ: օրինակ՝ «Բայց մարդը չի կարողանում ապրել էն մեծ կյանքով, այլ ապրում է միայն նրա մի մասով—մարդկության կյանքով» (ՀԹ, 430): Երբեմն էլ նախադաս է լինում պարզ ստորոգյալը: ինչպես՝ «Ես շեմ ըմբռնում, շեմ կարող ըմբռնել ոչնչությունը» (ԱԻ, 3, 154):

Բաղմարադրիչ միավորյալ նախադասության մեջ պարզ ստորոգյալը տարբեր եղանակաժամանակային ձևերով երկու կամ ավելի անգամ կրկնվելու դեպքում ամբողջ կապակցությունը բաղադրող ստորոգյալների (պարզ, բայական բաղադրյալ) ինքնուրույնությունը խիստ մեծանում է: ինչպես՝ «Ամեն տեսակ դժբախտություն, ամեն տեսակ բախտի հալածանք կտանեի և տանում եմ, բայց հասարակ կնոջ այդ հասարակ բանի համար տված հանդիմանությունը ոչ մի կերպ չէի տանի և շեմ կարող տանել» (ՆԴ, 288):

Գ. Անվանական բաղադրյալ ստորոգյալը, երբ կրկնվում է նրա բաղադրիչներից մեկը: Ընդ որում, ստորոգելիի: կրկնության դեպքում բաղադրիչ նախադասությունները կապվում են տարժամանակությամբ: ինչպես՝ «Դու մասնակից էիր նրա փառքին, մասնակից եղար և նրա դժբախտությանը» (ԲՍ, 236): Իսկ հանգույցը կրկնվելիս ստորոգելիները տարբեր են լինում, և ընդգծվում են միննույն առարկային կամ առարկաներին ստորոգվող հատկանիշները: ինչպես՝ «Ճնշացել են վեմ ու մանը եվ արձագանք են դարձել, եվ դարձել են նեկանք...» (ՎԴԱՄ, 44):

Երբեմն էլ կրկնված ստորոգելիի բաղմակի որոշիչներից մեկը լինում է նախադաս, իսկ մյուսը՝ ետադաս: Ընդ որում, նախադաս է լինում այն որոշիչը, որի բառական նշանակությանը խոսողը (գրողը) առավել կարևորություն է տալիս: ինչպես՝ «Այս գեղգեղանքը սիրավառ սրտի, զրեղին արցունքների և անծայր կարոտի մի ամբողջ հեքիաթ էր, մի դյուրական հեքիաթ, հազարան ծաղիկների բույրերով ներդաշնակված...» (ԱԻ, 3, 55):

Առանձին խումբ են կազմում ստորոգյալի կրկնության երկու ձևեր՝  
լրիվ և մասնակի կրկնությունները համատեղող բազմաբաղադրիչ միա-  
վորյալ նախադասությունները, որոնց ստորոգյալների բառաքերականա-  
կան ինքնուրույնությունը մեծ է: Այս դեպքում ստորոգյալների մի մասը  
կրկնվում է նույնությամբ, իսկ մյուս մասը՝ քերականական ձևերի փո-  
փոխությամբ: ինչպես «Կապված ենք, այսպես» կապված ենք ամուր ու  
շենք բաժանվում ու շենք բաժանվի...» (ՊՍ, 4, 308): «Ազատի՛ր Հորդ  
անեծքից, որդի՛, ազատի՛ր և մեզ էլ ազատի՛ր» (ԱՇՔ, 35):

ՍՏՈՐՈԴՅԱԼԻ ԿՐԿՆՈՒԹՅԱՄԲ ՄԻԱՎՈՐՅԱ ՆԱԽԱԴԱՍՈՒԹՅՈՒՆ ՈՃԱԿՆ  
ՆՇԱՆԱԿՈՒԹՅՈՒՆԸ<sup>10</sup>

Ոճական նշանակություն ունեցող շարահյուսական կառույցների  
թվին է պատկանում ստորոգյալի կրկնությամբ միավորյալ նախադասու-  
թյունը, որն ընդհանրապես ոճական երկույթ է: Միայն թե այս կարգի  
տարրեր միավորյալ նախադասությունների ոճական նշանակությունը  
տարրեր է՝ պայմանավորված ստորոգյալի կրկնության ձևով ու նպատա-  
կով, համատեքստով, խոսքային իրադրությամբ և այլ հանգամանքներով:

Այս կառույցի ոճական նշանակությունը պայմանավորված է ամենից  
առաջ ստորոգյալի կրկնության նպատակով: Ինչպես արդեն նշել կնք,  
ստորոգյալը կրկնվում է ամենից առաջ իր այս կամ այն լրացումը (լրա-  
ցումները) ընդգծելու, ինչպես նաև միավորյալ նախադասության բա-  
ղադրիչների կապի ամրապնդմանը նպաստելու համար (հմմտ. 84, էջ  
42): Բաղադրիչ նախադասությունների կապի ամրապնդմանը նպաստե-  
լու նպատակով ստորոգյալի կրկնությունն ավելի հաճախադեպ է բազ-  
մաբաղադրիչ միավորյալ նախադասության մեջ, ուր իբրև առաջին ու  
երկրորդ բաղադրիչ նախադասություններ սովորաբար հանդես են գալիս  
նույն ստորոգյալի կրկնված ձևերը, իսկ հաջորդ բաղադրիչում կամ բա-  
ղադրիչներում ստորոգյալն ունի բառաքերականական այլ արտահայ-  
տություն: Նման կառուցվածքում առաջին ստորոգյալն արտահայտվում  
է լրացումներով (երբեմն նաև լրացման լրացումներով), իսկ երկրորդը՝  
առանց լրացման՝ դառնալով մի տեսակ կապող օղակ իրեն նախորդող

10 Այստեղ ներկայացնում ենք նաև միակազմ միավորյալ նախադասության գերադաս  
անդամների կրկնության որոշ դրսորումների ոճական նշանակությունը՝ հաշվի առնելով  
երկազմ միավորյալ նախադասության ստորոգյալի կրկնության հետ դրանց ընդհան-  
ությունը:

և հաջորդող բաղադրիչների համար. ինչպես՝ «հմ խոսքերը կարկաշում են կապուտում, կարկաշում են ու կանչում են կապուտում» (ԵԶ, 1, 100): Այստեղ երկրորդ անգամ կրկնված ստորոգյալի, իբրև ստորոգային միավորի, ինքնուրուցնությունը համեմատաբար նվազ է: Դա ավելի շատ նախորդ և հաջորդ բաղադրիչների կապակցմանը նպաստող բառական միջոցի դեր են կատարում:

Միավորյալ նադադասության բաղադրիչների կապակցմանը նպաստելու նպատակով ստորոգյալի կրկնությունը մի տեսակ բնական է ու անհրաժեշտ հատկապես առաջին բաղադրիչից հետո դադարը տեսական լինելու և կամ էլ առաջին բաղադրիչը ստորադաս նախադասություն ստանալու գեպքում: Երկու պարագայում էլ չի բացառվում նաև կերպավորության դրսնորումը. ինչպես՝ «հսկ արքայազն Տիրիթը նայում էր նրա հետեւց. նայում էր և մտածում տարակույսների մեջ» (ՍԶՀԲ, 136): «Ես նայում էի դահլիճի մթությանը, որտեղ պատանիներ էին, երեխաներ, նայում էի ու շէի զայրանում» (ՎՇՀԲԱ, 218):

Միավորյալ նախադասությունը ոճական նշանակություն է ստանում նաև այն ժամանակ, երբ ստորոգյալի կրկնությունը արտահայտում է հավելական իմաստ: Վերջինս գործառվում է, երբ ստորոգյալի երկրորդ (կամ հաջորդ) կրկնությամբ նախորդ բաղադրիչի բովանդակությանը հավելվում է լրացուցիչ տեղեկություն, արտահայտվում է խոսողի (գրողի) վերաբերմունքը նախորդ բաղադրիչով արտահայտվածի նկատմամբ, և կամ էլ կատարվում է ընդհանրացում. օդինակ՝ «Ձորականը... անխոս առաջնորդում էր նրան դեպի թագավորի վրանը, որը բավականին հեռու էր ու ազմի դաշտից, առաջնորդում էր հետաքրքրությունն ու զարմանքը դեմքին» (ՍԶՀԲ, 423): «Նա քեզ չի օգնում և չի օգնում սկզբունքով»:

Ակնհայտ է, որ շափածո միավորյալ նախադասության մեջ ստորոգյալի կրկնությունը նպաստում է ոկթմի դրսնորմանը: Ոկթմը որոշ շափով հատուկ է նաև արձակին: Թե՛ շափածո և թե՛ արձակ խոսքում ոկթմական միավորների կենտրոնական բառը մեծ մասամբ լինում է բայ-ստորոգյալը, որովհետև ոկթմիկությանը բնորոշ ընթացականությունը արտահայտվում է միայն բայ-ստորոգյալով: Ստորոգյալի կրկնությամբ կազմված միավորյալ նախադասության մեջ ոկթմական միավորները ավելի հաճախ տարբեր են լինում, սակայն դրանց կենտրոնական բառը, որպես կանոն, միշտ էլ լինում է կրկնված ստորոգյալը:

Ստորոգյալի կրկնությամբ միավորյալ նախադասության ոճական արժեքն առանձնապես մեծանում է շնորհիվ այն բանի, որ նրանով ձևավորվում է շարահյուսական ֆիգուրների շարքը դասվող կրկնության բանադրձման դրսնորումներից մեկը: Միավորյալ կապակցության բաղադրիչ նախադասություններում կրկնված ստորոգյալները դառնում են

իմաստի և հուզարտահայտչական լարվածության կենտրոնները, նպաստում են խոսքի, մասնավորապես շափածո խոսքի, հնչողմական ներդաշնակությանն ու արտահայտչականությանը, նախադասության կշռութի ու շափի ուժեղացմանը, մասամբ ստեղծում են նաև առձայնություն, իսկ արձակ ձևով արտահայտված միավորյալ նախադասությանը հաղորդում են բանաստեղծականություն, նախադասություն են ներմուծում երաժշտականության որոշ տարրեր:

Գեղարվեստական պատկերի ստեղծմանը նպաստելու նպատակով միավորյալ նախադասության ստորոգյալի կրկնությունը միատարր չէ՝ պայմանավորված առավելապես բանատողում ստորոգյալի գրաված դիրքով, իսկ արձակ կառուցյում՝ շարադասությամբ, նախադասության մեջ ունեցած գործառությամբ, համատեքստի գեղագիտական նպատակադրմամբ և այլ հանգամանքներով։ Աստ այդմ էլ միավորյալ նախադասության ստորոգյալի կրկնությունը ստեղծում է հարակրկնություն կամ նույնասկիզբ (անաֆորա), վերջույթ կամ նույնավերջ, հանգույց (սիմպլոկա), կցուցդ, պարույթ, օղակ և այլն)։

Կրկնության արվեստի ձեերից մեկը հարակրկնությունն է, որը բառակրկնության ամենապարզ տեսակն է։ Այս դեպքում կրկնվում են բանաստեղծական տան առաջին բառերը։ Միավորյալ նախադասության ստորոգյալի կրկնությամբ հարակրկնություն է կազմվում այդ ստորոգյալը բանաստեղծական հարևան տողերի սկզբում գործածվելու դեպքում։ Այդպիսի կրկնությամբ խիստ ընդգծվում է ստորոգյալի բառական նշանակությունը, բանաստեղծությունը դառնում է ոփթմիկ ու երաժշտական, ուժեղանում են քնարական խոսքի հուզականությունն ու հոկտրական ուժգնությունը։ Օրինակ՝

«Սառս են լինում քաջ խմբերով անձնվեր,  
Սառս են լինում տանջվողներով կիսամեռ,  
Սառս են լինում անընկելի ու արի  
Մինչև ճերմակ գլուխները լեռների» (ՀԹ, 51):

Ստորոգյալի հարակրկնությունը միավորյալ նախադասության մեջ երբեմն «ծառայում է իբրև թեմային տարր, որը... հեղինակն օգտագործում է իր խոսքը ընդարձակելու նոր ուղղությամբ...» (31, էջ 123). ինչպես՝

«Աղմկում է իմ սրտում ամեն գիշեր մի կարոտ,  
Աղմկում է որպես խուլ ու հեռավոր մի քամի,  
Աղմկում է մինչև լույս, գանգատվում է վարանոտ  
Ու ժամերն է հաշվում իմ, վայրկյանները մի առ մի» (ԵԶ, 1, 307):

Միավորյալ նախադասության ստորոգյալի հարակրկնությունը շարադասական տարբեր փոփոխակներ է կազմում: Այսպես՝ միավորյալ նախադասություն կազմող բանաստեղծական տան առաջին երկու ստորոգյալները հաճախ ունենում են բառաքերականական այլ արտահայտություն, իսկ հաջորդ տողերի ստորոգյալները կազմում են հարակրկնություն. ինչպես՝

«Թողի երկիրն իմ հայրենի,  
Անահ անցա Արար ու Հինդ.  
Տեսա մարդիկ լորսգլանի,  
Տեսա հաղար աղետ ու խինդ» (ՎՃ, 2, 35):

Երբեմն ստորոգյալը կրկնվում է կոչականի հետ: Ընդ որում, կոչականը կարող է կրկնվել նույնությամբ կամ տարբեր բառերով: Ոճական նկատառումով այն կարող է գործածվել նաև միայն մեկ անգամ՝ վերջին կամ նախավերջին տողում, եթե հանդես է գալիս իրեն թարմատար՝ գունազարդելով խոսքը. ինչպես՝

«Ե՛տ դառ, Ե՛տ իզի՛ր,  
Ե՛տ դառ, անիրա՛վ» (ՅԹ, 191):

«Զգաս ձիով,  
Զգաս ջորով,  
Կարի՛ն, ոչ էլ  
Գաս հետեակ» (ՎԴ, 2, 160):

Ստորոգյալը հարակրկնության շարք է կազմում նաև դերանուն-ենթակայի հետ կրկնվելով: Այս դեպքում հավասարապես ընդգծվում է թե՛ ստորոգվող հատկանիշը և թե՛ հատկանիշն իր վրա կրող առարկան. ինչպես՝

«Դու վառվել ես օրերի մեջ ու հրում,  
Դու վառվել ես կարմրավառ այս օրերում,  
Դու վառվել ես գալիքները և հեռում» (ԵԶԵԺ, 1, 160):

Այսանդ ենթական (բայ) կրկնվում է ոճական նկատառումով՝ գործողի դեմքը ընդգծելու համար: Բացի այդ, անձնական դերանվան երկրորդ դեմքը այստեղ փոխարինում է առաջին դեմքին. բանաստեղծը, դիմելով խոսակցին, նկատի ունի իրեն: Սա անձնական դերանվան երկրորդ դեմքի ոճական կիրառություններից յեկն է (Հմմտ. 8, էջ 277):

Հարակրկնության հակառակ բանադարձումը վերջույթն է կամ նույնակերգը, որը դրսկորվում է բանաստեղծության կից տողերի վերջում նույն բառի կամ բառակապակցության կրկնությամբ: Տվյալ դեպքում միավորյալ նախադասությունն արտահայտվում է վերջույթային կրկնություններում:

թյամբ, երբ նույն ստորոգյալը կրկնվում է բանաստեղծական տուն-միավորյալ նախադասության կից տողերի վերջում. ինչպես՝

«Արևին նայող շողերն համբուրիր,  
Սարերին փարված ամպերն համբուրիր,  
Քարերին ծաղկած մամուռն համբուրիր,  
Մեծ ելումուտի այս դուռն համբուրիր» (ՀՍՍԲ, 33):

Քանի որ վերջույթային կրկնությունը ուժեղացնում է խոսքի հուզականությունն ու երաժշտականությունը, ուստի նման միավորյալ նախադասությունը շատ է գործածվում գուսանական պոեզիայում: Այստեղ, որպես կանոն, բանաստեղծական տան վերջին տողով, որ հաջորդում է կրկնվող ստորոգյալներին, կատարվում է ընդհանրացում. ինչպես՝

«Հույս տալով, մոտ չի գալով կենդանությունս մաշեցիր,  
Շատախոս բլրով արիր, հանդարտ անոմս մաշեցիր,  
Անիրա՞վ, մինչ սիրովդ սիրտ ու արյունս մաշեցիր,  
Ուրեմն, անհանգլելի, անգութ կրակ ես ինձ համար» (ԵՏ, 28):

Հաճախ միավորյալ նախադասության վերջույթներին նախորդում են այլ ստորոգյալներ՝ նախադասությունը գարձնելով ավելի բազմաբաղադրիչ. ինչպես՝

«Աշխարհիս մեջ ես էլ մի օր կանցնեմ անդարձ ու կերպամ,  
Ետ շեմ նայի, շեմ պահանջի ես փառք ու վարձ— ու կերպամ»  
(ԵԶ, 1, 244):

Համասեռ լրացումներն ընդգծելու նպատակով բայական ստորոգյալի վերջույթային կրկնության դեպքում ենթական կարող է ունենալ նաև ետադաս շարադասություն՝ իր լրացման հետ օղակելով նախադասությունը: Այսպես.

«Հետը արև է բերում,  
Կանալ սարեր է բերում,  
Կանալ դարեր է բերում  
Գորզորա գեար» (ՀՍԹԵ, 57):

Միավորյալ նախադասության ենթական շարադասվում է նաև նախավերջին տողով՝ դառնալով կապող օղակ բանաստեղծական տան վերջին և առաջին տողերի միջև. ինչպես՝

«Դեռ արցոմքներ ունի;  
Դեռ արցոմքներ ունի  
Սիածանի մեջ պահած,

Հողը ամեն հողում  
Տարագիրներ ունի» (ԵԶ, 1, 109):

Բայական ստորոգլախ նմանակությամբ վերջույթ է կազմվում և նաև բայական անդեմ միակազմ միավորյալ նախադասության գերադաս անդամի կրկնությամբ. օրինակ՝

«Քո՛ւյր, դողանչի պես նախրե՞լ ու գնա՞լ,—  
Հմայված ահեղ— նախրե՞լ ու գնա՞լ...» (ԵԶ, 1, 109):

Վերջույթ են կազմում միավորյալ նախադասության նաև անվանական ստորոգյաները: Ընդ որում, ամեն տողում կարող է լինել նաև մեկ այլ ստորոգյալ՝ նախադաս շարադասությամբ. ինչպես՝

«Մոլորվել եմ, ճամփաներին ծանոք չեմ,  
Բյուր լճերին, գետ ու քարին ծանոք չեմ,  
Ես պանդուստ եմ, էս տեղերին ծանոք չեմ...» (ԱՅ, 1, 356):

Միավորյալ նախադասության ստորոգյալի կրկնության ամենատարածված ձեռքից մեկը կցուրդն է: Վերջինս այն բանադարձումն է, որ կազմվում է բանաստեղծական տողի վերջին բառ՝ հաջորդ տողասկզբում ունեցած կրկնությամբ: Հետևաբար միավորյալ նախադասության ստորոգյալը կցուրդ է կազմում կից բանատողերից մեկի վերջում և մյուսի սկզբում կրկնվելով: Նշանակում է՝ ստորոգյալի կցուրդային կրկնության հենարան է դառնում վերջույթը: Այս կրկնության նպատակը միևնույն գործողությունը ընթերցողի ուշադրության կենտրոնում պահելն է և համանվագայնություն ստեղծելը. ինչպես՝

«Թանի՛ ձեռքից եմ վառվել,  
Վառվել ու նուր եմ դառել,  
Նուր եմ դառել, լույս արվել,  
Լույս աալով եմ ըսպառվել» (ՀԹ, 67):

Հաճախ կցուրդը չի սահմանափակվում միայն ստորոգյալով. վերջինիս հետ կրկնվում է նաև նրա լրացումը (կամ լրացումները). ինչպես՝

«Մի աղջիկ եկավ, մի մենակ քաղվոր,  
Գետի եղերթին շրջում է մոլոր,  
Նըրջում է մոլոր, խընդում ու լալիս,  
Երգեր է ասում ու ման է գալիս» (ՀԹ, 189):

Բազմաբաղադրիչ միավորյալ նախադասությունը երբեմն էլ ամբողջությամբ կազմվում է միայն ստորոգյալի կցուրդային կրկնությամբ, մի-

կրկնություն, որն ստեղծում է ներդաշնակ կշռույթ։ Այդպիսի կրկնության լավագույն օրինակ է Վ. Տերյանի «Տեսա երազ մի վառ» քնարական բանաստեղծությունը։

«Տեսա երազ մի վառ,  
Ոսկի մի դուռ տեսա,  
Վըրան փիրուզ կամար.  
Սյուները հուր տեսա.  
Տեսա ծաղկած այգին,  
Սոսի սուրբ ծառ տեսա.  
Մի հրեշտակ անդին  
Սոսից պայծառ տեսա,  
Օրկու բաժակ տեսա...  
Երկու նիզակ տեսա,  
Երկու անդին գոհար» (ՎՏ, 1, 214):

Կցուրդ կազմող ստորոգյալները կարող են լինել նաև տարբեր երանդի. ինչպես՝

«...Ու թէին արավ, ու թըռա՞վ, ու գընա՞ց.  
Գընա՞ց ճախրելով էն երազ հովտում,  
Սուզվեց, ըքացավ պայծառ կապուտում...» (ՀԹ, 194):

Կցուրդային կրկնությամբ միավորյալ նախադասությունը երբեմն համատեղում է զուգահեռությունը (զուգապատկություն) և խաչաձեռումը. ինչպես՝

«...Աշխարհից այս խավար ինձ տարեք,  
Ինձ տարեք այս երկրից անարեք» (ՎՏ, 1, 65):

Այստեղ ստորոգյալի և ուղիղ խնդրի (ինձ տարեք) կրկնությունը ստեղծում է կցուրդային զուգահեռություն, իսկ տեղի պարագաների (աշխարհից, երկրից) ու նրանց որոշիչների (այս խավար, այս անարգ) շարդասությունը՝ խաչաձեռում։

Բազմաբաղադրիչ միավորյալ նախադասության մեջ երկու կամ ավելի ստորոգյալների կրկնությունն ունենում է, այսպես ասած, պարուրածն շարադասություն և մոտենում է բառախաղին. ինչպես՝

«Թո օրերը բարձրանում են,  
Բարձրանում ու շողողում են,  
Շաղողում ու գուրգուրում են  
Գուրգուրում են քեզ» (ԳԱ, 1, 82):

Ստորոգյալի կցուրդային կրկնությամբ միավորյալ նախադասությունը երբեմն հանդիս է գալիս որպես այլ կառուցվածքի նախադասության, մասնավորապես բարդ ստորադասական և տարբեր ննթականներով բարդ համադասական կապակցությունների բաղադրիչ։ Ընդումին, համադասական նախադասության միավորյալ և ոչ միավորյալ կազմիչները հաճախ շարադասվում են մեջնդմեջ՝ երկուազ առանձին-առանձին կազմելով վերջուկիթ, իսկ միասին, լրացումներով հանդիրձ՝ կցուրդ։ Այսպիս՝ ըննենք հետեւյալ համադասական կապակցությունը։

«...Անձրւը տանեմ արտին տամ,  
Արտը ինձ ցորեն տա.  
Ցորենը տանեմ շաղացին տամ,  
Զաղացը ինձ ալլոր տա.  
Ալլորը տանեմ տաշտին տամ,  
Տաշտը ինձ խմոր տա.  
Խմորը տանեմ թոնիրին տամ,  
Թոնիրը ինձ հաց տա,  
Հացը տանեմ բոշին տամ,  
Բոշին ինձ ուղունք տա,  
Ուղունքը տանեմ նանիս տամ,  
Նանս ինձ ծեծի, ծեծի,  
Տանից քշի, դուրս անի» (ՀՅ, 81—82):

Այստեղ 1-ին, 3-րդ, 5-րդ, 7-րդ, 9-րդ և 11-րդ առշերը կազմում են միավորյալ նախադասություն, ընդ որում՝ այդ տողերից ամեն մեկը միավորյալ նախադասության մեկ բաղադրիչ նախադասություն է։ Այդ միավորյալ նախադասության բոլոր բաղադրիչների ստորոգյալները կազմում են վերջուկիթ, իսկ այդ ստորոգյալների մատուցման և ուղիղ խնդիրները, յուրաքանչյուր հաջորդ տողում արտահայտվելով ննթակայի գործառույթով, կազմում են մասնակի կցուրդ։ Այնուհետև վերջուկիթ է կազմում նաև տարրեր ննթականներով բաղադրիչ նախադասությունների ընդհանուր կրկնվող ստորոգյալը (տա)։ Այսպիսով, բերված օրինակում առկա է գուգադրական ստորոգյալի (տանեմ տամ) երկուրդ բաղադրիչի և պարզ կազմությամբ ստորոգյալի մեջնդմեջ շարադասությամբ վերջուկիթ (տամ...տամ, տա...տա), իսկ միավորյալ նախադասության ստորոգյալի լրացումները և հաջորդ բաղադրիչի (որ գարձյալ համընկնում է տողին) ենթական ստեղծում են մասնակի կցուրդ<sup>11</sup>։

11 Միանուն բառի շարահյուսական տարրեր կիրառությամեններով հանդիս գիրմում ենք մասնակի կրկնություն։

Ստորոգյալի կրկնությամբ միավորյալ նախադասությունը սակավադեպ կազմում է հանգույց: Ինչպես հայտնի է, հանգույցը (սիմպլոկա) այն բանադրածումն է, երբ միևնույն կառույցում համատեղում են հարակրկնությունը և վերջույթը: Միավորյալ նախադասությունը, որպես կանոն, միայն ստորոգյալի կրկնությամբ հանգույց չի կազմում: Նա հանգույց է դառնում մասնավորապես այն դեպքում, երբ ստորոգյալի կրկնությունը կազմում է վերջույթ, իսկ երկրորդական անդամներից մեկի կրկնությունը՝ հարակրկնություն. ինչպես՝

«Ճազար ու մի գիրք կարդացի—խելացի գիրք շտեսա,  
Ճազար կնկա գիրկն ընկա—սիրեկան գիրկ շտեսա» (ԵԶ, 1, 235):

Այս կառույցում ստորոգյալը կարող է դառնալ վերջույթ նաև իր լրացման հետ. ինչպես՝

Սիրտդ, որպես վառ ատրուշան, պահիր վառ,  
Սիրտդ հրկեզ, մթնում դաժան, պահիր վառ» (ԿԸ, 1, 204):

Պատկերավորման ու արտահայտչականության ինքնատիպ եղանակ է պարզույթը: Միավորյալ նախադասության ստորոգյալի պարույթային կրկնությունն ունի այն յուրահատկությունը, որ կրկնվում են նաև ստորոգյալի լրացումները, իսկ հաճախ նաև ենթական: Եվ այսպես պարույթային կրկնությունն ընդորկում է համապատասխան բանատողերն ամբողջությամբ. ինչպես՝

«Ես ինչո՞վ ֆեզ հմայեմ.  
Ո՞ւ գանձ ունեմ, ո՞ւ փայլ,  
Ես ոշինչ չեմ խնայել  
Թո սիրո, փառքի համար...  
Թո սիրոն, փառքին վայել  
Չեմ գտել դեռ ոչ մի բառ.  
Ես ինչո՞վ ֆեզ հմայեմ,  
Վարդավառ, դու վարդ, դու վառ...» (ԳՄԵԺ, 1, 35):

Այս բազմաբաղադրիչ միավորյալ նախադասության մեջ պարույթ են կազմում 1-ին և 7-րդ տողերը:

Ստորոգյալի պարույթային կրկնությամբ միավորյալ նախադասությունը հաճախ հանդես է գալիս որպես տարրեր ենթականերով բարդ համադասական և բարդ ստորադասական նախադասությունների բաղադրիչ. օրինակ՝

«...Միայն թե դու շիրմիս նամփան նիշնիր

(Ինձ թվում է, որ շիրմում էլ ես կզգամ),

Միայն թե դու իմ կարողը քաշեիր,

Եվ հուսայիր, որ վերստին ես կզամ,

Միայն թե դու շիրմիս նամփան նիշնիր

(Ինձ թվում է, որ շիրմում էլ ես կզգամ)...» (ՎՏ, 2, 155):

Այս օրինակում, ուր միավորյալ նախադասություն են կազմում 1-ին, 3-րդ, 4-րդ, 5-րդ տող՝ բաղադրիչ նախադասությունները<sup>12</sup>, առկա է երկու պարուցի: Մեկը 1-ին և 5-րդ տողերի կրկնությունն է, իսկ մյուսը՝ 2-րդ և 6-րդ տողերի կրկնությունը: Ընդ որում, երկրորդ պարուցիթը կազմող տողերը բարդ ստորադասական կապակցություն են՝ ներդրյալ նախադասության նշանակությամբ:

Ստորոգյալի պարուցիթային կրկնությանը որոշակիորեն նման է նրա օղակային կրկնությունը: Օղակը այն կրկնությունն է, երբ «շարահյուսական կամ տաղաշափական որևէ միավոր սկսվում ու փակվում է միևնույն բառով կամ արտահայտությամբ: Պարուցիթը տարբերվում է, որ պարուցիթը, բացի շարահյուսական ու տաղաշափական միավորի վերջից, ամենուրեք տեղադրվում է իսկ օղակը միայն վերջում է կրկնվում» (31, էջ 129): Ինչպես պարուցիթի գեպքում, այստեղ էլ միավորյալ նախադասության ստորոգյալը կրկնվում է տողի մյուս անդամների հետ: Ամենահաճախադրեալը բառատողի շրջանակում գործառվող օղակային կրկնությունն է: Ընդումին, բանաստեղծական տան 2-րդ և 3-րդ տողերում ամփոփված բաղադրիչ նախադասությունների ստորոգյալները կարող են լինել նույնը կամ տարբեր: Տվյալ դեպքում էականը բառատողը (և ընդհանրապես բանաստեղծական տունը) ստորոգյալի կրկնությամբ (առանձին կամ լրացումներով) օղակելն է: ինչպես՝

«Սա իրիկունն ըլլայի ես

Եվ Հըպեի ճակտին ամեն անցորդի.

Զինադագեղ ու նըմազուն համուրդի

Սա իրիկունն ըլլայի ես» (ՄԵԺ, 112):

Երբեմն միավորյալ նախադասության ստորոգյալը օղակ է կազմում երկտողյա կրկնությամբ՝ ստեղծելով տարածվող երաժշտություն՝ իշնող ու բարձրացող շեշտերով. օրինակ՝

12 Այստեղ դու ենթակայի կրկնությունը, որ կատարվում է գործողի գեմքն ընդգծելու համար, չի փոխում նախադասության միավորյալությունը:

«Հեկեկում է անվերջ,  
 Հեկեկում.  
 Մենավոր ու վհատ  
 Իմ հոգում  
 Հարազատ—  
 Անհատնում, անպատում  
 Կսկիծով  
 Հեկեկում է տրտում,  
 Հեկեկում...» (ՎՏ, 1, 125):

Ստորոգյալի օղակային կրկնությունը այլ յուրահատկությամբ է արտահայտվում տրիոլետ կազմող միավորյալ նախադասության մեջ: Այստեղ, որպես կանոն, լինում է երկու օղակային կրկնություն. առաջին օղակը կազմում են 1-ին և 4-րդ տողերը, իսկ երկրորդը՝ 1—2-րդ և 7—8-րդ տողերը միասին: Ընդ որում, ամբողջ բանաստեղծության համար կարելոր վերջին օղակն է: Ակնբախ է, որ եթե խոսքի նպատակը գործողության ընդգծումն է, բանաստեղծությունն սկսվում է ստորոգյալով, իսկ ենթական զեղչվում է: Տրիոլետ-միավորյալ նախադասության օղակային նման կրկնության դասական օրինակներ է տվել Վ. Տերյանը: Ահավասիկ դրանցից մեկը.

«Նետում ես ոսկի նետերդ,  
 Հուրերդ որպես արե,  
 Ես դեմքդ դողդոշ տերե,  
 Նետում ես ոսկի նետերդ.  
 Դու բոց ես, ես խննթ թիթեռ եմ,  
 Դու վառ ես, դու հրաթե,  
 Նետում ես ոսկի նետերդ,  
 Հուրերդ որպես արե» (ՎՏ, 1, 208):

Ինչպես տեսնում ենք, այս բանաստեղծության մեջ առկա է նաև դու ենթակայի հարակրկնությունը, որը տվյալ դեպքում կատարվում է ես ենթակային (ու նրան ստորոգվող հատկանշին) հակադրվելու համար: Թերված օրինակում ուշադրության արժանի է նաև մեկ այլ հանգամանք. երրորդ տողում շարակարգված բաղադրիչ նախադասությունը, որ այլ ենթակայով է, «մուտք է գործել» միավորյալ նախադասություն առաջին երկու տողերում ամփոփված բաղադրիչ նախադասությանը՝ օղակի առաջին եղրին հակադրվելու համար: Սա տրիոլետին բնորոշ (բայց ոչ հիմնական) առանձնահատկություններից է: Իսկ երբ հեղինակը ցանկանում է ընթերցողի ուշադրությունը ավելի շատ հրավիրել գործողի վրա, են-

թական շարադասվում է նախադաս՝ ստորոգյալի լրացումների հետ։ Ենթակալի նախադաս գործածությունը կարող է պայմանավորված լինել նաև հաջորդ տողում մեկից ավելի ստորոգյալների առկայությամբ։ Այդպիսի օղակալին կրկնությունը դրսերում է մարդկային հուզեր, կարուի, ափսոսանքի, տիրության զգացումներ։ ինչպես՝

«Ճովիվներն ազատ նեռու սարերում  
Կրտակ են անում—ձայնում են իրար,  
Ես կալանավոր աշխարհում արար,  
Հովիվներն ազատ նեռու սարերում։  
Ու երկրից երկիր—գերումից գերում  
Գնում են անդուզ անհայտին ավար,  
Հովիվներն ազատ նեռու սարերում  
Կրտակ են անում—ձայնում են իրար...» (ՎՏ, 2, 44):

Ստորոգյալի օղակային կրկնությամբ միավորյալ նախադասությունը կարող է սահմանափակվել նաև մեկ տողի շրջանակում։ Այս դեպքում բանատողը սկսվում և վերջանում է նույն ստորոգյալով։ ինչպես՝ «Ճեռու է տունս, հեռու ա անում—ձայնում են իրար...» (ԵԶ, 1, 165):

Ստորոգյալի օղակային կրկնությամբ միավորյալ նախադասությունը սակավագեապ արտահայտվում է նաև արձակ խոսքում, իբրև պարբերության, հազվադեպ նաև ամբողջ ստեղծագործության (պատմվածք, նովել և այլն) սկիզբ ու ավարտ։ Կրկնության այս ձևը բնորոշ է Ա. Բակունինի լեզվին ու ոճին (Հմմտ. 47, էջ 32): Այսպիս, օրինակ, նրա «Միքայել գողտրիկ պատմվածքը սկսվում է «Նշան էր, պայծառ աշուն» միավորյալ նախադասությամբ, որը նույնությամբ կրկնվում է պատմվածքի վերջին հատվածի սկզբում՝ մասամբ օղակելով ամբողջ պատմվածքը։

Յառուցալի օղակային կրկնությամբ միավորյալ նախադասությունը երբեմն հանդես է գալիս որպես այլ կառուցվածքի (տարբեր ենթականերով բարդ համադասական, բարդ ստորադասական և այլն) նախադասության բաղադրիչ կամ անմիջական կազմի, միայն այն յուրահատիւթյամբ, որ միավորյալ նախադասության կրկնված ստորոգյալով սկսվում և ավարտվում է բանաստեղծական տունը կամ ամբողջ բանաստեղծությունը։ Տվյալ դեպքում կարեորը միավորյալ նախադասության ստորոգյալի հենց այդ օղակային կրկնությունն է, որը լինում է լրիվ և մասնակի։ Մասնակի կրկնության դեպքում կրկնված ձևերի միջև ավելի հաճախ գործառվում են քերականական տարբերություններ։ Իսկ ակնհայտ է, որ «օղակային բառը չի դադարում օղակ լինելուց, եթե քերականական փոփոխության է ենթարկվում» (31, էջ 131)։ ինչպես՝

«Զեիր ձանձրանա դու գիտությունից,  
 Զեիր ձանձրանա սիրուց ու կյանքից,  
 Թե ունենայիր թշնամիներ մեծ,  
 Թե նրանց շարքում գեթ մեկը լիներ  
 Մտքիդ հավասար... այժմ դու ես լոկ  
 Միակ թշնամիդ ու ձանձրանում ես» (ԵԶԺ, 312):

Բազմաբաղադրիչ միավորյալ նախադասության մեջ հաճախ զուգակցում են կրկնության տարրեր ձևեր: Այսպես՝ քննենք հետևյալ բանաստեղծությունը, որն ընդհանրական դիմավոր միակազմ միավորյալ նախադասություն է:

«Լցվելու նամար դատարկվել է պետք,  
 Դատարկվել է պետք ավելորդ հնից,  
 Ավելորդ նորից,  
 Ավելորդ վատից, ավելորդ լավից,  
 Խորքերում դիզված մանրուփի ցալից.  
 Լցվելու նամար դատարկվել է պետք,  
 Դատարկվել է պետք լցվելու նամար,  
 Լցվելու սիրու երկյուղած խաղով,  
 Վայելքի քաղով,  
 Կյանքի, պայքարի լուսավոր շաղով,—  
 Դատարկվել է պետք լցվելու նամար» («Գարուն», 1974, № 8,  
 էջ 13):

Այստեղ կան տարրեր կրկնություններ, որոնց ոճական նշանակությունը տարրեր է: Նախ՝ միմնույն բայական գերադաս անդամի (դատարկվել է պետք) կրկնությունը 1-ին, 2-րդ, 6-րդ, 7-րդ, և 11-րդ տողերում կազմում է կցուրդ, իսկ 2-րդ, 7-րդ և 11-րդ տողերում՝ պարույթին մոտեցող հարակրկնություն: Երկրորդ՝ լցվելու նամար նպատակի պարագայի կրկնությունը 6-րդ ու 7-րդ, 8-րդ և 11-րդ տողերում կադմում է կցուրդ, իսկ 1-ին, 6-րդ և 8-րդ տողերում՝ պարույթին նմանվող հարակրկնություն:

Եվ, վերջապես, քննության առարկա նախադասության մեջ առկա է նաև մեկ այլ արտահայտչամիջոց՝ հակադրությունը: Սա ևս ոճի տարրեր դրսելորումներ: Ամենից առաջ պետք է նշել շարադասությամբ պայմանավորված խաչաձևումը, որը գործառվում է նախ՝ 6-րդ ու 7-րդ և ապա՝ 1-ին ու 11-րդ տողերի միջև (յուրաքանչյուր տողում՝ բայական գերադաս անդամ + նպատակի պարագա): Ամբողջ բանաստեղծության համար առավել կարևորը հենց առաջին և վերջին տողերի միջև խաչա-

ձևվող հակադրությունն է: Ի՞սարկե, բացի այս հակադրությունից, բանաստեղծության մեջ առկա է նաև հականշային հակադրություն մի կողմից՝ կրկնված բայական գերադաս անդամի ու նրա կրկնվող լրացման (լցվելու համար գատարկվել է պետք), մյուս կողմից՝ բացառականով արտահայտված լրացումների (հնից-նորից, վատից-լավից) միջև:

Այժմ անդրադառնանց ստորոգալի և բայական գերադաս անդամի կրկնությամբ կազմված միավորյալ նախադասության մեջ գործառվող հակադրության բանադամանը:

Միավորյալ կառուցվածքով կրկնվող ստորոգյալների միջոցով արտահայտվող հակադրությունը կամ հակադրությը ընդհանուր ստորոգային հակադրության դրսենորումներից մեկն է, որը համեմատաբար սակավ է հանդիպում և զգալիորեն տարրերվում է հակադրության բանադաման մյուս դրսենորումներից: Այն հիմնականում արտահայտվում է ստորոգյալի մասնակի կրկնությամբ:

Ինչպես միշտ, միավորյալ նախադասության մեջ նույնպես ստորոգային հակադրությունը հիմնվում է համապատասխան հատկանիշների համեմատության ու հակադրության վրա, միայն այն յուրահատկությամբ, որ եթե մյուս դեպքերում համեմատվող ու հակադրվող հատկանիշները ստորոգվում են տարրեր առարկաների, ապա այս դեպքում համադրությունն ու հակադրությունը գործառվում են միևնույն առարկային (առարկաներին) վերագրվող հատկանիշների միջև: Եվ այս հակադրությունը երբեմն շատ ավելի ուժեղ է արտահայտվում, քան տարրեր առարկաների ստորոգյային հատկանիշների միջև գործառվող հակադրությունն է լինում: Որոշ լեզվաբաններ նույնիսկ հակված են միևնույն առարկայի հատկանիշների հակադրությունը դիտել օքսիմորոն: Այսպես, պրոֆ. Վ. Առաքելյանի՝ Գրիգոր Նարեկացու լեզվի ու ոճի քննությանը նվիրված աշխատության մեջ կարդում ենք. «Նարեկացին փետրում է խօսի սուր հակադրություններ, որոնք անսպասելի և հանկարծակի լինեն, որովհետև զգացումների հակասականությունը հնարագոր է միայն խոսքի այլ տիպի հակադրությամբ արտահայտել, այսինքն՝ հակադրությունը ստեղծվում է ոչ թե տարրեր առարկաների ու երեսուրների միջև, այլ հակադրություն միենույն անձի տարրեր վիճակները միջև, և այդ ամբողջը համարյա միաժամանակ է հանդես գալիս: Ստեղծվում է մի տեսակ օխիմորոն, որտեղ հակադրի հատկանիշներ հայտնվում են միևնույն անձի կամ երեսուրի մեջ» (32, էջ 234) (ընդգծումը մերն է՝ Ա. Կ.): Ի՞սարկե, միավորյալ նախադասության մեջ և այն էլ հատկապես ստորոգյալի կրկնությամբ կառուցում օքսիմորոնային հակադրությունը պետք է ընդունել միայն զգալի վերապահությամբ ու

պայմանականորեն<sup>13</sup>: Այստեղ կարևորը ու այնքան միանուն առարկայի ստորոգային հատկանիշների հակադրությանը օխիմորոն անվանում տալն է, որքան այդ հակադրության սաստկության ընդունումը:

Ստորոգայի կրկնությամբ հակադրություն արտահայտող միավորյալ նախադասությունները, որպես կանոն, հիմնականում լինում են ներհակական հարաբերությամբ: Անգամ բաղադրիչ նախադասությունները այլ հարաբերությամբ կապված լինելու դեպքում էլ այս կամ այն շափով առկա է լինում ներհակությունը: Եվ դա բնական է: Հակադրությունը միշտ էլ հիմնվում է ներհակության վրա:

Ստորոգային հակադրության բնորոշ առանձնահատկություններից յեկն էլ հակադրվող եզրերի՝ բաղադրիչ նախադասությունների զուգահեռությունն է. կրկնվող ստորոգայինների ու նրանց լրացումների համաշափ դասավորությամբ ստեղծվում է համաշափ հակադրություն: Սա, իհարկե, ու միշտ է պահպանվում:

Բազմազան են հակադրության ստեղծման ձևերը, որոնցից տվյալ դեպքում միավորյալ նախադասության մեջ դրժառվում են քերականական հակադիր ձևերը, հակադարձ համեմատությունը, հականշությունը, ստորոգայինների շարադասությունը, շաղկապահան կապակցությունը և այլն: Այս ամենով պայմանավորված՝ միավորյալ նախադասության ստորոգայի կրկնությամբ արտահայտվող հակադրության բանադարձումն ունենում է տարբեր դրսերումներ: Հակադրության բազմակերպությունը պայմանավորված է լինում նաև ստորոգայի մասնակի կրկնության յուրահատկություններով, հակադրության սաստկության աստիճանով և, որ առավել կարեոր է, կրկնվող ստորոգայի արտահայտությամբ (բայական, անվանական): Ահա թե ինչու նման հակադրության քննությունը պետք է կատարել նշված բոլոր հանգամանքների հաշվառումով և մասնավորապես պետք է հանդես բերել տարբերակված մոտեցում, այն է՝ բայական ու անվանական ստորոգայիններով կազմված հակադրությները պետք է քննել՝ առանձին-առանձին՝ դրանց յուրահատկություններն առավել ամբողջականությամբ բացահայտելու համար:

Նախ՝ միավորյալ նախադասության բայական ստորոգայի կրկնությամբ արտահայտված հակադրության մասին: Ակնհայտ է, որ բայական ստորոգայիններից հիմնականում պարզ ստորոգայի կրկնությամբ է միավորյալ նախադասության մեջ ձևավորվում հակադրության բանադարձումը: Իսկ պարզ ստորոգայի կրկնությունը հակադրության մեջ ձևավորվում է քննել՝ առանձին-առանձին՝ դրանց յուրահատկություններն առավել ամբողջականությամբ բացահայտելու համար:

13 Սովորաբար օխիմորոն կամ երարանուրյուն է դիտվում այն բանադարձումը, որը կազմվում է տրամադժորեն հակադիր ու անհամատեղելի հատկանիշներով: Օրինակ՝ այրող սառնուրյուն, խոսան լուրյուն, բախծառ եղանիւրյուն...» (13, էջ 127):

միատեսակ լի դրսնորում: Անմիօրինակովթյունը պայմանավորված է ստորոգյալի արտահայտովթյամբ ու շարադասական առանձնահատկություններով: Ավելի հաճախ հակադրույթ է ստեղծվում զուգադրական բայ-ստորոգյալի կրկնությամբ կազմված այն միավորյալ նախադասությամբ, ուր ստորոգյալի երկրորդ կրկնությունը կատարվում է բաղադրիւների հակառակ շարադասությամբ: Նման հակադրությունը համեմատաբար թույլ է լինում. ինչպես՝ «Առան-ավեցին, ավեցին-առան Ու վերջում... լավամարդ դառան» (ՊՍ, 4, 75):

Զուգադրական կազմովթյամբ ստորոգյալի մասնակի կրկնությամբ միավորյալ նախադասության արտահայտած հակադրությունը համեմատաբար ուժեղ է լինում, երբ այդ ստորոգյալներն ունենում են հականիշ բաղադրիւներ, իսկ մյուս բաղադրիւը ընդհանուր է և կրկնվում է. ինչպես՝ «Նա արագ գնաց-բարձրացավ, եկավ-բարձրացավ»: Նկատելի է, որ միևնույն համատեքստում կարող են զուգահեռաբար կրկնվել երկու հակադրի ստորոգյալներ՝ զուգահեռ հակադրությներ ստեղծելու համար. ինչպես՝

«Բախտի խորհրդով եկանք-մոտեցանք  
Եվ մոտենալով այնքան հեռացանք  
Որ ետ կանչելու էլ բան շմաց:  
Բախտի խորհրդով թողինք-մոտեցանք,  
Եվ հեռանալով այնքան մոտեցանք  
Որ բաժանվելու հնար շմնաց» (ՀՄԹԵ, 114):

Նշված դեպքերում կրկնված ստորոգյալների միջև գործառվող հակադրությունը սովորական է, առանց ընդգծված արտահայտչականության: Սակայն շատ հաճախ միավորյալ նախադասության մեջ ստորոգական հակադրությունն ունենում է շեշտված արտահայտչականություն: Այդպիսի հակադրությունը արդեն լիարժեք անտիբեղ է, քանի որ ռանտիբեզզ սովորական հակադրությունից տարբերվում է իր արտահայտչականությամբ, խիստ հակադրությամբ և հստակ ոիթմով» (77, էջ 90): Հակադրությունը ուժեղ է լինում, երբ միևնույն կառուցում դրսնորվում են նույն ստորոգյալի կամ բայական գերադաս անդամի հաստատական ու ժիւտական ձևերը՝ առանձին կամ լրացումներով: Այս գնապքում բաղադրիչ նախադասությունների միջև մեծ մասամբ ստեղծվում է շարահյուսական զուգահեռություն: Վերջինս ավելի ակնբախ է լինում, երբ հակադրվում են նաև լրացումները: Լրացումների միջև գործառվող հակադրությունը կարելի է անվանել լրացական հակադրություն: Նման նախադասությունը հիմնականում լինում է հանդիպադրական հարաբերությամբ և շարահարական կառուցվածքի. ինչպես՝ «Լացացնողիդ

մոտ գնա, ծիծաղեցնազիդ մոտ մի՛ գնա» (Ա, 178): Այստեղ զուգակցում են ստորոգային և լրացական հակադրությունները:

Միևնույն բայ-ստորոգյալի հաստատական ու ժխտական ձևերի գործածությամբ հակադրութիւն ստեղծումը երբեմն պայմանավորված է լինում այդ ստորոգյալների լրացումների խոսքային հականշությամբ: Այս դեպքում նախադասությունը լինում է ժխտման հարաբերությամբ, և կապակցման բառական միջոցի դերով հանդես են գալիս ժխտման շաղկապները. ինչպես՝ «Մի՛ լինիր ուրագի պես՝ Միշտ դեպի քեզ, միշտ դեպի քեզ, Այլ եղիր սղոցի պես՝ Մին դեպի քեզ, մին դեպի մեզ» (ՀԹ, 86): Այստեղ ուրագ և սղոց բառերը գործածված են որպես խոսքային հականիշներ:

Երբեմն հակադրությունն ավելի շատ կենտրոնանում է կրկնված ստորոգյալի լրացումների միջև, իսկ ստորոգական հակադրությունը նվազում է կամ էլ ընդհանրապես չհղոփանում է: Այս դեպքում բաղադրիչ նախադասությունները կապակցվում են մեծ մասամբ ոչ թե... այլ զուգադրական շաղկապով. ինչպես՝ «Ինքը ոչ թե հրամանատար է տընտեսական գծով, այլ հրամանատար է առանց գծի» (ԲՀՍԶ, 252):

Հակադրությունը կազմող միավորյալ նախադասությունները լինում են նաև տրոհական հարաբերությամբ: Այս դեպքում հակադրությունը դրսեորդվում է տրոհումով: Ընդումին, մինչդեռ կամ, կամ թե, և կամ, կամ...կամ և այլն շաղկապներով կապակցվելիս միավորյալ նախադասության ստորոգային հակադրությանը համեմվում է թվարկման բոլոր երանգը, թե-ով կապակցված կառուցում որպես կանոն, տրոհում— հակադրությունը դրսեորդվում է հարցումով: Այսպիսի միավորյալ նախադասությունը լինում է թե՛ երկկազմ և թե՛ միակազմ: Օրինակ՝ «Նա կամ հարգում է քեզ, կամ չի հարգում»: «Գնա՞լ, թե՞ չգնալ» (ԽԴՌԿ, 311):

Հակադրության ստեղծմանը նպաստում են նաև միավորյալ նախադասության բաղադրիչների կապակցմանը օժանդակող մեկ...մեկ, մերը...մերը և երեմն...երեմն զուգադիր կապակցությունները: Այս դեպքում միավորյալ նախադասությունը կազմվում է պարզ ստորոգյալի մասնակի կրկնությամբ և լինում է հանդիպադրական հարաբերությամբ. ինչպես՝ «Դու մերը զարկել ես, մերը զարկել շարին...» (ՊՍ, 1, 156):

Պարզ ստորոգյալի կրկնությամբ կազմված միավորյալ նախադասության մեջ ստորոգական հակադրությունը կարող է նաև լրիվ վերանալ, չեղոքանալ, իսկ լրացական հակադրությունը՝ պահպանվելի Դա հանդիպում է այն ժամանակ, երբ բաղադրիչ նախադասություններն ունենում են կրկնվող ընդհանուր բայ-ստորոգյալ կամ բայական գերադաս անդամ, իսկ սա առկա է, երբ ստորոգյալի կրկնությունը լրիվ է,

և հակադրվում են միայն երկրորդական անդամները: Նման միավորյակ նախադասության կառուցվածքային ամենաբնորոշ առանձնահատկությունը երկրորդ բաղադրիչում ստորոգյալի կամ բայական գերադաս անդամի գեղջուամն է, թեպետ չի բացասիւմ նաև գործողությունն ընդգծելու նպատակով դրա կրկնությունը. ինչպես՝ «Աղջկա գեղը շտեսանք, հարսի՝ լավը» (Ա, 271): «Հունվարի ասածից հրաժարվում է փետրվարին, մի տարի նորաց գրած բանից հրաժարվում է ներկայաւմս» (ՄՆԵՏ, 47):

Ինչպես նշեցինք, հակադրության բանադարձումն արտահայտվում է նաև անվանական ստորոգյալի կրկնությամբ: Տվյալ դեպքում անվանական ստորոգյալը հանդես է դալիս մասնակի կրկնությամբ: Առավել հաճախադեպք նույն ստորոգյալի հաստատական և ժխտական ձևերի գործառությունն է միենույն կառուցում: Այստեղ ստորոգյալին հակադրությունն ուժեղ է լինում, իսկ շարահյուսական զուգահեռությունը մասմբ խախտվում է: Որպես օրինակ բերենք Խաչակրանից վերն արդեն մեկ այլ առիթով՝ մեջբերված հետեւյալ նախադասությունը. «Մենք պատասխանառու չենք մեր մեջ արթնացած զգացումի, տենիվ համար, բայց պատասխանառու ենք այն կատար ածելու, իրականացնելու մեջ» (ԱԻ, 3, 399): Այստեղ կարենք է հաստատական և ժխտական ստորոգյալների շարադառությունը: Հաստատական ստորոգյալը առաջադաս գործածվելիս երկրորդ բաղադրիչում կրկնությունը վերանում է. ժխտական ստորոգյալը զեղչվում է՝ փոխարինվելով ոչ, երբեք բառերով: Հմտությունը պատասխանառու ենք մեր մեջ արթնացած զգացումը, տենիվ իատար տժելու, իրականացնելու մեջ (կամ՝ համար), իսկ այդ զգացումի, տեսնի համար՝ ոչ (=պատասխանառու չենք):

Հակադրությունը երբեմն էլ պայմանավորված է լինում ստորոգյալների խոսքային հականշությամբ, որպիսի դեպքում հակադրությունը մոտենում է օքսիմորոնին. ինչպես՝ «Թո՛ խոնարհ շրկիրն եմ եղել, նոել եմ և տերդ, (ՀՍՍԲ, 74):

Միավորյալ նախադասության մեջ ինքնատիպ հակադրություն է ստեղծում ենթակայի ու կրկնվող անվանական ստորոգյալի ստորոգելիի բառական հականշությունը: Այսպիսի հակադրությունը նույնպես իր սաստկությամբ և արտահայտչականությամբ մոտենում է օքսիմորոնյան բանադրածմանը. ինչպես՝ «Թո՛ղ անկարելին դառնա, կարելի Աշխարհում համայն Ամենքի՞ս համար, Դառնա կարելի վաղն ու Հենց հիմա, Դառնա կարելի մե՛կ բառով՝ — Բա՛րեա (ՊԱ, 2, 110):

Անվանական ստորոգյալի կրկնության ժամանակ հակադրության դրսելուման միջոց է դառնում նաև բառախաղը, որով հաղթահարվում

է կրկնության բերած միալարությունը, և խոսքը դառնում է աշխուցիւնը դեպքում կրկնվող ստորոգյալների (մասնավորապես ստորոգելիների) միջև գործառվում են ինչպես քերականական, այնպես էլ բառակազմական տարբերություններ. ինչպես՝ «Նախանձուած չեն, սակայն նախանձախնդիր են» (ՊՍ, 1, 110): «Կարծես զերի չէ, այլ զերեվարող» (ԲՀՍԶ, 192):

Այսպիսով, ստորոգյալի կրկնությամբ միավորյալ նախադասությունը բարդ համադասական կապակցության ինքնատիպ դրսեորումներից մեկն է և ոճական կարևոր նշանակություն ունի:

## ՄԻԱԿԱԶՄ ՄԻԱՎՈՐՅԱԼ ՆԱԽԱԴԱՍՈՒԹՅՈՒՆ

ԸՆԴՀԱՆՈՒՐ ԲՆՈՒԹԱԳԻՐ

Լեզվական ոչ սակավ փաստերը հաստատում են նաև միակազմ միավորյալ նախադասության գոյությունը ժամանակակից հայերենում։ Միակազմ միավորյալ նախադասությունը շարահյուսական ինքնատիպ կառուց է, որը հակադրվում է մի կողմից՝ երկկազմ միավորյալ նախադասությանը, մյուս կողմից՝ միակազմ մյուս (պարզ, բարդ համադասական, բայց ոչ միավորյալ և այլն) նախադասություններին՝ դրսելորելով կառուցվածքային ու իմաստային իր ուրույն առանձնահատկությունները։ Այս երկկազմ միավորյալ նախադասությունից տարբերվում է իր միաբևո կառուցվածքով։ Եթե երկկազմ միավորյալ նախադասության մեջ առարկան (առարկաները) և նրան (նրանց) վերագրվող հատկանիշները ունեն իրենց քերականորեն տարբերակված արտահայտությունը՝ հանձինս ենթակայի (ենթակաների) ու ստորոգալների, ապա միակազմ կառուցյում բացակայում է ենթակայի եղբը։ Հետևաբար միակազմ միավորյալ նախադասության մեջ առարկան (առարկաները) և նրան (նրանց) վերագրվող հատկանիշները չունեն իրենց բառաքերականական տարբերակված արտահայտությունը։ ինչպես «Խեղճի լեզուն կտրում են և աշքը հանում» (ՍԱՃՀ, 54): «Չլոե՛լ, միայն մեղմացնել կրակը» (ՀՔՄՏՁ, 1, 148)։ Այս նախադասություններից յուրաքանչյուրում նշվում է մտալին սերտ կապի մեջ գտնվող երկու գործողությունն, որոնք արտահայտող դիմավոր և անդեմ գերադաս անդամները համարժեք են երկկազմ բարենախադասության բայց-ստորոգալներին։ Այնուհետև, դրանք, որպես համադասական հարաբերությամբ կապված մեկից ավելի ստորոգումներ ունեցող կառուցյուններ, բարդ համադասական, ավելի կոնկրետ՝ միավորյալ նախադասության բայց-ստորոգալներին։ Այնուհետև, դրանք, որպես համադասական հարաբերությամբ կապված մեկից ավելի կամ անձանց կողմից։ Բերված նախադասություններում ենթական թեկ չի վերականգնվում, բայց և այնպես պատկերացվում է, մտավի ըմբռնվում է։ Դա ինչ-որ մեկն է (կամ մեկից ավելի անձինք), որին (կամ որոնց) տվյալ իրադրության

մեջ վերագրվում են հատկանիշները: Այդ ենթադրյալ ենթական ընդհանուր է բոլոր բաղադրիչների համար, ինչպես երկկազմ միավորյալ նախադասության մեջ քերականական ենթական է լինում: Այնքանով, որքանով բաղադրիչ նախադասությունների ստորոգային հատկանիշները վերաբերում են միևնույն առարկային կամ առարկաներին, այդ նախադասություններն ունեն տրամաբանությունը բարձրացնելու ընդհանուր ենթակա, որը պայմանականորեն կարելի է անվանել արամաբանական ենթակա:

Այսպիսով, եթե երկկազմ միավորյալ նախադասության բաղադրիչների միավորման՝ հիմքը ստորոգային հատկանիշների վերագրումն է ընդհանուր քերականական ենթակային (ենթականերին), ապա միակազմ միավորյալ նախադասության բաղադրիչների միավորման հիմքը այդ հատկանիշների մտովի վերագրումն է սուամարանորեն ըմբռնելի ընդհանուր ենթակային (ենթականերին): Բացի դրանից, այս դեպքում էլ բաղադրիչ նախադասությունների միավորմանը նպաստում են նաև դրանց միջև գործառվող շարահյուսական հարաբերությունները, մյուս ընդհանուր անդամները, կապակցման բառական միջոցները և այլն:

Հետևաբար բազմակի գերադաս անդամներով միավորված այն նախադասական նախադասությունը, որի մեջ առընթեր հատկանիշներ ստորոգվում են եերականութեն շարահյատված, բայց տրամաբանութեն ըմբռնվող միենանույն առարկային կամ առարկաներին, կոչվում է միակազմ միավորյալ նախադասություն: Միակազմ միավորյալ նախադասությանը բնորոշ է ստորոգման ու հնչերանգի յուրատիպ դրսեռումը: Ընդումին, դիմավոր և անդեմ միակազմ միավորյալ նախադասությունների մեջ ստորոգումների արտահայտությունը տառեր է: Դիմավոր կառուցում ստորոգումները նշույթավորվում են՝ հանձնին բայական գերադաս անդամների դիմքի քերականական արտահայտության: Բայց մյուս կողմից՝ քանի որ դիմքը տվյալ դեպքում ունի ձեւական նշանակություն և շատ հաճախ էլ մնում է անորոշ, ուստի ստորոգումներն էլ ձեւական են. ինչպես «Առաջ կեր, հետո գոհացիր» (Ա, 160): Այս նախադասությունը թեև ունի 2-րդ դիմք, բայց և այնպես ընդհանրական դիմավոր միակազմ կառուց է, քանի որ հաստատում է առաջ ուսելու և հետո գոհանալու եղելությունների վերաբերելի ընդհանուրին: Ինչպես տեսնում ենք, դիմավոր միակազմ միավորյալ նախադասության մեջ կարեորը ստորոգումների քերականական արտահայտությունն է:

Անդեմ միակազմ միավորյալ նախադասության մեջ ստորոգումները չունեն քերականական արտահայտություն և դրսեռուվում են հնչերանգով: Ընդհանրապես շարահյուսագիտության մեջ հնչերանգային ստորոգումը դիմվում է անդեմ միակազմ նախադասության բնորոշ

առաջնահատկություններից մեկը (տե՛ս 134, էջ 184, 126, էջ 405. 9, էջ 26—27. 64, էջ 7. 94, էջ 404—406): Անդեմ միավորյալ նախադասության մեջ ևս հնչերանգի դերը երկակի է. այն և ձևավորում է մտքի ավարտվածությունը, և իրականացնում է ստորոգումները: Ուստի այս դեպքում էլ բառական-քերականական միջոցները և հնչերանգը հակադարձ համեմատական են: Այսպես՝ «Հետեւ Թեղավորի արարքներին և խանգարել երան» (ԴՊՎ, 2, 60): «— Անդյալ Արշակունի... այլասերից ժողովրդան և դարձրեց տիրաննենդ ու տիրասպան: Մոլի խառնակից, մարդաբան և ո՞չ բազավոր...»<sup>1</sup> (ՍԶՀԲ, 68): Ընդգծված նախադասությունները, մասնավորապես երկրորդը, հնչերանգային ստորոգումից բացի, ունեն նաև, այսպես կոչված, մատային կամ արամաբանական ստորոգում: Տվյալ գեպքում մատային ստորոգում ենք դիտում խոսքաշղբայում հատկանիշների՝ մասվի կապվելը միենույն առարկային կամ առարկաներին: Այսպես՝ երկրորդ նախադասության մեջ Արշակունին է խառնակից, մարդաբանը և ոչ թագավորը (իշարկե, միայն տվյալ գրական հերոսի՝ Կամսարականի բնութագրմամբ): Այդ նախադասությունը համանիշ է «(Արշակունին) մոլի խառնակիլ է, մարդաբան է և ոչ թագավոր» երկկազմ կառուցին:

Միակազմ, առավել ևս անգեմ, միավորյալ նախադասության ըմբռանան հարցում էական նշանակություն ունի խոսքը, համատեքստը: Այսպես՝ «Առավոտը վաղ ամբողջ Բաղդատը թնդում է մունետիկների ձենից, թե Հարուն Ալ Ռաշիդ թագավորն էսպիս է հրամայում. ջուրը Աստծուն. է, և էսօրվանից ոչ ոք իրավունք չունի փողով ծախելու Պատուի բոլոր ջրկիրճների տիկներ ու ջարդել երանց կծերը: Աղքատ Հասանի կուծն էլ ջարդում են ջրի համփին ու դատարկ ետ դրկում» (ՀԹ, 373): Ընդգծված նախադասությունների բովանդակությունները (ներառյալ ստորոգվող հատկանիշների վերաբերությունը). հասկացվում են միայն համատեքստից: Խոսքային պայմաններից է երկում, թե առաջին միավորյալ նախադասության գերադաս անդամների գործողություններն իբրև պահանջ ո՞ւմ կողմից են առաջադրվում և ո՞ւմ են ուղղվում, որոնցից և սպասվում է դրանց կատարումը: Հաջորդ նախադասության գործողությունների կատարման հիմունքը գարձյալ հասկացվում է նախորդ նախադասություններից:

Դիմավոր միակազմ միավորյալ նախադասության ստորոգային

<sup>1</sup> Հաշվի առնելով համատեքստում միավորյալ նախադասության ստորոգային հատկանիշների վերաբերության ավելի հստակ երևալը՝ այստեղ և այսուհետև անհրաժեշտության դեպքում քննվող միավորյալ կառուցը բերում ենք կից նախադասության (նախադասությունների) հետ կապակցված վիճակում:

Հատկանիշների վերաբերության՝ լեզվամիջավայրով պայմանավորված լինելն է պատճառը, որ միևնույն նախադասությունը երբեմն մի համատեքստում դիտվում է միակազմ, իսկ մեկ ուրիշում՝ երկկազմ։ Այսպես՝ «Զորեղ զգացմունքներից ալեկոծվող սիրտն էլ ունի իր կապրիդները, ինչպես օվկիանոսն ահեղ փոթորկի ժամանակ... Ուզում ես աղորել և անիծել, ուզում ես ապրել և մեռնել։ Երանի՛, բայց վաշ՝ նրան, ում սրտին հատուկ են այդպիսի ալեկոծությունները» (ՆԴ, 237)։ Ընդգծված նախադասությունը դիմավոր միակազմ է, որովհետև ունի ընդհանրական նշանակություն, մինչդեռ խոսքից դուրս կարող է ըմբռնվել նաև որպես գեղջված ենթակայով երկկազմ միավորյալ նախադասություն։ Հմմտ. «(Դու) ուզում ես աղոթել և անիծել, ուզում ես ապրել և մեռնել»։ Ավելացնենք, որ «նման դեպքերում յուրաքանչյուր նախադասություն պետք է դիտել որպես տարրեր նախադասություն և ոչ թե միենույն նախադասության տարրեր կիրառություն։ Այլ կերպ՝ այդպիսի կապակցությունները հանդես են գալիս որպես շարահյուսական համանուններ» (17, էջ 472):

Պատահում է նաև հակառակը. միենույն միավորյալ նախադասությունը տվյալ լեզվամիջավայրում երկկազմ է, իսկ խոսքից դուրս ըմբռնվում է որպես միակազմ։ Դա լինում է մասնավորապես այն ժամանակ, երբ նախադասությունն ունենում է ընդհանրական նշանակություն, երբ նրա բովանդակությունը կարող է ընդհանրացվել։ Ահավասիկ մի հատված Մարութիսանյանի՝ Մէքայելին ուղղված խոսքից. «Սիրում եմ այդ տեսակ մարդկանց... դիզում են, դիզում, էլի քաղցած են... Միայն ծովյերը կարող են նրանց ագահ համարել... Ունես, աշխատիր կրկնապատկել, եռապատկել, Քոնը քիչ է, խլիր հարևանիցդ, ընկերիցդ, եղբորիցդ։ Ճանկերդ սրիր ու ընկիր աշխարհի ենօդին համելիր, մի՛ հայիր ու պառակ կենց պես սրան ու նրան նախանձիր։ Ա՞ր վաճառականը կարող է մի տերության հավասարվել» (ԱՇՔ, 131)։ Ընդգծված նախադասությունը տվյալ լեզվամիջավայրում երկկազմ է, քանի որ խիստ որոշակի են և խոսողը (Մարութիսանյան), և խոսակիցը (Միքայել), բայց խոսքից դուրս կարող է դիտվել նաև որպես միակազմ, երբ հաշվի ենք առնում առնտրական աշխարհի մարդկանց ընդհանուր հոգերանության դրսմորումը։

Այսպիսով, միակազմ միավորյալ (և ոչ միայն միավորյալ) նախադասության գնահատման հարցում շատ կարևոր է համատեքստի հաշվառումը։

Միակազմ միավորյալ նախադասության կառուցվածքային յուրահատկություններից մեկը երկրորդ (կամ հաջորդ) բաղադրիչում գերա-

դաս անդամի զեղչումն է, որը կատարվում է երկկազմ միավորյալ նախադասության ստորոգյալի զեղման համաբանությամբ: Այս հարցին չենք անդրադապնում, քանի որ վերն արդեն քննել ենք:

### ՄԻԱԿԱԶՄ ՄԻԱՎՈՐՅԱԼ ՆԱԽԱԴԱՍՈՒԹՅԱՆ ՏԵՍԱԿՆԵՐԸ

Միակազմ միավորյալ նախադասությունները տարբերակվում են քերականական դեմք ունենալու կամ շունենալու տեսակետից և ըստ այդմ էլ լինում են երկու տեսակ՝ դիմավոր ու անդեմ: Դիմավոր միակազմ միավորյալ նախադասությունն ունի քերականական դեմք, թեև այն չի մասնավորվում կոնկրետ առարկայի (առարկաների) վրա. ինչպես՝ «Վեր ևս կենում ինքնագույն Գլուխդ՝ առնում, թողնում գնում» (ՀԱՔԾ, 88):

Անդեմ է կոչվում այն միակազմ միավորյալ նախադասությունը, որ չունի քերականական դեմք. ինչպես՝ «Պահակներ դնել, դուռը փակել և փախչել ցանկացողին սատակել անմիջապես» (ՍԶՀԲ, 460): «Դումատ և տիտոր»:

Միավորյալ նախադասության այս երկու տարատեսակները տարբերվում են նաև այլ հատկանիշներով: Այսպիս՝ ստորոգումները դիմաւոր ձևերում դրսնորվում են բառական-ձեւաբանական միջոցներով, իսկ անդեմներում՝ հնչերանգով: Այնուհետև, ստորոգումների դրսեւորման այդ առանձնահատկություններով պայմանավորված՝ դիմավոր միավորյալ նախադասության մեջ եղանակավորությունը լինում է թե՛ քերականական՝ արտահայտելով բայի եղանակային ձևերով, շարադասությամբ, հնչերանգով, և թե՛ բառական՝ դրսեւորվելով վերաբերմունքային բառերով և այլն, իսկ անդեմ միավորյալ նախադասության մեջ այն ավելի շատ հնչերանգային է:

### Ա. ԴԻՄԱՎՈՐ ՄԻԱԿԱԶՄ ՄԻԱՎՈՐՅԱԼ ՆԱԽԱԴԱՍՈՒԹՅՈՒՆ

#### ԸՆԴՀԱՆՈՒՐ ԲՆԱԿՑԱԳԻՐ

Դիմավոր միավորյալ նախադասությունը բաղադրվում է դիմավոր բայերով արտահայտված երկու կամ ավելի գերադաս անդամներից: Այս դեպքում դեմքը առկա է սոսկ ձևական-քերականական առումով և չի մասնավորվում: Նման միավորյալ նախադասության դիմային իմաստը նույնպես վերաբերության տեսակետից միատեսակ չէ (Հմմտ. 12, էջ 322): Այսպիս՝ հմմտ. 1. «Բարեկամի հետ կեր ու խում արա, առ ու տուր մի՛ անի» (Ա, 226): 2. «Էն մենավոր ծառի տակ փոս փորեցին

մի խորին, Առանց ժամ ու պատարագ Մեջը դըրին Մարոյին, էն սև քարն էլ տաշեցին, թերին վըրեն քաշեցին» (ՀԹ, 148): Առաջին նախադասության դիմային վերաբերությունը ընդհանրական է. նրա գերադաս անդամների արտահայտած գործողությունները վերաբերում են ընդհանուրին, մարդուն առնասարակ: Դա մարդկային փոխհարաբերությունների փորձից արված ընդհանրացում է և ընդհանրական դիմավոր միակազմ միավորյալ նախադասություն է:

Երկրորդ նախադասության գերադաս անդամների դիմային իմաստը վերաբերության տեսակետից անորոշ է, քանի որ տվյալ դեպքում կարևորությունը տրվում է բուն գործողություններին, այլ ոչ թե դրանք կատարողներին: Իհարկե, այդ գործողությունների կատարումը տրամաբանորեն կապվում է կոնկրետ սուրբեկտի հետ (պոեմում հասկացվում է դրանց կատարումը Մարոյի հարադատների ու համագյուղացիների կողմից): Բայց քանի որ գործողությունների կատարումը չի մասնավորվում կոնկրետ առարկայի (առարկաների) վրա, ուստի այդ նախադասությունն անորոշ դիմավոր միակազմ միավորյալ է:

Այսպիսով, դիմավոր միակազմ միավորյալ նախադասությունները դիմային վերաբերության տեսակետից բաժանվում են երկու խմբի՝ ա) ընդհանրական դիմավոր միակազմ միավորյալ նախադասություններ և բ) անորոշ դիմավոր միակազմ միավորյալ նախադասություններ: Սրանք չունեն գործածության միենուուն հաճախականությունն ու ընդգրկման ոլորտները. առաջիններն ավելի հաճախադեպ են:

#### ԸՆԴՀԱՆՐԱԿԱՆ ԳԻՄԱՎՈՐ ՄԻԱԿԱՎՈՐ ՄԻԱՎՈՐՏԱԼ ՆԱԽԱԴԱՍՈՒԹՅՈՒՆ

Ընդհանրական դիմավոր միակազմ միավորյալ (կրթատ՝ ԸԴՄՄ) նախադասությունն ոմի ընդհանրական նշանակություն. նրանում հատկանիշները ստորոգվում են քերականական երեք դիմքերից յուրաքանչյուրին: Այս դեպքում դեմքը ձևական նշանակություն ունի, սոսկ արտահայտման միջոց է, և «հաղորդումը վերաբրվում է մարդկանց ընդհանրապես, ընդհանրացվում է իրականության որևէ կողմը՝ որպես խրատ, արգելք և այլն» (94, էջ 396): Հետևաբար ԸԴՄՄ նախադասությունների սուրբեկտը մարդն է ընդհանրապես, քանի որ դրանք մարդկության դարավոր կենսափորձից արված եղրակացություններ են: Նման նախադասությունները հիմնականում ժողովրդական առածներ են ու ասացվածքներ. ինչպես՝ «Հարսնետումը զգիտե, շերեփին առած կըվազե» (Ա, 101): «Առաջ ասեղը քեզ խրե, հետո մախաթը՝ ընկերիդ» (ն. տ., 159): «Երիխային քանի դիր, հետը գնա» (ն. տ., 68):

ԸԴՄՄ նախադասությունները հիմնականում բայական են և ըստ գերադաս անդամների արտահայտության բաժանվում են երկու խմբի՝ ա) բայական միենույն եղանակածամանակային ձեռվ արտահայտված գերադաս անդամներով միավորյալ նախադասություններ և բ) տարբեր եղանակաձեռվ արտահայտված գերադաս անդամներով միավորյալ նախադասություններ։

1. Ավելի հաճախ ԸԴՄՄ նախադասության բայական գերադաս անդամները գրանուլում են միենույն եղանակածամանակային ձեռվ։ Դրանք մասնավորապես արտահայտվում են։

ա) Սահմանական եղանակով, հատկապես վերջինիս՝

1) Ներկա ժամանակի եղակի 2-րդ, հոգնակի 1-ին, 2-րդ և 3-րդ դիմքերով։ ինչպես՝ «Մի տեսակ ամեն ինչ նիշում ես, ամեն ինչի մասին մտածում...» (ՎՏ, Յ, 372): «Ծնվում ենք ակամա, ապրում ենք զարմացած, մենում ենք կարոտով» (ԱԻ, Յ, 76): «Ամեն քայլափոխում եք տեսնում, ամեն քարի կտորի վրա եք կարդում թշվառացնող, ավերող վայրենի ուժը» (ԱԱ, 106): «Միշտ էլ սիրածին պատահաբար են պատճում կյանքում ու նրամեջ են տալիս սիրածին անհրաժեշտաբար» (ՊԱ, 1, 318):

2) Վաղակատար ժամանակի եղակի 2-րդ դեմքով։ Այսպես՝ «Մեկ էլ գիշերը պարզել ես, ողջ օրը եզի պես բանել, շարշարվել ես, վեր ես բնելի, ոտներդ ձգել...» (ՊՊԵԺ, 2, 33):

3) Անցյալ կատարյալի եղակի 1-ին ու 3-րդ և հոգնակի 1-ին դեմքերով։ Այս դեպքում, որպես կանոն, միավորյալ նախադասության բաղադրիչները կառուցվում են աստիճանական հակադրության սկզբունքով։ ինչպես՝ «Գիշալ-գուլ ժողովեցի, շերեփ-շերեփ ցեցի» (Ա, 50):

բ) Ավելի շատ նրամայական եղանակով։ Այս դեպքում միավորյալ նախադասության բաղադրիչների հակադրության դուգահեռությունն ավելի է շեշտվում։ Եղակի հրամայականով արտահայտված գերադաս անդամներով ԸԴՄՄ նախադասությունները սովորաբար արտահայտում են խորհուրդ՝ ընդհանրական նշանակությամբ, այսինքն՝ ուղղված են բոլորին և ոչ միայն հատկապես երկրորդ դեմքին» (12, էջ 329)։ ինչպես՝ «Գծի հետ վարվիր, խելոքի հետ սազ արի» (Ա, 166): Այստեղ հակադրությունը համասեռ է։ Այն լինում է նաև անհամասեռ, երբ բաղադրիչ նախադասությունները կաղմվում են տարրեր անդամներից։ ինչպես՝ «Գիլի հետ ընկերացիր, դադանակը ձեռքիցդ մի՛ ցըրե» (Ա, 7):

ԸԴՄՄ նախադասության բայական գերադաս անդամները երբեմն էլ արտահայտվում են հոգնակի հրամայականով։ ինչպես՝ «Օ՛, գրացե՛ք հիմա։ Այդ ժառերին՝ Խաշված բուրվարներին ամա, Օ՛, փրկեցի՛ նրանց

հարվածներից քամու, Որ բերում է նրանց մահվան մորմոք ու մահ» (ԵԶ, 1, 345):

գ) Ենթադրական եղանակի ապառնի ժամանակով: Ընդ որում, ապառնու եղակին այս դեպքում ունենում է սահմանական ներկայի նշանակություն: Այս կառուցվածքում չի բացառվում նաև համասեռ հակառակության դրսելումը. ինչպես՝ «Ռ’ կուտեմ, ո՛չ կուտեցնեմ, դարակը դնեմ կիուտեցնեմ» (Ա, 27); «Գիշերը մարդ կմորքե, ցերեկը ճամփա կիարդե» (Ա, 30):

ԸՆԴՄՄ նախադասության բայական գերադաս անդամներն ենթադրական ապառնու հոգնակի 3-րդ դեմքով արտահայտվելիս գործողությունների ընդհանրականությունն ավելի է մեծանում. ինչպես՝ «Մին կիսուն, մին էլ կլմեն» (Ա, 36):

դ) Սակավադեպա ըզձական ապառնու հոգնակի 1-ին և եղակի 2-րդ դեմքերով. ինչպես՝ «Իենթինը ուտենք, խելոքինը պահենք» (Ա, 180): Նշենք, որ եթե 2-րդ դեմքով արտահայտվող պարզ նախադասությունները հիմնականում առաջներ են ու ասացվածքներ, ապա միավորյալ նախադասություններն արդեն դրսելում են մարդու առօրյա գործունեությունը. ինչպես՝ «Մեկ էլ, ասենք, մաքումդ դրից մի ձի առնես, քո բերքն ու մասիլը բարձես վրեն, տանես քո ձեռքով սաղացնես, օգուտը ուրիշին շուտացնես» (ՊՊ, 2, 331):

2. Ինչպես նշեցինք, ընդհանրական դիմավոր միակազմ միավորյալ նախադասության բայական գերադաս անդամներն արտահայտվում են նաև տարբեր եղանակաժամանակային ձևերով: Միևնույն կառուցցում ավելի հաճախ զուգակցում են սահմանական ներկան և ենթադրականի ապառնին՝ «Տուն շունի, դուռ կփնտրե» (Ա, 113), ենթադրական ապառնին և ըզձական ապառնին՝ «Աչքեն կիանե, զեն ականջը» (Ա, 84) և այլն:

ԸՆԴՄՄ նախադասությունը սակավադեպ էլ լինում է անվանական: Այս դեպքում նրա գերադաս անդամներն արտահայտվում են անվանական ստորոգյալի կաղապարով. ինչպես՝ «Եմ տան ծառան եմ, ուրիշին աղան եմ» (Ա, 275):

Միավորյալ նախադասության բայական գերադաս անդամներն արտահայտվում են նաև «պարզ ստորոգյալ+բայական բաղադրյալ ստորոգյալ» կաղապարով. ինչպես՝ «Շատապում ես մի բոպե առաջ իմանալ ամեն ինչ, մտքիդ առաջ ես բաշում կարդացած նկարագրություններդ, տեսած պատկերներդ, ուզում ես ամփոփել իրականության մեջ այն...» (Ա, 101):

Նման միավորյալ նախադասությունը հաճախ էլ արտահայտվում է «անվանական ստորոգյալ+պարզ ստորոգյալ» կառուցցով. ինչպես՝ «Եվ

թվարան եղեք մի քիչ, թայց պայմանով այս ամռքիլ. Ո՞ւ թե ճշտին սուս գումարեք, Այլ բաժանեք սուտը ճշտին» (ՊՍ, 1, 417—418):

ԸԴՄՄ նախադասության գերադաս անդամներն արտահայտվում են նաև բայական բաղադրյալ ստորոգյալի կաղապարով: Այս դեպքում բաղադրիչ նախադասություններն հիմնականում ունենում են ընդհանուր եղանակիչ, որի գործառությունը ավելի հաճախ հանդես են գալիս պիտի, պետք է, հարկավոր է, անհրաժեշտ է, մնում է և այլ ձևեր: Նշենք, որ այս եղանակիչների ու անորոշ գերբայի կապակցության մասին մեր շարաբյուսագիտության մեջ չկա միասնական ըմբռնում: Պրոֆ. պրոֆ. Մ. Աբելյանը, Գ. Սեակը, Ս. Գյուլբուդալյանը և Ռ. Իշխանյանը դա համարում են ենթակայի ու ստորոգյալի կապակցություն (տե՛ս Յ, էջ 372, 89, էջ 40, 40, էջ 114—117, 48, էջ 98): Այս հարցին պրոֆ. Վ. Առաքելյանն անդրադարձել է մի քանի անգամ՝ հիշյալ ձևերը մեկ համարելով ենթակայի ու ստորոգյալի կապակցություն (տե՛ս 27, էջ 49), մեկ՝ շարաբյուսական միասնական միավոր՝ բարդ ստորոգյալ (տե՛ս 27, էջ 50), իսկ ավելի ուշ՝ անդեմ նախադասություններ (տե՛ս 28, էջ 34): Ակադ. Գ. Զահուկյանը դրանք դիտում է վիճակաեղանակային բնույթ ունեցող «եղանակիչ բայ+անորոշ դերբայ» կառուցյի միակազմ անհենթակա նախադասություն (տե՛ս 94, էջ 395—396), իսկ պրոֆ. Ս. Արքահամյանն այդ եղանակիչների ու անորոշ գերբայի կապակցությունը դիտում է ընդհանրական դիմավոր միակազմ նախադասության կազմում հանդես եկող բաղադրյալ ստորոգյալ (տե՛ս 17, էջ 486):

Մեր կարծիքով առավել ընդունելին Ս. Արքահամյանի տեսակետն է: Մենք նույնպես նշված եղանակիչների ու անորոշ գերբայի կապակցությունը համարում ենք բաղադրյալ ստորոգյալ հետեւյալ պատճառներով: Նախ՝ կառուցյալածքային-քերականական տեսակետից էական տարբերություն չկա պիտի աշխատել, պետք է աշխատել, անհրաժեշտ է աշխատել, հարկավոր է աշխատել և նման ձևերի միշտ: Տարբերությունը նրբիմաստային-ոճական է՝ պայմանավորված եղանակիչների բառական նշանակությամբ: Այդ ձևերն ունեն մեկ էական ընդհանրություն՝ դիմավոր միակազմ պարզ նախադասություններ են:

Երկրորդ՝ եթե պետք է աշխատել, հարկավոր է աշխատել, անհրաժեշտ է աշխատել և այլ ձևերում աշխատել անորոշ գերբայը ենթակա է, իսկ պետք է, հարկավոր է, անհրաժեշտ է ձևերը՝ եղակի թվով ստորոգյալներ, ապա այդ կապակցություններում նոր անորոշ գերբայ (իմա՝ ենթակա) ավելանալու գեպքում հիշյալ եղանակիչները անպայման պետք է արտահայտվեն հոգնակի թվով՝ համաձայնելով անորոշ գերբայով արտահայտված բազմակի ենթակաների հետ: Մինչդեռ այս գեպքում

էլ նշված եղանակիները մնում են եզակի թվով. ինչպես՝ «Պետք է հաս-  
նել առաջավորներին, անցնել նրանց և նվաճել պատվոգիրը»:

Երբորդ՝ դժվար է համաձայնել այն տեսակետի հետ, թե հիշյալ կա-  
պակցություններում անորոշ դերբայի ենթակա լինելը հաստատվում է  
նրա՝ գոյականով կամ էլ պարզապես որոշյալ առումով փոխակերպմամբ  
(տե՛ս 40, էջ 119. 48, էջ 98): Նախադասությունը գնահատելիս պետք  
է հաշվի առնել տվյալ կառուցվածքը, այլ ոչ թե նրա փոխակերպված  
տարրերակը կամ փոխակերպման հնարավորությունը: Անշուշտ, «Պետք  
է աշխատել» և «Աշխատելը պետք է», «Անհրաժեշտ է հանդիպել» և  
«Հանդիպելը անհրաժեշտ է», «Պետք է գնալ» և «Գիրքը պետք է» կա-  
պակցությունները տարրեր կառուցի նախադասություններ են. առա-  
ջինները ընդհանրական դիմավոր միակազմ պարզ նախադասություններ  
են, ուր եղանակիներն ու անորոշ դերբայը բաղադրյալ ստորոգյալի  
կաղապարով մեկ գերադաս անդամ են, իսկ երկրորդները երկկազմ պարզ  
նախադասություններ են, որոնցում որոշյալ առումով անորոշ դերբայը  
և գոյականը ենթակա են, իսկ պետք է, անհրաժեշտ է ձևերը՝ ստորոգյալ:

Այսպիսով, պիտի, պետք է, անհրաժեշտ է, հարկավոր է և նման  
եղանակի բառերի ու անորոշ դերբայի կապակցությունը շարահյուսա-  
կան մեկ միավոր է՝ բաղադրյալ ստորոգյալ: Եվ քանի որ այդ կապակ-  
ցությունների բովանդակությունը վերաբերում է ընդհանուրին, ուստի  
դրանք ընդհանրական դիմավոր միակազմ պարզ նախադասություն-  
ներ են:

Նշված եղանակիները բազմակի անորոշ դերբայների հետ կազմում  
են ԸՆՄՄ նախադասություն: Այս դեպքում եղանակիչը, ընդհանուր լի-  
նելով, գործածվում է միայն առաջին բաղադրիչ նախադասության մեջ,  
բայց հավասարապես վերաբերում է բոլոր բաղադրիչներն ընթեռք  
օրինակներ՝ «Հարկավոր է հարգել շահի խնդրանքը և դեսպանություն  
ովարկել նրա մոտ» (ՍԽՄՍ, 3, 19): «Ժամանակն է բարակել աշխարհի  
սեռն ու գնալ ցեննաթի վայելքների գիրկը» (ն. տ., 31): «Այսուհետև պետք  
էր երկար ու բարակ բազար անել, երդվել, ազատախասել, գովարանել  
վաճառքը» (ԲԵԺ, 2, 399): «Հանելի է ժամերով հստել գետափին և հայել  
սառնորակ ու վճիռ ջրերին, դիմել... ձկների վտաների հոգեզմայլ  
խաղը...» (ԲԵԺ, 361):

Սակավադեպ միավորյալ նախադասությունը կազմվում է երկու եղա-  
նակիների (ու անորոշ դերբայների) զուգակցումով. ինչպես՝ «Ահա թե  
ինչու այսքանից հետո հնարավոր չէ զապել զայրությը և ամբողջ ձայ-  
նով շնայտարեն. պետք է անհապաղ վերջ դնել բռնության սանձար-  
ձակ կամպանիային կիրանանում» (ՍՀ, 18.9.1978 թ., 4):

Հաճախ էլ ԸԴՄՄ նախադասության բաղադրիչներից մեկն ունենում է պետք է+անորոշ դերայ կազմապարով գերադաս անդամ, իսկ մյուսը լինում է անդեմ, բայց երկու բաղադրիչների իմաստներն էլ մասնավորվում են նույն հարցի շուրջը և վերաբերում են միևնույն ընդհանուրին. ինչպես՝ «Ի՞նչ պետք է անել այժմ նախարարների ապստամբությանը վերջ տալու համար. սահմաններից կանչել իր զինական ուժերը, թե...» (ՍԶՀԲ, 405):

Այստեղ անհրաժեշտ ենք համարում անդրադառնալ մարդ գոյականով արտահայտված ենթակայով միավորյալ նախադասությանը; Նշենք, որ մեր շարահյուսագիտության մեջ մարդ-ով կազմված պարզ նախադասության մասին ևս կան տարակարծություններ (տե՛ս Յ, էջ 373, 99, էջ 31, 40, էջ 28, 94, էջ 396, 17, էջ 484), որոնք պայմանավորված են մարդ բառի իմաստային յուրահատկությամբ: Բանն այն է, որ այդ բառը բովանդակում է ընդհանրականության ու կոնկրետության, անորոշության իմաստային տարրեր, որոնցից մեկին նախապատվություն տալու դեպքում հետևողությունը տարբեր է լինում: Մեր կարծիքով լեզվական իրակությունը պետք է գնահատել նրա բոլոր իմաստային դրսեորումների հաշվառումով: Տվյալ դեպքում մարդ բառի իմաստների դրսեորման հարցում էական դեր են խաղում համատեքստը, հաղորդման նպատակն ու խոսքափառությունը: Հստ այդմ էլ այն կարող է նշանակել՝ ա) կոնկրետ մարդ, քաղաքացի, թ) անորոշ, անծանոթ մարդ, գ) մարդ արարած ընդհանրապես: Ընդմին, այս իմաստներով մարդը գործածվում է թե՛ պարզ և թե՛ միավորյալ նախադասության մեջ: Ահավասիկ միավորյալ նախադասության օրինակներ. «Բարձրահասակ մարդը բաժանում է մյուսներին, գրկում է տղային...» (ԱԲ, 1, 201): թ) «Վե՛ր կացեք, վի՛ր, ամբողջ գիշեր Մարդ է գնում ու գալի» (ՀԹ, 255): գ) «Մարդ հողեղին է, երկնցեն չէ» (Ա, 103): Այս նախադասություններում մարդը ենթակա է, միայն այն տարրերությամբ, որ վերջին նախադասությունը, այդ բառի իմաստային ընդհանրականությամբ պայմանավորված, իսկստ հակվում է դեպի միակազմ կառուցվածքը, իսկ 1-ին ու 2-րդ նախադասությունները լիարժեք երկկազմ կառուցներ են: Հետեաբար երբ մարդ գոյականն իր ընդհանրական նշանակությամբ դառնում է միավորյալ նախադասության ենթակա, վերջինս իր բովանդակությամբ մոտենում է ԸԴՄՄ նախադասությանը: Այս դեպքում մարդը ցուց է տալիս մարդ արարած ընդհանրապես, իսկ ամբողջ նախադասությունը՝ մարդկային, կենսագործից կատարված ընդհանրացում: Նշենք, որ մարդ բառն իր ընդհանրական նշանակությունը պահպանում է նաև ամեն գերանվամբ որոշիլ ստանալու դեպքում, հոգնակի թվով գործածվելիս և այն: Օրինակներ՝ «Մարդ շուն ըլնի, տան պուճուր ըլնի» (Ա, 277): «Այստեղ

ամեն մարդ մենակ է ու աղատ և կանգնած ո՞չ իմ և ո՞չ քո դիմաց, այլ  
իր խղճի» (ԴԴՎ, 2, 35): «Մարդիկ մի պարտք են զգում դեպի մեռած  
ընկերները—լավիս են, մի քանի օր տիրում և հետո մոռանում, ուտում,  
խմում, ապրում» (ԱԻՀ, 227):

### ԱՆՈՐՈՇ ԴԻՄԱՎՈՐ ՄԻԱԿԱՋՄ ՄԻԱՎՈՐՑԱԼ ՆԱԽԱԳԱՍՊՈՒԹՑՈՒՆ

Անորոշ դիմավոր միակազմ միավորյալ (կրթատ՝ ԱԴՄՄ) նախա-  
դասության գերադաս անդամների դիմային վերաբերությունն անորոշ  
է: Այս դեպքում ենթակայի (ենթակաների) բացակայությունը պայմա-  
նավորված է լինում տարբեր հանգամանքներով: ԱԴՄՄ նախադասու-  
թյուն է կազմվում.

ա) Երբ կարեսորությունը տրվում է գործողություններին, և գործող  
առարկան կամ առարկաները մշվում են ետին պլան. ինչպես՝ «Հն օրն  
եկան թուջի արին, Հարկ են ուզում տերություն» (ՀԹ, 15): Պարսէ եւ ու  
այստեղ գործողությունները կատարողները գյուղական հարստահարիչ-  
ներն են, բայց քանի որ գործող անձանց կարեսորություն չի տրվում,  
ուստի նախադասությունը կառուցվել է միակազմ ձևով:

բ) Երբ գործող անձը կամ անձինք անհայտ են խոսողին (գրողին): Հաճախ հայտնի լի լինում նաև գործողությունները կատարողների թի-  
վը: Երբեմն նույնիսկ գործող անձը մեկը լինելու դեպքում էլ բայցական  
գերադաս անդամներն արտահայտվում են հոգնակի թվով, որը անորո-  
շություն արտահայտելու համար լավագույն քերականական միջոց է»  
(17, էջ 478): Այսպես, օրինակ, Ալ. Շիրվանղադեկի «Նամուս» վիպակում  
Սեյրանը խորհրդածում է. «Սուսանին նրա ձեռքից խլում են և տալիս  
են Քոշարանց Ռուսամին» (Շիրվ., 1, 75), իսկ այդ գործողությունները  
կատարողը մեկն է՝ Բարխուդարը (հմտ. 40, էջ 77): Կամ՝ «Քեզ զան-  
գահարել են և կանչել մայրաքաղաք»:

գ) Երբ խոսողը (գրողը) ներկայացնում է ուրիշից լսածը, ցանկա-  
նալով՝ 1) հայտնի շղարձնել ենթական (ենթակաները) և 2) կամ էլ հղա-  
կի կարծիքը ընդհանրացնել. ինչպես՝ «Զեր մասին բամբասում են, վատ  
են արտահայտվում»:

Ինչպես տեսնում ենք, ԱԴՄՄ նախադասության բայցական գերադաս  
անդամները հիմնականում արտահայտվում են հոգնակի Յ-րդ դեմքով,  
որ անորոշության դրսերման ամենաընդունված միջոցն է: Ավելին, եր-  
բեմն նույնիսկ խոսողը (գրողը) իր կատարած գործողությունները ներ-  
կայացնում է այդ դեմքով, իսկ ուղարկում է հատկապես հանդիմանա-  
կան արտահայտություններում, երբ խոսողը իր կարծիքը, դիտողությունը  
ու թե ուղղակիորեն վերագրում է իրեն, այլ արտահայտելով հոգնակի

երրորդ դեմքով՝ դրանով ասվածը հոգեբանորեն դիտում է ոչ որպես սոսկ իր անձնականը, այլ մի տեսակ դարձնում է ուրիշներինը, որով և ասվածին տրվում է օրյակտիվ բնույթ» (17, էջ 480): Այսպես՝ խոսողը կարող է «Քեզ դիտողություն են անում և ուզում են դարձի բերել» նախադասությունն ասել այն դեպքում, երբ դիտողություն կատարողն ու դարձի բերել ցանկացողը հենց ինքն է:

Անորոշ դիմավոր միակազմ միավորյալ նախադասությունը հատկանշվում է նաև բայական գերադաս անդամների եղանակաժամանակային արտահայտությամբ: Այդ անդամներն արտահայտվում են:

ա) Սահմանական եղանակի ներկա ժամանակի հոգնակի երրորդ դեմքով. ինչպես՝ «Պատմում են նրա զարմանալի քաջագործությունները, նկարագրում են նրա աշխելի կերպարանքը» (ՀԹ, 3, 192): Շատ հաճախադեպ է նաև պատմական ներկայի գործածությունն այս իմաստով. ինչպես՝ «Մի օր նրանց հասցնում են սովորական քաղաքը, կանգնեցնում սովորականի առջե» (ՍԽԱ, 90):

բ) Սահմանական ներկայի եղանակի երկրորդ դեմքով. ինչպես՝ «Միաբ ես անում, միտք, մեր էս աշխարհի բանը, նախում ես, արակվում...» (ԴԴ) (ԺՀԼ, 3, 481):

գ) Սահմանական եղանակի անցյալ կատարյալի հոգնակի երրորդ դեմքով. ինչպես՝ «Ինձ նա բաշեցին, մի կողմը տարան» (ՀԹ, 204):

հ) Հարկադրական եղանակի ապառնի ժամանակի հոգնակի երրորդ դեմքով. օրինակ՝ «Պիտի ուզեն հարսնացու, առնեն շոր ու մատանիք, պիտի փոխեն ծածկը տան, պարտքը մարեն, հարկը տան ու կաշառեն ջրպետին» (ՊՍ, 4, 66):

դ) Ըղձական ապառնիի հոգնակի երրորդ դեմքով. ինչպես՝ «Թող ինձ կարդացնեն, որդուս ուսում տան, մեզ ճամփա շիանց տան, ճամփից շիանեն» (ԽԱ, 35):

է) Ըղձական ապառնիի եղանակի երրորդ դեմքով. ինչպես՝ «Ճեռանա աշքից, օտարանա սրտից» (Ա, 238):

ԱԴՄՄ նախադասությունը երբեմն էլ բաղադրվում է միևնույն եղանակի տարբեր ժամանակաձևերով արտահայտված բայական գերադաս անդամներով. ինչպես՝ «Նրան գյուղում շատ էին հարգում և դեռ եիշում են»: Նմանապես զուգակցում են նաև տարբեր եղանակաժամանակային արտահայտությամբ բայական գերադաս անդամներն ու անվանական գերադաս անդամը, պարզ ու բայական բաղադրյալ ստորոգյալների կազմական արտահայտված գերադաս անդամները. ինչպես՝ «— Զինար ես, կեռանալ մի՛... Սակայն ինչպե՞ս չկեռանաս» (ՊՍ, 4, 290): «Մի տեղ մի անգամ էսպես է եղել. Տարել են մեկին, ուզել են բաղել» (ՀԹ, 119):

ԸՆԴՀԱՆՈՒՐ ԲՆՈՒԹԱԳԻՐ

Միակազմ միավորյալ նախադասության մյուս տեսակը՝ անդեմ միակազմ միավորյալ (այսուհետև՝ ԱՄՄ) նախադասությունն ունի կառուցվածքային ու իմաստային այլ յուրահատկություններ: Հարկ է նշել, որ մեր կողմից միավորյալ դիտված ստորև քննվող կառուցները ցարդ չեն գնահատվել որպես այդպիսին (միավորյալ): Մենք դրանք միավորյալ ենք համարում լեզվական փաստերի հիման վրա: Այսպես՝ հմմտ. 1. «Չգլխատե՛լ»: 2. «Չգլխատե՛լ, այլ շղթայված ներկայացնել ատյան» (ՆՀԱԳ, 68): Այս նախադասություններից առաջինը պարզ է, իսկ երկրորդը՝ միավորյալ հետևյալ պատճառներով: Նախ՝ առաջին նախադասությունն արտահայտում է մեկ գործողություն և ունի հնչերանգային մեկ ստորոգում: Մինչդեռ երկրորդը նշում է իրար հետ կազմված երիւ բործողություն, ունի հնչերանգային երկու ստորոգում և, հետևաբար, բարդ նախադասություն է: Երկրորդ՝ դա միավորյալ նախադասություն է, որովհետև գործողությունների կատարումը տվյալ դեպքում սպասվում է միենույն անձի կամ անձանց կողմից: Ինչպես տեսնում ենք, անդեմ միավորյալ նախադասության մեջ էլ ավելի է մեծանում տրամաբանական, արտակեղվական գործոնի դերը: Նման նախադասության ըմբռնման հարցում կարևոր է նրա բաղադրիչների միավորումը, որի հիմքը հատկանիշները միևնույն անձին կամ միևնույն բնագավառի մարդկանց վերաբերելն է, որն էլ տվյալ դեպքում դառնում է տրամաբանական ստորոգումը: Օրինակ՝ «Բարեկավել քաղաքային ուղևորատար տրանսպորտի աշխատանքը և պլանից ավելի փոխադրել 1,2 միլիոն ուղևոր» (ԱՀ, 4, 2, 1979, 4): Այս նախադասության բաղադրիչների միավորման հիմքը քաղաքային տրանսպորտի բարեկավման ու պլանից ավելի 1,2 մլն ուղևոր փոխադրելու պարտականությունները միևնույն քաղաքային տրանսպորտի սպասարկմանը վերաբերելն է. և դրանք, որպես միասնական պահանջ, այդ բնագավառի աշխատողների առջև դրվելը:

ԱՄՄ նախադասության մեջ բառային-ձևաբանական ստորոգմանը բացառումը որոշակիորեն դժվարացնում է նրա, որպես մտքի միավորի, ըմբռնումն ու ճանաչումը: Այս դեպքում էլ բառային-ձևաբանական ստորոգմանը փոխարինելու են գալիս հնչերանգային ստորոգումն ու խոսքը (հմմտ. 17, էջ 488): Այս նախադասության մեջ հնչերանգը ձևավորում է՝ ստորոգումները, նախադասության ավարտվածությունը, ինչպես նաև դրսերում է խոսողի վերաբերմունքը:

ԱՄՄ նախադասության ըմբռնման հարցում պակաս կարելոր չէ նաև համատեքստը, խոսքային միջավայրը՝ նրա ստորոգային հատկանիշների վերաբերությունն երեսմն պարզվում է միայն համատեքստում։ Օրինակ՝

«— Բայց չէ՞ որ շնոր հուզոր քեզ վրա է։

— Դու կաս, ինձանից շահել ես, և պակաս պատմություն չկա քո հետեւում։ Կա և Արքակը։ Թողոնում եմ երկուսիդ վրա։ Հայտնեցեք բոլոր պնդուցիներին, որ խանը ինձ կանչել է բանակցությունների։ Երբեք շիշել պնդոցներից և լինել թշնամարաց տրամադիր միեւշ իմ գալ» (ՍԱՅՀ, 31)։ Առաջին նախադասություններից երեսում է ընդգծված միավորաւ նախադասության գործողությունների կատարման սպասելի լինելը խոսակցի ու նրա զինակիցների կողմից։

Ակնհայտ է, որ տարբեր ենթականներով բարդ համադասական կամ ստորադասական կապակցության բաղադրիչ հանդիսացող անդեմ միավորաւ նախադասության գործողությունների դիմային վերաբերությունը հասկացվում է ոչ միավորյալ բաղադրիչն կամ բաղադրիչներից։ Ինչպես՝ «Անդ համար քայլել շկար, երամով թոշում էինք, ի՞նչ խոսել, ի՞նչ շնչար, որոտում, ճշում էինք» (ՀԱՔԵ, 89)։ «Այսօր նա ինձ բոլորովին այլ կերպ թվաց, քան երեկ էր. Երիտասարդի նման ամեն ինչում արագաշարժ և վեռական» (ԷԶԳՀ, 9)։

Հրամայական երանգի ԱՄՄ նախադասության մեջ գործողությունների վերաբերությունն ավելի ակնրախ է։ Այդ նախադասությունն իր իմաստով մոտենում է երկկառմին։ Ավելին, տվյալ գեպքում սպասելին միտքը երկկառմ կառուցվով գրսնորելն է, բայց խոսողը (գրողը) նախընտրում է միակառմ ձևը՝ գործողությունների կատարման ընդհանրական անհրաժեշտությունը շեշտելու համար, որովհետև բովանդակության ընդհանրականությունը միակառմ կառուցվածքին ավելի բնորոշ է։ Օրինակ՝ «Վարդն անշարժացավ։ Խսկ թագավորը ձախն ավելի բարձրացրեց։

— Քսությամբ, զավով սպանել տվեց Գնելին՝ նրա կնոջը տիրանալու համար։ Կալանե՛լ անմիջապես եղեռնագործին և հատել գլուխը...» (ՍԶՀԹ, 202)։

Ավելացնենք, որ չափածո միավորյալ նախադասության գործողությունների վերաբերությունը կարող է հասկացվել նաև խոսքից դուրս ինչպես՝ «ԱՇԾ, այս ցուրտ երկու անհայտում անձուն, Ընկնել, և կորչել, և ննջել հավետ, Ոչնչանալ և մոռացվել քեզ հետ, Ավերիված երադ-հայրենական տուն» (ՎՏ, 1, 108)։ Այստեղ գործողությունների՝ առաջին դեմքին վերաբերելն ինքնին հասկանալի է, քանի որ քնարերգության մեջ, որպես կանոն, բանաստեղծն ավելի շատ խոսում է իր եսի մասին, դրսերում է իր հուզերն ու ապրումները, որոնք, սակայն,

բնդհանրացվում են՝ գառնալով բոլորի համար համընդհանուր իրողություններ:

Արձակ արտահայտված անդեմ միավորյալ նախադասության գործողությունները ևս կարող են վերաբերել խոսողին, միայն թե դա հասկացվում է համատեքստից: «Քառոս» վեպի մեջ, օրինակ, Միքայելն այսպես է ներկայացնում իր կյանքը. «Ի՞նչ, տարիներ շարունակ կատարել հասարակ գործակատարի կրավորական պաշտոն, տառապել մի կամակոր և մանրակրկիտ ծերունու սուր հայացքների տակ, հնարել ամեն անդամ պես-պես ստեր ավելորդ ծախսերն արդարացնելու համար և հաճախ անմաքուր ձեռքերով մոտենալ հայրական սնդուկին և կամա-ակամա փափակել հարազատ ծնողի մահն այն հույսով...» (ԱԾՔ, 43):

Անդեմ միակազմ միավորյալ նախադասություններն ըստ գերադաս անդամների արտահայտության բաժանվում են երկու խմբի՝ բայրական և անվանական:

### ԲԱՅԱԿԱՆ ԱՆԴԵՄ ՄԻԱՎՈՐՅԱԼ ՆԱԽԱԴԱՍՈՒԹՅՈՒՆ

Բայրական անդեմ միակազմ միավորյալ (կրծատ՝ ԲԱՄՄ) նախադասության գերադաս անդամներն արտահայտվում են անորոշ գերբայով: Այս նախադասությունը հատկանշվում է գեղարվեստական, հրապարակախոսական ու պաշտոնական ոճերում ունեցած լայն գործածությամբ՝ շատ հանդիպելով երկիրություններում, կոչերով, լողումդներում, ուղերձներում, պաշտոնական գրադրություններում և այլուր:

ԲԱՄՄ նախադասության արտահայտած գործողությունների կատարումը սպասվում է խոսքի պահից հետո, ապանի ժամանակում: Բաղդրիչ նախադասությունները կազմվում են կամ՝ միայն գերադաս անդամներից և կամ՝ էլ գերադաս անդամներից ու լրացումներից: ինչպես՝ «Դնալ և բերել»: «Ո՞ր ճանապարհով մտնել շուկա և ո՞ր ծայրից սկսել... մտնել լեռան ճանապարհով» (ԱԲ, 1, 311):

ԲԱՄՄ նախադասությունը հայերենի լեզվամտածողությանը հարազատ կաղապար է, որ առկա է եղել մեր լեզվի զարգացման գրեթե բոլոր փուլերում: Ուշագրավ է, որ Մ. Մաշտոցի կողմից գրված հայերեն առաջին գրավոր նախադասությունը բայրական անդեմ միավորյալ է. «Ճանաշել զիմաստութիւն և գյորատ, իմանալ զբանս հանճարոյ...»:

Ըստ բովանդակության նկատմամբ ունեցած հարաբերության ԲԱՄՄ նախադասությունները լինում են հաստատական և ժխտական: ինչպես՝ «Ողջունել սիրով անց ու դարձողին, Օրհներգել կյանքը, աշխարհին ժըտալ, Հարազատ լինել զրին ու հողին Եվ անհուն սիրով սիրել ու գթալ» (ՎՏ, 1, 186): «Չգնալ այդ վայրը և չհանդիպել նրան»:

Երբեմն էլ միևնույն կառուցքը համատեղում է հաստատումն ու ժըմառումը: Այս գեպքում գերադաս անդամներից մեկը լինում է դրական ձևով, իսկ մյուսը՝ ժխտական: Հաստատումն ու ժխտումը կարող են արտահայտվել նրա հարցումով: Օրինակ՝ «Ինչպես գարնան բուկը վառ—Անցնել կամքից այս թերի Ու էլ երեք շղանալ» (ԵԶ, 1, 322); «Ինչո՞ւ փախչել և գեթ մի անգամ շխոսել նրա հետը պարզ» (ԱՇՔ, 334)= «Չփախչել և գեթ մի անգամ խոսել նրա հետը պարզ»:

Հաճախ ԲԱՄՄ նախադասությունը կազմվում է միևնույն գերադաս անդամի կրկնությամբ և այլ գերադաս անդամներով. ինչպես՝ «Նսաել այսուղի, անվերջ նստել ու նայել Աշնանամուտին և քրքրել հին հուշեր...» (ՎԾ, 2, 106):

ԲԱՄՄ նախադասություններն արտահայտում են.

ա) գործողությունների կատարման անհրաժեշտություն, առաջադրանք: Ընդունին, անհրաժեշտություն արտահայտում են պաշտոնական ու հրապարակախոսական ոճերում, իսկ առաջադրանք՝ գիտական ոճում. ինչպես՝ «Մոտակա երկու-երեք տարվա ընթացքում ապահովել գրադարանային սպասարկումը յուրաքանչյուր բնակավայրում. լայնորեն կիրառել գրքի միջգրադարանային փոխանակումը, բարելավել շրջիկ գրադարանների աշխատանքը» (ԺԺ, 9, 8): «Դուրս գրել բայի դիմավոր ձևերը և որոշել դրանց քերականական կարգերը»:

բ) գործողությունների կատարման ցանկություն, ձգտում. ինչպես՝ «Մոռանա՞լ, մոռանա՞լ ամեն ինչ Ամենին մոռանա՞լ, Զսիրել, ըըխորհել, շափուսալ, Հեռանա՞լ...» (ՎԾ, 1, 66):

գ) գործողությունների կատարման պահանջ, կոչ, առաջարկություն. ինչպես՝ «Ամեն կերպ ամրապնդել ժողովրդական թատրոնները, ստեղծել ժողովրդական երաժշտական, երգչախմբային, երգի-պարի կոլեկտիվներ, հարստացնել նրանց ոեպիերտուարը ժամանակակից հայկական և Սովետական Միության մյուս ժողովուրդների ստեղծագործություններով» (ԺԺ, 9, 9):

դ) գործողությունների կատարման կարգադրություն. ինչպես՝ «Իրարետելու երեք ձիավոր հասան նրան ու բերին Բայանդոր իշխանի հրամանը. «Դադարենցնել կոտորածը և գերիներին նավաֆել բարայրեների մեջ...» (ԱԽՄՄ, 3, 394):

ե) խոսողի հաստատ որոշումը գործողությունների կատարման համար. ինչպես՝ «Նրա մեջ զարթնեց կյանքը փրկելու կիրքը; Երիտասարդ կրծքի մեջ եռաց ապրելու և սիրելու անհուն հաճուքը: Փրկվել, փրկել երան, բարձրացնել և ապա կրկին զերմացնել նրա սիրար...» (ԴԴՎ, 2, 264):

զ) խոսողի ներքին կասկածները, անվճռականությունը գործողությունների կատարման վերաբերյալ: Օրինակ՝ «Արտակը համրաքայլ մուտքավ խցի դռանը: Ի՞նչ անել, մտնել ներս աեպատշան և անվայել» (ԴԴՎ, 2, 173):

է) խոսողի (գրողի) ցանկությունը, իղձը, խոհերն ու ապրումները գործողությունները կատարելու համար. ինչպես՝ «Մուլթ հավերժության դառնությունն զգալ, — եվ մանկան մոտ դառը հեկեկալ...» (ՎՃ, 1, 186):

ը) խոսողի (գրողի). հարցադրումը կամ թեզը, որին հաջորդում է մեկնումը: Սա հանդիպում է մասնավորապես այն համադասական պարբերությում, որի առաջին մասը ԲԱՄՄ նախադասություն է. ինչպես՝ «Թալանել, ոչնչացնել ուրիշ, ավելի փոքր ազգերին, տեսեսապես աշխատանալու և գեր ժամանակավորապես բաղախական անդարրի համեմատ: Այսպէս էր գործում՝ թուրքիան» (ՀԲՍ, 58):

Թ) խոսողի հոգեվիճակը, մտայնությունը. ինչպես՝ «Բայց ի՞նչ սուկամի դրություն. տեսնել սիրելի զավակներին անխղելի կապով կապված մի ատելի դարձած կնոջ հետ, չկարողանալով հաղթել ատելությունը, չկարողանալով նաև բաժանվել ատելիից» (ԱԾՔ, 260) (Հմմտ. 40, էջ 41) և այլն:

Ակնբախ է, որ ԲԱՄՄ նախադասությունը երբեմն էլ համատեղում է մի քանի իմաստներ: Այսպես, օրինակ, Վ. Մամիկոնյանի՝ իր զինվորներին ուղղված խոսքից ընտրված «Մաշել, հոգնեցնել, սպառն թշնամուն ողջ Հայոց աշխարհում» (ԴԴՎ, 2, 450) նախադասությունը գրաւորում է գործողությունների կատարման անհրաժեշտություն ու պահանջ: Կամ՝ հետեւյալ նախադասությունն արտահայտում է ափսոսանք ու երկրներանք. «Ի՞նչպես վրդովել նրա հանդսությունը, ինչպես իւանդարել նրա քոմը...» (ԲՍ, 243):

Ժամանակակից հայերենում ԲԱՄՄ նախադասությունը հաճախ դառնում է ընդհանուր ձևով ասված որևէ գործողության կամ եղելության մանրամասնումն ու մեկնաբանումը, ուրով խոսողը իր ըմբռնումով ձբշտում, բացահայտում և միաժամանակ իր վերաբերմումքն է ցույց տալիս այդ ընդհանուր կերպով ասված գործողության հանդեպ (28, էջ 41): Նման կառուցվածքը բարդ համադասական նախադասություն է, որի առաջին բաղադրիչը լինում է ընդհանուր գործողությունը ցույց տվող երկկազմ կամ միակազմ պարզ նախադասություն: Համադասական կապակցության անմիջական կազմիների միջև գործառվող հարաբերությունը մուտենում է բացահայտիչ-բացահայտյալի հարաբերությանը և մասնավորվում է մեկնական, ամբողջի ու մասերի հարաբերությունների ձևով: Օրինակներ՝ «Եթի փրկություն կա միայն, կոկ մի ճանապարհ. Սիրել-այրվել հավիտյան, խոցվել անդադար...» (ՎՃ, 2, 32): «Եվ այդ

բոլորի փոխարեն նա միայն մի բան է ցանկանում. ազատվել այդ աղքատ աղջկա համոզմունքից, համոզել երան...» (ԱՇՔ, 348): Այստեղ ընդգծված միավորյալ նախադասությունների և նախադաս երկկազմ բաղադրիչների գործողություններն ունեն նույն վերաբերությունը. դրանց կատարումն սպասվում է միանույն անձի (անձանց) կողմից:

Երբեմն էլ ընդհանուր իրողությունը նշվում է անվանական անդեմ բաղադրիչն նախադասությամբ, որի սկզբում գործածվող ցուցական եղանակավորող բառերը խոսակցի (ընթերցողի) ուշադրությունը հրավիրում են հաջորդող միավորյալ նախադասության վրա. ինչպես՝ «Ահավասիկ իմ եղանակը. զրկել ենցա թեկուզ իրենց բարձերից և նանդիմանել խրստիվ» (ԱԶՀԲ, 146):

Այս կառուցյում նախադաս է լինում նաև միավորյալ եղբը. ինչպես՝ «Արհամաբնել ամեն վտանգ և ազատել — այս էր հեռավոր հյուսիսից եկած մուժիկի պարզ սկզբունքը» (ԱՇՔ, 351). Ընդհանրացումն ավելի է ընդգծվում եղբ ետադաս երկկազմ բաղադրիչը մինում է հաստատահարցական նախադասություն. ինչպես՝ «— Այս՝ կոչ առաջարկելի և հաարանական ծաղրի առարկան դառնալ, այս է քո լագիկան, լէ...» (ԱՇՔ, 185):

#### ԱՆՎԱՆԱԿԱՆ ԱՆԴԵՄ ՄԻԱԿԱԶՄ ՄԻԱՎՈՐՅԱԼ ՆԱԽԱԴԱՍՈՒԹՅՈՒՆ

Ժամանակակից հայերենում անվանական անդեմ միակազմ միավորյալ (կրօնակ՝ ԱԱՄՄ) նախադասությունը՝ թիշ է հանդիպում, որովհետև նրա գործածությունը պահանջում է յուրատիպ համատեքստ ու խոսքաիրադրություն, հաղորդման հատուկ նպատակ և այլն: Այս նախադասության ըմբռնման հարցում խիստ կարևոր է նրա ստորոգային հատկանիշների վերաբերության հաշվառումը: Այստեղ հնչերանգային ստորոգմանը մեծապես զբացակցում է մտային ստորոգումը, որի ըմբռնման հարցում մեծ է խոսքաիրադրության դերը: Այսպես՝ «Մեր զրուցի ժամանակ ներս է մտնում նորեկը: Գոհունակ և ուրախ»: Հասկանալի է, որ այստեղ խոսքը նորեկի մասին է. նա է գոհունակ և ուրախ: Հետևաբար ընդգծված նախադասությունը միավորյալ է: Ինչպես տեսնում ենք, ԱԱՄՄ նախադասության մեջ գործառվում է քերականականի ու տրամաբանականի հակադարձ համեմատականության օրենքը:

Անվանական միավորյալ նախադասության բաղադրիչները կարող են լրցումներ ունենալ կամ չունենալ: Ծնդ որում, երբ գերադաս անդամներ են դառնում բայանումները կամ բայական ծագում ունեցող այլ բառեր, ավելի հաճախ գործածվում են խնդիր ու պարագա լրացումներ.

ինչպես՝ «Բախտից փախչող, թախտից փախչող» (Ա, 297): «Ուրիշին քարոզող, իրեն լուզող» (Ն. տ., 46): Խոկ եղբ գերադաս անդամները լինում են բուն անվանական բառեր և ստանում են խնդիրներ ու պարագաներ, զգացվում է հանգույցի զեղված լինելը. ինչպես՝ «Երեսանց հայելի, տականց ածելի» (Ա, 29): «Տանը աւլան, չոլումը (դրսում) կատու» (Ն. տ., 58): Այս նախադասություններում է հանգույցի զեղված լինելն են «Հուշում» սահմանափակման խնդիրների և տեղի պարագաների հակադրությունը (երեսանց-տակից, տանը-չոլումը):

Միավորյալ նախադասության անվանական գերադաս անդամներն արտահայտվում են անորոշ առումով և կապվում են միավորական ու ներհակական հարաբերություններով: Այնուհետեւ, այս նախադասությունն իր բովանդակությամբ կապվում է ներկա ժամանակի հետ, քանի որ ցույց է տալիս առարկային (առարկաներին) մտային ստորոգմամբ վերագրվող հատկանիշների գոյությունը խոսելու պահին: Ընդումին, ավելի հաճախադեպ է մշտառել ներկայի իմաստը. ինչպես՝ «Անորդի-անհոգի» (Ա, 260): «Աչքից հեռու, սրտից հեռու» (Ն. տ., 238):

Ա.Ա.Մ.Մ նախադասություններն իմաստային տեսակետից միատարր չեն: Դրանք ամենից առաջ արտահայտում են համապատասխան վիճակների, իրեն ստորոգային հատկանիշների, գոյությունը. ինչպես՝ «Վի-րամոր և հուսահատված»: «Մտածող ու աշքարաց»: Բազմարարադրիշ անվանական միավորյալ նախադասությունը հաճախ միևնույն առարկան ընութագրում է տարրեր կողմերից. առարկայի էությունը արտահայտում է նրա տարրեր հատկանիշները, ինչպես նաև խոսուի ու առարկայի փոխհարաբերությունը բացահայտելու միջոցով՝ մոտենալով, այսպես կոչված, ճշրտառանակույզական անվանական նախադասությանը. ինչպես՝ «Երկիր Հայաստան, իմ հող, իմ կրակ, իմ տաք ապառաժ, իմ այրված արոս, Կարմիր պղնձի շիկացած երակ, Սարավ իմ կավ, Շոդ իմ բարպարոս...» (ՎԴԱՄ, 168): Երբեմն էլ հաճապատասխան վիճակներն արտահայտվում են ցուցականության ձևով. ինչպես՝ «Ահա տիսուր և հոգնաբեկ»:

Անվանական միավորյալ նախադասությունը դրսեորում է նաև ցանկություն, մաղթանք, կոչ: Այս դեպքում էական դեր են խաղում նախադասության հնչերանգը և վերաբերմունքային բառերի գործածությունը. ինչպես՝ «Բարի՛ երթ և ստեղծագործական հաջողություններ բուհական գիտահետադուտական ինստիտուտների մեր առաջնեկին» (ՍՀ, 3. 12. 1978 թ., 4): «Մելիք Խորայելին հարգանք և պատիվ» (ՍԱՅՀ, 175): Այս կառուցվածքը կարող է արտահայտել նաև բարեմաղթությանը հակադիր իմաստ. ինչպես՝ «Որպիսի՛ ատելություն և նողկանք դեպի այդ աննպատակ, անիմաստ և սպանիլ կենցաղը» (ԱՇՔ, 378):

ԱԱՄՄ նախադասությունը երբեմն էլ արտահայտում է վտանգ ու զգուշացում. ինչպես՝ «Հարրեցող և խառնակիչ»:

ԱԱՄՄ նախադասությունը երկխոսության մեջ դառնում է միևնույն առարկային ստորոգվող վիճակային հատկանշին վերաբերող հարցի պատասխան. ինչպես՝

— Ինչպիսի՞ն է հիվանդի վիճակը, Արա՞մ:

— Սանր և անհուսալի:

ԱԱՄՄ նախադասությունները լինում են նաև ժխտական: Այս դեպքում հիմնականում գործառվում է կրկնակի ժխտումը՝ արտահայտվելով ո՛չ...ո՛չ կրկնադիր շաղկապով, որով ժխտվում է համապատասխան հատկանշների գոյությունը: Այսպես՝ «Նա զրկվել է ամեն ինչից: Այլև ո՛չ իշխանություն, ո՛չ փառք, ո՛չ հարգալից անուն»: Այս նախադասությունը միավորչալ է և համանիշ է «նա» այլևս իշխանություն չունի, փառք չունի, հարգալից անուն չունի» երկարմ միավորյալ կառուցին:

Հաճախ էլ անվանական միավորյալ նախադասության բաղադրիչներից մեկը լինում է հաստատական, իսկ մյուսը՝ ժխտական, որպիսի կառուցը կարելի է անվանել մասնակի ժխտումով ԱԱՄՄ նախադասություն. ինչպես՝ «...վիժո՞ւկ և ոչ թե իշխան» (ՍԶՀԲ, 43):

#### ՄԻԱԿԱԶՄ ՄԻԱՎՈՐՅԱԼ ՆԱԽԱԴԱՍՈՒԹՅԱՆ ՈՃԱԿԱՆ ՆՇԱՆԱԿՈՒԹՅՈՒՆԸ

Ժամանակակից հայերենում միակազմ միավորյալ նախադասության տարատեսակների ոճական արժեքն ու նշանակությունը տարբեր են: Դիմավոր միակազմ միավորյալ նախադասությունները, մեծ մասամբ առածներ ու ասացվածքներ լինելով, շատ են հանդիպում ամենատարեր ոճերի (առօրյա, գեղարվեստական, հրապարակախոսական) խոսքում և աշըքի են ընկնում իրենց սեղմությամբ ու դիմավորությամբ, բովանդակության խորությամբ ու արտահայտչականությամբ. ինչպես՝ «Գրտունի հետ քար քաշիր, անգետի հետ փլավ մի՛ ուստիր» (Ա, 11): «Առաջ միտք արա, հետո գործ սկսիր» (Ա. տ., 221): Նման նախադասությունները խոսքը դարձնում են ավելի արտահայտիչ, ներազգու և անմոռաց, իսկ գեղարվեստական ոճում հաճախ դառնում են նաև հերոսի խոսքի ոճավորման միջոց՝ նպաստելով գրողի լեզվի մերձեցմանը ժողովրդական մտածողությանը:

Անդեմ միավորյալ նախադասությունների ոճական նշանակությունը նույնպես մեծ է: Դրանց ոճական նշանակությունը հիմնականում պայմանավորված է կառուցվածքային ու երանգային առանձնահատկու-

թյուններով, արտահայտչամիջոց դառնալու ունակությամբ և այլ լուրա-  
հատկություններով:

Նախ՝ անդեմ միավորյալ նախադասության՝ երանգով պայմանա-  
վորված ոճական նշանակության մասին: Ակնհայտ է, որ առավել մեծ  
է հարցական երանգի ԱԱՄՄ նախադասության ոճական նշանակությունը:  
Այս նախադասության գործածությունն ավելի հաճախաղեալ է գեղար-  
վեստական խոսքում, մասնավորապես հերոսների դրամատիկ ապրում-  
ների պատկերման ժամանակի: Նման դեպքում միավորյալ նախադասու-  
թյունը սկսվում է ի՞նչ անել բաղադրիչով. օրինակ՝ «Ի՞նչ անել արհա-  
մարհե՞լ այդ մարդու հավատը, ոտնատա՞կ անել նրա պատիվը» (Շիրվ.,  
4, 397): Հաճախ էլ ի՞նչ անել-իփոխարեն որպես ինքնուրույն նախա-  
դասություն գործածվում է ի՞նչ պետք է անել-ը: Այս դեպքում հարցը,  
երկրներանքը հիմնականում կենտրոնանում են այդ նախադասության  
վրա՝ մասամբ տարածվելով նաև միավորյալի վրա. ինչպես՝ «Ի՞նչ պետք  
է անել: Թողնե՞լ նրան և այդպես ոտքով շարունակել ճանապարհը» (ԲՍ, 20):

Հարցական երանգի անդեմ միավորյալ նախադասություններն ըստ  
հարցի դրսեորման բաժանվում են երկու խմբի.

ա) նախադասություններ, որոնց բոլոր բաղադրիչներն ունեն իրենց  
առանձին հարցը, ինչպես՝ «Փախչե՞լ, թե՞ մնալ» (ԱՇՔ, 295): Հարցումը  
կարող է ընկնել նաև բայական լրացումների վրա. ինչպես՝ «Դեռո՞վ  
անցնել, թե կամուլցո՞վ գնալ» (ԲՍ, 12): «Ի՞նչպե՞ս իմ անալ, ուսեղի՞ց  
պեղել» (ՊՍ, 4, 150):

բ) նախադասություններ, որոնում հարցումն արտահայտվում է  
առաջին բաղադրիչում ընդհանուր անդամի գործառույթով հաւաքս եկող  
բառերով՝ հավասարապես վերաբերելով բոլոր բաղադրիչներին. օրինակ՝  
«Ի՞նչպե՞ս գնալ և նրան թողնել անօդնական»:

Հարցական երանգի ԱԱՄՄ նախադասության ոճական արժեքը հա-  
ճախ պայմանավորված է լինում նրա բոլվանդակության ընդհանրակա-  
նությամբ: Առա թե ինչու գրողները իրենց հերոսների հոգեկան ապրում-  
ները, տվայտանքները, երկրներանքը երրեմն արտահայտում են այս  
կառուցով՝ նպատակ ունենալով շեշտել տվյալ իրադրության մեջ բոլորի  
միանման մտածելու հավանականությունը (հմմտ. 64, էշ 77): Այսպես,  
օրինակ, «Որի՞ն մոտենալ, որի՞ հետ ծովվել առմիշտ ... ողկվել հարը-  
տությունից, մնալ հավատարիմ տեսականին և անզեն, թե՞ լինել հա-  
րուստ, զորավոր, ինքնիշխան» (ԱՇՔ, 67) նախադասությամբ Շիրվան-  
զագեն արտահայտում է Սմբատի հոգեկան տվայտանքը:

Հարցական երանգի անդեմ միավորյալ նախադասություններից  
ոճական նշանակություն ունեն առանձնապես հարցաժխտական, հար-

ցահաստատական և ճարտասանահարցական ձեւը: Առաջին երկուը բայական գերադաս անդամների արտահայտությամբ հակադրվում էն. դրանք հաստատական լինելու գեպքում հարցումն արտահայտում է ժբխում, իսկ ժխտական լինելու գեպքում՝ հաստատում: Հմմտ. «Մի՞թե այդ հարցը պարզաբանելու համար գնալ և խորհրդակցել հետք»: «Մի՞թե այդ հարցը պարզաբանելու համար շնալ և չխորհրդակցել հետք»: Այս նախադասություններից առաջինը համանիշ է «Այդ հարցը պարզաբանելու համար շնալ և չխորհրդակցել հետք», իսկ երկրորդը՝ «Այդ հարցը պարզաբանելու համար գնալ և խորհրդակցել հետք» պատմողական անդեմ ձեւերին:

Ճարտասանահարցական միավորյալ նախադասության ոճական արժեքը պայմանավորված է նրանով, որ այն հարցական է իր արտասանությամբ, իսկ բովանդակությամբ հաստատական է. ինչպես՝ «Ինչո՞ւ այդ միակ տեղումն, այդ միակ հանգամանքում գոնե անկեղծ լինել, ինչո՞ւ գիտակցարար կեղծել» (ՎՓ, 3, 39):

Արտահայտչական ընդգծվածությամբ հատկանշվող հրամայական երանգի ԱԲՄՄ նախադասությունն արտահայտում է գործողությունների կատարման հրաման, կարգադրություն, պահանջ. ինդրանքն ու հորդորք այստեղ համարյա բացառվում են: Հրամայական միավորյալ նախադասությանը բնորոշ գործողությունների վերաբերության որոշակիությունը, հրամանի անառարկելի ու կտրական լինելը պայմանավորում են նրա լայն գործածությունը պաշտոնական ոճում, երկխոսություններում և այլուր. ինչպես՝ «Կալանքից պատված պետական հանցագործ Առաքել Հակոբով Էլոյանի վրա սահմանել կրկնակի, մշտական հսկողություն... և ամեն շաբաթ Անդրպետքաղվարը ությանը տեղեկագիր ներկայացնել Առաքել Էլոյանի վարքի մասին» (ՀՔ, 1, 427):

Կտրական պահանջ արտահայտող նախադասության բայական գերադաս անդամներից մեկը երբեմն փոխարինվում է անառարկելիություն արտահայտող այլ բառով. ինչպես՝ «Ոշնչացնել և վե՛րջ» (ԴԴՎ, 2, 479):

Հրամայական երանգի անդեմ միավորյալ նախադասությունը մեծ մասամբ լինում է համառոտ, որովհետև, ինչպես միշտ, այս գեպքում էլ «բազմաբառությունը սովորաբար թուացնում է հրամանի ուժը» (64, էջ 80), թայց երբ անհրաժեշտ է լինում շեշտել նաև գործողությունների կամ դրանցից մեկի հետ կապված առարկան, հանգամանքը և այն, այն ստանում է լրացում (լրացումներ). ինչպես՝ «Շտապել և փրկել Ավանը...» (ՍԶՀԲ, 374):

Հրամայական անդեմ միավորյալ նախադասության ոճական կիրառություններից մեկը կոչական ստանալն է: Դա առկա է լինում, երբ խոսողը տալիս է խոսողությանը մասնակցողներից միայն մեկի անունը,

որ պիտի կատարի գործողությունները, այլապես դրանք կարող են վերաբերել բոլոր ներկա գտնվողներին. ինչպես՝ «Վարդան», կազմել նախագիծը և ներկայացնել քննարկման»: Այստեղ կոշականը գործածվածէ ոճական նկատառումով:

Հրամայական երանգի ԱԱՄՄ նախադասությունը հաճախ էլ արտահայտվում է բացականչական հնչերանգով՝ շեշտեղով հրամանի ներգործությունը. ինչպես՝ «Պառկե՛լ, քողարկվե՛լ» (ՖՎՄԼԹ0, 345) «Հասնե՛լ և ձերքակալ անե՛լ» (ՍԶ, 7, 249):

Հրամայական երանգի ԱԱՄՄ նախադասություն սակավ է հանդիպում: Այս դեպքում կատարվելիք գործողություններն արտահայտվում են անվանական բառերով՝ պայմանավորված վերջիններիս բառիմաստով ու խոսքաիրադրությամբ: Այսպես, օրինակ, երբ հրամանատարը կարգադրում է շարք կանգնած զինվորներին «Զեռքերը գոտկատեղին, քայլով մա՛րշ», ենթադրվում է զինվորների կողմից այդ գործողությունների կատարումը: Կամ՝ «Գլուխդ բարձր, երկու քայլ առաջ»: «Զենքերը պատրաստ, կրա՛կ»:

Հրամայական ԱԱՄՄ նախադասությունը կարող է արտահայտել նաև կոչ, հորդոր. ինչպես՝ «Համարձա՛կ և վստա՛ն», — հուսադրում է ուսուցիչը Գևորգին:

Բացականչական երանգի անդեմ միավորյալ նախադասություններն արտահայտում են խոսողի (գրողի) ցանկությունը՝ համապատասխան գործողությունների կատարման վերաբերյալ. ինչպես՝ «Մոռանա՛լ, մոռանա՛լ, Զսիրե՛լ, շսորհե՛լ, շափսոսալ, Հեռանա՛լ...» (ՎՃ, 1, 66): Բազմաբաղադրիչ կառուցում ըշձանքը բաղադրիչ նախադասությունների մի մասում կարող է ավելի ընդգծված արտահայտվել. ինչպես՝ «Սիրել ու կրկին սիրել խնդադին, փայտայել քնքուշ, լինել հարազատ, Հեռանա՛լ, դառնա՛լ կրկին ու կրկին Անենուն աշխարհում բացսիրա և ազատ» (ՎՃ, 1, 186): Ընդգծված բաղադրիչներում իդմ ավելի է շեշտված:

Բացականչական նախադասությանն է մոտենում կոշական հնչերանգով այն ԱԱՄՄ նախադասությունը, որի մեջ խոսողը (գրողը) տվյալ առարկային բնորոշ վիճակները հաստատում է կամ ժխտում՝ նրան դիմելով, և այդ վիճակները դառնում են յուրատիպ խոսակիցներ, անձնավորվում են, որով նկարագրությունը կենդանություն է ստանում. ինչտես՝ «Լուսամփոփի՛ պես աղջիկ աստվածամոր աշքերով, թոքախտավոր, թափանցիկ, մարմնի՛ պես երազի, Կապո՛ւյտ աղջիկ, ակաթի ու կաթի պես հոգեթով, լուսամփոփի՛ պես աղջիկ...» (ԵԶ, 1, 69):

Ոճական նշանակություն ունեն նաև խառը երանգի անդեմ միավորյալ նախադասությունները, որոնք ավելի հաճախ համատեղում են հրամայական ու հարցական, բացականչական ու հրամայական երանգները.

ինչպես՝ «— Մոռանա՛լ երկիր, գնա՛լ օտար թագավորի աշխա՞րհ» (ՍԶՀԲ, 6, 321): «Չմտածե՛լ վաղվա մասին՝ Ամենքի պես, Ամենքի հետ, Կյանքդ մատնե՛լ ինքնահոսի՝ Ամենքի պես, Ամենքի հետ...» (ՊՍ, 1, 419):

Միակազմ միավորյալ նախադասության ոճական արժեքն առանձնապես ավելի է մեծանում շնորհիվ այն բանի, որ նրանով ձևավորվում է շարահյուսական ֆիգուրների շարքը դասվող կրկնության բանադարձման դրսեորումներից մեկը՝ ստորոգյալի կրկնությամբ միավորյալ նախադասության համաբանությամբ: Ընդումին, թե՛ դիմավոր և թե՛ անդեմ միավորյալ նախադասության գերադաս անդամները կրկնվում են բայկան համասեռ կամ անհամասեռ լրացումներն ընդգծելու նպատակով: Ինչպես՝ «...Ո՛չ, կարելի է շարունակ փնտրել, փնտրել մեզ նման, բայց և չգտնել» (ՊՍ, 4, 314): «Յարձրանալ, միշտ բարձրանալ, անդադար բարձրանալ» (ՆԴ, 109):

Չափածո միավորյալ նախադասության գերադաս անդամը երկկազմ միավորյալ նախադասության ստորոգյալի նման երբեմն էլ կրկնվում է՝ ստեղծելով հարակրկնություն, վերջույթ, հակադրույթ և այլն, որոնց չենք անդրադառնում՝ վերն արդեն քննած լինելով:

ՄԻԱՎՈՐՅԱԼ ՆԱԽԱԴԱՍՈՒԹՅԱՆ ԲԱՂԱԴՐԻՉՆԵՐԻ  
ՇԱՐԱՀՅՈՒՍԱԿԱՆ ՀԱՐԱԲԵՐՈՒԹՅՈՒՆՆԵՐԸ

ԸՆԴՀԱՆՈՒՐ ԹՆՈՒԹԱԳԻՐ

Բարդ համադասական նախադասության բաղադրիչները կապվում են շարահյուսական տարբեր հարաբերություններով՝ միավորական, ներհակական, սրոհական, հազելական և այլն, որոնք երևան են գալիս որպես ընդհանուր համադասության մասնավոր դրսեւորումները՝ գործառվելով լեզվական տարբեր մակարդակներում և ամենից առաջ շարահյուսական մակարդակի ստորոգային ու ոչ-ստորոգային ենթամակարդակներում։ Նախ՝ երկու խոսք այս ենթամակարդակների մասին։ Ամենից առաջ նշենք, որ բացակայում է լեզվական մակարդակների վերաբերյալ միասնական ըմբռնումը։ Այսպես՝ է. Բենվենիստը ընդունում է հետեւյալ մակարդակները՝<sup>ա)</sup> մերիզմատիկ կամ տարրույթային, բ) հնչույթային, գ) նշանային, դ) ստորոգային (տե՛ս 117, էջ 434—449)։ Ռուս լեզվաբաններից ոմանք էլ ընդունում են հնչույթային, ձևաբանական, շարահյուսական և բառահմաստարանական, ուրիշներն էլ նաև՝ բառակազմական, դարձվածաբանական մակարդակները (տե՛ս 164, էջ 357—358)։

Հայ լեզվաբանության մեջ պրոֆ. էդ. Աղայանը, ընդունելով է. Բենվենիստի՝ լեզվական մակարդակների դասակարգումը և մասամբ վերանայելով այն, տարբերակում է՝<sup>ա)</sup> ա) տարրույթային, բ) հնչույթային, գ) ձևույթային, դ) բառային, ե) ձևաբանական, դ) շարահյուսական և է) ստորոգային մակարդակները (տե՛ս 25, էջ 34—48)։ Պրոֆ. Ա. Աբրահամյանն էլ ընդունում է՝<sup>ա)</sup> բառային, բ) ձևաբանական, գ) շարահյուսական (7, էջ 40), իսկ պրոֆ. Ռ. Իշխանյանը՝<sup>ա)</sup> հնչույթային, բ) ձևույթաբառակազմական (կամ ձևույթաբառային), գ) ձևաբանական, դ) շարահյուսական և մասամբ էլ ե) ոճաբանական մակարդակները (տե՛ս 48, էջ 90)։ Լեզվական մակարդակների ըմբռնման անմիջորինակությունն արտահայտվում է նաև «Հայկական սովետական հանրագիտարանում»։

տրված մեկնաբանության մեջ (լեզվական մակարդակներ բառահոդվածի հեղինակ՝ Ռ. Խշանյան) (տե՛ս 63, էջ 516):

Ինչպես երեսում է այս համառոտ ակնարկից, չկա միօրինակություն լեզվական մակարդակների ըմբռնման հարցում: Մեր նպատակից դուրս համարելով հարցի մանրամասն քննությունը՝ սահմանափակվենք միայն ստորոգային ու շարանցուսական մակարդակների մասին մեկ դիտողություն կատարելով: Արդ՝ դրանք նույնանո՞ւմ են, թե՞ տարրեր մակարդակներ են: Ինչպես նշեցինք, ոմանք դրանք նույնացնում են, իսկ ոմանք էլ դիտում են իրեւ տարրեր մակարդակներ: Մեր կարծիքով՝ շարահյուսականն ու ստորոգայինը խիստ տարրերակելը արհեստական բաժանում է: ԶԵ՞ որ դրանք երրեմն նույնանում են, կամ, ավելի ճիշտ, շարահյուսական մակարդակը, ունենալով լայն ընդգրկում, ներառում է նաև ստորոգայինը: Ընդամին, շարահյուսականի հիմքում ամենից առաջ ընկած է լինում հենց ստորոգումը, քանի որ շարահյուսությունն ամենից առաջ ուսումնասիրում է նախադասությունը, իսկ վերջինիս ամենահիմնական հատկանիշը ստորոգումն է: Հետևաբար ստորոգային մակարդակ կոչվածը, իրոք, ներառվում է շարահյուսականի մեջ:

Մյուս կողմից՝ նույնչափ ծայրահեղ մոտեցում է նաև շարահյուսական մակարդակը ստորոգայինի հետ լրիվ նույնացնելը, քանի որ առաջինը շատ ավելի լայն ընդգրկում ունի. այն ստորոգումից, ստորոգայլների միջև գործառվող հարաբերություններից բացի, ամփոփում է նաև նախադասության մյուս անդամների միջև արտահայտվող հարաբերությունները: Եվ քանի որ այդ հարաբերությունները հավասարաթեք չեն, միևնույն դերն ու նշանակությունը չունեն հաղորդակցման գործընթացում, ուստի դրանք, բնականաբար, պետք է տարրերակել: Այդ տեսակետից էլ բազմակի ստորոգայների (երկազմ կառուցվածք) կամ բազմակի գերադաս անդամների (միակազմ կառուցվածք) միջև գործառվող հարաբերությունները տարրերվում են նախադասության մյուս բազմակի և ոչ բազմակի անդամների միջև արտահայտվող հարաբերություններից: Այնուհետև, քանի որ ստորոգումը նախադասության (հետևաբար և հաղորդակցման) հիմքն է և իրացվում է ստորոգայլով, ուստի բազմակի ստորոգայների կամ գերադաս անդամների միջև առկա հարաբերությունները կազմում են առանձին համակարգ (ենթամակարդակ) և տարրերակվում են նախադասության մյուս անդամների (բազմակի և ոչ բազմակի) միջև գործառվող հարաբերություններից, որպիսիք էլ իրենց հերթին կազմում են այլ համակարգ (ենթամակարդակ): Այստեղից էլ ծնվում է ընդհանուր շարահյուսական մակարդակը ենթամակարդակների տրոհելու անհրաժեշտությունը: Ըստ այդմ նրանում տարրերակում ենք երկու ենթամակարդակներ.

ա) ստորոգային, որ ներառում է ստորոգյալը, գերադաս անդամն ու դրանց հետ կապված իրակությունները, բազմակի ստորոգյալների ու բազմակի գերադաս անդամների միջև գործառվող հարաբերությունները.

բ) ոչ ստորոգային, որն ընդգրկում է նախադասության մյուս անդամների (բազմակի և ոչ բազմակի) միջև արտահայտվող հարաբերությունները:

Այս երկու ենթամակարդակների ամբողջությունը կազմում է շարահյուսական մակարդակը: Այսպիսով, ի տարրերություն ներմարմնավորող լեզուների, հայերենում ստորոգայինը և ոչ ստորոգայինը չեն նույնանում<sup>1</sup> (Հմմտ. 25, էջ 44—45) և կազմում են ընդհանուր շարահյուսական մակարդակի ենթամակարդակները:

Ոչ ստորոգային և ստորոգային ենթամակարդակներում գործառվում է համադասական հարաբերությունն իր տարատեսակներով: Ընդ որում, առաջին դեպքում այդ հարաբերություններն արտահայտվում են պարզ նախադասության երկանդամ կամ բազմանդամ բազմակի և ոչ բազմակի այնպիսի անդամների միջև, որոնք արտահայտում են կամ թվարկում, կամ ներհակություն և կամ էլ տրոհում՝ կապակցվելով համադասական շաղկապներով ու շարահարությամբ: Օրինակներ՝ «Պարիսպների գլխին բուն են դրել ցինը և անգղոր» (ԱԲ, 1, 179): «Դունավոր աղլուսի մեջ Անա զիզին փաթաթել է լավաշ, խորոված սմինդր, սխտորած լոբի, մի քանի վարուճգ և մի քիլ պանիր» (ն. տ., 225): «Սպասիր ինձ տանը, բայց ոչ գրասենյակում» (ԱՇՔ, 68): «Ալպագա-թառնայը կամ Սալվինին հանդիսավոր կերպով նայեց առաջ...» (ն. տ., 79): Այս պարզ նախադասություններում շարահյուսական հարաբերություններն արտահայտվում են ընդգծված բազմակի և ոչ բազմակի անդամների միջև:

Համադասական հարաբերությունն ստորոգային ենթամակարդակում արտահայտվում է որպես տարրեր ստորոգյալների (երկկազմ կառուցվածք) կամ բայական ու անվանական գերադաս անդամների (միակազմ կառուցվածք) միջև գործառվող հարաբերություն, որի արդյունքը լինում է բարդ համադասական նախադասությունն իր երկու ենթատեսակներով: Ընդսմին, ինչպես արդեն նշել ենք, երբ շարահյուսական հարաբերություններն արտահայտվում են միևնույն առարկայի (առարկաների) ստորոգային հատկանիշների միջև, կազմվում է ընդհանուր ենթակայով բարդ համադասական կամ միավորյալ նախադասությունը, իսկ երբ դրանք արտահայտվում են տարրեր առարկաների ու դրանց ստորոգային հատկանիշների միջև, կազմվում է տարրեր ենթականերով բարդ հա-

1 Ի դեպ, մեր գործածած ոչ ստորոգային ենթամակարդակ տերմինը տվյալ դեպքում համարժեք է պրոֆ. էդ. Աղայանի ընդունած շարահյուսական մակարդակ տերմինին:

մադասական նախադասությունը։ Այսպես՝ 1. «Նույնիսկ ակնածանքով էինք նայում նրան, բայց սիրո զգացմունք չէինք տածում» (ՀԹ, 1, 435): «Ես խոսում էի շատ քիչ կամ գրեթե չէի խոսում» (Էջուշ, 31): 2. «Մարովի կատաղության պատճառը հայտնի էր, բայց նրա վրդովմոնքը ինձ ծիծաղելի էր թվում» (ԲԵԺ, 4, 472): «Ես այսօր կայցելեմ քեզ, կամ գու կգաս ինձ մոտ»: Ինչպես տեսնում ենք, համադասական հարաբերությունները միավորյալ նախադասության մեջ կապում են միկնույն առարկայի (առարկաների) ստորոգային հատկանիշները, իսկ տարրեր ենթականերով բարդ համադասական նախադասության մեջ՝ տարրեր առարկաներն իրենց ստորոգային հատկանիշներով: Նշանակում է՝ համադասական հարաբերությունն իր դրսերումներով տարրեր յուրահատկությամբ է արտահայտվում բարդ համադասական կապակցության երկու տարատեսակներում: Իսկ դա հավաստում է շարահյուսական հարաբերությունների ուսումնասիրման անհրաժեշտությունը բարդ համադասական նախադասության երկու տարատեսակներում առանձին-առանձին: Այստեղ մեր նպատակը համադասական նախադասության միայն մի տարատեսակի՝ միավորյալ նախադասության մեջ շարահյուսական հարաբերությունների դրսերուման քննությունն է, որն ունի տեսական ու գործնական կարևոր նշանակություն, մանավանդ որ հայերենի շարահյուսությանը նվիրված աշխատություններում այդ հարաբերությունները հիմնականում քննվում են տարրեր ենթականերով բարդ համադասական նախադասության մեջ:

Միավորյալ նախադասության բաղադրիչները կապվում են հիմնականում չորս կարգի հարաբերությամբ՝ միավորական, ներհակական, տրոհական ու մեկնական, որոնք ևս միատարր չեն և ունեն իրենց մասնավոր դրսերումները: Նշենք նաև, որ այդ հարաբերությունները միշտ չեն հանդիս գալիս «միայնակ», այլ հաճախ դրսերվում են այլեալլ ածանցյալ հարաբերությունների հետ զուգորդված ձևով՝ պայմանավորված համապատասխան կաղապարների կառուցվածքային առանձնահատկություններով: Այնուհետև, երբեմն միենույն բազմաբաղադրիչ միավորյալ նախադասության մեջ արտահայտվում են համադասական տարրեր հարաբերություններ, որոնք կամ հավասար մակարդակի վրա են գտնվում, կամ էլ դրանցից մեկը իշխող դիրք է գրավում: Առաջին դեպքում միավորյալ նախադասությունը դիտում ենք որպես տարրեր հարաբերությունների համատեղմամբ կառուցվածք, իսկ երկրորդ դեպքում այն գնահատում ենք իշխող հարաբերությամբ, որպիսի պարագայում մյուս հարաբերությունը կամ հարաբերությունները, որպես ստորին օղակում կամ օղակներում արտահայտվող հարաբերություններ, ունեն երկրորդական նշանակություն:

Միավորյալ նախադասության մեջ գործառվող հարաբերություններից ամենահաճախակի միավորական հարաբերությունն է: Միավորականությունն այս կառուցի բուն էությունն է: Նման միավորյալ նախադասությանը բնորոշ են կապակցման շաղկապական և շարահարական եղանակները: Ընդ որում, շաղկապակներից տվյալ գեպքում գործածվում են թվարկում և հավելում արտահայտող և, ու, և...և, թե...թե, ո՛չ...ո՛չ, ևս, նաև, այլև, նոյնպես և, նմանապես և, ինչպես և, ինչպես նաև, ոչ միայն...այլև, ոչ միայն...այլ նաև և այլն միավորի շաղկապաները: Հարահարական կառուցվածքի նախադասությունները հիմնականում համապատասխանում են նույն նախադասությունների և(ու)-ով կապակցված տարբերակին:

Միավորական հարաբերությունը միավորյալ նախադասության մեջ միատարր չէ: Ըստ այդմ էլ միավորյալ նախադասությունները բաժանվում են երկու խմբի՝ ա) բուն միավորական հարաբերությամբ կամ թվարկում արտահայտող միավորյալ նախադասություններ և բ) նավելական-միավորական հարաբերությամբ միավորյալ նախադասություններ, որոնք ունեն կառուցվածքային ու իմաստային տարրեր յուրահատկություններ:

#### ԲՈՒՆ ՄԻԱՎՈՐԱԿԱՆ ՀԱՐԱԲԵՐՈՒԹՅԱՄԲ ՄԻԱՎՈՐԱԿԱՆ ՆԱԽԱԴԱՍՈՒԹՅՈՒՆ

Բուն միավորական հարաբերությամբ միավորյալ նախադասությունն արտահայտում է ընդհանուր ենթակային կամ ենթականերին ստորոգվող համասեռ հատկանիշների թվարկում: Այս կառուցի բաղադրիչները կապվում են իմաստային զանազան կապերով, որոնցից ամենահիմնականը ժամանակային հարաբերությունն է: Սա ևս արտահայտվում է քերականական ու բառական եղանակներով, որոնցից առավել է ականը քերականականն է: Ժամանակային հարաբերության արտահայտման քերականական միջոցի դերով հանդես են գալիս երկար կապուցիւմ կառուցվածքում ստորոգյալները, միակազմում՝ գերադաս անդամները: Իսկ որպես ժամանակային հարաբերության դրսերման բառական միջոց հանդես են գալիս ժամանակի իմաստ ոմեցող բառերը, որոնք տվյալ դեպքում օժանդակ դեր են կատարում՝ ճշտելով, մասնավորելով ստորոգյալների, բայց ական գերադաս անդամների ժամանակային նույնությունը կամ տարբերությունը (Հմմտ. 17, էջ 569): Այսպես՝ հմմտ. «Վարդանը քայլում է և մտածում լսած լուրի մասին»: «Վարդանը քայլում է և միաժամանակ մտածում լսած լուրի մասին»: Այս երկու նախադասությունների բաղադ-

թիշներն էլ կապված են համաժամանակությամբ, միայն թե երկրորդում միաժամանակ բառն ավելի է ընդգծում այդ հարաբերությունը:

Բուն միավորական հարաբերությամբ միավորյալ նախադասության բաղադրիչները կապվում են հիմնականում երկու տիպի հարաբերությամբ՝ համաժամանակությամբ ու տարժամանակությամբ: Բազմաբաղադրիչ միավորյալ նախադասության մեջ էլ հաճախ բաղադրիչն ախադասությունների մի մասը կապվում է համաժամանակությամբ, իսկ մյուս մասը՝ տարժամանակությամբ: Նման կառուցվածքը դիտում ենք համաժամանակություն + տարժամանակություն կառույցի միավորյալ նախադասություն: Այսպիսով, ըստ բաղադրիչն ախադասությունների միջև գործառվող ժամանակային հարաբերության թվարկում արտահայտող միավորյալ նախադասությունները բաժանվում են երեք ենթամիմքի՝ ա) համաժամանակությամբ միավորյալ նախադասություն, բ) տարժամանակությամբ միավորյալ նախադասություն, գ) «համաժամանակություն + տարժամանակություն» կառույցի միավորյալ նախադասություն:

Արդ՝ անցնենք միավորյալ նախադասության այս տարատեսակների քննությանը:

#### ՀԱՄԱԺԱՄԱՆԱԿՈՒԹՅՈՒՆ

Համաժամանակություն արտահայտող միավորյալ նախադասության բաղադրիչների գործողությունները կատարվում, եղելությունները տեղի են ունենում միաժամանակ: Այս դեպքում ստորոգյալները կամ գերադաս անդամներն արտահայտվում են միևնույն ժամանակով, իսկ երբեմն էլ՝ միևնույն եղանակի տարրեր ժամանակներով, «որոնց արտահայտած ժամանակային իմաստների (բուն կամ երկրորդական) միջև կա որոշ ընդհանրություն» (17, էջ 571). ինչպես՝ «Ամբողջ տիեզերքը լուց, համբացալ» (ՀՔ, 1, 289): «Ես ու դու էլ շլքայված ենք իրարու, կարութավոր երազում ենք միշտ իրար...» (ՎՃ, 1, 17):

Համաժամանակության արտահայտման հարցում պակաս դեր չունի նաև բառական եղանակը: Այսպես՝ «Անսպասելի նամակդ ինձ շատ տիրեցրեց և միևնույն ժամանակ շատ բարկացրեց» (ԵՒ, 236) նախադասությունն առանց ընդգծված արտահայտության կդրսեորեր ժամանակային հաջորդականություն:

Բարդ համադասական նախադասության կառուցվածքում տարբերակվող համաժամանակության երկու դրսեորումները (լիակատար և մասնակի) բնորոշ են նաև միավորյալ նախադասությանը: Համաժամանակությունը լրիվ է, երբ միավորյալ նախադասության գործողությունները կատարվում են միևնույն ժամանակով, երբ գործողություններն իրենց

սկզբի ու ավարտի ժամանակապահերով համընկնում են: Ահա թե ինչու լիակատար համաժամանակության դեպքում միավորյալ նախադասության ստորոգյալները կամ բայական գերազաս անդամներն արտահայտվում են հիմնականում միևնույն ժամանակաձևով: ինչպես՝ «Կուկուրան մարդուն փառքացնում ու մանրացնում է» (Ահ2, 151):

Մասնակի համաժամանակությամբ միավորյալ նախադասության ստորոգյալների կամ բայական գերազաս անդամների արտահայտած գործողությունները համընկնում են մասնակի շափով: Սա առկա է լինում, երբ սգործողություններից մեկը արտահայտվում է տևական ժամանակով, իսկ մյուսը համընկնում է նրա մի պահին» (28, էջ 299): Այս դեպքում ստորոգյալները և բայական գերազաս անդամներն արտահայտվում են միևնույն ընդհանուր ժամանակի մասնավոր ժամանակաձևերով, իսկ երբեմն էլ միևնույն ժամանակաձևով, երբ էական նշանակություն է ստանում ժամանակային հարաբերության դրսենորման բառական միջոցը: ինչպես՝ «Նա մի քանի րոպե դուն մոտ կանգնած մտածում էր և ծեծեց դուռը»: «Մի վայրկյան կանգնում էին առաջիս սպիտակ, նորակառուց շենքեր և իսկույն սուզվում էին անցյալի մեջ» (Ահ, 3, 94):

Պրոֆ. Ս. Գ. Արքահամյանը, խոսելով բարդ համադասական նախադասության մեջ համաժամանակության դրսենորման հնարավորությունների մասին, գրում է. «Համաժամանակության հարաբերությունը կարող է արտահայտվել երեք ընդհանուր ժամանակներից յուրաքանչյուրում՝ ներկայում, անցյալում, ապառնիում» (17, էջ 573): Սա հավասարապես վերաբերում է նաև միավորյալ նախադասությանը, միայն թե այն համադասական նախադասության երկու տարատեսակներում արտահայտվում է տարրեր կաղապարներով:

Քննության առմենք միավորյալ նախադասությամբ արտահայտվող համաժամանակությունը ներկա, անցյալ և ապառնի ժամանակներում:

Ա. Ներկա ժամանակում միավորյալ նախադասության մեջ համաժամանակությունն արտահայտվում է.

1. Պարզ ստորոգյալներով, որոնք դրսենորվում են՝

ա) Ավելի հաճախ միևնույն եղանակաժամանակային ձևով, այն է՝ սահմանական եղանակի ներկա ու հարակատար, սակավաղեալ էլ վաղակատար (վերջինս գործածվում է հարակատարի իմաստով՝ իր մեջ ներառելով նաև շարունակական ներկայի իմաստի որոշ տարր) ժամանակաձևերով. ինչպես՝ «Ման է գալիս քնածի պես, օր-օրի վրա լղարում է, դեղնում, շորանում» (ԱՇԹ, 270): «Ամպերը եկել են սարերը պատել, Զորերը լցվել, իրար փաքաքվել...» (ՂԹ, 171):

բ) Միևնույն եղանակի տարրեր (ներկա ու հարակատար, ներկա ու վաղակատար) ժամանակաձևերով. ինչպես՝ «Վերջին ժամանակներս նա

աշխատում է շատ բեղմնավոր ձևով և ամրողապես զբաղված է «Ձառւստի» երկրորդ մասով (էջնՀ, 610): «Բարձրագահ Արուլն ու Մըթին սարեր Մեջք մեջքի տըլած կանգնել վեհափառ, իրենց ուսերին, Զավլախրից էլ վեր՝ թըռնած պահում են մի ուրիշ աշխարհ» (ՀԹ, 101):

2. Բայական բաղադրյալ ստորոգյալներով. ինչպես՝ «Ու սիրում եմ առավոտից-իրիկոն ձամփա երթալ-ու հավիտյան երազի» (ԵԶ, 1, 62):

3. Անվանական բաղադրյալ ստորոգյալներով, որոնց հանգույցներն արտահայտվում են ներկա ժամանակով. ինչպես՝ «Երաժշտությունը սրբություն է և բնության ամենագեղեցիկ զանցը» (ԱԻՀ, 89):

4. Տարեր ստորոգյալների գուգակցումներով: Ընդումին, անվանական ստորոգյալի հանգույցը, պարզ ստորոգյալներն ու եղանակիլ բայց արտահայտվում են սահմանական եղանակի ներկա, հարակատար, սակավադեպ էլ վաղակատար (վերջինս իր իմաստով մոտենում է հարակատարին և ստանում է ներկայի նշանակություն) ժամանակներով: Օրինակներ՝ «Ամեն տողը, շրուզը եղեգան փող է եվ կանաչ բոց է արտաշնչում» (ՀՄԹԵ, 20): «Երիտասարդ կտրիճ զինվոր ես դառել հիմա, իմ Սաքարթվելո, հրեղեն ձի ես նստել հիմա, հրեղեն թուր ես կապել մեջքիդ և կարմիր դրոշակ ես բարձրացրել հիմա» (ԱԻ, 3, 96): «Վահրամ Մավյանը հայ գրող է, ապրում է կիրանանում, սիրում է շրջել-տեսնել աշխարհը, մարդկանց և աշխարհի ճանապարհներին, հասկանալի է, նաեւ դիպում է նաև աղքակիցների» (ՎՊՀԲԱ, 108):

Նման միավորյալ նախադասությունը լինում է նաև միակազմ. ինչպես՝ «Շենքերին ես նայում, Պալատներին վսեմ եվ ուզում ես անվերջություն...» (ՊՍ, 4, 104):

Ուսումնասիրությունները ցուց են տալիս, որ միավորյալ նախադասության մեջ ներկային վերաբերող համաժամանակությունն ու միշտ է արտահայտվում ինքնակա ձևով: Շատ հաճախ նրան զուգակցում են պատճառահետևանքային, մեկնական, փոխադրձ պայմանավորվածության, հիմունքի և այլ ածանցյալ հարաբերություններ: Դրանցից ամենաճախաղեալը պատճառահետևանքային հարաբերությունն է: Այս դեպքում միավորյալ նախադասության բաղադրիչներից առաջնը, որպես կանոն, արտահայտում է պատճառը, իսկ երկրորդը (կամ հաջորդը)՝ դրանից բխող հետևանքը: Պատճառահետևանքային հարաբերությունը պայմանավորված է լինում միավորյալ նախադասության ստորոգյալների բառական իմաստով և բաղադրիչների ներքին-մտային փոխհարաբերությամբ: Ներկա ժամանակում այդ հարաբերությունն արտահայտվում է, երբ՝

ա) առաջին ստորոգյալը ցուց է տալիս գործողություն, իսկ հաջորդը՝

դրա արդյունք, հետևանք դարձած երևույթ. ինչպես՝ «Զյունն է վար իշնում Ու ծածկում մայթեր, ծառեր ու թիթեղ» (ՊՍ, 1, 401):

բ) առաջին ստորոգյալն արտահայտում է տեսողական, լսողական կամ այլ կարգի կարողություն, իսկ երկրորդը՝ դրա դրսնորում հանդիսացող գործողություն, երևույթ. ինչպես՝ «Զրադաշպանն էլ լսում է, կենդանի բաց է թողնում» (ՀԹ, 347):

գ) առաջին բաղադրիչն արտահայտում է բնական վիճակ, դրություն, իսկ հաջորդը՝ դրանով պայմանավորված գործողություն, եղելություն. ինչպես՝ «Հողը արգավանդ է, տալիս է հացահատիկ և առատ ընդեղն» (ԺԾ, 9, 5): «Հյուսիսափայլը կրոնական օրագիր չէ և դավարանության հետ բնակ վերաբերություն չունի» (ՄՆԵՏ, 23):

դ) առաջին բաղադրիչ նախադասության ցույց տված վիճակը իրավական, սոցիալական այնպիսի դրություն է, որի հետևանքը դառնում է երկրորդ բաղադրիչով արտահայտված գործողությունը: Այս դեպքում միավորյալ նախադասությունը մեծ մասամբ բաղադրվում է բայական և անվանական ստորոգյալներով. ինչպես՝ «Ես երեխա չեմ. կավ եմ հասկանում» (ՊՍ, 1, 297): «Անձրևն այն գարնան թունավոր է ու մահ է խոստանում...» (ԳԵՐԴ, 46):

ե) «Համադասության առաջին մասում ստորոգյալը արտահայտում է բնական որևէ երևույթի փոփոխություն, իսկ երկրորդ մասում հաղորդվում է այնպիսի գործողություն, դրություն, վիճակ, որոնք պայմանավորվում են վերոհիշյալ փոփոխությամբ կամ հետևանք են դրա» (28, էջ 310). ինչպես՝ «Իսկ քամին գնալով ավելի ու ավելի սաստկանում է, շվացնում խրճիթի հայտնի չէ որ ծակից» (ՆԴ, 94):

ղ) միավորյալ նախադասության առաջին ստորոգյալն արտահայտում է հոգեկան զգացում, վիճակ, որի հետևանքը լինում է համադասության երկրորդ մասով արտահայտված գործողության կատարումը կամ բացառումը. ինչպես՝ «Սարգիս Յուզբաշին արհամարհում է, չի խոսում» (ՍԱՃՀ, 63): «Մտածողության թելը խճճվում է և հանկարծ կտրվում» (ՆԴ, 254):

ի) միավորյալ նախադասության բաղադրիչներն արտահայտում են հոգեկան այնպիսի զգացումներ, որոնցից երկրորդը պայմանավորվում է առաջինով. ինչպես՝ «Սիրում եմ այդ անվրդով Սառնությունը Զեր սրտի, եվ չեմ ուզում իմ վշտով Հուզել վիշտը Զեր հութի» (ՎՃ, 2, 53):

լ) միավորյալ նախադասության արտահայտած բնության երևույթներից երկրորդը պայմանավորվում է առաջինով. ինչպես՝ «Բարձրագույն ամպերի դեղերը վառվում են աբերի պես և լուսավորվում՝ լուսավորելով երկնակամարը» (ԱՇՔ, 91):

թ) միավորյալ նախադասության առաջին ստորոգյալն արտահայտում է հրաման, պահանջ, պատվեր, իսկ երկրորդը՝ այնպիսի գործողություն, եղելություն, որ կատարվում է որպես հետևանք նշված հրամանի, պահանջի. ինչպես՝ «Մենք պարտավորված ենք սկսել աշխատանքը և սկսում ենք»:

ժ) միավորյալ նախադասության բաղադրիչները կապակցող են, ու միավորի շաղկապներին հաջորդում են հետեւյալ շաղկապներն ու շաղկապական կապակցությունները՝ հետեւքրար, հետեւապես, դրա համար, այդ պատճառով և այլն. օրինակ՝ «Նա աշխատանքը է և դրա համար ել ամբողջ օրը լինում է հանրային գրադարանում» և այլն:

Նշված բոլոր դեպքերում պատճառն արտահայտվում է միավորյալ նախադասության առաջին, իսկ հետևանքը՝ հաջորդ բաղադրիչով։ Զի բացառում նաև ոճական նկատառումով հակառակ շարադասությունը, որպիսի պարագայում պատճառահետևանքային հարբերությանը հաճախ զուգորդում է զիշական երանգը. ինչպես՝ «Իմ ամբողջ կյանքում լիզուդ եմ սերտում եվ չեմ սովորել անսխալ խոսել, Անսխալ խոսել քո մասին քեզ հետ. Շփոթվում եմ միշտ անանց հուզմունքից...» (ՊՍ, 1, 503):

Միավորյալ նախադասության մեջ ներկային վերաբերող համաժամանակությանը հաճախ էլ զուգակցում է փոխադարձ պայմանավորվածության հարաբերությունը, երբ նրա բաղադրիչներն արտահայտում են փոխադարձարար պայմանավորված համաժամանակյա գործողություններ, եղելություններ. օրինակ՝ «Ենքուն զարգանում է ազատ և չի կամենում հպատակի լեզվաբանների պեղած հին օրենքներին ու օրինակներին» (ՎՏ, 2, 189):

Համաժամանակությանը երբեմն էլ զուգակցում է մեկնական, բացատրական հարաբերությունը. Այսպես՝ «Զգույշ է միրհավը (1). քուցուց անելիս ծգում է վիզը (2), աշ ու ծախ կունում (3) և ապա նորից երկարում վիզը (4), շորս կողմը նայում» (5) (ԱԲ, 1, 79) նախադասության առաջին բաղադրիչի անվանական ստորոգյալի հատկանիշը մեկնվում, մասնավորվում է հաջորդ բաղադրիչներով. Այստեղ մեկնական հարաբերությունը նաև ամբողջի ու մասերի հարաբերություն է. առաջին բաղադրիչը նշում է ամբողջը՝ միրհավի գգուշավոր լինելն ընդհանրապես, իսկ հաջորդ բաղադրիչները մասնավորում են այդ հատկանիշի (զգուշավորության) կոնկրետ դրսերումները (վիզը ձգելը, աշ ու ծախ կունալը, վիզը երկարելը, շորս կողմ նայելը): Նշված հարաբերությունների (մեկնական, ամբողջի ու մասերի) պատճառով ամբողջ նախադասությունը բաժանվում է արտարերական երկու մասի: Այնուհետև. բերված նախադասության մեջ ակնբախ է նաև ժամանակային հարաբերության յուրահատկությունը. 2—3—4—5-րդ բաղադրիչները իրար հետ կապված են

տարժամանակությամբ, իսկ միասին 1-ին բաղադրիչի հետ՝ համաժամանակությամբ։ Առաջին բաղադրիչն ունի մշտատե կամ շարունակական ներկայի իմաստ, որի ժամանակային ծիրի մեջ ներառվում են հաջորդ գործողությունների ժամանակապահերը։

Բ. Միավորյալ նախադասությունը համաժամանակությունն ավելի շատ արտահայտում է անցյալ ժամանակում՝ պայմանավորված այդ ժամանակի մասնավոր ժամանակաձևերի առատությամբ։ Ժամանակային այդ հարաբերությունը դրսերդվում է ստորոգյալի գրեթե բոլոր տեսակներով, ինչպես նաև այս վերջինների ամենատարբեր զուգակցումներով։ Անցյալին վերաբերող համաժամանակությունը միավորյալ նախադասության մեջ արտահայտվում է։

1. Մեծ մասամբ պարզ ստորոգյալներով։ Նման միավորյալ նախադասությունները բաժանվում են երեք ենթախմբի՝

ա) Բայական միենույն եղանակաժամանակային ձեռվ համաժամանակություն արտահայտող նախադասություններ։ Այս դեպքում ստորոգյալներն արտահայտվում են անցյալի անկատար, վաղակատար, անցյալ կատարյալ, սավակադեպ էլ անցյալի վաղակատար ու անցյալի հարակատար ժամանակներով։ Ինչպես՝ «Համբուրում էր ու արցոնքով քըզում իր որդու համար գործած գուլպան» (ՊՍ, 1, 81): «Ես ապրել, սիրել և շտանցվել եմ» (Էջու, 51): «Ծփորվեց ինքն իր մտքերից, զգաց մի տեսակ ամօթ իր մտավոր և բարոյական աշխարհի առջև» (ԱԾՔ, 67): «Դահիճ ու գերի նմայվել էինք, կախարդվել» (ՀԹ, 1, 286): «Դրսում կարծես զփորված ու վախեցած էին» (ն. տ., 363):

բ) Բայական միենույն եղանակի տարբեր ժամանակաձևերով համաժամանակություն արտահայտող նախադասություններ։ Այս դեպքում, որպես կանոն, զուգակցում են այն ժամանակաձևերը, որոնց արտահայտած գործողություններն իրենց կատարման ժամանակապահերով հիմնականում համբնկնում են։ Այս կառուցում համաժամանակություն արտահայտում են սահմանական եղանակի անցյալ ժամանակի հետևյալ ժամանակաձևերը՝ ա) անցյալի անկատարն ու անցյալի հարակատարը՝ «Նա զտնվում էր միջնաբերդի ստորոտում, գեղադիր բարձրավանդակի վրա և կսուցված էր ճարտարապետական կատարելությամբ» (ՄՊՄ, 438), բ) պատմական ներկան ու վաղակատարը (հարակատարի նշանակությամբ)՝ «Երեխան կպել է փեշիցս ու լաց է լինում» (ՀԹ, 320), գ) անցյալի վաղակատարն ու անցյալի անկատարը՝ «Հնձանի առաջ նստել էր Դիլան դային, գլուխը խնեարեն կրծքին ու միտք էր անում արևի տակ անցած-գնացած օրերի մասին» (ԱԲ, 1, 81), դ) անցյալի հարակատարն ու անցյալի վաղակատարը՝ «Ամենքս էլ նուզլած էինք և վշտից մեր աշքերը նառել էինք վար» (ԽԴՌԿ, 58), ե) անցյալ կատարյալն ու անց-

յալի անկատարը՝ «Մոխրագույն շալը ձգեց ուսերից, զգում էր անսովոր տաքություն» (ԱՇՔ, 162, դ) անցյալի հարակատարն ու անցյալ կատարյալը՝ «Վարդանը նստած էր ծառի տակ և հանկարծ նիշեց այդտեղ կատարված մի դեպք» և այլն:

գ) Տարբեր եղանակածամանակային ձեերով արտահայտված ստորոգյաների զուգակցումով համաժամանակություն արտահայտող նախադասություններ: Այս դեպքում զուգակցում են բայցական տարրեր եղանակների այն ժամանակաձևերը (անցյալ կատարյալն ու ըղձական անցյալը, անցյալի անկատարն ու հարկադրական անցյալը և այլն), որոնց ժամանակային իմաստները համընկնում են. ինչպես՝ «Դու շիմացար և որտեղից իմանայիր» (ՊՍ, 4, 224):

2. Բաղադրյալ ստորոգյաներով, որոնց եղանակիշ բայերը և հանգույցներն արտահայտվում են անցյալ ժամանակով. ինչպես՝ «Ես շկարողացա ձայն նանել և ոչ էլ շարժվել տեղիցս» (ՆԴ, 273), «Ճակատամարտ էր, կոիկ էր կյանքս» (ՀՍՍԲ, 259): «Նա լուս էր և զանում էր զապել իրեն» (ԴԴՎ, 2, 74):

3. Պարզ և բայցական ու անվանական բաղադրյալ ստորոգյաների զուգակցումներով: Այս դեպքում համաժամանակությունը գործառվում է պարզ ստորոգյալի և եղանակիշի ու հանգույցի միջև: Օրինակ՝ «Զինվարները տատանվում էին և չէին նամարձակիում մոտենալ նրան» (ԴԴՎ, 2, 66): «Մարդարն ուրախ էր, երիտասարդացել էր» (ԱԲ, 1, 151):

Անցյալ ժամանակին վերաբերող համաժամանակություն արտահայտող միավորյալ նախադասության մեջ ևս ժամանակային հարաբերությանը հաճախ զուգակցում են այլևայլ հարաբերություններ՝ պատճառահետևանքային, մեկնական, ընդհանրացման, նպատակի, ամրողի ու մասերի և այլն, որոնցից դրսկորման իր հնարավորություններով առավելապես աշքի է ընկնում պատճառահետևանքային հարաբերությունը: Սա տվյալ դեպքում արտահայտվում է, երբ՝

ա) առաջին ստորոգյալի գործողությունը դառնում է պատճառ հաջորդ ստորոգյալի գործողության, իրեւ հետևանքի, համար. օրինակ՝ «Պղնձյա աշտարակի վրա վառվում էր ձիթային ճրագը և յուր գոմաթափ լուսավորում էր այդ երեք բազմահոգ դեմքերը» (ԲՍ, 76):

բ) միավորյալ նախադասության առաջին բաղադրիչի նկարագրած վիճակը պայմանավորում է հաջորդ բաղադրիչի գործողության կատարումը կամ դրա ժիտումը: Այս դեպքում ստորոգյաներից մեկը (սովորաբար առաջինը) կարող է լինել նաև անվանական. ինչպես՝ «Մեսրոպը զբաղված էր զանազան կատակներով ծերունի Արբակի հետ, իսկույն լսեց Սահակի առաջարկությունը» (ԲՍ, 112): «Շատերը մահացու վիրավոր էին ու հազիկ էին շարժվում» (ՍԽՄՍ, 3, 349):

գ) միավորյալ նախաղասության երկրորդ բաղադրիչի արտահայտած վիճակը պայմանավորված է լինում առաջին բաղադրիչի ցուց տված վիճակով, աշխարհագրական տեղադրությամբ և այլ հանգամանքներով։ Այս դեպքում համաժամանակությունը մեծ մասամբ լինում է մասնակի, ինչպես՝ «Հայաստանը գտնվում էր երկու հզոր գիշատիչ թշնամիների միջև ու հաճախ դառնում էր կովող կողմերի ոտի կոխան» (ՄԶՀԲ, 261):

դ) առաջին բայ-ստորոգյալը ցուց է տալիս լսողական, տեսողական և նմանատիպ այլ կարողություն, իսկ երկրորդը դրսեւորում է որպա արոյունք հանդիսացող գործողություն, եղելություն, երևույթ։ օրինակ՝ «Վիթխարահասակ դաշտապահը նայում էր այդ փոքրամարմին, մանր աշքերով մարդուն ու վախենում էր» (ՀՊ, 1, 394): «Այդ խոսքերը լսեցին պատգամավորները և գնացին» (ԲՍ, 92):

ե) առաջին բաղադրիչ նախաղասությունը դրսեւորում է տվյալ եղելությունն իբրև պատճառ, իսկ հաջորդ բաղադրիչը՝ տեսողական, լսողական պրոցեսն իբրև այդ եղելության, ֆիզիկական փոփոխության հետևանք։ ինչպես՝ «Եվկ կորպացն Ադամի աշքերը, այլևս ոչինչ չտեսան...» (ԱԻ, 3, 206): «Դասախոսությանս ժամանակ շկարողացա դիմանալ և մի քանի անգամ նայեցի նրան» (ՆԴ, 189):

զ) առաջին բաղադրիչ նախաղասության բայ-ստորոգյալի գործողության ժիշտումը դառնում է պատճառ, իսկ երկրորդ բաղադրիչով նըշված գործողությունը՝ հետևանք։ Առաջին ստորոգյալը մեծ մասամբ լինում է բայական բաղադրյալ, իսկ երկրորդը՝ պարզ։ ինչպես՝ «Վերջապես նա ևս շկարողացավ զսպել իր ուրախությունը և բացականեց...» (ՄԶՀԲ, 464):

է) որպես պատճառ հանդես եկող հոգեկան այս կամ այն զգացման հետևանքը դառնում է մեկ այլ զգացում կամ մտավոր, բարոյական և այլ տիպի գործողություն։ ինչպես՝ «Թագավորի խոսքերի մեջ Վարդն զգաց դառը հեգնանք և շառագունեց» (ՄԶՀԲ, 203):

ը) միավորյալ նախաղասության երկրորդ բաղադրիչի արտահայտած հոգեկան գործողությունը դառնում է առաջին բաղադրիչի բայ-ստորոգյալի դրսեւորած մտավոր գործողության, իբրև պատճառի, հետևանքը։ ինչպես՝ «Մտաբերում էր նրա գիշերվա խոսակցությունը և ուրախանում էր նրանով» (ԲՍ, 430):

թ) այն (պատճառահետևանքային հարաբերությունը) առկա է լինում հոգեկան ներհակ վիճակների դրսեւորման ձևով։ ինչպես՝ «Կարծես դըգունում էին սենյակի օդից և կարոտում գարնանամուտի տաք մշուշը» (ԱԲ, 1, 277) և այլն։

Նշենք նաև, որ երբեմն միավորյալ նախադասության բոլոր բաղադրիչներն արտահայտում են հետևանք, իսկ պատճառը դրսեորպում է առաջին բաղադրիչի պատճառի պարագայով. ինչպես՝ «Քալին վախից ճշաց և վեր թուավ տեղից» (ՆԴ, 222): «Նա հազից կապտում էր, խեղդվում» (ԱՇՔ, 335):

Հաճախ պատճառահետևանքային հարաբերությունը զուգակցում է առաջին բաղադրիչով արտահայտված հիմունքի երանքի հետ. ինչպես՝ «Հասկացավ Աղամ և սրտակամ համաձայնեց» (ԱԾ, 3, 192): Այստեղ առաջին ստորոգային հատկանիշը երկրորդ ստորոգյալի գործողության համար և՛ պատճառ է, և՛ հիմունք:

Քննված գեպքերում պատճառում արտահայտվում է առաջին, իսկ հետևանքը՝ երկրորդ բաղադրիչով: Սակավաղեալ էլ հանդիպում է հակառակ շարադասությունը՝ գործողությունների, եղելությունների բնական հաջորդականությունը և դրանց պատճառահետևանքային կապը ներկայացվելով շրջված ձևով: Այսինքն՝ նախ նշվում է հետևանքը, ապա՝ պատճառը. ինչպես՝ «Գլուխը կախեց. շուկաց տեսնել տիսուր պատկերը» (ՍԽՄՍ, 3, 189): «Ինքը Մարդաբետումին էլ ոչինչ շհայտնեց և զգուշանում էր ավելին խոսելուց» (ՄԳՄ, 328):

Անցյալ ժամանակին վերաբերող համաժամանակությանը, ինչպես նշեցինք, զուգակցում են նաև այլ հարաբերություններ՝ հիմունքի, մեկնական, փոխադարձ պայմանավորվածության, ընդհանրացման, նպատակի, ամբողջի ու մասների և այլն: Հիմունքի հարաբերությունն արտահայտվում է այն դեպքում, եթե միավորյալ նախադասության երկրորդ բաղադրիչի գործողությունը կատարվում է առաջին բաղադրիչի գործողության, եղելության կամ այլ հատկանիշի, որպես իրավական, բարոյական, սուլորութային հիմունքի, հիման վրա. ինչպես՝ «Միքայելը վաղուց էր ճանաշում այդ երիտասարդին, ատում էր նրան» (ԱՇՔ, 330): «Բայց Միհթարն իր ձեռքով հրովարտակ գրեց ու Զագեցը և նրան հարակից գյուղերը նվիրեց Սատուր հարյուրապետին» (ՍԽՄՍ, 3, 410):

Փոխադարձ պայմանավորվածության հարաբերության դեպքում համաժամանակություն արտահայտող միավորյալ նախադասության բաղադրիչների գործողությունները փոխադարձաբար պայմանավորված են լինում միմյանցով: Նման կառույցում որպես բայց-ստորոգյալներ երբեմն հանդես են գալիս հականիշ կամ իմաստային որոշ ներհակություն ունեցող բառեր. ինչպես՝ «Ճորավոր ձեռքով արմատախիլ էր անում շարությունը և բարերար ձեռքով սերմանում էր առաքինությունը» (ԲՍ, 222): «Օր-օրի վրա նա ծովանում էր ու դառնում անտարեր դեպի իր շրջապատը» (ԱՇՔ, 263):

Շարահարական կառուցվածքի միավորյալ նախադասությունը հա-  
շախ համատեղում է նաև ժամանակային (տվյալ դեպքում՝ համաժամա-  
նակության) և մեկնական հարաբերությունները. առաջին բաղադրիչով  
(բաղադրիչներով) հաղորդվում է իրողության մասին ընդհանրապես, իսկ  
հաջորդ բաղադրիչը (բաղադրիչները) մեկնաբանում, մասնավորում է  
նախորդի բովանդակությունը կամ ամբողջապես, կամ որևէ առողմով.  
ինչպես՝ «Մինչև այժմ իմ ամուսնու մեջ ես թագավորն էի որոնում. նրա  
հաջողություններով ուրախանում, նրա փառքերով պարծենում...» (ՄԳՄ,  
206):

Անցյալ ժամանակին վերաբերող համաժամանակությանը նպատակի  
ու սահմանափակման հարաբերությունները զուգակցվելու դեպքում էա-  
կան նշանակություն է ստանում բառական միջոցը. ինչպես՝ «Թշնամին  
յուր արշավանքը կատարել էր երկու կողմից և այդ նպատակով յուր  
զորքերը երկու մասի էր բաժանել» (ԲՍ, 282): «Պապեն» լոիկ էր, ավե-  
լի հաճախ երեխանների հետ էր խոսում» (ԱԲ, 1, 262): Բացի համաժա-  
մանակությունից, առաջին նախադասության մեջ առկա է նպատակի,  
իսկ հաջորդի մեջ՝ սահմանափակման հարաբերությունը:

Սակավաղեպ էլ միևնույն միավորյալ կառուցվում համաժամանա-  
կությանը հավելվում են մեկից ավելի հարաբերությունների երանգներ:  
Այսպես, օրինակ, հետեւյալ նախադասության մեջ տեղ են գտել մեկնա-  
կան և ամբողջի ու մասերի հարաբերությունները. «Մյուս կողմից, Մու-  
շեղ թերդակալն ու Գոռ իշխանիկը ծանր հոգսերի մեջ էին. պատրաս-  
տություններ էին տեսնում ապագա հարձակմանց դիմադրելու համար.  
ավելացնում էին ամրոցի պաշտպանության պարագաները և ամբողջ  
օրերով աշխատեցնում էին զորքը» (ՄԳՄ, 220):

Հարկ է ավելացնել, որ անցյալին վերաբերող համաժամանակու-  
թյուն արտահայտող միավորյալ նախադասության մեջ միավորական  
հարաբերությունը կարող է ունենալ նաև եզրափակող բնույթ: Սա առա-  
վել բնորոշ է փակ կառուցվածքի նախադասությանը, երբ և (ու) միա-  
վորի շաղկապի հետ գործածվում են ընդհանրացման նշանակություն  
ունեցող այսպիսով, այսպես, այսպես ուրեմն բառերն ու կապակցու-  
թյունները. ինչպես՝ «Նրա սենյակում դրեցին առանձին անկողնակալ՝  
հսկիչի համար և այդպիսով պատանուն դարձրին մի տեսակ բանտարկ-  
յալ» (ԱՇՔ, 195):

Գ. Միավորյալ նախադասության մեջ համաժամանակությունը առ-  
կա է լինում նաև ապառնի ժամանակում՝ արտահայտվելով այդ ժամա-  
նակի իմաստ ունեցող ամենատարբեր ստորոգյալներով: Այս դեպքում  
համաժամանակությունը դրսեռովում է.

ա) Պարզ ստորոգյալներով՝ արտահայտված սահմանական եղանակի ապառնի, ենթադրական ապառնի, հարկադրական ապառնի ժամանակներով և հրամայական եղանակով. ինչպես՝ «Աւքերս փակեմ ու սեղմեմ ամուր Ու շմտածեմ ունչի մասին» (ԵԶ, 1, 13); «Կրակների ու շրերի միջից կանցնենք մենք, դուքս կրերենք երկաթե մարդիկ» (ԴԴՎ, 2, 442); «Հասկացե՛ք այս բանը, նաևաշեցե՛ք ինձ, վերջապես» (ԱՇՔ, 297):

բ) Անվանական բաղադրյալ ստորոգյալներով, որոնց հանգույցները արտահայտվում են ապառնի ժամանակով. ինչպես՝ «Նա զորքի համար կլինի գիտառատ քայլ և ոգևորության աղբյուր»:

գ) Պարզ և բաղադրյալ (բայական, անվանական) ստորոգյալների գուգակցումներով. ինչպես՝ «Բայց եկեք նայենք մեր գրքերում ապրող բնակչությանը, փորձենք համեմատել» (ՎՊՀԲԱ, 17):

դ) Միակազմ միավորյալ նախադասուրյան գերադաս անդամներով. ինչպես՝ «Մ' առ ու փախի, ո՞ւ նստե ու լաց» (Ա, 107); «Մի՛ ասիր, մի՛ լսիր» (Ա. տ., 122); «Պետք է խորամանկել, խարել թշնամուն» (ՍԽՄՍ, 3, 317):

Ապառնի ժամանակին վերաբերող համաժամանակությանն էլ երբեմն գուգակցում են պայմանի, պատճառահետեւանքային և այլ հարաբերություններ. ինչպես՝ «Բայց նայիր քեզ վրա հոր աշքերով և այն ժամանակ շատ վաղ չես համարի» (ԲՍ, 445),

### ՏԱՐԺԱՄԱՆԱՎԿՈՒԹՅՈՒՆ

Տարժամանակային հարաբերությամբ միավորյալ նախադասության արտահայտած գործողությունները, եղելությունները տեղի են ոմնենում տարբեր ժամանակներում, հաջորդում են իրար: Միևնույն առարկայի կամ առարկաների գործողությունների և դրանց բնական հաջորդման նկարագրությունը հանդիսացող միավորյալ նախադասությանը բնորոշ է բաղադրիների շարադասության կայունությունը՝ պայմանավորված գործողությունների, եղելությունների բնական հաջորդականությամբ: Այսպես, օրինակ, «Նրանք միմյանց շեն հասկանում և շպիտի հասկանան հավիտյան» (ԱՇՔ, 375) նախադասության շարադասության փոփոխությամբ ու միայն փոխվում է բաղադրի նախադասությունների ներքին-մտային փոխհարաբերությունը, այլև աղճատվում է բովանդակությունը:

Միավորյալ նախադասությամբ նկարագրված գործողությունների ժամանակային հեռավորությունը դրսենորվում է կա՛մ ստորոգյալների արտահայտությամբ և կա՛մ էլ բառական միջոցներով: Օրինակ՝ «Սարկավագը գլուխ տվեց և հեռացավ» (ԲՍ, 226): «Մտավ երկրի ապավեն

գնդի զորանոցներն ու երկու օր շարունակ դրս չեկավ այնտեղից (ՄԽՄՍ, Յ, 280): Առաջին նախադասության մեջ գործողությունների միջև եղած ժամանակային տևողությունը շատ կարճ է, իսկ երկրորդում երկար է՝ պայմանավորված ընդգծված ժամանակի պարագայով: Ե՞տք կերպում գործողությունների ժամանակային հեռավորության շափը քերականական տեսակետից կարեռ չէ: Տվյալ դեպքում էականը գործողությունների հաջորդումն է:

Միավորյալ նախադասության մեջ ևս տարժամանակությունն արտահայտվում է՝ ա) բնական ժամանակների սովորական հաջորդումով և բ) գործողությունների նախորդմամբ (հմմտ. 17, էջ 579), որոնցից առաջինը միավորյալ նախադասությանն ավելի բնորոշ է: Տարժամանակությունը գործողությունների նախորդմամբ արտահայտվում է մասնավորապես այն դեպքում, եթե խոսողը (գորողը) ցանկանում է առանձնապես շեշտել երկրորդ գործողությունը՝ այն ներկայացնելու! նախադասինչպես՝ «Սահակ վարժապետը, ասում էին, եկել է էջմիածնից, այնտեղ է ուսում առել» (ՀՔ, 1, 270):

Միավորյալ նախադասության մեջ տարժամանակությունը բնական ժամանակների սովորական հաջորդումով արտահայտվելու դեպքում բաղադրիչների շարադասությամբ դրսենորվում է գործողությունների բնական հաջորդականությունը: Ըստ այդմ էլ միավորյալ նախադասությունները բաժանվում են երկու խմբի՝ ա) բայական ընդհանուր ժամանակով արտահայտված տարժամանակությամբ միավորյալ նախադասություններ, բ) տարբեր ընդհանուր ժամանակների զուգակցումով արտահայտված տարժամանակությամբ միավորյալ նախադասություններ:

Բայական ընդհանուր ժամանակով արտահայտվող տարժամանակությունը միատարր չէ և լինում է.

Ա. Ներկա ժամանակով արտահայտվող տարժամանակություն. Թը վում է՝ ներկայում տարժամանակության արտահայտումը պետք է բացառվի, սակայն լեզվական փաստերը հավաստում են հակառակը: Մենք համամիտ ենք պրոֆ. Վ. Առաքելյանի այն մտքի հետ, թե «քանի որ ստորոգյալի ժամանակները որոշակի վայրկյաններով շեն շափվում, և բացի այդ, ներկան կարող է և անցյալ արտահայտել, և ապանի, այն կարող է լինել պարզապես պատմական, նկարագրական ժամանակ, ապա այդ պատճառով գործողությունների հաջորդություն համադասության մեջ դրսենորվում է նաև ստորոգյալների ներկա ժամանակների միջոցով»

(28, էջ 306): Ներկա ժամանակին վերաբերող տարժամանակությունը միավորյալ նախադասության մեջ արտահայտվում է.

1. Պարզ ստորոգյալներով, որոնք արտահայտվում են՝ ա) միևնույն ժամանակաձևով (ժամանակորապես անկատար ներկայով) և բ) նույն կամ տարբեր եղանակների ժամանակաձևերով: Օրինակ՝ ա) «Վայրի աղավնիների երամը փոռցով անդունդից դուրս է քոչում և... նորից իշխում մուրք» (ԱԲ, 1, 224): բ) «Ու հիմա մտքիս մեջ ձգվում են իրար Արամու Աստղիկը, ձուլվում են ու զատվում, զատված են ու կրկին ձուլվում են իրար» (ՀՔ, 1, 280):

2. Բայական բաղադրյալ ստորոգյալներով. ինչպես՝ «Բայց նա ծրգառում է մեզ միջոցով կուտակել, ապա երկու թևով քաշել իրեն, գրկել, նզմել» (ԴԴՎ, 2, 592):

3. Պարզ և բաղադրյալ ստորոգյալների գուգակցումներով: Ընդուռում, պարզ ստորոգյալը և եղանակին ու հանգույցը արտահայտվում են ներկա ժամանակով. ինչպես՝ «Գնում են արտ ու սկսում հնձել» (ՄիԱ, 73): «Հետո՝ փողը ծոցն է տանում Ու վերստին մեկնաբանում, եվ մի վայրկյան տալով դադար, նորից դառնում մենակատար...» (ՊՍ, 4, 168):

4. Միակազմ միավորյալ նախադասության՝ ներկայով արտահայտված բայական գերադաս անդամներով. ինչպես՝ «Եզր վեր անում, տակիցը հորթ են ուզում» (Ա, 90):

Բ. Անցյալ ժամանակով արտահայտված տարժամանակություն. Նման տարժամանակության դրսենորման ոլորտը բավական լայն է: Այն արտահայտվում է.

1. Պարզ ստորոգյալներով, որպիսի գեպքում ժամանակային հաշորդականությունը դրսենորվում է:

ա) Միևնույն ժամանակաձևով: Այս գեպքում գործառվում են սահմանական եղանակի անցյալի վեց ժամանակաձևերը (նաև պատմական ներկան), ըղձական անցյալը, ենթադրական անցյալն ու հարկադրական անցյալը: Բերենք օրինակներ՝ «Լալ-Մարգարը հանկարծ վեր էր քոնում տեղից, բայն առնում ու գեպի ջրի հանդը գնում» (ԱԲ, 1, 169): «Ե՛վ հանել են նեղից, և նեղել են, Անթեղել են, հետո ինձ պեղել են» (ՀՍՍԲ, 136): «Արշավեցին ձախ, ապա շուր եկան, սլացան գեպի գետն ու դանդաղ նեռացան...» (ՄիԱՄ, 3, 64): «Ու լսեի վերջին անգամ հորհուրդը նրա Ու մեռնեի ապուպապոտ Այդ քարի վրա» (ՀՍՍԲ, 99): «Այստեղ՝ արևոտ այն քարափներին իմ մանկությունը պիտի դողանջեր, Թառե Եփրատի փրփրած թեկին եվ ընկույզենու կարոտով կանչեր» (ՎԴԱՄ, 51):

բ) Միևնույն եղանակի տարբեր (անցյալի անկատար ու անցյալ կատարյալ, անցյալի վաղակատար ու անցյալի անկատար, անցյալի վաղակատար ու անցյալ կատարյալ, վաղակատար անցյալի հարակա-

տար ու անցյալի անկատար) ժամանակաձևերով, որոնցից մեկը ցույց է տալիս տևական, իսկ մյուսը՝ ոչ տևական գործողություն։ Օրինակներ՝ «Ասյա Արմենովնան երկար ժամանակ մըմնջում էր հայերեն այդ բառերը. հետո աշքերը փակեց» (ՀՔ, 1, 303): «Մովսեսը փակել էր իր դպրոցը և տիկ ու գիշեր թեկի տանն էր գտնվում» (ՍիՄՍ, 3, 118): «Լուս գնացել էին դաշտ, լուս էլ վերադաշն» (ՀՔ, 1, 367): «Այս ամառ նրանք կովկասյան հանքային ջրերն էին եղել գնացած և այդ երեկո այնտեղից էին վերադառնում» (ՆԴ, 184):

գ) Տարրեր եղանակաժամանակային ձևերի զուգակցումով, որպիսի դեպքում գործողությունների կատարման ժամանակապահերի միջև առկա է բնական հաջորդումը. ինչպես՝ «Թոնիր ուներ արդեն, սեփական ձեռքով ցանված թութուն պիտի ունենար և ուներ թութունի մի մեծ տոպրակ...» (ՀՔ, 1, 443): «Վանի դեպքերից հետո Զավդութ փաշեն նախանցեց ու պիտի գնաց Ալզավազով» (Ա. տ., 454):

2. Բայական բաղադրյալ սառողյալներով: Ընդ որում, տարժամանակությունը գործառվում է սրանց դերայական բաղադրիչների միջև. ինչպես՝ «Մարդիկ վախենում էին տնից դուրս գալ և նրա զինվորներին նանդիպել» (ԲՍ, 364—365):

3. Սակավադեպ անվանական բաղադրյալ սառողյալներով. ինչպես՝ «Դու մի օր թագավորի բարեկամն էիր և դարձյալ բարեկամ կլինես» (ՍԳՄ, 141):

4. Պարզ և բաղադրյալ սառողյալների զուգակցումներով. ինչպես՝ «Անահիտն ու Աստղիկը բաշվեցին մի անկյուն ու սկսեցին կարդալ» (ԴԴՎ, 2, 93): «Ավագ Համունին միառժամ լուս էր. հետո շարունակեց դառնացած» (ՍԶՀԲ, 47):

5. Միակազմ միավորյալ նախադասության բայական գերադաս անդամներով, որոնք արտահայտվում են նշված պարզ ստորոգալներին բնորոշ ժամանակաձևերով. ինչպես՝ «Լուսնիկան պատռեց, մեջեն ելեր է» (Ա, 64):

Նշենք, որ անցյալին վերաբերող տարժամանակություն արտահայտող միավորյալ նախադասության մեջ ևս ժամանակային հարաբերությանը հաճախ զուգակցում է պատճառահետևանքային հարաբերությունը. ինչպես՝ «Կինը չկարողացավ դիմանալ ոտի վրա և երեսն ի վայր փուլեց գետնին» (ՆԴ, 193): «Կարդաց նամակը և տիրեց» (ԱՇԲ, 137):

Դ. Ապառնի ժամանակով արտահայտվող տարժամանակություն. այս դեպքում միավորյալ նախադասությունը ցույց է տալիս խոսքի պահից հետո միննույն առարկայի (առարկաների) հաջորդաբար կատարելիք գործողությունները. Ապառնի ժամանակին վերաբերող տարժամանակությունն արտահայտվում է.

1. Պարզ ստորոգյալներով, որոնք արտահայտվում են՝ ա) միենույն ժամանակաձևով (սահմանական, ըղձական, ենթադրական ու հարկադրական եղանակների ապառնի ժամանակներով, հրամայական եղանակով) և բ) տարբեր եղանակաձևերի (սահմանական ապառնի ու ենթադրական ապառնի և այլն) զուգակցումով։ Օրինակներ՝ ա) «Պատրաստվի՞ր, սիրելի՛ Մուշեղ, և շուտով ճանապարհ ընկի՞ր» (ԲՍ, 392): «Քո պայծառ գահից մեղմորեն իջիր, Մազերդ փոխր հոգնատանց կրծքիս, Անուշ երազով սիրու պահունիր, Ցնորդ հուշերով ամոնիր հոգիս...» (ՎՏ, 1, 52): բ) «Ես իսկույն գնալու եմ հանքերը, կիրամայիմ...» (ԱԾՔ, 99):

2. Բայական բաղադրյալ ստորոգյալներով, որոնց եղանակիշներն ունենում են ապառնիի նշանակություն։ Ինչպես՝ «Մենք կարող ենք թուրքի ատամները փշրել և ախորժակը կարել Սյունիքից» (ՍևՄՍ, 3, 240):

3. Պարզ ստորոգյալ+անվանական բաղադրյալ ստորոգյալ կաղապարով։ Այս դեպքում հանգույց են դառնում լինել, դառնալ և նման մի քանի վերացական բայերի ըղձական, ենթադրական ու հարկադրական ապառնիի ձևերը, իսկ պարզ ստորոգյալ՝ ըղձական, ենթադրական, հարկադրական ապառնիները, հրամայական եղանակի բայաձևերը։ Ինչպես՝ «Երկար մազերդ կարծակես ազատ, Հիվանդ գլուխդ կրդենես կրծքիս, Կիբես բնելու, մոտիկ, հարազատ,— Անուշ խոսքերով կոյութես հոգիս...» (ՎՏ, 1, 48): «Դու էլ, դու էլ բնելու եղիր, Մի՛ տրանցա, լացդ բող, Այս սուրբ ժամին լոիր, լոիր, Սիրիր անխոս ու կարող...» (Ն. տր., 93):

4. Միակազմ միավորյալ նախադասության բայական գիրադաս անդամներով։ Ինչպես՝ «Բան արա, հետո պարծեցիր» (Ա, 16): «Նախատեսված միջոցառումները բնեարկել... ժողովներում և դրանք մացնել կոլեկտիվ պայմանագրերի մեջ» (ԺԺ, 9, 380):

Տարբեր ընդհանուր ժամանակների զուգակցումով արտահայտվող տարրամանակություն

Միավորյալ նախադասության բաղադրիշների միջև գործառվող տարրամանակությունը հաճախ արտահայտվում է տարբեր ընդհանուր ժամանակների զուգակցումով։ Տարրամանակության նման դրսկորումը ավելի բնորոշ է միավորյալ նախադասությանը։ Այս դեպքում գործողությունների կատարման հաջորդականությունն ունենում է հետևյալ հերթականությունը։

Ա. Անցյալ—ներկա—ապառնի։ Սա բնական ժամանակների սովորական հաջորդում է, երբ միավորյալ նախադասության բաղադրիշներից առաջինը ցույց է տալիս միենույն առարկային (առարկաներին) ստորոգվող հատկանիշը անցյալում, երկրորդը՝ ներկայում, իսկ երրոր-

դը՝ ապառնի ժամանակում։ Ընդ որում, անցյալ ժամանակն արտահայտվում է վաղակատար (սակավադեպ անցյալի անկատար), ներկան՝ ներկա և հարակատար, իսկ ապառնին՝ ենթադրական ու հարկադրական ապառնի ժամանակներով։ ինչպես՝ «Ես եղել եմ, կամ, կըլինեմ հար ու հավետ...» (ՀԹ, 74): «Բանաստեղծություն, Դու եղել ես, կամ ու պիտի լինես, ինչ էլ որ լինի...» (ՀՍՍԹ, 159): Նման նախադասությունը երբեմն արտահայտվում է բայական ստորոգյալ+անվաճական ստորոգյալ կաղապարով։ ինչպես՝ «Վահրամ, եղել ես, կամ և կիլեն մի թանկագին ոսկեթել բենեց» (ՎՓՀՀ, 1, 97):

Բ. Անցյալ—ներկա. ժամանակների այս հերթականությունը միավորյալ նախադասության մեջ հիմնականում արտահայտվում է անցյալի անեկատար+ներկա, վաղակատար +ներկա, անցյալ կատարյալ+ներկա կաղապարներով։ ինչպես՝ «Ես սիրում էի փլավը և մինչև օրս էլ սիրում եմ» (ՀԶ, 20.4.1978 թ., 4), «Վանում ես տեսա Անդրանիկին, նիշում եմ նրա բարի հայացքը, բարի ժպիտը» (ՀՔ, 1, 309), իսկ երբեմն էլ՝ բայական բաղադրյալ ստորոգյալներով։ ինչպես՝ «Դու շուցեցիր, չկասնեցար իմ խենթ հոգու սիրով շնչել, էլ ինչո՞ւ ես ուզում անհայտ ցավով կրկին հոգիս տանջել» (ՎՏ, 2, 90):

Ոճական նկատառումով տարդամանակությունն արտահայտվում է նաև ներկա—անցյալ հերթականությամբ, երբ խոսողը (գրողը) առաջնային պլան է մղում ներկա ժամանակի ստորոգյալի դրսենորած հատկանիշը։ ինչպես՝ «Անհանգիստ մասնագիտության մարդիկ են ժուռնալիստները և այդ հարգանքին արժանացել են ոչ թե ինչ-որ վերին որոշման պարտադրանքով» (ՎՊՀԹԱ, 6):

Գ. Անցյալ—ապառնի. Այս դեպքում միավորյալ նախազասսությունը բաղադրվում է անցյալ և ապառնի ընդհանուր ժամանակների մասնավոր ժամանակաձևերով արտահայտված պարզ ստորոգյալներով, մասսամբ էլ բայական ու անվանական ստորոգյալներով։ Ավելին, գործողությունների հաջորդականությունն արտահայտվում է ինչպես միևնույն եղանակի ժամանակաձևերի սահմաններում, այնպես էլ տարբեր եղանակաձևերի ոլորտում։ Ըստ այդմ էլ անցյալ-ապառնի հաջորդումը արտահայտվում է՝  
ա) վաղակատար ու ապառնի,  
բ) վաղակատար ու ենթադրական ապառնի,  
գ) անցյալ կատարյալ ու ենթադրական ապառնի,  
դ) անցյալ կատարյալ ու հարկադրական ապառնի,  
ե) անցյալի անկատար ու ըղձական ապառնի,  
ը) հարակատար ու ենթադրական ապառնի ժամանակներով,  
թ) բաղադրյալ ստորոգյալներով։ Օրինակներ՝  
ա) «Չեմ եղել և չեմ լինելու...» (ՍԶՀԹ, 10), բ)

«Սա երևանում նոր զորք է գումարել և շուտով պետք է ժամանի Նախիչևան» (ՍևՄՍ, 3, 49): գ) «Աշխարհի սկզբից մինչև այժմ բոլոր նոր տարիներն այդպես եկել, այդպես էլ կգնան» (ՆԴ, 263): դ. «Եկավ ու հիմա արդեն կմեա» (ՀՔ, 1, 506): ե) «Գետն անցանք, առո՞ւն պիտի խեղդիլինք» (Ա, 130): զ) «Գալլի պես պայզել էր թափառին ու ասես հիմա կցատկի, կիոշուի խոռվարաններին» (ՍևՄՍ, 3, 339): է) «Իսկ Առաքելը նրանցից չէր վախենում, միայն մարդկանց շիանդիպի մինչև սարերին հասնելը» (ՀՔ, 1, 400): ը) «...այդ խորամանկ խաղը սարքողները դարձնած են մոտակայքում և ուր որ է կհարձակվեն իրենց վրա» (ՍևՄՍ, 3, 296): թ) «Ենք եղել ենք բարեկամ և կլինենք հավետ» (ՍԶՀԲ, 238):

Անցյալ-ապանի հերթականությամբ տարժամանակությունը ոճական նկատառումով երբեմն էլ արտահայտվում է շրջուն՝ ապանի-անցյալ ձևով: Այս դեպքում միավորյալ նախադասության բաղադրիչները կապվում են նաև պատճառահետևանքային հարաբերությամբ: Խոսողը (գրողը), ցանկանալով խոսակցի (ընթերցողի) ուշադրությունը բնենու ապանի ժամանակով արտահայտված հետևանքի վրա, նախադաս է գործածում հետևանքը նշող բաղադրիչ նախադասությունը: Տարժամանակությունն էլ ավելի հաճախ արտահայտվում է հրամայական եղանակ+ընդական ապանի+անցյալ կատարյալ կաղապարով, ուր հետեւանքը նշվում է առաջին երկու բայաձեւերով, իսկ պատճառը՝ անցյալ կատարյալով: Ինչպես՝ «— Դուքս իմ տնից, սեերե՛ս, ես շընայս դեպի մեզ, նա շրդնես էլ տունը, Մըրունցիր անուն...» (ՀԹ, 147):

? Ներկա—ապանի: Գործողությունների նման հաջորդումն առկա է լինում իրար հաջորդող ժամանակների միջև և արտահայտվում է թե՛ պարզ և թե՛ բաղադրյալ ստորոգյալներով, ինչպես նաև դրանց զուգակցումներով: օրինակ՝ «Հիմա ինքը համարյա շկա և վաղը բոլորովին չի լինելու» (ՍԱՃՀ, 77): «Չէ» որ դժբախտ է և մի կերպ պիտի աշխատի խեղդիլ սրտի կեղծիքները» (ԱՃՔ, 284): «Դրանք վայրենի ուզմիկներ են, կկույեն մինչև սատակեն գլխովին» (ՍևՄՍ, 3, 71):

### ՀԱՄԱԺԱՄԱԿՈՒԹՅՈՒՆ + ՏԱՐԺԱՄԱՆԱԿՈՒԹՅՈՒՆ ԱՐՏԱՀԱՅՏՈՂ ՄԻԱՎՈՐՅԱԼ ՆԱԽԱԴԱՍՈՒԹՅՈՒՆ

Ուսումնասիրությունները հաստատում են բազմաբաղրիչ միավորյալ կառուցվածքում համաժամանակության ու տարաժամանակության միաժամանակյա դրսերման հնարավորությունը: Ընդումին, ժամանակային այդ երկու արտահայտությունները միավորյալ նախադասության մեջ ունենում են տարրեր դրսերումներ: Այսպես, օրինակ, «Թրթռում է օդի մեջ Հաբրբանը զընգուն» (1), Շաղ է տալիս զրի հետ (2) Ու փշրվում է

բնքուշ (3)» (ՎԴԱՄ, 178) նախադասության 2-րդ և 3-րդ բաղադրիչները իրար հետ կապված են համաժամանակությամբ, իսկ երկուսով առաջին բաղադրիչի հետ՝ տարժամանակությամբ: Այստեղ համաժամանակության ու տարժամանակության ընդգրկումը հավասարաշափ է: Մինչդեռ, օրինակ, հետեւյալ նախադասության մեջ դրանք հավասարաշափ չեն արտահայտվում: «Դուան մոտ, այնտեղ, կերերի նըման, Միխայլոն էր միշտ կանգնած լուրջ ու խիստ (1), ինեթ նայում էր մեզ (2), սաստում էր անձայն (3) Ու հանկարծ ժապում լայն բեղի տակից» (4) (ՎՃ, 2, 164): Քանի որ այստեղ առաջին երեք բաղադրիչները իրար հետ կապված են համաժամանակությամբ, իսկ շորորդի հետ՝ տարժամանակությամբ, ուստի գերիշխողը համաժամանակությունն է:

Միհավորյալ նախադասության բաղադրիչները ժամանակային հարաբերության արտահայտման տեսակետից հաճախ խմբավորվում են: Այսպես՝ առաջին երկու և հաջորդ երկու բաղադրիչ նախադասությունները իրար հետ կապվում են համաժամանակությամբ, իսկ այդ երկու խմբերը միմյանց հետ՝ տարժամանակությամբ: Ինչպես՝ «Հրապուրում է ինձ, տողորում և ապա ժարավ թողնում, հեռանում» (Ահ, 3, 202):

Միհավորյալ նախադասության մեջ համաժամանակություն+տարժամանակությունը արտահայտվում է երկու ձևով.

1. Միենույն ընդհանուր ժամանակով: Այս կառուցում համաժամանակությունն ու տարժամանակությունը արտահայտվում են ամենից առաջ բայական միենույն ընդհանուր ժամանակի սահմաններում: ընդորում, ավելի հաճախ՝ անցյալ, քիչ շափով՝ ներկա, իսկ ավելի սակավադեպ՝ ապառնի ժամանակում:

Ներկա ժամանակին վերաբերող համաժամանակություն+տարժամանակությունը արտահայտվում է՝ ա) ներկա ու հարակատար ժամանակներով արտահայտված պարզ ստորոգյալներով և բ) ներկա ժամանակի եղանակի ոնեցող բայական բաղադրյալ ստորոգյալներով: Օրինակ՝ ա) «Կըլլացնում են, արտօրում Արտօլուտները արտերում, Թըրշով մանուկ հոգուս հետ, Ճախրում, նըխում եթերում» (ՀԹ, 69): բ) «Ես ուզում եմ հիմա իմ հասակով մեկ Ծառանալ որպես կենդանի բողոք, Ճալ, որոտալ, ներքել հիմնովին Այդ անդարձության օրենքն անողոք...» (ՀՍՔ, 172):

Անցյալ ժամանակին վերաբերող համաժամանակության ու տարժամանակության համակցումն արտահայտվում է.

1) Պարզ ստորոգյալներով,

ա) Անցյալի միենույն ժամանակածեռվ, ինչպես՝ «Այնտեղ իրար գլխի հավաքված խոսում էինք ու վիճում մինչեւ ճաշ, ապա դառնում կինք տուն» (Ահ, 3, 343—344): «Աշնան գույներով ներկված թավուտում

ընկել էր պախրան, մեկնել էր գեղեցիկ վիզը և մի աշքով դժգոհ նայում էր երկնքին» (*ՍԱԾՀ*, 43):

բ) Սահմանական եղանակի անցյալի տարբեր ժամանակաձևերի զուգակցումով. ինչպես՝ «Պապս տաք մոխիր էր կապել եղան ճակատին, շոյում էր նրա մեջքը և փաղաքշական խոսքեր էր ասում» (*ԱԲ*, 1, 216): «Փառանձեմը լսում էր և գլուխն օրորում, հետո շնամբերեց և ընդհատեց ամուսնու խոսքը...» (*ՍԶՀԲ*, 483):

2) Պարզ և բաղադրյալ ստորոգյալներով. ընդ որում, համաժամանակությունն առկա է լինում նույն տիպի, իսկ տարժամանակությունը՝ տարբեր (պարզ ու բաղադրյալ) ստորոգյալների միջև. ինչպես՝ «Թղենու ստվերի շարժվելու հետ փոխում էր տեղը, բարկանում, հուզվում ու նորից սկսում խաղալ» (*ՍԽՄՍ*, 3, 98): «Մեղ հյուրնկալողները հավաքվում էին պրեֆեկտի շուրջը և սկսում խոսել արաբերեն, ծիծաղել» (*ՎՊՀԲԱ*, 221):

Ապառնի ժամանակին վերաբերող համաժամանակություն+տարժամանկությունն արտահայտվում է հիմնականում ապառնի ժամանակի միևնույն ժամանակաձևի սահմաններում. ինչպես՝ «...Ամայի դաշտում հատեմ միայնակ, — Մեռնող հուշերս փայփայեմ ու լամ» (*ՎՏ*, 1, 105): Այստեղ 2-րդ և 3-րդ բաղադրիչները իրար հետ կապված են համաժամանակությամբ, իսկ 1-ին բաղադրիչը հետ՝ տարժամանակությամբ:

2. Տարբեր ընդհանուր ժամանակների ներքականությամբ: Այս դեպքում ժամանակային հարաբերության երկու դրսւորումները միևնույն կառուցում արտահայտվում են տարբեր ընդհանուր ժամանակների բնական հաջորդումով: Առավել տարածված ժամանակների անցյալ—ներկա հերթականությունն է, որն արտահայտվում է ինչպես պարզ կամ բաղադրյալ ստորոգյալներով, այնպես էլ դրանց զուգակցումով. ինչպես՝ «Կիտել հոնքերը ներքե, Թերքում է, քերում, զոկում» (*ԵԶԺ*, 349): «Մենք լսել էինք քո ահավոր անոնքը. տեսությանդ էինք փափագում, այժմ բախտավոր ենք, որ քո ոտքով ես եկել մեր հողը» (*ՀԹ*, 386):

Եռարադադրիչ միավորյալ նախադասության մեջ երբեմն համաժամանակությամբ կապված 1-ին և 3-րդ բաղադրիչների միջև ընկած 2-րդ բաղադրիչն իրեն նախորդող և հաջորդող բաղադրիչների հետ կապվում է տարժամանակությամբ՝ նախորդման ձևով. ինչպես՝ «Նա մեջքից կռացած, ինչ-որ բան է գրում մեծ դժվարությամբ, լեզում է հանել, վիզն է ծոմում» (*ՍՀ*, 1978, № 2, էջ 4):

ԿԱՊԱԿՑՄԱՆ ԹԱՌԱԿԱՆ ՄԻՋՈՑՆԵՐԻ ԴԵՐԸ ԹՈՒՆ ՄԻԱՎՈՐԱԿԱՆ  
ՀԱՐԱԹԵՐՈՒԹՅԱՄԲ ՄԻԱՎՈՐՅԱԼ ՆԱԽԱԴԱՍՈՒԹՅԱՆ ՄԵԶ

Թվարկում արտահայտող միավորյալ նախադասության բաղադրիչների կապակցման և դրանց միջև գործառվող ժամանակային հարաբերության դրսեռորման գործում զգալի դեր են կատարում նաև բառական միջոցները։ Դրանք կարելի է բաժանել երկու խմբի՝ ա) շաղկապները ու շաղկապական բառեր և բ) ժամանակի իմաստ արտահայտող բառեր, որոնք ունեն տարբեր դեր ու գործառություն։ Նախ՝ շաղկապների ու շաղկապական բառերի մասին։

Եվ, ու — թվարկում արտահայտող կենսումակ այս շաղկապները միավորյալ նախադասության մեջ ամենից շատ են հանդիպում։ Ընդումին, դրանք կապակցում են թե՛ համաժամանակություն և թե՛ տարժամանակություն արտահայտող միավորյալ նախադասության բաղադրիչները։ Այստեղ մեր նպատակն է քննել այդ համանիշ շաղկապների միայն կապակցական գործառությունը։

Երկրաղաղորիչ միավորյալ նախադասության մեջ և-ը և ու-ն հանդես են գալիս երկու բաղադրիչ նախադասությունների միջև՝ սահմանափակելով թվարկումը, իսկ բազմաբաղադրիչ նախադասության մեջ մեծ մասմբ կապակցում են վերջին և նախավերջին բաղադրիչները։ ինչպես «Սմբատը տվեց նրան մի բուռ թղթադրամ և պատվիրեց մյուս օրը մշակներին հյուրասիրել» (ԱՇՔ, 285): «Այդ միջոցին ներս ընկավ որդին, գրկեց մորն ու հորը, համբուրեց և լացեց» (Ահ, 3, 333):

Բազմաբաղադրիչ միավորյալ նախադասության մեջ և-ը հաճախ, առանց շեշտվելու, բոլոր բաղադրիչներն է կապակցում՝ տարրերակվելով և...և՝ կրկնադիր շաղկապից։ ինչպես՝ «Գրագիրը գնաց և քիչ ժամանակից ետ բերավ պատվիրած նամակը և տվավ Սևադա իշխանին» (ՄԳՄ, 116):

Պայմանավորված ու-ի՝ ավելի սերտ հարաբերություն արտահայտելու հատկանշով՝ այդ շաղկապը հաճախ կապակցում է միավորյալ նախադասության զուգ-զույգ թվարկվող բաղադրիչները, որոնց ստորոգյալները, որպես կանոն, լինում են իմաստով մոտ բառեր։ ինչպես՝ «Սականում էր ու ճախրում, ժպտում էր ու ծիծաղում՝ հրաշալի, հրաշգեղ...» (Ահ, 3, 81):

Երբեմն բազմաբաղադրիչ կառույցում միաժամանակ գործածվում են և, ու շաղկապները։ ինչպես՝ «Եվ ստրով ու համր ժողովուրդը հավատում էր այս ամենին ու օրհնում թագավորի կյանքը և հնազանդվում նրա կամքին» (Ահ, 3, 110):

Միավորյալ նախադասությունը կապակցվում է նաև և...և՝ կրկնա-

դիր շաղկապով, որով շեշտվում են թե՛ ստորոգվող հատկանիշները և թե՛ ժամանակային հարաբերությունը: Եվ-ը այս դեպքում կրկնվում է առաջին, սակավադեպ էլ երկրորդ բաղադրիչ նախադասությունից սկսած: ինչպես՝ «Պաշարյալները և մեռում էին, և պատրաստվում էին մեռնելու համար, և միևնույն ժամանակ կովում էին արտաքին թշնամուդեմ» (ԲՍ, 399): «Ես նստում եմ ճամփի վրա ամեն օր Ե՛վ աղոթում, և թախծում եմ քեզ համար» (ՎՏ, 1, 58):

Զափածո միավորյալ նախադասության մեջ և-ի կրկնությունը ստեղծում է հարակրկնություն՝ նպաստելով ոփթմի ձևավորմանը. ինչպես՝

«Ե՛վ ընկնում էին անգին ընկերներ,  
Ե՛վ վերջին անգամ մեզ էին կանչում» (ԵԶԺ, 11):

Միավորյալ նախադասության մեջ և, ու շաղկապները, բացի թվարկման հարաբերությունից, արտահայտում են նաև ուրիշ իմաստներ՝ հանդես գալով այլ շաղկապների նշանակությամբ: Դրանք մասնավորապես գործածվում են բայց, սակայն, իսկ, այլ ներհակական, ուստի և հետևանքի շաղկապների իմաստով: Ընդ որում, ներհակականների նշանակությամբ գործածվելիս միավորյալ նախադասության բաղադրիչների ներքին-մտային կապը լինում են հակասումը, անհամապատասխանությունը, հանդիպադրությունն ու ժխտումը, իսկ մակարերական իմաստով գործածվելիս միավորյալ նախադասության բաղադրիչները միանում են պատճառահետևանքային կապով, և նրանց քերականական համագործությունը լի հատկանշվում իմաստային-քերականական համագործությամբ: Օրինակներ՝ «Սառած ու ապշահար նայում էի դաժան իրականությանը և բան չէի հասկանում» (ԱԻ, 3, 362): «Բայց ոչ միայն նրանք, այլև ձեր ամբողջ հասարակությունը ինձ գաղտնի արհամարհում է և ձեզ անարժան համարում» (ԱՇՔ, 273): «Խմբագիրն սկզբում չէր խառնվում և, մի կողմ քաշված, մատների ծայրերով վերուվեր էր քաշում առատամազ ա՛լա Վիլհելմ սանրած բեղդի փնջածև ծայրերը» (ՆԴ, 158): «Սարավից պապակում էի և ագահաբար ծծեցի սառը ջուրը» (ն. տ., 196): Այս նախադասությունները հեշտությամբ փոխակերպվում են բայց, սակայն (1-ին օրինակ), իսկ (2-րդ օրինակ), այլ (3-րդ օրինակ), ուստի, ուստի և (4-րդ օրինակ) շաղկապներով տարբերակների:

Թե՛...թե՛, ո՛չ...ո՛չ — Այս կրկնավոր զուգաշղկապներից առաջինը միևնույն առարկային (առարկաներին) ստորոգվող հատկանիշների գոյությունը հաստատում է, իսկ մյուսը՝ ժխտում: Ակնբախ է, որ դրանց բաղադրիչները երբեմն միավորվում են և-ով, ո՛չ...ո՛չ-ը՝ նաև Էլ-ով՝ կազմելով թե՛...և թե՛, ո՛չ...և ո՛չ ո չ...և ո՛չ էլ կապակցությունները, որպեսի դեպքում միավորյալ նախադասության բաղադրիչների կապն ավե-

լի է սերտանում, և թվարկվող շարքի փակումն ավելի է ընդգծվում։ Միավորյալ նախադասությունն արտահայտում է թե՛ համաժամանակություն, թե՛ տարժամանակություն։ Օրինակներ՝ «Վարդանը թե՛ քայլում է, թե մտածում»։ «Դու ո՛չ Սայաթ-Նովա, Ո՛չ էլ Քոչակ էիր, Ո՛չ էլ հոչակ փնտրող Հետին գրչակ էիր» (ՀՍՍԲ, 243)։ «Ո՛չ հագնվել էր և ո՛չ սանրվել էր» (ՐՍ, 25)։ «...նա ո՛չ առաջինն է, ո՛չ էլ վերջինն է լինելու» (ԱԾՔ, 134)։

Այժմ՝ միավորյալ նախադասության մեջ հանդես եկող ժամանակային իմաստ ունեցող բառերի մասին։ Սրանք երկակի դեր են կատարում. և՛ կապակցում են բարդության բաղադրիչները, և՛ միաժամանակ դրսեռում են ժամանակային հարաբերությունը՝ տարժամանակությունը։ Նման կիրառություն ունեն ապա (և ապա), նախ և առաջ...ապա, նախ...ենտու և այլն ձևեր, որոնք ակադ. Գ. Զահուկյանն համարում է շաղկապների առանձին խումբ (տե՛ս 94, էջ 500)։ Օրինակներ՝ «Կառավարիչ իշխանը աշքերը թարթեց, ապա անխոս սևեռեց թորգումի երեսը» (ՍԶՃԲ, 86)։ «Ընդհակառակն. գերի տանող խմբերը, նկատելով նոր արշավող արքունական հեծվորներին, նախ կանգ առան, ապա ձիերի գլուխը շրջեցին ետ մի ակնհայր նպատակով՝ եկողներին դիմադրելու...» (ՍԶՃԲ, 387)։ «Հիվանդը նախ սկսեց տքտնքալ, ենտու վերմակը դեն շպրտեց և առողջ ձեռքը զարկեց պատին» (ԱԾՔ, 245)։

Միավորյալ նախադասության մեջ տարժամանակության դրսեռումանը նպաստում են նաև ժամանակի իմաստ ունեցող բառերի ու բառակապակցությունների, որոշ տրոհվող լրացումների գործածությունը՝ բովանդակության պլանում դրսեռելով ստորոգյալների արտահայտած գործողությունների միջև առկա ժամանակային միջարկումը. ինչպես «Այս մի քանի օրը հոգնել էր հոգեպես և նիմա իրեն անսահման աղատ էր զգում» (ՍԱՃՀ, 59)։ «Այդ սրբազն կտակի համաձայն թաղեցին և մինչև այժմ էլ նրա ավերված տանը մոմեր են վառում» (ն. տ., 100)։ «Վաղեց մի քանի քայլ առաջ և, նանդիանելով բոցերի հարվածին, հետաշտկեց» (ԱԾՔ, 359)։

### ՄԻԱՎՈՐԱԿԱՆ—ՀԱՎԵԼԱԿԱՆ ՀԱՐԱԲԵՐՈՒԹՅԱՆ ՄԻԱՎՈՐՅԱԼ ՆԱԽԱԴԱՍՈՒԹՅՈՒՆ

Միավորական հարաբերությամբ միավորյալ նախադասության մյուս տարատեսակը միավորական-հավելական հարաբերությամբ կառուցն է։ Այս հարաբերությունն ունի երկակի բնույթ։ Դա հավելման իմաստ ունեցող միավորականություն է, որը բնորոշ է ոչ թե բարդ համադասական կապակցությանն ընդհանրապես, այլ նրա միայն մի տարատեսակին՝ միավորյալ նախադասությանը։ Այսպես, օրինակ, «Բայց արի պա-

տանին ոչ միայն շէր տրտնջում, այլև ժպիտը շէր հեռացնում երեսից» (ՄԴՄ, 362) նախադասության բաղադրիչներն ամենից առաջ կապված են միավորական հարաբերությամբ. ամբողջ նախադասությունը թվարկում է միևնույն առարկային ստորոգվող հատկանիշները: Սակայն թվարկումն այստեղ դրսկորվել է մի փոքր այլ ձևով, այն է՝ երկրորդ բաղդրիչի նշած հատկանիշն արտահայտվում է նույն առարկայի առաջին հատկանշին հավելվելու ձևով: Այդ տեսակետից էլ բերված նախադասության բաղադրիչների քերականական համազորությունը որոշակիորեն տարրերվում է սովորական թվարկման դեպքում գործառվող համազորությունից: Այսպիսով, միավորական-հավելական հարաբերությամբ միավորյալ նախադասությունը ցույց է աալիս միևնույն առարկային (առարկաներին) ստորոգվող այնպիսի հատկանիշներ, որոնցից հաշորդը հավելվում է նախորդին: Նման միավորյալ նախադասությունը պետք է ամենից առաջ տարրերել բուն միավորական հարաբերությամբ միավորյալից: Դրանց միջև առկա են քերականական-դենուտանտային, ոճական-վերաբերմունքային ու փաստական-իրադրական տարրերություններ: Հմմտ. «Դատարանը պարզում է ներկայացած անձանց ինքնությունը, ինչպես նաև ստուգում է պաշտոնատար անձանց և ներկայացուցիչների լիազորությունները» (ՔԴՕ, 60): «Դատարանը պարզում է ներկայացած անձանց ինքնությունն ու ստուգում է պաշտոնատար անձանց և ներկայացուցիչների լիազորությունները»: Այս նախադասությունները, նույն բովանդակությունն ոմենալով, տարրերվում են իրարից: Երկրորդում բաղադրիչն նախադասությունները քերականական համազորությամբ են կապված. դրանք թվարկում են միևնույն առարկայի հաջորդաբար կատարած գործողությունները, իսկ առաջին նախադասության բաղադրիչները եթե ոչ քերականորեն, ապա գոնիս խոսողի (գրողի) վերաբերմունքի տեսակետից հավասարազոր չեն. երկրորդ բաղադրիչի բովանդակությունը առաջինի համեմատությամբ հաւելվալ է, ածանցլալ:

Քննության առարկա միավորյալ նախադասության մեջ հավելական բաղադրիչն ամբողջ նախադասությանը հաղորդում է իմաստային (նաև հուզական) ու ոճական ամենատարբեր նրբերանգներ, ոնի լրացուցիչ հաղորդման, իմաստային, վերաբերմունքային հավելման նշանակություն: Այն շարադասվում է հիմնական բաղադրիչից հետո (բաժանվելով դադարով, տրամաբանական շեշտով ու հնչերանգով), բայց նրա հետ քերականական մեկ ամբողջություն է կազմում: Հավելումը յուրաքանչյուր դեպքում տարրեր է լինում, ոմենում է տարրեր նրբերանգ: Այսպես՝ «Բայց վահանը ոչ միայն հարգում էր նրան, այլև սաստիկ սիրում էր» (ԲՍ, 295): «Ճողովում նա պատմում էր իր տպավորությունները, նաև

Հայտնեց հեռավոր ուղևորության գնալու իր որոշումը»: Առաջին նախադասության մեջ հավելման հիմքում ընկած է միևնույն անձի կատարած գործողությունների համաժամանակությունը, իսկ հաջորդում՝ երկրորդ բաղադրիչի բովանդակության երկրորդական, ոչ էական լինելը առաջինի բովանդակության համեմատությամբ:

Հավելման իմաստի նրբերանգները պայմանավորված են նաև միավորյալ նախադասության մեջ գործածվող հավելական միավորի շաղկապների իմաստներով: Այդ շաղկապներն են՝ այլե, նաև, ևլ, ինչպես և, ինչպես նաև, նույնպես և, նույնպես էլ, ոչ միայն...այլ նաև, ինչպես...այնպես էլ, ինչպես...նույնպես էլ և այլն: Մրանցից նաև, այլե միաբառային, ինչպես և, ինչպես նաև, նույնպես և, նմանապես և բառախմբային շաղկապները սովորաբար հանդես են գալիս միավորյալ նախադասության հավելական բաղադրիչի սկզբում, իսկ էլ-ը՝ նույն բաղադրիչի տրամաբանական շեշտակիր անդամից հետո՝ հավելման նշանակության հետ դրսեորելով տարրեր իմաստներ. նաև-ը և այլե-ը՝ «զորացման կամ աճման երկրորդական գաղափար» (Յ, էջ 655), էլ-ը՝ ներառման իմաստ, մյուսները՝ սաստկացման երանգ: Օրինակներ՝ «Միքայելը» Գրիշայի ասածը հասկացավ, նաև զգաց նրա խոսքերի ճշմարտությունը» (ԱՇՔ, 214): «Երօունին միայն ժամկոդի դեռ չեր կատարում, այլե տիրացություն էր անում» (ՆԴ, 129): «(Գյոթեն) բոլորիս հյուրասիրում էր, կտրատում տապակած թռչունները, ընդ որում՝ մեծ վարպետությամբ, ինչպես նաև չեր մոռանում գինի լցնել» (ԷԶԳՀ, 22):

Միավորյալ նախադասության մեջ հավելման իմաստն ընդգծված են արտահայտում նաև հավելական զուգաշաղկապները՝ ոչ միայն...այլե, ոչ միայն...այլ նաև, ինչպես...նույնպես էլ, ինչպես...նույնպես և այլն, որոնց բաղադրիչները շարադասկում են ստորոգյաներից, իբրև զուգադրվող եղբերից, առաջ: Այս շաղկապները միավորյալ նախադասությունը օժտում են իմաստային տարրեր նրբերանգներով: Այսպես՝ ոչ միայն...այլե շաղկապով կապակցված նախադասության առաջին բաղադրիչը դառնում է հաղորդման հիմնական նպատակը, իսկ երկրորդը՝ սոսկ հավելում, որով բաղադրիչը նախադասությունների քերականական համագորությունը մասամբ ռիսախտվում է: Նույն գործառույթն ունի նաև ոչ միայն...այլ նաև շաղկապը, միայն թե այս դեպքում առկա ներառման հարաբերությունն ավելի է ընդգծվում: Օրինակ՝ «նա ոչ միայն չի սիրել, այլե անպատճել է այդ մաքուր զգացումը, անասնական ախտը սիրութել շռայլելով» (ԱՇՔ, 201): «Վարդանը ոչ միայն լավ չի սովորում, այլ նաև հաճախակի է բացակայում դասերից»:

Միավորական-Հավելական հարաբերությամբ միավորյալ նախադասության կառուցվածքային առանձնահատկություններից մեկն էլ շարադարությամբ կապակցման բացառումն է:

### ՆԵՐՀԱԿԱԿԱՆ ՀԱՐԱԲԵՐՈՒԹՅՈՒՆ

Ներհակական հարաբերությամբ միավորյալ նախադասության բաղադրիչներն իմաստով, մասսամբ նաև կառուցվածքով հակադրվում են իրար, գտնվում են ներհակական կապի մեջ՝ արտահայտելով միենալու առարկային կամ առարկաներին ստորոգմող ներհականիշները: Օրինակ՝ «Նա տեսավ հորը, բայց ձայն-ծառում չհանեց» (ՆԴ, 88):

Ներհակական միավորյալ նախադասության բաղադրիչները կապակցվում են ներհակական շաղկապներով ու շարահարությամբ: Ընդումին, շաղկապական կապակցումը, որի դեպքում հակադրությունն ավելի ընդգծված ու որոշակի է արտահայտվում, միավորյալ նախադասության մեջ իրականացվում է բայց, սակայն, իսկ, բայց և այնպես, և սակայն, այլ, մինչդեռ, այնինչ, ապա (հապա), այնուամենայնիվ, եթե ոչ, թե չե, այլ ոչ թե, և ոչ թե, եթե...ապա և այլ շաղկապներով, որոնք արտահայտում են միավորյալ նախադասության բաղադրիչների միջև գործառվող հակադրության ամենատարբեր գրանուրումները, նրբերանգները:

Շարահարական կառուցվածքի ներհակական միավորյալ նախադասությունը շաղկապականի համեմատությամբ ավելի սակավ է հանդիպում: Այս գեպքում, ինչպես միշտ, շարահայուսական հարաբերությունը հաճախ որոշակի վի արտահայտվում և կարող է ըմբռնվել երկակի ձևով: Այսպես, օրինակ, «Սմբատը ոչինչ շասաց այլնս, լուռ անցավ իր սենյակը» (ԱՇՔ, 158) միավորյալ նախադասությունը կարելի է ըմբռնել և՛ միավորական, և՛ ներհակական իմաստով՝ նայած խոսքի նպատակադրմանը: Եթե խոսողը (գրողը) ցանկանում է թվարկել միենուն անձի գործողությունները, բաղադրիչ նախադասությունների ստորոգյալներն արտաքերվում են հավասար թվարկման հնչերանգով, և նախադասությունը լինում է միավորական հարաբերությամբ՝ համարժեք և-ով կապակցված տարրերակին: Հմմտ, «Սմբատը ոչինչ շասաց այլնս և լուռ անցավ իր սենյակը»: Մինչդեռ երբ խոսողի (գրողի) նպատակն է հակադրել այդ նախադասության երկու բաղադրիչներով արտահայտվածը, այս դեպքում ստորոգյալների հնչերանգը տարրեր է լինում, առաջին ստորոգյալի վերջին վանկը արտասանվում է տոնի բարձրացումով, իսկ երկրորդ ստորոգյալը՝ միջին տոնով: Եվ նախադասությունն ըմբռնվում է որպես ներհակական կապակցություն, որը համարժեք է այլ-ով տարրերակին: Հմմտ, «Սմբատը ոչինչ շասաց այլնս, այլ լուռ անցավ իր սենյակը»:

Շարահարական միավորյալ նախադասության մեջ շարահյուսական հարաբերությունը հաճախ որոշակի չէ հենց ներհակության շրջանակներում. ինչպես՝ «Օձն իրեն շապիկը կփոխի, բնությունը չի փոխի» (Ա, 55); «Գացիր Սասուն քանց գել գաղան, ետ ես զալի քանց շուն վազան...» (ՀԲ, 231): Այս նախադասությունները կարելի է դիտել և որպես հանդիպադրական, և որպես հակասման հարաբերություն արտահայտող կապակցություններ: Հմմտ. «Օձն իրեն շապիկը կփոխի, իսկ բնությունը չի փոխի» և այլն:

Շարահարական կառուցվածքում երբեմն էլ զուգակցում են ներհակական հարաբերության տարրեր նրբերանգներ, որոնցից մեկը, սակայն, գերակշռում է. ինչպես՝ «Քեզ համար քուն ես քնում, ուրիշի համար երազ ես տեսնում» (Ա, 44): Այս միակազմ կառուցվում զուգակցում են հակասումն ու հանդիպադրությունը, սակայն ակնբախ է հակասման հարաբերության գերակշռությունը:

Այս ամենով հանդերձ շարահարական միավորյալ նախադասությունների մեծ մասի մեջ շարահյուսական հարաբերությունը խիստ որոշակի է:

Ներհակական հարաբերությամբ միավորյալ նախադասություններն ունեն կառուցվածքային ու իմաստային մի շարք առանձնահատկություններ: Դրանք ըստ հիմնական բաղադրիչների դրսնորման լինում են միակազմ և երկկազմ, իսկ ընդհանրապես ունեն երկանգամ կամ երկերպ կառուցվածք, քանի որ հակադրությունը միշտ էլ պահանջում է երկու բևեռ, երկու եզր: Այդ եղբերի յեզրական արտահայտությունները դառնում են միավորյալ նախադասության բաղադրիչները, կամ անմիջական կազմիչները<sup>2</sup>, իսկ ներհակական հարաբերությունը՝ դրանց միջև գործառվող հիմնական հարաբերությունը: Իհարկե, ներհակական միավորյալ նախադասությունը միշտ չի կազմված լինում միայն երկու բաղադրիչներից: Հաճախ հակադրության եղբերից մեկն ունենում է բաղադրյալ կազմություն: Ավելին, չի բացազում նաև երկու եղբերի միաժամանակյա բաղադրյալ լինելը: Երկու գեպքում էլ միավորյալ նախադասության մեջ համատեղում են շարահյուսական տարրեր հարաբերություններ, որոնք, սակայն, չեն գտնվում նույն մակարդակի վրա, չունեն գործառական ու հաղորդակցական միևնույն դերն ու նշանակությունը: Ներհակական հարաբերությունը, որպես բարդ նախադասության անմիջական

2 Ընդունված է անմիջական կազմիչներ համարել բարդ համադասուկան նախադասության բաղադրիչներն ընդհանրապես: Մենք այսուղ անմիջական կազմիչ տերմինը գործածում ենք ավելի նեղ նշանակությամբ՝ այդպիսին դիտելով միավորյալ նախադասության միայն ներհակական հարաբերությամբ կապված բաղադրիչները:

կազմիչների միջև գործառվող հարաբերություն, կազմում է ամենաբարձր աստիճանը, իսկ մյուս հարաբերությունները հանդես են գալիս այդ կազմիչներից մեկի կամ երկուսի ներսում՝ իրեն ստորին օղակում կամ օղակներում գործառվող հարաբերությունները ներհակական հարաբերությամբ միավորյալ նախադասություններն ըստ բաղադրիչների կազմության բաժանվում են երեք խմբի.

ա) պարզ կազմությամբ բաղադրիչներով միավորյալ նախադասություններ.

բ) մեկ բաղադրյալ եղրով միավորյալ նախադասություններ.

գ) երկու բաղադրյալ եղրերով միավորյալ նախադասություններ:

Պարզ կազմությամբ բաղադրիչներով միավորյալ նախադասությունն այս կառուցվածքի ամենահիմնական ու պարզագույն տիպն է. ինչպես՝ «Այդ անիրավ բժիշկները հոգիս հանեցին, բայց օգնել չկարողացան» (ԱՇՔ, 67):

Երկրորդ խմբի միավորյալ նախադասություններում բաղադրիչներից մեկն ունենում է պարզ, իսկ մյուսը՝ բաղադրյալ կազմություն: Ընդ որում, պարզ կազմությամբ եղրը հակադրվում է բաղադրյալ եղրի բոլոր բաղադրիչն նախադասություններին միասին վերցրած: Բաղադրյալ եղրում, իրեն ստորին օղակում, գործառվող հարաբերությունները լինում են տարրեր: Առավել հաճախադեպը միավորական հարաբերությունն է. ինչպես՝ «Նա ձայն շնանեց (1) [I], այլ ձեռքերը դրեց զագարին (2) և տեղն ու տեղը պալզեց տապա արած հավի պես» (3) [II] (ՆԴ, 53): Պարզ կազմությամբ եղրը երեմն էլ հակադրվում է բաղադրյալի բաղադրիչներից միայն մեկին. ինչպես՝ «Յոլակն ուրախությունից վլնջաց (1), մի քանի ուրա արեց (2), փորձեց կապը կուրել (3) [I], բայց չկարողացավ» (4) [II] (ԱՅ, 1, 288): Այստեղ հակասման ներհակությամբ կապված են ընդգծված կեց բաղադրիչ նախադասությունները:

Միավորյալ նախադասության բաղադրյալ եղրը կամ կազմիչը հաճախ ավելի է բարդանում, եթե նրա բաղադրիչներից մեկը ստանում է ստորադաս նախադասություն. ինչպես՝ «Մտածում էի մի տեղ խանութիւ աշակերտ մտնել (1) [I], բայց հետո ավելի լավ համարեցի արհեստ սովորել (2) և զնացի մտա Միքայելլան արհեստագիտական դպրոցը (Թիֆլիսում) (3), մահավաեղ որ այստեղ ուսումը ծրի էր» (4) [II] (ՆԴ, 5):

Ինչպես նշեցինք, բաղադրյալ կազմություն կարող են ունենալ ներհական միավորյալ նախադասության նաև երկու եղրերը միաժամանակ: Այս դեպքում հակադրության եղրերից յուրաքանչյուրի բաղադրիչներն իրար հետ կապվում են երկանդամ կամ բազմանդամ ստորոգյալների խմբավորումների ձևով: Հակադրության եղրերի, իրեն բարձր

օղակների, և դրանք բաղադրող բաղադրիչների, իբրև ստորին օղակների, միջև, բնականաբար, գործառվում են տարրեր հարաբերություններ. հարաբերության միատարրությունն այստեղ բացառվում է; իսկ միանույն նախադասության ստորին օղակներում արտահայտվող հարաբերությունները լինում են նույնը կամ տարրեր: Ըստ այդմ էլ բաղադրյալ եզրերով միավորյալ նախադասությունները բաժանում ենք երկու ենթախմբի՝ ա) մինենույն հարաբերությամբ կապված բաղադրիչներով միավորյալ նախադասություններ և բ) տարրեր հարաբերություններով կապված բաղադրիչներով միավորյալ նախադասության ստորին օղակներում ավելի հաճախ գործառվում է միավորական հարաբերությունը: Թվարկում արտահայտող բաղադրիչ նախադասությունների երկու խմբերն իրար հետ կապվում են ներհակական հարաբերությամբ. ինչպես՝ «Բոլորովին հագնված» նաև ստած էր անկողնի վրա (1) և գույիսը ձեռքին հենած՝ թիկն էր տվել բարձին (2) [I]. բայց իմ մտնելուն պես նստեց ուղիղ (3) և խոր նայեց աշքերիս (4) [II] (ՆԴ, 267): Այստեղ ներհակության եզրերն ունեն հավասար ծավալ. կազմված են երկուական բաղադրիչ նախադասություններից: Միավորական հարաբերությունը ստանում է անհավասարաշափ ընդդրկում, երբ հակադրության եզրերից մեկն ավելի շատ բաղադրիչ նախադասություններից է կազմված լինում. ինչպես՝ «հսկական կարութությունը դռնեղուր մի ընկնում (1), ձայն մի հանում (2), մի գոռում (3) ու լավիս ուղիղների մոտ (4) [I], այլ միայն զգում է (5), միայն տառապում» (6) [II] (ԱՇՔ, 97):

Տարրեր հարաբերություններով կապված բաղադրիչ նախադասություններով միավորյալ նախադասության ստորին օղակներում արտահայտվում են շարահյուսական տարրեր հարաբերություններ, որոնք կարութեան ունենալ հավասար կամ անհավասար ընդդրկում՝ պայմանավորված հակադրության եզրերը բաղադրող նախադասությունների քանակով: Առավել հաճախ համատեղում են հակասման ու միավորական, միավորական ու պայմանաներհակական հարաբերությունները: Օրինակ՝ «Տեսնելով այս՝ Օլիմպիա թագուհին դողաց, չգիտես վախի՞ց, թե զարմանքից (1), բայց մնաց կանգնած, չկարողանալով ոչ առաջ գնալ, ոչ հո (2) [I]. այլ ասես լընկնելու համար բռնեց հատակին հասնող կերպասվարագույրը (3) ու մի վայրկյան մնաց այդպես՝ աշքերը լայնաբաց ու դողդոշ (4), ապա մեկեն պոկվեց տեղից (5), շրջվեց (6) ու հեռացավ պինդ, փութեատ քայլերով (7) [II] (ԱՇՔ, 229): «Ասում էին (1), խոսում (2), կատակներ էին անում նրա վրա (3) [I], բայց տեսնում էին նրան թե չէ (4), թեկուզ հեռվից լուս (5), պապանձվում էին» (6) [II] (ՀՔ, 1, 433):

Միավորյալ նախադասության հակադրության եղբերում գործառվող հարաբերությունների անմիատարրությունն երբեմն էլ պայմանավորված է լինում նրանցից մեկում ստորադասական հարաբերության դրսերմամբ. ինչպես՝ «Մայրը նախատում էր որդուն (1) ու լալիս (2) [I], բայց մյուս կողմից տեսնում էր (3), որ ուրիշ նար չկար (4), և վասում էր բուփարին (5) [II] (ՎՃ, 2, 230):

Սակավադեպ միավորյալ նախադասության եղբերից մեկում (կամ երկուառում) տեղ են գտնում մեկից ավելի հարաբերություններ. ինչպես՝ «Երկար, երկար նայեց Սովենիրին նա նուրբ ու ջրերին (1), Ուզեց ճմլել այդ թերթը (2), ինչ-որ մի տեղ պահել (3), Կամ պատառտել նվերը (4) [I], — Սակայն թողեց (5), թաղեց թերթերում այլ (6), Կամքի վերջին ճիգով քերեց խոհերից (7) եվ սկսեց թերթել զգաստությամբ մոայլ մյուս թերթերը հին» (8) [II] (ԵԶԸ, 170—171): Այս պարբերույթ-միավորյալ նախադասության առաջին եղբի բաղադրիչներում «ներթափանցված» ձևով զուգակցում են միավորական ու տրոհական հարաբերությունները:

Այսպիսով, թեև քննված միավորյալ նախադասությունների բաղադրյալ կտազմությամբ հակադրության եղբերը բարդ համադասական կամ բարդ ստորադասական նախադասություններ են, այնուամենայնիվ դրանցից յուրաքանչյուրը կազմում է մեկ ամբողջություն և հակադրվում է մյուս եղբին: Հետեւարար ներհակական միավորյալ նախադասությունն ունի երկանդամ կամ երկկազմիչ կառուցվածք և բացառում է այլ բաղադրիչի կամ բաղադրիչների հավելման հնարավորությունը: Նոր բաղադրիչի (բաղադրիչների) ամելացումն այս դեպքում հնարավոր է միայն բարդության ստորին օղակում կամ օղակներում:

Ներհակական հարաբերությունը գործառվում է միավորյալ նախադասության բաղադրիչների բոլոր անդամների միջև, բացի ենթակայից: Ենթակայի հակադրությունն այս կառուցվածքում հիմնականում բացառվում է, որովհետև այն, ընդհանուր անդամ լինելով, հաջորդ բաղադրիչում հակադրության եղբ շոմի: Այսպիսով, ենթակաների միջև գործառվող ենթակառությունը միավորյալ նախադասությանը բեռորդ չէ:

Միավորյալ նախադասության բաղադրիչների մյուս անդամները հակադրվում են՝ դրսեռերիով կառուցվածքային ու իմաստային տարրեր առանձնահատկություններ: Ներհակական հարաբերությունն ամենից առաջ արտահայտվում է երկկազմ կառուցվածքում ստորոգյաների, իսկ միակազմ կառուցվածքում՝ բայական (սակավադեպ էլ անվանական) գերադաս անդամների միջև: Այսպիսի հակադրությունը անվանում ենք ստորոգական: Սա միավորյալ նախադասության կազմում հանդես եկող ամենահիմնական հակադրությունն է: Միավորյալ նախադասությունը սահմանափակվում է ստորոգական հակադրությամբ, երբ նրա բաղադ-

րիշները համառոտ են, իսկ ավելի հաճախ ստորոգյալները կամ գերազանցած անդամները հակադրվում են իրենց լրացումներով. ինչպես՝ «Վարդանն ու Սուրենը չեկան, այլ մեկնեցին»: «Կայծակը լուսավորեց անտառը, այլ վայրկենական մի շող նետեց նրա վրա»: Ծրբեմն էլ հակադրությունը հիմնականում կենտրոնանում է բայական լրացումների միջև, իսկ լրացրալների հակադրությունը մասամբ թուլանում է: ինչպես՝ «Դնել եք վեց ու քառորդակ, վաճառել յոր ու քառորդավ» (ԱՇՔ, 227): Հաճախ էլ, երբ միավորյալ նախադասության բաղադրիչներն ունենում են ընդհանուր բայ-ստորոգյալ կամ բայական գերադաս անդամ, ստորոգական հակադրությունը վերանում է, չեղորդանում, և պահպանվում է միայն լրացական հակադրությունը: Նման նախադասությանը բնորոշ է երկրորդ բաղդրիչում ստորոգյալի կամ բայական գերադաս անդամի վեղջումը. ինչպես՝ «Նա երեկ գրել է բանասեղծություն, իսկ այսօր՝ նամակ»:

Միավորյալ նախադասության մեջ ստորոգական հակադրությունն արտահայտվում է տարրեր ձեռվ՝ պայմանավորված ստորոգյալների արտահայտությամբ: Ակնհայտ է, որ պարզ և անվանական ստորոգական հակադրվում են միատեսակի, Այսպես՝ հմմտ. «Անուշը զգայրացավ ընկերություն վրա, այլ հուզվեց»: «Դա երազ չէ, այլ դաժան իրականություն» (ԱՇՔ, 364): Ստորոգական հակադրությունն այլ յուրահատկությամբ է դրսերվում ընդհանուր եղանակի ունեցող բայական բաղադրյալ ստորոգյալների միջև: Այս դեպքում առաջին ստորոգյալի եղանակիցը, ընդհանուր լինելով ամբողջ նախադասության համար, երկրորդ (կամ հաջորդ) բաղադրիչում զեղչվում է՝ չստեղծելով հակադրության եղր, մինչդեռ անորոշ դերքայը երկրորդ բաղադրիչում փոխվում է՝ հակադրվելով առաջին ստորոգյալի անորոշ դերքային: Հետևաբար ստորոգական հակադրությունը այս դեպքում գործառվում է ստորոգյալների միայն դերբայական բաղադրիչների միջև, ուստի այն պետք է դիտել որպես մասնակի ստորոգական հակադրություն: Օրինակ՝ «Վերջը որոշեց աղետավոր իրողության կեսը միայն նայտնել որդուն, իսկ մնացած կեսը պահել ավելի բարեհաջող ժամանակի համար» (ԲՍ, 44): «Նա աշխատում էր ետ շմբալ ընկերներից, այլ լինել առաջավորների շարքում»: Ստորոգական հակադրությունն այսպես է արտահայտվում՝ «Հանդիպադրական, ժխտման ու հակասման միավորյալ նախադասություններում»:

Միավորյալ նախադասության մեջ ներհակական հարաբերությունն արտահայտվում է տարրեր յուրահատկություններով՝ պայմանավորված ներհակության հիմք կազմող գործոններով, որոնք նաև կանխորշում են հակադրության շափու: Ներհակական հարաբերությունն ամենից առաջ կապվում է հականշության հետ: Այսպես՝ այն ավելի հաճախ պայմանավորված է լինում միավորյալ նախադասության ստորոգյալների կամ

բայական գերադաս անդամների և նրանց լրացումների բառական հականշությամբ, որպիսի հակադրությունն անհամեմատ ուժեղ է լինում. ինչպես՝ «Ապրում էին աղքատ, Մեռնում հարուստ...» (ՀՍՍԲ, 213): «Ուզ գտար, շուտ կորցրիր» (առած): Այս օրինակներում առկա է տարարմատ հականիշ զուգերի երկու շարք՝ ա) ապրում էին-մեռնում (էին), գտար-կորցրիր, բ) աղքատ-հարուստ, շուտ-ուզ: Երբեմն առկա է լինում քերականական հակադրությունը՝ իբրև ներհակ ձևեր հանդես գալով միևնույն ստորոգյալի կամ գերադաս անդամի հաստատական ու ժխտական ձևերը (իրենց լրացումներով հանդերձ). ինչպես՝ «Այդ խոսքերը շիրավորեցին Արմիգության, այլ վիրավորեցին Սամվելի մոքը» (ԲՍ, 93):

Անվանական միավորյալ նախադասության մեջ ավելի հաճախ հակադրում են խոսքային հականշություն կազմող ստորոգելիները, իսկ հանգույցը կրկնվում է. ինչպես՝ «Քո խոնարհ ջրկիրն եմ եղել, եղել եմ և տեր» (ՀՍՍԲ, 74):

Միավորյալ նախադասության ստորոգյալները հականիշ, իսկ նրանց լրացումները հակադրիր, բայց ոչ հականիշ բառերով արտահայտվելու դեպքում ներհակությունը թուլանում է. ինչպես՝ «Ճարյանը ոչ թե հայ կյանքի պատկերներից բարձրացավ դեպի գրականություն, այլ եվրոպական բանաստեղծությունից իջավ հայ կյանք» (ՎԳԴ, 42):

Միավորյալ նախադասության մեջ սակավադեպ զուգակցում են խոսքային հականշությունն ու քերականական հակադրությունը. ինչպես՝ «Ինձ շնու սիրում, ուրիշին, Ուրիշին ես սիրում դու...» (ՎՏ, 1, 109): Այստեղ ինձ և ուրիշին ուղղի խնդիրների միջև առկա է խոսքային հականշությունը, իսկ ստորոգյալների միջև՝ քերականական հակադրությունը:

Երբեմն էլ ներհակությունը պայմանավորված է լինում բայական գերադաս անդամների ու նրանց լրացումների խոսքային հականշությամբ. ինչպես՝ «Ինձ համար կանես, ֆեզ համար կսովորես» (Ա, 94):

Եվ, վերջապես, հակադրությունն ավելի նվազ է լինում, եթե թե՛ ստորոգյալների կամ բայական գերադաս անդամների և թե՛ դրանց լրացումների միջև գործառվում են քերականական տարրերություններ: Այս դեպքում միավորյալ նախադասությունն ավելի հաճախ արտահայտում է հաստատում ու ժխտում. ինչպես՝ «Մտածում էր, բայց մտքինը ոչ ոքի չը ասում» (ԱԲ, 1, 124):

Ուսումնասիրությունները ցուց են տալիս, որ միավորյալ նախադասության մեջ հակադրությունը միատարր չէ: Այն արտահայտվում է բաղադրիչ նախադասությունների միևնույն կամ տարրեր անդամների միջև: Բացի այդ, հակադրության ծավալը երկու եղբերում կարող է լինել նույնը կամ տարրեր: Ըստ այդմ էլ ներհակությունն իր դրսեռումներով լինում է երկու տեսակ՝ համասեռ և անհամասեռ: Համասեռ ենք կոչում

այն հակագրությունը, որն արտահայտվում է միավորյալ նախադասության բաղադրիչների միևնույն անդամների միջև։ Այսպիսի հակագրությունը, որ հիմնականում բնորոշ է երկրադադրիչ միավորյալ նախադասությանը, ունի ավելի շատ ստորոգական բնույթ, որովհետև ամենից առաջ հակադրվում են ստորոգալները կամ բայական գնրադաս անդամները՝ առանձին կամ իրենց լրացումներով։ ինչպես՝ «Նա շվախեցավ գետից, բայց վախեցավ փոթորկից» (ԲՍ, 19):

Միավորյալ նախադասության մեջ համասեռ հակադրությունը մասնակի է, որովհետև ենթական դուրս է հանդունելու ան ոլորտից։ Երիվ հակադրություն գրանորելու հնարավորության բացառումը այս կառուցի հիմնական յուրահատկություններից մեկն է։ Հակադրության բնույթը չեն փոխում միավորյալ նախադասության առաջին բաղադրիչում ընդհանուր անդամի գործառույթով հանդես եկող նաև մյուս անդամները։ ինչպես՝ «Մարդիկ այլև հոգ չէին տանում հանգնելու, այլ շտապում էին փախչելու» (ԲՍ, 288)։ Այստեղ հակադրության ծիրից դուրս մարդիկ ենթական և այլևս ժամանակի պարագան ընդհանուր են նախադասության երկու բաղադրիչների համար, ուստի ամբողջ նախադասության մեջ առկա ժիւտման հակադրությունը համասեռ է։ Թերզած նախադասությունն ունի (ենթակա + ժամանակի պարագա) + ստորոգյալ + նպատակի պարագա + ստորոգյալ + նպատակի պարագա այլևս ժամանակի պարագա կառուցվածքը։ Այստեղ այլևս ժամանակի պարագայի գործածությունն ունի ոճական նշանակություն։ այն շեշտում է ժիւտվող և հաստատվող եղելությունների համաժամանակյա (ու համատեղ) գոյությունը՝ ավելի ուժեղացնելով բաղադրիչ նախադասությունների կապը (Հմմտ. 84, էջ 57):

Միավորյալ նախադասության մեջ համասեռ հակադրությունից տարբերվում է ենթականական անհամասեռ հակադրությունը։ Սա այն նախադրությունն է, որն արտահայտվում է միավորյալ նախադասության բաղադրիչների տարբեր անդամների կամ էլ տարբեր կառուցվածք ունեցող բաղադրիչ նախադասությունների միջև։ Անհամասեռ հակադրությունն արտահայտվում է։

ա) երբ միավորյալ նախադասության բաղադրիչներից մեկը համառոտ է, մյուսը՝ ընդարձակ, կամ երբ մեկը պարզ է, մյուսը՝ բարդ։ Սա առկա է մասնավորապես այն դեպքում, երբ «տրամաբանական երկու հակադրիչներն արտահայտվում են բառաքերականական անհավասար միջցներով» (17, էջ 585)։ Օրինակ՝ «Արամն ու Վարդանը բակում պատմողին այլևս չէին լսում, այլ հեռացել էին»։ «Նա կամաց կամաց վարժվեց մեզ, բայց շատ ավելի կապվեց ինձ հետ, ավելի վստահ եղավ դեպի ինձ» (ԱԻ, 3, 294):

բ) Երբ գործառվում է միավորյալ նախադասության բաղադրիչների տարրեր անդամների միջև. ինչպես՝ «Եվ մինչև հիմա ուրիշ տեղ մի ասել, բայց մտքից էլ չի հանել» (ԱԲ, 1, 118); «Նրա բախտից հաշվապահ Զարգարյանն էլ այնտեղ չէր, գնացել էր բանկից փող բերելու» (ԱՇՔ, 96):

Ներհակական միավորյալ նախադասությունները միատարր չեն: Ներհակական հարաբերությունը այս կառուցվածքում ևս ունենում է հետևյալ մասնավոր դրսեորումները՝ ա) Ժխտման հարաբերություն, բ) Հանդիպարական հարաբերություն, գ) հակասման հարաբերություն, դ) պայմանաներհակական հարաբերություն:

#### ԺԽՏՄԱՆ ՀԱՐԱԲԵՐՈՒԹՅՈՒՆՆԵՐԸ

Ժխտման հարաբերությամբ միավորյալ նախադասությամբ արտահայտվում է միևնույն տուրեկային կամ առարկաներին վերագրվող հատկանիշներից մենքի (կամ մի բանիսի) ժխտմը և մյուսի (կամ մյուսների) հասատումը: Օրինակ՝ «Այսուամենայնիվ Թորգոմն այդ օրը իշխանի մոտից տուն չնաց, այլ շտապեց Հովսեփի և Վարդանի մոտ» (ՍԶՀԲ, 318):

Ժխտման հարաբերությամբ միավորյալ նախադասությունները կապակցվում են այլ, այլ ոչ թե, և ոչ թե, ոչ թե... այլ, ոչ միայն... այլ շաղկապներով և շարահարությամբ: Միավորյալ նախադասության իմաստային ու կառուցվածքային տարրեր առանձնահատկություններ պայմանավորող այդ շաղկապներից գործառական առավել մեծ ակտիվություն ունի այլը:

Շարահարական կառուցվածքի ժխտման միավորյալ նախադասություններն իրենց արտահայտած իմաստային փոխհարաբերություններով հիմնականում համապատասխանում են նույն նախադասությունների այլ շաղկապով տարրերակին: Օրինակ՝ «Նրա բախտից հաշվապահ Զարգարյանն էլ այնտեղ չէր, գնացել էր փող բերելու» (ԱՇՔ, 96): «Երեսին մի մտիկ անի, բախտին մտիկ արա» (Ա, 297):

Միավորյալ նախադասության մեջ ժխտումը, ինչպես ներհակության մյուս ձևերը լինում է համասեռ ու անհամասեռ Համասեռ ենք կոչում այն ժխտումը, որն արտահայտվում է միավորյալ նախադասության բաղադրիչների միևնույն անդամների միջև: Այսպիսի ժխտումը հիմնականում մասնակի է և բնորոշ է երկրաղադրիչ միավորյալ նախադասությանը, ուր հակադրվում են բաղադրիչների նախադասություններն իրենց բո-

3 Այս հարցի մանրամասն քննությունը տե՛ս 57, էջ 24—36:

լոր նույն անդամներով, ամբողջությամբ (բացառությամբ ընդհանուր անդամների): Այս կառույցում համասեռ ժխտումն արտահայտվում է հետևյալ կաղապարներով, որոնցով, իհարկե, չի սահմանափակվում<sup>4</sup>:

ա) ՈՒԽ+ՍՄ կամ ԲԳԱ ↔ ՈՒԽ+ՍՄ կամ ԲԳԱ. ինչպես՝ «Առևտրականին շհարգես, ուսուցչին հարգիր»:

բ) (Ենթ.)+ՍՄ ↔ ՍՄ. ինչպես՝ «Դա ծառ չէ, այլ թուփ է»:

գ) ԶՊ+(ՈՒԽ)+ԲԳԱ ↔ ԶՊ+ԲԳԱ. ինչպես՝ «Ոչ թե պետք է մարդկանց շողոքորթությամբ խարել, այլ պետք է ազնվորեն համոզել»:

դ) ՍՄ կամ ԲԳԱ+Ո+ՈՒԽ ↔ ՍՄ կամ ԲԳԱ+Ո+ՈՒԽ. օրինակ՝ «Մի ոմեցիր հարյուր դահեկան, ունեցիր երկու բարեկամ» (Ա, 225):

ե) (ՈՒԽ)+ՏՊ+ԲԳԱ ↔ ՏՊ+ԲԳԱ. ինչպես՝ «Չուկը պոչից չեն բռնի, գլխից կրոնեն» (առած) և այլն:

Միավորյալ նախադասության մեջ ժխտումը կարող է գործառվել բաղադրիչ նախադասությունների նաև ոչ բոլոր անդամների միջև: ՕՐԻ-ՆԱԿ՝ «Ես երեկ քեզ դպրոցում շհանդիպեցի, այլ այսօր եմ ուզում շտապ հանդիպելու: Այստեղ ժխտման ոլորտից դուրս են տեղի (դպրոցում) և ձևի (շտապ) պարագաները: Բերենք մեկ այլ օրինակ. «Անշուշտ, սա ոչ թե սահմանափակության արդասիք է, այլ միտում» (ՎՃԴ, 189): Այս նախադասությունն ունի (Ենթ.)+Հ+ՍՄ ↔ ՍՄ կառուցվածքը:

Ժխտման հարաբերությունն արտահայտվում է միավորյալ նախադասության բաղադրիչների նաև տարբեր անդամների և կամ էլ տարբեր կառուցվածքի բաղադրիչ նախադասությունների միջև: Այսպիսի ժխտումն անվանում ենք անհամասեռ ժխտում: Վերջինս արտահայտվում է ամենից առաջ այն դեպքում, երբ միավորյալ նախադասության բաղադրիչներն ունենում են կառուցվածքային տարբեր յուրահատկություններ: ՕՐԻ-ՆԱԿ՝ «Արամն ու Սուրենը պատմողին այլևս չէին լսում, այլ հեռացել էին»: «Նա աշխատում էր շկորցնել գիշերացին խավարը, այլ մթնով դուրս գալ յուր իշխանության սահմանից, որը արևելյան կողմից շատ հեռու չէր» (ԲՍ, 325):

Անհամասեռ է նաև միավորյալ նախադասության բաղադրիչների

4 Այստեղ և այսուհետև կաղապարի ամեն մի անդամ ներկայացվում է տվյալ օրինակում իր շարադասության համապատասխան: Տեղի խնայողության պահանջով կաղապարի անդամները ներկայացվում են համառոտագրությամբ. Ենթ-ենթակա, ՍՄ-ստորոգյալ, ԲԳԱ-բաղադրիչ, Հ-հատկացուցիչ, Բ-բացահայտիչ, ՈՒԽ-ուղիղ խնդիր, ՄԽ-միշողի խնդիր, ԱԽ-անշատման խնդիր, ՀԽ-հանգման խնդիր, ՍԽ-սահմանափակման խնդիր, ՀամԽ-համեմատության խընդիր, ՎԽ-վերաբերության խնդիր, ՆԽ-ներգործման խնդիր, ՄատԽ-մատուցման խնդիր, ԶՊ-ձեկի պարագա, ՏՊ-տեղի պարագա, ԺՊ-ժամանակի պարագա, ԶՊ-չափի պարագա, ՆՊ-նպատակի պարագա, ՄՊ-միասնության պարագա, ՊՊ-պատճառի պարագա և այլն: Ընդհանուր անդամներն առնվազմ են փակածքների մեջ:

տարբեր անդամների միջև գործառվող ժխտումը: Նման ժխտում են արտահայտում հետեւյալ կառուցվածքները.

ա) ( $\Pi + b_n \beta$ ) +  $\Pi + \lambda n + U$   $\longleftrightarrow$   $\Pi \Pi n + U$ . ինչպես՝ «Ուրեմն, զայրացած երիտասարդ մարդիկ ոչ թե հասարակական անարդարությունների վրա էին զայրացած, այլ բաժին էին ուղում» (ՎՊՀԲԱ, 54):

բ)  $U + (b_n \beta)$   $\longleftrightarrow$   $U + \vartheta + \vartheta$ . ինչպես՝ «Զմեռան նրանք, այլ սպանվեցին՝ լիգեռն առ լիգեռն, փաղանգ առ փաղանգ» (ՊՍ, 4, 469):

գ) ( $b_n \beta$ ) +  $U$  +  $\lambda n$   $\longleftrightarrow$   $\vartheta + \vartheta + \vartheta + U + \Pi + S\vartheta$ . ինչպես՝ «Մեծ Տիկինը շնայից նրան, այլ գլուխը կախած, մտասույզ ու լուրջ շարժվեց դեպի կանանց գունդը» (ԴԴ, 2, 505):

դ) ( $\Pi + \Pi + b_n \beta$ ) +  $\delta\vartheta + U$   $\longleftrightarrow$   $\lambda + \Pi + U$ . ինչպես՝ «Սուլից հյուծված, մարդկային կերպարանքները կորցրած այդ ամբոխն այլևս կորք չեր, այլ ուրվականների մի անկանոն խուժան» (ՍԽՄՍ, 3, 393):

ե) ( $\vartheta\vartheta + b_n \beta$ ) +  $\vartheta\vartheta + U$  +  $\Pi \Pi$   $\longleftrightarrow$   $U$  +  $\vartheta\vartheta$ . ինչպես՝ «Այս մաքերով տարված՝ Կամսարյանը գրեթե չէր մասնակցում հացեկրութին, այլ միայն կրկնում էր մեքենայաբար» (ՍԶՀԲ, 21):

զ) ( $\Pi + b_n \beta$ ) +  $U$   $\longleftrightarrow$   $U$  +  $\Pi + \lambda + \Pi$ . ինչպես՝ «Դիսերտացիոն աշխատանքները չպետք է լինեն ինքնանպատակ, այ պետք է լինեն գիտական հետազոտությունների տրամարանական ամփոփում» (ԺԺ, 431):

է) ( $b_n \beta$ ) +  $U$   $\longleftrightarrow$   $\vartheta\vartheta + U$  +  $\Pi + \lambda n$ . ինչպես՝ «Նա ոչ միայն շմուեցավ, այլ բնավ ուշադրություն շդարձրեց շարաբաստիկ օղերին» (ՆԴ, 311):

ը) ( $\lambda + b_n \beta$ ) +  $U$  +  $\lambda n$   $\longleftrightarrow$   $U$  +  $\Pi + \lambda n$ . օրինակ՝ «Թո խոսքերը շաղդեցին նրա վրա, այլ ազդեցին ինձ մոտ կանգնած մարդկանց վրա»:

թ) ( $\Pi + b_n \beta$ ) +  $U$  -  $\Pi + \lambda n$   $\longleftrightarrow$   $U$  -  $\varphi\lambda$ . ինչպես՝ «Մրանց արտահայտած գործողությունը կապվում է ոչ թե որևէ դեմքի հետ, այլ վերաբերում է ընդհանուրին» (ԺՀԼ, 161) և այլն:

ինչպես տեսնում ենք, ժխտման հարաբերությամբ միավորյալ նախադասության ամենաբնորոշ առանձնահատկությունը ժխտման ներհակության դրսնորումն է: Դա էլ պայմանավորում է այս նախադասության կառուցվածքային հիմնական յուրահատկությունը՝ բաղադրիչներից մեկի ժխտական և մյուսի հաստատական, իսկ սակավադեպ էլ երկու բաղադրիչների ժխտական լինելը: Ըստ այդմ էլ ժխտման միավորյալ նախադասությունները բաժանվում են երկու խմբի՝ ա) մեկ հաստատական ու մեկ ժխտական բաղադրիչ նախադասություններով միավորյալ նախադասություններ և բ) երկու ժխտական բաղադրիչ նախադասություններով միավորյալ նախադասություններ: Առաջին խմբի միավորյալ նախադասությունները նույնպես միատարր չեն՝ պայմանավորված հաստատական ու ժխտական բաղադրիչների շարադասությամբ: Ժխտական բաղադրիչի

նախաղաս կամ ետադաս լինելը կարևոր է թե՛ կառուցվածքային և թե՛ իմաստային առումով։ Ժխտական բաղադրիչը միաժամանակ պայմանավորում է բաղադրիչը նախադասությունների համապատասխան կապակցումը (շաղկապական, շարահարական), իսկ վերջինս էլ՝ ժխտական բաղադրիչի տրամաբանական շեշտակիր անդամի շարադասությունը (տրամաբանական շեշտա մեծ մասամբ ընկնում է ստորոգյալի վրա)։ Ավելի հաճախ ժխտական է լինում միավորյալ նախադասության առաջին բաղադրիչը նախադասությունը։ Այսպիսի ժխտումն արտահայտվում է.

1. Ստորոգյալի ժխտական բնույթով։ Այս դեպքում միավորյալ նախադասությունը կապակցվում է.

ա) այլ շաղկապով ու շարահարությամբ։ Ժխտվում է առաջին բաղադրիչը նախադասության բովանդակությունը, և հաստատվում է երկրորդ բաղադրիչի բովանդակությունը. ինչպես՝ «նրանք շգնացին որոսանքի, այլ վերադարձան տուն»։

Ակնհայտ է, որ միավորյալ (և ևլ միայն միավորյալ) նախադասության մեջ հաճախ այլ շաղկապը զորացվում է ընդհակառակն(ը) միջանկալ բառով, որով ավելի է շեշտավում հակադրությունը» (38, էջ 140). ինչպես՝ «նա մեզ չի միացել, այլ, ընդհակառակն, բռնորութիւն ուրիշ դիրքորոշում է ընտրելու» XIX դ. մեր արծակում հանդիպող նման կառուցում նկատելի է ընդհակառակն եղանակավորող բառի՝ միջանկյալ բառի գործառությով հանդես գալու դեռևս կայունացած լինելը։ Այդ պատճառվ էլ շատ հեղինակների մոտ այն կետադրված չէ. ինչպես՝ «Որդեսեր և հավատացյալ մայրը, որքան էլ առողջ ոտքեր ունենա, այնուամենայնիվ յուր հետեւ քարշ չի տալ մանուկին, այլ ընդհակառակն կհարմարեցնի յուր քայլերը տղայի գողդոչուն քայլիներին» (Մուր. 2, 42): Պետք է ենթագրել, որ մեծանում հայագետ Մ. Արելյանը ընդհակառակն-ի, իբրև միջանկյալ բառի, գործածության կայունացած լինելն է հիմք ընդունել, իր այլ ընդհակառակն-ը դիտել է իբրև մեկ շաղկապ (Յ, էջ 666): Այժմ արդեն օրինաչափականը տվյալ դեպքում ընդհակառակն-ի, իբրև միջանկյալ բառի, երկկողմյա տրոհումն է:

բ) ոչ միայն...այլ տարանդամ զուգաշղկապով, որի առաջին բաղադրիչը, որպես կանոն, գործածվում է միավորյալ նախադասության առաջին բաղադրիչը նախադասության ժխտում արտահայտող անդամից (հիմնականում ստորոգյալից) առաջ։ Այս դեպքում միավորյալ նախադասության ռառաջին մասում ժխտվում է մի բան, որի գոյությունը կամ որի կատարումը, սակայն, ինչ-որ շափով սպասելի էր, իսկ նախադասության երկրորդ մասում հաստատվում է առաջին մասում սպասված միանգամայն հակառակ դրությունը, հակառակ վիճակը» (10, էջ 436). ինչպես՝ «նա այդ դեպքից ոչ միայն շնորհվեց, այլ ուրախացավ»։ Նմա-

նապես ոչ միայն...այլ շաղկապի երկրորդ բաղադրիչին երեմն հաջորդում է ընդհակառակն բառը, որը ժխտման ներհակությունն ավելի է շեշտում: Ակնհայտ է, որ այս դեպքում միջանկյալ բառի գործառույթով ընդհակառակն-ի հանդես գալն ավելի է կայունացել: Նույնիսկ Մուրացանի մոտ, ուր այլ-ով կապակցված միավորյալ նախադասության մեջ ընդհակառակն բառը տրոհված չէ, հանդիպում ենք դրա տրոհմանը: Ինչպես՝ «Կաթողիկոսի վարմունքը ոչ միայն շհուսահատեցրեց, այլ, ընդհակառակն, ավելի ևս ոգեսրեց նրան յուր մտադրությունն առաջ տանելու» (Մուր., 2, 241):

2. Ոչ թե...այլ տարանդամ զուգաշաղկապի առաջին բաղադրիչով՝ ոչ թե-ով, որը համարժեք է ժխտական ստորոգյալի շմասնիկին և օժանդակ բայի ժխտական ձևերին: Տվյալ դեպքում կարեոր է ոչ թե-ի շարադասությունը միավորյալ նախադասության առաջին բաղադրիչում: Այն, որպես կանոն, դրվում է հիմնականում ժխտվող անդամից կամ անդամներից առաջ: Այդ շաղկապի այլ բաղադրիչն էլ միշտ գործածվում է երկրորդ բաղադրիչ նախադասության սկզբում: Օրինակ՝ «Սաղարթախիտ ծառերը, երփնիրանդ ծաղկները ոչ թե օրորվում էին ամառվա թեթև հովից, այլ երաշտից ցած էին հառել իրենց զլուխները»:

Տրամաբանական շնչտով պայմանավորված՝ ժխտման ներհակությունը ընդուժվում է, եթե ժխտվող անդամը ոչ թե շաղկապական բաղադրիչի հետ գործածվում է առաջին բաղադրիչ նախադասության մեջտեղը կամ վերջում: Ինչպես՝ «Արամն ու Վարդանը արդ օրը ոչ թե դիտավորյալ նեղացրին իրենց ընկերոջը, այլ անդիտակցորին սիսալ գործեցին»: Նման ժխտումն ունի ճշգրտող բնույթ:

Միավորյալ նախադասության մեջ ոչ թե...այլ շաղկապի ոչ թե բաղադրիչի փոխարեն սակավագեպ գործածվում է ոչ ձեզ (Հմմտ. 38, էջ 141), որն ավելի շատ տարածված էր գրաբարում և նվազ շափով՝ միշտն հայերենում: Դա հանդիպում է մասնավորապես այն դեպքում, եթե միավորյալ նախադասության առաջին եզրը հակասման հարաբերությամբ երկրաշագրիչ համարաւական կապակցություն է: ընդ որում, ոչ-ը հանդես է գալիս այդ եպրի կամ անմիջական կազմիչի երկրորդ բաղադրիչում, իսկ հակասման շաղկապը տվյալ դեպքում կարծեք փոխարինում է զեղչված թե-ին: Ինչպես՝ «Ճային ու Գուրգենը հանդիմանում էին իրենց ընկերոջը, բայց ոչ հակալրանք դրսերում նրա նկատմամբ, այլ պարզապես ցանկանում էին նրան ուղղելու»:

Միավորյալ նախադասության առաջին բաղադրյալ անդամի յուրաքանչյուր բաղադրիչի սկզբում ոչ-ը կարող է կրկնվել՝ ստեղծելով ո՛չ...ո՛չ...այլ (նաև՝ ո՛չ...և ո՛չ...այլ) շաղկապը: Այս դեպքում ժխտման ներ-

Հակոբյանը մասամբ թուլանում է. ինչպես՝ «Ո՞չ խոսում է, ո՞չ գրում, այլ պարզապես մտորում է»:

Ժխտման հակադրությունն ավելի է ընդգծվում, երբ միավորյալ նախադասության երկրորդ բաղադրիչում, այլից հետո, գործածվում է ընդհակառակն բառը, որն այս դեպքում ավելի շատ է դրսնորում ոչ թե... այլ շաղկապին (ավելի ճիշտ՝ նրա այլ բաղադրիչին) ձուլվելու միտում։ Այդ է պատճառը, որ Վ. Առաքելյանը ոչ թե... այլ ընդհակառակն-ը դիտում է իրեւ առանձին շաղկապ և այն տարբերակում ոչ թե... այլից (28, էջ 342). Օրինակ՝ «Ոչ թե շեմ ցանկացել աշխատանքս ավարտել, այլ ընդհակառակն շատ եմ ձգտել»։ Ավելացնենք, որ ոչ թե... այլ շաղկապով կապակցված միավորյալ նախադասության մեջ սակավագեպ էլ ժխտվում է ստորոգյալ որևէ հատկանիշը։ Դա առկա է մասնավորապես այն դեպքում, երբ առաջին բաղադրիչը նախադասության մեջ ոչ թե շաղկապական բաղադրիչին հաջորդում է սահմանափակման եղանակավորող բառ (սոսկ, միայն և այն), որպիսի դեպքում նախադասությունը բաղադրված է լինում մեծ մասամբ անվանական ստորոգյալներով։ Ինչպես՝ «Դա ոչ թե սոսկ բաղաք էր, այլ մի յուրօրինակ թանգարան...» (Թնօ, 297):

Ինչպես նշեցինք, հավասարապես ժխտական կարող է լինել միավորյալ նախադասության նաև երկրորդ բաղադրիչը։ Մ. Արեգյանը նման կառուցվածքի բարդ համադասական նախադասությունները դիտում է իրեւ շուր տված ձևով արտահայտված ժխտական կապակցություններ (3, էջ 666), որոնցում հաստատվում կամ ընդունելի է դիտվում առաջին բաղադրիչի բովանդակությունը։ Այսպիսի միավորյալ նախադասության կազմում կապակցման բառական միջոցի դերով հանդիս են գալիս ոչ թե, և ոչ թե, այլ ոչ թե բաղադրյալ շաղկապները, որոնք, որպես կանոն, գործածվում են երկրորդ բաղադրիչի սկզբում։ Ընդ որում, այս շաղկապներից յուրաքանչյուրով կապակցվելիս միավորյալ նախադասությունը ստանում է ժխտման ներհակության արտահայտման ոճական տարբեր յուրահատկություններ։ Այսպես՝ այլ ոչ թե-ով կապակցվելու դեպքում միավորյալ նախադասության ժխտման ներհակության իմաստը շատ ավելի է ընդգծվում։ Նմանապես ոչ թե-ով կապակցված միավորյալ նախադասության մեջ ժխտման իմաստն ավելի զորեղ է, քան և ոչ թե-ով կազմվածի մեջ, որովհետեւ վերջին շաղկապի և բաղադրիչը մասամբ մեղմացնում է ներհակության իմաստը։ Հմմտ. «Նա ամբողջ օրը թափառում է, այլ ոչ թե աշխատում»։ «Նա ամբողջ օրը թափառում է, ոչ թե աշխատում»։ «Նա ամբողջ օրը թափառում է և ոչ թե աշխատում»։

Ոչ թե, և ոչ թե, այլ ոչ թե շաղկապներով կապակցված միավորյալ նախադասությունները համանիշ են նույն նախադասությունների՝ ոչ

թե...այլ, այլ շաղկապներով կաղմված ձևերին։ Սա շարահյուսական համանիշության հետաքրքրական դրսկորումներից մեկն է։ Հմմտ. «Ազատ ժամերիդ օգնիր ծնողներիդ, այլ ոչ թե (ոչ թե, և ոչ թե) ժամանակդ ավելորդ վատնիր։ «Ժամանակդ ավելորդ շվատնես, այլ ազատ ժամերիդ օգնիր ծնողներիդ»։ «Ոչ թե ժամանակդ ավելորդ վատնիր, այլ ազատ ժամերիդ օգնիր ծնողներիդ» և այլն։ Այս համանիշ ձևերի տարբերությունը ոճական է, վերաբերմունքային։

Ժխտական կարող են լինել միավորյալ նախադասության նաև երկու բաղադրիչները միաժամանակ։ Այսպիսի կառուցվածքները բաժանվում են երկու հնիտախմբի։

ա) միավորյալ նախադասություններ, որոնց երկու բաղադրիչներն արտահայտում են ժխտում։ Նման ժխտումն անվանում ենք կրկնակի ժխտում։ Այս դեպքում միավորյալ նախադասությունը կապակցվում է ոչ միայն...այլ շաղկապով, որն այս կառուցվածքում մասամբ համարժեք է ոչ միայն...այլև շաղկապին, ինչպես՝ «Նա ոչ միայն չեկավ մեզ մոտ, այլ նույնիսկ շմտարեեց մեղ»։ Այսպիսի միավորյալ նախադասությունները համանիշ են ո՛չ...ո՛չ (ո՛չ...և ո՛չ, ո՛չ...և ո՛չ էլ) միավորիշ շաղկապով կապակցված միավորյալ նախադասություններին, այն տարբերությամբ, որ առաջինները ժխտման, իսկ վերջինները միավորական հարբերությամբ միավորյալ կառուցյներ են։ Հմմտ. «Նա ո՛չ եկավ մեզ մոտ, ո՛չ նույնիսկ մտարեեց մեղ»։

բ) ձևական ժխտումն ու բուն ժխտումը համատեղող միավորյալ նախադասություններ, որոնց բաղադրիչներից մեկի ժխտումն ունի ձևական նշանակություն, ժխտական ձևով հաստատում է հատկանշի առկայությունը, իսկ մյուսն ունի ժխտական նշանակություն։ Ընդումին, ձևական ժխտումն առաջին բաղադրիչով արտահայտվելու դեպքում նախադասությունը կապակցվում է ոչ թե...այլ շաղկապով, իսկ երկրորդ բաղադրիչով արտահայտվելու դեպքում՝ ոչ թե, այլ ոչ թե, և ոչ թե շաղկապներով։ Հմմտ. 1. «Արամը ոչ թե չի եկել, այլ գիրքը չի բերել»։ 2. «Արամը գիրքը չի բերել, այլ ոչ թե չի եկել»։ Այս նախադասությունները համանիշ են «Արամը եկել է, բայց գիրքը չի բերել» կառուցյին։ Դրանք իմաստով նույնն են, իսկ քերականական կառուցվածքով՝ տարբեր։ այն է՝ միենույն ներհակական կապակցության տարբեր դրսկորումներն են։ առաջինները ժխտման, իսկ վերջինը հակաման հարաբերությամբ միավորյալ նախադասություններ են։

Հանդիպագրական հարաբերությամբ միավորյալ նախադասության մեջ իրաց հանդիպադրվում են միևնույն առարկային կամ առարկաներին սուրբովով նատկանիշները, ինչպես՝ «Հարցուփորձս անում էի արտաքին անտարբերությամբ, իսկ պատասխանները լուս ներքին լափող հետաքրքրությամբ» (ՆԴ, 212): «Եկողին պատմում էր բոլորը, ինչ որ գիտեր, իսկ շիմացածը, հարկավ, հնարում էր» (ԱԾՔ, 218):

Հանդիպագրական միավորյալ նախադասության բաղադրիչները կապակցվում են իսկ, երե...ապա, ապա, միայն հանդիպագրական շաղկապներով և շարահարությամբ: Այդ շաղկապներից գործառական ավելի մեծ ակտիվություն ունի իսկ-ը, մյուսները սակավ են գործածվում և հաճախ նաև համատեղում են այլ նրբիմաստներին:

Շարահարական կառուցվածքի հանդիպագրական միավորյալ նախադասությունները հիմնականում համապատասխանում են իսկ-ով կապակցված միավորյալ նախադասություններին:

Հանդիպագրական միավորյալ նախադասության կառուցվածքային առանձնահատկություններից մեկն էլ շարադասությամբ այդ հարաբերության ընդգծումն է: Դա արտահայտվում է երկրորդ բաղադրիչ նախադասության անդամների շարադասության կայունությամբ: Հանդիպագրվող անդամը, որպես կանոն, գործածվում է այդ բաղադրիչի սկզբում: Ընդսմին, միավորյալ նախադասության մեջ, բացի ենթակայից, բոլոր անդամները հանդիպագրմամբ հակադրվում են, միայն թե տարբեր շափով: Թվում է՝ ենթականների մասնակի հակադրություն պետք է դիտել այն, եթե ստորոգյալների հանդիպագրմամբ միավորյալ նախադասության 1-ին բաղադրիչում գործածված ընդհանուր ենթական 2-րդ բաղադրիչում արտահայտվում է ինքը դերանվամբ: ինչպես՝ «Գոլիցինը ինչ-որ մեկին հրամայեց հայերին տեղավորել, իսկ ինքը Դոլգորովիի հետ մտավ իր խցիկը» (ՍիևՍ, 3, 166): Սակայն այստեղ ենթականների լիարժեք հակադրություն չկա: Հակադրությունն առկա է միևնույն անձի (Դոլիցին) երկու տարբեր գործողությունների միջև: Ինքը դներանվամբ արտահայտված ենթական, որ առաջին բաղադրիչում գոյականով արտահայտված նույն ենթական է, ավելի շատ ոճական նշանակություն ունի: այն բաղադրիչ նախադասությունների կապը սերտ է դարձնում և, որ առավել կարևոր է, շեշտում է այդ բաղադրիչների գործողությունների կատարումը միևնույն անձի կողմից: Միևնույն սուբյեկտը ցույց տվող գոյականի ու դերանվան նման գործածությունը, ինչպես վերև արդեն նշել ենք, ենթակայի յուրատիպ կրկնություն է:

Հաճախ էլ առաջին բաղադրիչ նախադասության գոյական ենթական գեղվում է, իսկ ինքը դերանուն ենթական հաջորդ բաղադրիչում արտահայտվում է: Այս դեպքում դերանվամբ արտահայտված ենթակայի ինքնուրույնությունը մեծանում է, ընդգծվում: այն իր վրա է կրում տրամարանական շեշտու: Դրանով պայմանավորված՝ որոշակիորեն զգացվում է ինքը դերանուն ենթակայի ու առաջին բաղադրիչի ենթադրյալ գոյական ենթակայի հակադրությունը: ինչպես՝ «Կրակ է վառել, իսկ ինքը շկա» (ԵԶ, 1, 286): Այստեղ առկա է նաև զիշականության որոշ երանք: երկրորդ բաղադրիչը հակադրվում է առաջինի բովանդակությունից սպասվող հետևանքին:

Այս կառուցվածքում ենթական երրեմն հանդիպադրվում է ուղիղ խնդրին: ինչպես՝ «Գնդի սուրբանդակներին ուղարկիր մոտս, իսկ դու զորագունդ հավաքիր իսկույն» (ԴԴՎ, 2, 25): «Ենքը տիկ է դառել, ուրիշին բերան շինել» (Ա, 95):

Հանդիպադրական միավորյալ նախադասության մեջ ստորոգական հակադրությունն ավելի հաճախադեպ է ու շեշտված, իսկ դա առկա է, երբ խոսողը (գրողը) նշում է միևնույն առարկային (առարկաներին) ստորոգվող հատկանիշների հակադրությունը: Ստորոգյալները կամ բայցական գերադաս անդամները, որպես կանոն, մեծ մասամբ զուգադրվում են իրենց լրացումներով: Նշենք, որ ընդհանուր եղանակի ունեցող բայցական բաղադրյալ ստորոգյալներով կազմված միավորյալ նախադասության մեջ ևս գործառվում է մասնակի ստորոգական հակադրությունը: Օրինակ՝ «Երեկ ընթերցում էր, իսկ այսօր պատմում է»: «Մտքում դրել է կաթսան հարմարեցնել արագ քաշելու, իսկ մնացած երկաթեղինը ծախել» (ԱՅ, 1, 147):

Միավորյալ նախադասության ստորոգական հակադրությունը վերանում է, չեղոքանում, երբ նրա բաղադրիչներն ունենում են մի ընդհանուր ստորոգյալ կամ բայցական գերադաս անդամ: Այս դեպքում միավորյալ նախադասության երկրորդ բաղադրիչում ստորոգյալը կամ բայցական գերադաս անդամը դեղվում է, և հակադրվում են միայն երկրորդական անդամները: ինչպես՝ «Սովորեն ցցելուն հասի, ժամը՝ դրւս գալու» (Ա, 203):

Հանդիպադրական միավորյալ նախադասության մեջ ևս հակադրությունն իր բնույթով ու քերականական ընդգրկմամբ լինում է համասեռ և անհամասեռ: Ընդումին, համասեռ հակադրությունն արտահայտվում է միավորյալ նախադասության հանդիպադրված բաղադրիչը նախադասություններում զուգահեռ գործածված բոլոր անդամների և ամենից առաջ ստորոգյալների կամ գերադաս անդամների միջև: Հանդիպադրված բաղադրիչների միջև առաջանում է իմաստային ու բառաքերականական

զուգահեռություն. առաջին բաղադրիչը նախադասության անդամները հայորդ բաղադրիչում ունենում են իրենց հանդիպադրված զուգահեռ ձևերը: Հետեւաբար ամբողջ նախադասությունը կառուցվում է իր բոլոր անդամների (բացառությամբ ընդհանուր անդամների) հակագրության սկզբունքով: Բացի այդ, զուգադրիչը բաղադրիչը նախադասությունների շարադասությունը և ստորոգլաների կամ գերազաս անդամների քերականական արտահայտությունը հիմնականում նման են լինում իրար: Հանդիպադրական հարաբերությամբ միավորյալ նախադասություններում համասեռ հակագրությունն արտահայտվում է հետեւյալ կաղապարներով.

ա) (*Ենթ.*) + ՈՒԽ + ՍՄ կամ ԲԳԱ ↔ ՈՒԽ + ՍՄ կամ ԲԳԱ. ինչպես՝ «Նա հեքիաթը պատմեց, իսկ բանաստեղծությունն արտասանեց»: «Խենթինը ոտենք, խելքինը պահենք» (Ա, 180):

բ) Ո + ՍՄ + ՀամԽ ↔ ՀամԽ + Ո + ՍՄ. ինչպես՝ «Փրփրած գետակ էիր ճահիճների կողքին, Խոր ձորերի կողքին մի պարզ լճակ էիր» (ՀՍՍԲ, 243):

գ) (*Ենթ.*) + ՍՄ + ՍԽ ↔ ՍԽ + ՍՄ. ինչպես՝ «Նա անգութ էր կուլում, գոտեմարտում՝ դաժան» (ՊԱ, 1, 13):

դ) ՍՄ + ԺՊ ↔ ԺՊ + ՍՄ. ինչպես՝ «Կատու էր գառել այն ժամանակ, իսկ հիմա... հոխորտում է» (ՍԽՍՄ, 3, 179):

ե) ԺՊ + ՈՒԽ + ԲԳԱ ↔ ԺՊ + ՈՒԽ + ԲԳԱ. ինչպես՝ «Գիշերը մարդ կմորթե, ցերեկը ճամփա կհարդե» (Ա, 30):

զ) ՏՊ + ԲԳԱ կամ ԱԲԱ ↔ ՏՊ + ԲԳԱ կամ ԱԳԱ. ինչպես՝ «Տանը ասլան, շոլումը կատու» (Ա, 58):

է) ՄՊ + ԱԳԱ ↔ ՄՊ + ԱԳԱ. ինչպես՝ «Ինձ հետ խոռվ է, շվաքիս հետ՝ հաշտ» (առած):

ը) (*Ենթ.*) + ՄԽ + ՍՄ ↔ ՄԽ + ՍՄ. ինչպես՝ «Նա պղիչով գրում է, իսկ մատիտով՝ նկարում»:

թ) ՄՊ + ՈՒԽ + ԲԳԱ ↔ ՄՊ + ՈՒԽ + ԲԳԱ. ինչպես՝ «Խելքի հետ քար կրե, իսկի հետ ստակ (փող) մի՛ բաժանի» (Ա, 11):

ժ) ԺՊ + ԲԳԱ ↔ ԺՊ + ԲԳԱ. ինչպես՝ «Առաջ միտք արա, հետո խոսք ասա» (Ա, 6):

ժա) ԶՊ + ԲԳԱ ↔ ԶՊ + ԲԳԱ. ինչպես՝ «Տասը շափի, մեկ կտրի» (Ա, 6):

ժբ) Հ + ՏՊ + ԲԳԱ ↔ Հ + ՏՊ + ԲԳԱ. ինչպես՝ «Դայլի բերանից հանցի, օձի բերանը գցեցի» (Ա, 73) և այլն:

Միավորյալ նախադասության մեջ երբեմն էլ հակագրվում են բաղադրիչը նախադասությունների ոլ բոլոր անդամները. ինչպես՝ «Երեկ գնացի Երևան, իսկ այսօր շտապ վերադարձա»: Այստեղ հակագրության ծիրից դուրս են ընդգծված պարագաները: Նմանապես հանդիպադրված բաղադրիչներից մեկը մյուսից կարող է տարբերվել գոյականական ան-

դամի լրացումով. ինչպես՝ «Անուշը դասարանում նկարեց ծաղիկ, իսկ տանը գրեց մի գողարիկ բանաստեղծություն»:

Համասեռ հակադրությունը գործառվում է նաև ընդհանուր ստորոգյալով կամ բայական գերադաս անդամով միավորյալ նախադասության մեջ, երբ ստորոգյալը կամ բայական գերադաս անդամը երկրորդ բաղադրիչում զեղչվում է, և հակադրվում են երկրորդական անդամները: Նման հակադրությունը ստեղծում են հետևյալ քերականական միավորների կառուցվածքները.

ա)  $\text{Ո} + \text{Ի} + \text{Տ} \longleftrightarrow \text{Ո} + \text{Խ} + \text{Տ}$ . ինչպես՝ «Մի թևը դրել է հեռադիտակին, իսկ մյուսը՝ «Արաբոյի» վրա» (ՍԳ, 1976, № 8, էջ 29):

բ)  $\text{Ո} + \text{Ո} + \text{Ի} + \text{Տ} \longleftrightarrow \text{Ո} + \text{Ո} + \text{Խ} + \text{Տ}$ . ինչպես՝ «Կիթխարի գլուխը տարածել էր դեպի արևելք, իսկ ստվար գալակը՝ դեպի արևմուտք» (ԲՍ, 289):

գ)  $\text{Հ} + \text{Տ} \longleftrightarrow \text{Հ} + \text{Տ}$ . ինչպես՝ «Կծողի հետևին կանգնիր, քացի տվողի՝ առաջին» (Ա, 7):

դ)  $\text{Ո} + \text{Խ} + \text{Մ} \longleftrightarrow \text{Ո} + \text{Ի} + \text{Մ}$ . ինչպես՝ «Նամակը մատիտով ես գրել, բանաստեղծությունը՝ գրով»:

ե)  $\text{Հ} + \text{Ո} + \text{Ի} \longleftrightarrow \text{Հ} + \text{Ո} + \text{Ի}$ . ինչպես՝ «Ելնողի տեղը կառնին, մեռնողինիկը» (Ա, 317):

զ)  $\text{Ո} + \text{Տ} + (\text{Ենթ.}) + \text{Զ} \longleftrightarrow \text{Ո} + \text{Տ} + \text{Զ}$ . ինչպես՝ «Առաջին նախադասության մեջ մասնական բացահայտիլը նախադաս է կիրառվել, վերջին օրինակում՝ հտադաս» (ԺՀԼ, 3, 218):

է)  $(\text{Ենթ.}) + \text{Ո} + \text{Խ} + \text{Մ} \longleftrightarrow \text{Ո} + \text{Խ} + \text{Մ} + \text{Ե}$ . ինչպես՝ «Նա գիրքը հանձնեց, ինձ, իսկ տեսը՝ Վարդանին» և այլն:

Հանդիպադրական միավորյալ նախադասության մեջ քերականական անհամասեռ հակադրություն արտահայտվում է ամենից առաջ նրա բաղադրիչների՝ տարբեր կազմություն ունենալու դեպքում. ինչպես՝ «Նա ցերեկը եկել էր հոր մոտ և չէր վերադարձել, իսկ այժմ քնել էր բակի մի անկյունում՝ շոր խոտերի վրա...» (ՍԶՀԲ, 366):

Անհամասեռ է նաև միավորյալ նախադասության բաղադրիչների տարբեր անդամների միջև գործառվող հակադրությունը: Ընդսմին, մասնավորապես հանդիպում են անհամասեռ հակադրության հետևյալ կառուցվածքները.

ա)  $\text{Տ} + \text{Ս} + \text{Ժ} + \text{Ժ} \longleftrightarrow \text{Ժ} + \text{Ս} + \text{Մ}$ . ինչպես՝ «Թաղաք էր գնացել դեռ պատանի..., իսկ այժմ վերադառնում էր կնոջ ու աղջկա հետ» (ԱԲ, 1, 97):

բ)  $\text{Ժ} + (\text{Ենթ.}) + \text{Ս} + \text{Ո} + \text{Խ} + \text{Ա} \longleftrightarrow \text{Ժ} + \text{Բ} + \text{Ո} + \text{Խ} + \text{Մ}$ . ինչպես՝ «Առաջ նա դեռ կհամաձայներ ամի բան էլ դրամագլխից բաշխել», իսկ այժմ, Միքայելի վարմունքից հետո, տոկոսն էլ կառնի» (ԱՅՔ, 327):

- գ)  $\Phi\Theta + U\Theta + \zeta + \Pi\Pi \longleftrightarrow \Pi\Pi + \Pi\Pi + \Phi\Theta + \Phi\Theta + U\Theta$ . ինչպես՝ «Անշափ սիրում էի Բաֆֆիի գրվածքները, ընդհակառակն, Սերենցը և Պըռոշյանը միշտ ձանձրությով եմ կարդացել (Ն՞, 9):
- դ)  $(b\bar{v}\beta.) + \Phi\Theta + U\Theta \longleftrightarrow \Phi\Theta + U\Theta + \Pi\Pi$ . ինչպես՝ «Մանուշակը ցերեկը աշխատում է, իսկ երեկոյան օգնում մորը»:
- ե)  $(b\bar{v}\beta.) + U\Theta + \Delta\Theta \longleftrightarrow \Phi\Theta + U\Theta + \Pi + \Pi\Pi$ . ինչպես՝ «Նա աշխատում է բակում, իսկ հետո պետք է ընթերցի օրվա լրագրերը»:
- զ)  $\Pi\Pi + \Phi\Phi \longleftrightarrow \Phi\Theta + \Phi\Phi$ . ինչպես՝ «Բանն արա, հետո պարծեցիր» (Ա, 16):

- է)  $S\Theta + \Phi\Phi \longleftrightarrow \Pi\Pi + \Phi\Phi$ . ինչպես՝ «Գոգիդ նստեմ, միրուքդ փետեմ» (Ա, 28) և այլն:

Միավորյալ նախադասության մեջ հակադրության ուժեղ լինելը, զուգադիր անդամների բառական հականշությունից բացի, պայմանավորված է լինում նաև այլ հանգամանքներով։ Հակադրությունը խիստ ուժեղ է լինում, երբ հանդիպադրված երկրորդ բաղադրիչում գործածվում է ընդհակառակն բառը, կամ երբ նախադասության սկզբում ընդհանուր անդամի գործառությով հանդես են գալիս տեղի և ժամանակի պարագաները, որոնք, բաղադրիչ նախադասությունների կապը շեշտելուց բացի, ընդգծում են զուգադրության՝ տարածական կամ «ժամանակային նույն պլանով կատարվելը» (84, էջ 52)։ ինչպես՝ «Վարդանն անցյալ տարի հետադիմում էր, իսկ այս տարի, ընդհակառակն, ուսման առաջավոր է»։ «Երկու ամսում կոլտնտեսականները ավարտեցին բերքահավաքի աշխատանքները, իսկ անասնակերի հավաքման բնագավառում զգալի հաջողություններ շունեցան»։

Իսկ շաղկապով ու շարահարությամբ կապակցված հանդիպադրական միավորյալ նախադասություններից որոշակիորեն տարբերվում են երե...ապա, ապա, միայն շաղկապներով կապակցված ձևերը։ Երե...ապա զուգադրական շաղկապը հանդիպադրական հարաբերության հշանակությամբ միավորյալ նախադասության մեջ սահմանափակ կիրառություն ունի։ Այդ շաղկապի բաղադրիչներից ամեն մեկը գործածվում է հանդիպադրված բաղադրիչներից յուրաքանչյուրի սկզբում՝ կապակցվող միավորների կապը դարձնելով ավելի սերտ։ Զուգադրված անդամներն ել անմիջապես հաջորդում են երե և ապա շաղկապական բաղադրիչներին։ ինչպես՝ «Երե նա կենցաղային հարցերում թերանում է, ապա հասարակական աշխատանքներում առաջավոր է»։

Ապա շաղկապն իր հակադրության իմաստով մոտ է իսկ-ին, միայն թե գործածվում է հարցական երանգի միավորյալ նախադասություններում։ ինչպես՝ «Վարդանը նրան որ չի սիրում, ապա ո՞ւմ է սիրում»։

Հանդիպադրական հարաբերությունը միավորյալ նախադասության մեջ սակավադեպ արտահայտվում է նաև միայն շաղկապական բառով։ Այս դեպքում հակադրությունը թույլ է արտահայտվում, և հանդիպադրովով երկրորդ բաղադրիչ նախադասությունը առաջին բաղադրիչին «մի հակադրություն ավելացնելով՝ շափակորում կամ սահմանափակում է նրա բովանդակությունը և նրանից սպասած հետևողական առաջն առնում» (Յ, էջ 667)։ Ինչպես «Մենք ողջ և առողջ ենք, միայն քո առողջությունն ենք ուզում»<sup>5</sup> (ՀԹ, 247):

Հաճախ հանդիպադրական հարաբերությամբ միավորյալ նախադասության բաղադրիչների կապակցմանը նպաստում են նաև բառաքերականական որոշ միջոցներ՝ մի կողմից...մյուս կողմից, երբեմն...երբեմն, մեկ...մերը և այլ զուգադրական կապակցություններ, որոնց բաղադրիչները գործածում են հանդիպադրվող եղբերի սկզբում՝ ավելի սերտ դարձնելով կապակցվող միավորների կազմը։ Այս կարգի միավորյալ նախադասությունները կարող են կապակցվել իսկ շաղկապով և շարահարությամբ։ Այսուհետեւ, երբեմն...երբեմն, մեկ...մեկ, մերը...մերը կապակցություններով կազմված միավորյալ նախադասության բաղադրիչները, որոնց հակադրությունը համեմատարար թույլ է լինում, կապվում են նաև ոչ կանոնավոր տարժամանակությամբ։ Օրինակ՝ «Արամը այդ ուշ ժամին մի կողմից շարունակում էր գեղարվեստական երկի ընթերցումը, մյուս կողմից մտածում էր հաջորդ օրվա իր անելիքների մասին»։ «Մերը հրում է նա, մերը՝ խոտում բերում ինձ նման հլու-հնագանդ պատին» (ՊՍ, 1, 124):

Միավորյալ նախադասության մեջ հանդիպադրական հակադրությանը հաճախ զուգակցում են այլ հարաբերություններ՝ ժամանակային, պատճառահետևանքային, զիջական և այլն։ Ավելին, նույնիսկ նույն նախադասության մեջ կարող են արտահայտվել երկուսից ավելի հարաբերություններ։ Այսպես, օրինակ, «Վարդանը սկզբում դժգոհում էր, իսկ այսօր զջում է իր արարքի համար» կառուցվածքում հակադրությանը զուգորդում է տարժամանակային հարաբերությունը։ Ժամանակային հարաբերությունն ավելի ակնառու է արտահայտվում, եթե հանդիպադրվում են բաղադրիչ նախադասությունների ստորոգյալները կամ բարական գերադաս անդամներն իրենց ժամանակի պարագաներով։ Նման կառուցվածքում ավելի հաճախադեպ են ժամանակային հաջորդականությունը և ժամանակի պարագայի գործառույթը ունեցող բառերի յուրատիպ զուգորդումները՝ առաջ...հետո, այսօր...վաղը, երեկ...այսօր

<sup>5</sup> Այստեղ առկա է նաև սահմանափակման երանգը՝ պայմանավորված միայն-ի բառիմաստով։

և այլն. ինչպես՝ «Այսօր նոքա սպանում են իշխան ու նախարար, վաղը սուր կրածրացնեն ինձ վրա, քեզ վրա» (ՄԶՀԲ, 290): «Կանայք շատ անգամ առաջ խղճում են, ինտ սիրում» (ԱՇՔ, 277): Շարահարական այս նախադասությունները կարելի է ըմբռնել նաև իրեւ միավորական հարաբերությամբ կառուցներ<sup>6</sup> (հենց ժամանակային հարաբերությունը պայմանավորված է միավորական հարաբերությամբ), սակայն իշխողը հանդիպադրական հակադրությունն է (Հմմտ. «Այսօր նոքա սպանում են իշխան ու նախարար և վաղը սուր կրածրացնեն ինձ վրա, քեզ վրա» և՝ «Այսօր նոքա սպանում են իշխան ու նախարար, իսկ վաղը սուր կրածրացնեն ինձ վրա, քեզ վրա» և այլն): Միավորյալ նախադասության բաղադրիչների քերականական հարաբերության ըմբռնման այսպիսի երկակիությունը պայմանավորված է շարահարական կապակցության՝ բարդ համադասական նախադասության բաղադրիչների հարաբերություններն ավելի պակաս որոշակիությամբ դրսեվորելու հանգամանքով, ինչպես նաև միենույն նախադասության մեջ տարբեր հարաբերությունների զուգակցմամբ:

#### ՀԱԿԱՍՄԱՆ ՀԱՐԱԲԵՐՈՒԹՅՈՒՆ

Հակասման հարաբերությամբ միավորյալ նախադասությունը ցույց է տալիս միենույն առարկային կամ առարկաներին սպորովիլով այնպիսի հատկանիշներ, որոնք իրար նկատմամբ հակասական են: Այսպես՝ «Նա իր կտակի մեջ քիչ է գրել, բայց շատ է ասել» (ԱՇՔ, 30) նախադասության մեջ առկա է հակասում, անհամապատասխանություն միենույն սուրյեկտի երկու տարբեր գործողությունների (և դրանց հատկանիշների) միջև:

Հակասման հարաբերություն արտահայտող միավորյալ նախադասությունն ունի կառուցվածքային ու իմաստային մի շարք առանձնահատկություններ: Նրա բաղադրիչ նախադասություններից մեկի ստորոգյալը կարող է լինել պարզ, մյուսինը՝ բաղադրյալ. ինչպես՝ «Գանձեց է, բայց երես է տալիս ուսմիկ մարդկանց, ինչ-որ փախստականների» (ՍԽՄՍ, 3, 193):

Երբեմն միավորյալ նախադասության ստորոգյալներից մեկը լինում է հաստատական, իսկ մյուսը՝ ժխտական: Ընդ որում, ժխտական ստո-

<sup>6</sup> Առաջին օրինակում առկա է նաև պայմանի հարաբերություն (Հմմտ. «Եթե այսօր նոքա սպանում են իշխան ու նախարար, ապա վաղը սուր կրածրացնեն ինձ վրա, քեզ վրա»):

<sup>7</sup> Այս հարցի մանրամասն քննությունը տե՛ս 53, էջ 47—53:

բոգյալի՝ առաջին կամ երկրորդ բաղադրիչում հանդես գալը կարևոր է ոչ այնքան կառուցվածքային, որքան իմաստային առումով։ Առաջին բաղադրիչի ստորոգյալը ժխտական լինելու դեպքում այդ բաղադրիչով ժխտվածը հաստատվում է երկրորդ բաղադրիչով, և կամ միևնույն առարկայի (առարկաների) մի հատկանշին հակադրվում է մեկ այլ հատկանիշ։ Նմանապես, երբ ժխտական ստորոգյալը գործածվում է երկրորդ բաղադրիչում, այդ բաղադրիչը սահմանափակում, ժխտում է առաջին բաղադրիչում հաստատական եղանակով հաղորդվածը։ Հմատ. «Ինձ չ' ճանաշում, բայց ինձ հետ սիրով և քնքությամբ է խոսում» (ՆԴ, 255): «Վարդանը նկատեց Ատոմի վիրավորվելը, բայց ցույց շտվեց ոչինչ»։ (ԴԴՎ, 2, 518):

Հակասման հարաբերությամբ միավորյալ նախադասությանը բնորոշ է երկրորդ բաղադրիչում ստորոգյալի զեղչումը, որի մասին վերն արդեն խոսել ենք։

Միավորյալ նախադասության մեջ հակասումը ևս լինում է համասեր ու անհամասեր։ Իհարկե, ժխտման ու հանդիպադրության համեմատությամբ հակասումն ավելի պակաս որոշակիությամբ է դրսեռում հակադրության նման տարրերակումը։ Համասեր է միավորյալ նախադասության բաղադրիչների միենույն անդամների միջև գործառվող հակասությունը։ Այն նույնապես մասնակի է և հիմնականում ունի ստորագական բնույթ, քանի որ տվյալ դեպքում ամենից առաջ հակադրվում են ստորոգյաները կամ բայցական գերադաս անդամները։ Հակադրության եղրերը ավելի հաճախ ունենում են նույն ծավալը. ինչպես՝ «Երեկ որոշեցինք գնալ, բայց այսօր շգնացինք»։

Անհամասեր է միավորյալ նախադասության բաղադրիչների տարրեր անդամների և տարրեր կառուցվածք ունեցող բաղադրիչ նախադասությունների միջև գործառվող հակասումը։ ինչպես՝ «Երկինքներին՝ հեռավո՞ր՝ հեռավո՞ր՝ Դու մանկութեն ժպտացիր-շպտար» (ԵԶ, 1, 103):

Միավորյալ նախադասության կազմում հակասման հարաբերությունը սովորաբար արտահայտվում է բայց, սակայն, բայց և, բայց և այնպիս, սակայն և, և սակայն, ու սակայն, մինչդեռ, այնուամենայնիվ, այսուամենայնիվ, այդուամենայնիվ, այնուամենիեր, այդուամենիեր, միայն, միայն թե հակասման շաղկապներով ու շաղկապական բառերով և շարահարությամբ։ Այս շաղկապներից ամեն մեկը պայմանավորում է միավորյալ նախադասության իմաստային ու կառուցվածքային որոշ յուրահատկություններ։ Դրանցից գործառական առավել մեծ ակտիվությամբ աշքի են ընկնում բայց-ն ու սակայն-ը և դրանցով ու և-ի հարադրությամբ բաղադրված ձևեր՝ բայց և, սակայն և, և սակայն։

Շարահարական կառուցվածքի հակասման միավորյալ նախադասություններն իրենց արտահայտած իմաստային փոխարաբերություններով Հիմնականում համապատասխանում են բայց և սակայն շաղկապներով կապակցվածներին:

Արդ՝ հակասման միավորյալ նախադասության իմաստային առանձնահատկությունների մասին: Այս նախադասության իմաստային ամենաբնորոշ առանձնահատկությունը նրա բաղադրիչների բովանդակությունների անհամապատասխանությունն է, իրար հակասական վիճելք: Առաջին բաղադրիչը նախադասության բովանդակությունը պայմանավորում է երկրորդ բաղադրիչով արտահայտված համապատասխան գործողությունը, որը, սակայն, չի կատարվում և կամ էլ կատարվում է բոլոր հակադիր գործողություն, ինչպես՝ «Մենք բոլորս ծնվում ենք բնածին ազատ գգացմունքներով, բայց ընկնելով այս զառամյալ աշխարհը, ստիպված հարմարվում ենք նրա նեղ վանդակներին» (Էջու, 51):

Հաճախ էլ առաջին բաղադրիչը նախադասությունն աբտահայտում է գործողության կատարման ցանկություն, ձգտում, մտադրություն, իսկ երկրորդը՝ մի երևույթ, իրողություն, որը խոշընդոտում, արգելակում է առաջին գործողության կատարումը կամ էլ պարզապես հակադրվում է նրան: Գործողության արգելակման դեպքում հակասումը վերաբնում է ժխտման: Օրինակներ՝ «Կամեցավ հետ նայել, ձեռք տանելով ծոցի գրանքնը, բայց չկարողացավ շարժվել» (ԱՇՔ, 233): «Նորից փորձեց դլուխը վեր հանել, դարձյալ չկարողացավ» (ԱԲ, 1, 302):

Շատ հաճախ միավորյալ նախադասության մեջ հակասման ընդհանուր իմաստին զուգակցում են իմաստային այլ երանգներ:

1. Այդ երանգներից ամենից առաջ նշելի է զիշական հարաբերությունը (Հմմտ. 17, էջ 587): Սա ավելի ակնառու է արտահայտման, եթե միավորյալ նախադասության առաջին բաղադրիչում նկարագրվում է մի գործողություն, եղելություն, իսկ երկրորդ բաղադրիչում՝ այդ գործողությունից, եղելությունից սպասվող հետևանքին բոլորովին հակառակ գործողություն, եղելություն, այսինքն՝ երկրորդ բաղադրիչի բովանդակությունը հակադրվում է առաջին բաղադրիչի բովանդակությունից սպասվող հետևանքին: ինչպես՝ «Ես հարուստ ծնողների զավակ լեմ, բայց հապարտ եմ...» (ԱՇՔ, 258): «Մերն ուժեղ է մահից, Բայց մահից չի փրկում» (Գէֆթ, 99): Հակասման հարաբերությանը զիշականության իմաստի զուգակցումն է հավաստում այս նախադասությունների՝ զիշական շաղկապներով կապակցված կառուցվածքի փոխակերպման հնարավորությունը: ինչպես՝ «Թեև ես հարուստ ծնողների զավակ լեմ, բայց հպարտ եմ» և այլն:

Զիշական հարաբերությունն ավելի ընդգծված է արտահայտվում՝

բայց և, սակայն և, բայց և այնպես, այնուամենայնիվ, այնումանդեռձ շաղկապներով կազմված կապակցություններում։ Այս գեպքում զիշականության հետ մեկտեղ մասամբ առկա է լինում նաև սահմանափակման թույլ երանգը, ինչպես՝ «Այս միտքը եկավ, բայց և իսկույն թուավնրա գլուխ» (ԴԴՎ, 2, 286)։ «Նա հասկանում էր քեզ, այնուամենայնիվ օգնել չէր ուզում»։

Զիշական հարաբերության իմաստը նվազ շափով առկա է նաև և սակայն, ու սակայն բաղադրյալ շաղկապներով կապակցված միավորյալ նախադասություններում, որոնք կազմվում են հետևյալ ձևով։ Երբ միավորյալ նախադասությունը կապակցվում է տվյալ գեպքում (պայմանավորված բաղադրիչ նախադասությունների ներքին-իմաստային փոխհարաբերություններով) հակադրություն արտահայտող և, ու միավորիչ շաղկապներով, այդ հակադրության իմաստը սաստկացնելու նպատակով նշված շաղկապների հետ գործածվում է սակայն-ը՝ կազմելով և սակայն, ու սակայն շաղկապները։ Այս գեպքում նախադասությունը համատեղում է այդ բաղադրյալ շաղկապների բաղադրիչների միավորական և հակասման իմաստները։ Ինչպես՝ «Բաժակներում ցոլում է հոնի վճիռ ողին Յ՛ սակայն չի ցրում մեր լուսնից ունին, ավաղ...» (ՎԴԱՄ, 58)։ Այսուեղու, առանց սակայն-ի գործածության էլ, միավորական հարաբերության հետ մեկտեղ առկա է զիշականության իմաստը, բայց սակայն-ը ավելի շատ շիշտում է այդ ածանցյալ իմաստը՝ այն դարձնելով նախադասության բաղադրիչների միջև գործառվող հիմնական հարաբերությունը, որով ու սակայն-ը (նաև և սակայն-ը) ստանում է հակասման շաղկապի գործառություն։

Միշակորյալ նախադասությունը զիշական երանգ է ունենում նաև սակայն-ի միշադաս և վերջադաս շարադասության գեպքում<sup>6</sup>։ Ընդ որում, առաջին դեպքում սակայն-ը միշանկալ բարդ գործառություն հանդիս է գալիս առաջին բաղադրիչին կամ նրա որևէ անդամին հակադրված անդամից առաջ և երկու կողմից տրոհվում է ստորակետով, իսկ երկրորդ դեպքում նրան նախորդում է մեծ մասամբ ժխտական ստորոգյալը։ Ինչպես՝ «Հանդիպեցի քեզ, կատարվածի մասին, սակայն, չկարողացա պատմել»։ «Նայում էի անվերջ, չգիտեի սակայն, Քարափնե՞ր են արդյոք, թե՞ ավերված բերդեր...» (ՎԴԱՄ, 55)։ «...պատանությունս վարդից հերձեւ, վազեց կարուտով, չհասավ սակայն» (Ա. ա., 166)։ Առաջին նախադասության մեջ սակայն-ը ունի երկակի նշանակություն։ և հակասման հարաբերություն է արտահայտում, որի հետևանքով այդ նախադասությունը համարժեք է «Հանդիպեցի քեզ, սակայն կատարվածի

մասին չկարողացա պատմել» կառուցվածքին, և միաժամանակ միջանկյալ բառ է:

2. Հակասման միավորյալ նախադասությունը հաճախ էլ ստանում է սահմանափակման երանգ: Վերջինս արտահայտվում է այն դեպքում, երբ երկրորդ բաղադրիչը որևէ մասնավոր երևույթով սահմանափակում է մտցնում առաջին բաղադրիչի բովանդակության մեջ: Սա մասսամբ դառնում է նաև ամբողջի ու մասի հարաբերություն, առաջին բաղադրիչը արտահայտում է ընդհանուր գործողություն, իսկ երկրորդը սահմանափակում, մասնավորում, նաև ճշգրտում է նախորդ մասով հաղորդվածի ընդհանուր իմաստը: Սահմանափակման ճշգրտող նշանակությունը միավորյալ նախադասության երկրորդ բաղադրիչի՝ առաջին մասի բովանդակությունն այս կամ այն տեսակետից ճշտեն է և որոշ վերապահությամբ ընդունելի դարձնելը: Այսպիսի միավորյալ նախադասությունը կապակցվում է սակայն, բայց շաղկապներով և շարահարությամբ: ինչպես՝ «Հաճախ մասնակցում էր մեր խոսակցություններին, զարցերին, սակայն սովորաբար սակավախոս էր» (Աիծ, 369):

Սահմանափակումն ավելի ընդգծված է արտահայտվում, երբ իրը կապակցման բառական միջոցներ հանդիս են գալիս միայն թե շաղկապը և միայն շաղկապական բառը, որոնք տվյալ դեպքում ունենում են «պայմանով որ» նշանակությունը: Օրինակ՝ «Տեր-Հայկազումը կաշվից դուրս էր գալիս, միայն թե ամայության մեջ և մահվան բովում գտնվող իր հոտին ներշնչեր այս պատրանքը» (ՖԿՄՔԹ, 323):

3. Հակասման միավորյալ նախադասության մեջ գործառվող ածանցյալ հարաբերություններից մեկն էլ պայմանի նշանակությունն է: Այս դեպքում հակասումը կապվում է որևէ պայմանի հետ: առաջին բաղադրիչի բովանդակությունը պայմանավորվում է հաջորդի բովանդակությամբ: ինչպես՝ «Շան հետ ընկերացիք, փետք ծեռքիցդ մի՛ գցիր» (Ա, 7): Սակավադեպ պայման արտահայտում է միավորյալ նախադասության առաջին բաղադրիչը: ինչպես՝ «Քիչ բարձի; շուտ դարձի» (Ա, 205):

4. Բայց, սակայն շաղկապներով միավորյալ նախադասության բաղադրիչները կարող են կապվել նաև, այսպես կոչված, փոխհատուցման հարաբերությամբ (Հմմտ. 28, էջ 333): Այդ դեպքում առաջին բաղադրիչը, որի ստորոգյալը հիմնականում ունենում է թեական իմաստ, արտահայտում է ժխտվող կամ երկրայական գործողություն, վիճակ: ինչպես՝ «Եվ մինչև հիմա ուրիշ տեղ չի ասել, բայց մտքից էլ չի հանել» (ԱԲ, 1, 118): Երբեմն էլ փոխհատուցման տեղը բռնում է պարզ փոխարինումը: ինչպես՝ «Եվ լից փախա, արջի ճանկն ընկա» (Ա, 73):

5. Միավորյալ նախադասության մեջ հակասման հարաբերությունը հաճախ արտահայտվում է երկրայության ձևով, երկրայության երանգով:

Հստ այդմ էլ հակասման միավորյալ նախադասությունները կարելի է բաժանել երկու խմբի՝ երկրայական-հավանականություն և երկրայական հարցում արտահայտող միավորյալ նախադասություններ։ Երկրայական-հավանականություն արտահայտող միավորյալ կառուցն ունենում է հավանականության թվացողության երանգ, և նրա երկրորդ բաղադրիչում գործածվում են համապատասխան եղանակավորող բառեր։ ինչպես՝ «Աղջիկը բառեր է որոնում, երևի շի գտնում» (ՎՊՀԲԱ, 118):

Երկրայական-հարցական միավորյալ նախադասության երկրորդ բաղադրիչն ունենում է երկրայությունը շեշտող հարցական երանգ, իսկ ամբողջ նախադասությունը՝ անվանական ստորոգյալ+պարզ ստորոգյալ կառուցվածքը։ ինչպես՝ «Հրավերը պատիվ էր, բայց ինչո՞վ կվերջանար» (ՄԶՀԲ, 331):

6. Հակասման հարաբերությանը հաճախ էլ ուղեկցում է ժամանակային հարաբերությունը։ Այս դեպքում միավորյալ նախադասությունը ցույց է տալիս միևնույն առարկային (առարկաներին) ա) միաժամանակ կամ բ) տարրեր ժամանակներում վերագրվող և հակասման հարաբերության մեջ գտնվող հատկանիշներ։ ինչպես՝ ա) «Փոքրիկ եմ ես բոլորովին, թայց հարուստ եմ իմ ամածունք» (ՀՄՔԸ, 169): բ) «Եսային մի ծանր, խորհրդավոր բան գուշակեց սպարապետի հրամանից, բայց գնաց կատարելու» (ՍԽՄՍ, 3, 50):

Այսպիսով, միավորյալ նախադասության մեջ բուն հակասման հարաբերությանը շատ հաճախ զուգակցում են այլևայլ հարաբերություններ։ Սակայն այդ ամենատարրեր իմաստների մեջ միշտ էլ գերիշխողը հակասման հարաբերությունն է։

#### ՊԱՅՄԱՆԱԿԱՆ ՀԱՐԱԲԵՐՈՒԹՅՈՒՆ

Պայմանաներնակական հարաբերությամբ միավորյալ նախադասությունը ցույց է տալիս միևնույն առարկային կամ առարկաներին ստորագրվող այնպիսի հատկանիշներ, որոնց միջև առկա ներհակությունը գուգակցվում է որոշ պայմանականությամբ։ Այսպես՝ «Պարոն Սենեքի իրմը իր աշակերտին շնկատեց, այլապես կարող էր կանգնեցնել և հարցնել...» (ԽԴՌԿ, 15) նախադասության բաղադրիչները հիմնականում կապված են ներհակական հարաբերությամբ, միայն թե այնքանով, որքանով երկրորդ բաղադրյալ եղրի բովանդակությունը պայմանավորվում է առաջինով, ներհակությանը զուգորդում է պայմանի հարաբերությունը։

Պայմանաներհակական միավորյալ նախադասության բաղադրիչները կապակցվում են հետեւյալ շաղկապներով ու շաղկապական կապակ-

ցություններով՝ երե ոչ, քե չէ, ապա երե ոչ, ապա քե ոչ, այլապես, հակառակ դեպքում, որոնք թեև համանիշ ձևեր են, բայց և այնպես գործառական-ոճական տեսակետից իրարից տարբերվում են: Այդ շաղկապները արտահայտում են միավորյալ (և ոչ միայն միավորյալ) նախադասության բաղադրիչները կապող պայմանի հարաբերությունը, այսինքն՝ դրանց «իմաստային վերաբերությունից որոշակիորեն հասկացվում է պայմանը» (17, էջ 593): Իսկ ընդհանրապես դրանք ունեն զեղչված պայմանի պարագա երկրորդական նախադասության նշանակություն:

Պայմանաներհակական միավորյալ նախադասության մեջ զուգակցում են պայմանի ու հետևանքի հարաբերությունները: Առաջին բաղադրիչի բովանդակությունը դառնում է երկրորդի բովանդակության իրականացման պայմանը, իսկ այս վերջինի բովանդակությունը՝ առաջինի բովանդակության իրականացման հետևանքը: Պայմանի ու հետևանքի զուգակցումը դառնում է յուրատիպ հակադրություն, իսկ տվյալ միավորյալ նախադասությունը՝ այդ ներհակությունն արտահայտող համադասական կապակցություն: Ինչպես՝ «Պետք է շտապինք, եթե ոչ կուշանանք»: «Չննությանը հանդամանորեն նախապատրաստվիր, թի չէ դրական գնահատական շես ստանա: Այս օրինակներում առաջին բաղադրիչն արտահայտում է այնպիսի գործողություն, որի շկատարումը դառնում է երկրորդ բաղադրիչի բովանդակության իրականացման պայմանը: Իսկ այդ առաջին գործողության վերականացման հետևանքը կդառնա երկրորդ բաղադրիչով արտահայտված գործողությունը:

Պայմանավորված բաղադրիչ նախադասությունների ներքին-մտային փոխհարաբերությամբ՝ պայմանաներհակական միավորյալ նախադասությունն արտահայտում է տարբեր նրբերանգներ: Ամենից առաջնրա առաջին բաղադրիչն արտահայտում է այնպիսի գործողություն, եղելություն, որի շկատարումը դառնում է պայման երկրորդ բաղադրիչի անցանկալի գործողության, եղելության կատարման համար (Հմտ. 17, էջ 594): Այս դեպքում բոլոր բաղադրիչներն ունենում են հաստատական ստորոտյալ: Ինչպես՝ «Պետք է պայքարեք արտադրության որակի բարձրացման համար, այլապես ետ կմնաք մյուս արտադրական ձեռնարկություններից»:

Երբեմն էլ միավորյալ նախադասության առաջին բաղադրիչն արտահայտում է այնպիսի գործողություն, եղելություն, որի, իբրև պայմանի, շկատարումը սպասելի է դարձնում երկրորդ բաղադրիչի գործողության շկատարումը, եղելության բացառումը (Հմտ. 17, էջ 594): Նման կառուցում, որպես կանոն, երկրորդ բաղադրիչի ստորոտյալը լինում է ժխտական: Ինչպես՝ «Սերորն ու Վարդանը շտապում են, հակառակ դեպքում գնացքին շեն հասնի»:

Տրոնական հարաբերությամբ միավորյալ նախադասությունը ցույց է տալիս միենայն առարկային կամ առարկաներին ստորոգվող նատկանիշներից մեկի նեարավոր կամ իրական դիտվելը: Օդինակ՝ «Ես կա՛մ պետք է սովորեմ համարարանում, կա՛մ պետք է հրաժարվեմ սովորելու ցանկությունից»: Այստեղ հնարավոր է համարվում երկու գործողություններից միայն մեկը:

Տրոհական միավորյալ նախադասություններն ունեն կառուցվածքային ու իմաստային մի շարք առանձնահատկություններ: Դրանք ևս հիմնականում ունեն երկանդամ կառուցվածք: Անգամ երկուսից ավելի բաղադրիչ նախադասություններից կազմված լինելու գեպքում էլ միավորյալ նսխաւասությունը բաժանվում է տրոհական հարաբերությամբ կապված երկու անդամի կամ եզրի: Ավելի հաճախ բաղադրյալ է լինում միավորյալ նախադասության առաջին եղրը: Ինչպես՝ «Ումանք ստեղծած թերվում էին և փակ դռների բանալիի անցնով նայում մահամեռձի սենյակը կամ ականջ էին դեռում եզնելով մի քան անսենել կամ լսել» (ԱԾՔ, 6): Այստեղ տրոհական հարաբերությունը հիմնականում գործառվում է ընդգծված կից բաղադրիչ նախադասությունների միջև երբեմն էլ բաղադրյալ, այդ թվում ստորադասական, կազմություն է ունենում տրոհական միավորյալ նախադասության երկրորդ բաղադրիչը: Ինչպես՝ «Կա՛մ պետք է ժամանակին վճարեք, կա՛մ, եթե չեք կարող, դատարկեք սենյակը» (ՆԴ, 141):

Հնարավոր է նաև տրոհական միավորյալ նախադասության երկու եզրերի բաղադրյալ լինելը: Այսպիսի կառուցվածքները բաժանվում են մի քանի ենթախմբի.

ա) բուն միավորական հարաբերությամբ կապված բաղադրիչներից կազմված նախադասություններ, որոնցում զուգակցում են միավորական ու տրոհական հարաբերությունները: Ինչպես՝ «Իսկ կճշակավորներին, հատկապես եղնիկներին ու եղջերուներին, քշում են դեպի սառած գետերը (1), սառուցի վրա ճղատում (2) ու վրա թափում (3) [I] կամ քշում են դեպի բարձր ժայռերը (4), ժայռերից թոցնում (5) ու իշնում ներքեւ լափում» (6) [II] (ՀԹ, 319): Այստեղ 1—3-րդ և 4—6-րդ բաղադրիչների նախադասությունները իրար հետ կապված են միավորական, իսկ այդ երկու միավորական խմբերը միմյանց հետ՝ տրոհական հարաբերությամբ: Ինչպես տեսնում ենք, 1—3-րդ և 4—6-րդ բաղադրիչների նախադասությունները դառնում են ամբողջ նախադասության անմիջա-

9 Այս կառուցիցի համակողմանի քննությունը տե՛ս 54, էջ 40—51:

կան կազմիչները, որոնց միջև գործառվող տրոհական հարաբերությունը նույն կառուցվածքում առկա միավորական հարաբերության համեմատովթյամբ ավելի բարձր աստիճան է:

բ) Նախադասություններ, որոնց եզրերից ամեն մեկն առանձին բարդ ստորադասական նախադասությունն է: Ստորադասական հարաբերությունը այս կառուցվածքում հանդես է գալիս իրեն ստորին օղակ՝ ինչպես՝ «նա կդառնա Երեան» (1), որպեսզի հանդիպի եղբորը (2) [I], կամ կմեկնի Կիև (3), որովհետեւ այնտեղ էլ անելիք ունի» (4) [II]:

Այսպիսով, քննված օրինակների՝ բաղադրյալ կազմությունը ունեցող բաղադրիչները թեև առանձին վերցրած բարդ համադասական կամ բարդ ստորադասական նախադասություններ են, բայց դրանցից ամեն մեկը կազմում է մեկ ամբողջություն և տրոհական հարաբերությամբ կապվում մյուս եզրի հետ: Հետևաբար տրոհական միավորյալ նախադասությունն էլ հիմնականում երկանդամ է և ունի փակ կառուցվածք<sup>10</sup>:

Տրոհական հարաբերությամբ միավորյալ նախադասությունը կապակցվում է կամ, կամ թե, և կամ, և կամ թե, կամ էլ, և կամ թե չէ, թե շաղկապներով ու շարահարությամբ: Միավորյալ նախադասության իմաստային ու կառուցվածքային տարրեր յուրահատկություններ պայմանավորող այդ շաղկապներից գործառական ամենամեծ ակտիվությունն էլ կամ-ը, իսկ ամենաքիչը՝ թե-ն:

Հարահարական կառուցվածքի տրոհական միավորյալ նախադասությունները, որ սակավ են հանդիպում, հիմնականում լինում են հարցական երանգի և համապատասխանում են նույն նախադասությունների թե-ով կապակցված տարրերակին:

Տրոհական միավորյալ նախադասության առանձնահատկություններից մեկն էլ երկրորդ բաղադրիչ նախադասության ստորոգլալի կամ բարյական գերադաս անդամի զեղչումն է: Այս մասին վերն արդեն խոսել ենք:

Արդ՝ քննության առնենք տրոհական՝ միավորյալ նախադասության իմաստային առանձնահատկությունները: Բարդ համադասական (այդ թվում և միավորյալ) նախադասության կազմում գործառվող տրոհական հարաբերությունը միատարր չէ: Պրոֆ. Ս. Գ. Աբրահամյանը տարրերակում է բարդ համադասական կապակցության մեջ արտահայտվող տրոհական հարաբերության հետևյալ տեսակները՝ ընդհանուր կամ բացառական, մասնակի-իրադրական, բնութագրական, հարցական, երկրայական (տե՛ս 17, էջ 595—598), որոնք հալասարապես բնորոշ են նաև

10 Բացառական է կազմում միայն կամ...կամ...կամ կրկնադիր շաղկապով կապակցված միավորյալ նախադասությունը, որն ունի բաց կառուցվածք:

միավորյալ նախադասությանը՝ որոշ առանձնահատկություններով հանգեցրած:

Միավորյալ նախադասության մեջ ամենից առաջ պետք է տարբերակի ընդնանուր և մասնակի-իրադրական արոհումները: Ընդհանուր տրոհումը այս կառուցվածքում բնորոշվում է բազաղբեկ նախադասություններից մեկի բովանդակության լրիվ բացառումով և մյուսի «բովանդակության իրական լինելու հնարավորության նշումով» (17. էջ 955): Ակնբախ է, որ նման տրոհական հարաբերությունն ամենից առաջ ունի ստորոգական բնույթ, քանի որ այն ավելի շատ արտահայտվում է ստորոգայնների կամ բայական գերադաս անդամների միջև. ինչպես՝ «Դնացեք կամ մնացեք»: «Յերե՞լ, թե՞ թողնել»:

Ստորոգային տրոհումը արտահայտվում է ոչ միատեսակ՝ պայմանավորված միավորյալ նախադասության ստորոգյալների արտահայտությամբ: Պարզ և անվանական բաղադրյալ ստորոգյալների միջև տրոհական հարաբերությունը արտահայտվում է սովորական ձևով (տե՛ս վերևի օրինակները): Քննվող հարաբերությունն այլ յուրահատկությամբ է գրսեվորվում միավորյալ նախադասության՝ ընդհանուր եղանակիշ ունեցող բայական բաղադրյալ ստորոգյալների միջև: Այստեղ առաջին բաղադրիչը նախադասության ստորոգյալի եղանակիշ բայց հաջորդ բաղադրիչում կամ բաղադրիչներում, բնականարար, չոմի տրոհության եզր, և ստորոգային տրոհումն արտահայտվում է գերբայական ձևերի միջև, ուստի այն կարելի է դիտել որպես մասնակի ստորոգային տրոնում: Օրինակ՝ «Շնորհ էինք մեզ հետ տանել կամ նորից մի կերպ նստեցնել ավանակին և լեռը բարձրանալ» (ԽԴԲԱ, 266):

Մասնավոր մասնակին սրբ ոճական նկատառումով շեշտվում են միավորյալ նախադասության բաղադրյալ ստորոգյալների գերբայական բաղադրիչները, կա՛մ...կա՛մ կրկնազիր շաղկապի առաջին բաղադրիչը առաջադաս բաղադրիչ նախադասության մեջ գործածվում է եղանակիշ բայց հետո, նրա ու անորոշ գերբայի միջև. ինչպես՝ «Վճռել էր կա՛մ մահապատճի արժանանալ, կա՛մ ընկնել ուղամաձակառ» (Ս. Խանը.)

Երբ միավորյալ նախադասության ստորոգյալները կամ բայական գերադաս անդամները լինում են հականիշ բառեր, ստորոգային տրոհումն ունենում է հակադրության բնույթ: Այս դեպքում ամբողջ նախադասությունը ցույց է տալիս միևնույն առարկային կամ առարկաներին ստորոգվող ներհակ հատկանիշներից մեկի հնարավոր լինելը, այսինքն՝ բաղադրիչ նախադասությունները կապվում են բացառման հարաբերությամբ. օրինակ՝ «Դարերի ընթացքում զանազան բաղադրական հանգամանքների պատճառով նրանց թիվը կա՛մ ավելանում էր, կա՛մ պակասում էր» (ԲՍ, 173):

Հակադրությունը համեմատաբար թուղանում է, երբ գործառվում են խոսքային հականշություն կազմող ստորոգյալներ. ինչպես՝ «Կա՛մ նիմաք է, կա՛մ շատ խորամանկ ու նենգ» (ՀՔ, 1, 384): «Կա՛մ թող ներս գան և կա՛մ նեռանան» (ԽԴՌԿ, 136):

Միավորյալ նախադասության մեջ ընդհանուր կամ բացարձակ տրուցումը ստորոգային միավորներից (ստորոգյալներ, գերադաս անդամներ) բացի ներառում է բաղադրիչ նախադասությունների նաև մյուս անդամները: Այնուհետեւ այն գրեթե միշտ կենտրոնանում է ստորոգային միավորների միջն. ինչպես՝ «Կա՛մ այս ծայրից մի հարվածով մենք նրանցից առաջ կընկնենք, կա՛մ պոչում կմնանք» (ԴԴՎ, 2, 412):

Միավորյալ նախադասության մեջ ևս «մասնակի-իրադրական տրուցումը այն երևույթն է, երբ տրոհումը ոչ թե բացարձակ է, այլ միայն տվյալ համադաս նախադասությունում ներկայացվող այս կամ այն երևույթի, գործողության տեսակետից» (17, էջ 596): Այս տրոհումը միավորյալ նախադասության մեջ արտահայտվում է մասնավորապես այն դեպքում, երբ նրա բաղադրիչները շեն բացառում իրար, այլ, ընդհակառակն, երկուսի բովանդակություն էլ իրական է, հնարավոր, և «հարցին ընդհանուր ձևով մոտենալու դեպքում դրանք կարելի է կապակցել նույնիսկ միավորական շաղկապներով» (17, էջ 597): Օրինակ՝ «Կուշ էր գալիս խըղճալի Օջախի շուրջ օտարի Կամ թափառում մենակ Մեր հանդերում շարունակ» (ՀԹ, 148): «Դարձյալ հոր կողքով վագում կամ առաջն էր ընկնում» (ն. տ., 261): Այս օրինակների բոլոր գործողությունները իրական են ու հնարավոր: Եվ քանի որ տրոհումն այդ նախադասություններում ըմբռնվում է միայն տվյալ պահի ու տվյալ գործողության տեսակետից, ուստի դրանցում առկա է նաև տարժամանակության հարաբերությունը:

Տրոհական միավորյալ նախադասության մեջ գերիշխողը բացառման հարաբերությունն է, քանի որ այս կառուցվածքի ամենատարբեր իմաստների մեջ հիմնականը ստորոգային հատկանիշներից մեկի իրական, հնարավոր լինելն է և մյուսի բացառումը: Նման միավորյալ նախադասությունը կապակցվում է մեծ մասամբ կամ-ով և հանդիպում է գործառական տարբեր ոճերում: ինչպես՝ «Սակայն հոգին իր՝ հավիտյան խուզ եղլ պայքարին այդ աշխարհաշեն՝ Քաշվում էր մեծն իր, ինչպես խխունց, կամ տրորվում էր, ինչպես տաշեղ» (ԵԶԾ, 384):

Բացառման հարաբերությունն ավելի ընդգծված է արտահայտվում միավորյալ նախադասության բաղադրիչների սկզբում կամ շաղկապի կրկնությամբ, Ընդսմին, կամ-ի՝ երկու կամ ավելի անդամ կրկնվելը պայմանավորված է տրոհվող միավորների՝ բաղադրիչ նախադասությունների քանակով: Թվարկվող վերջին կամ-ից առաջ հաճախ գոր-

ժամանակում է և միավորից՝ կազմելով կամ...և կամ, կամ...կամ...և կամ շաղկապական կապակցությունները: Այսուհետև, վերջին և կամ-ը, որ սահմանափակում է թվարկվող շարքը, երբեմն ստանում է ել միավորիշ շաղկապը, որով տրոհական հարաբերությունն ավելի է շեշտվում: Օրինակներ՝ «Նամակը կամ պիտի ավերեր որդու առողջությունը, կամ պիտի գումբեր նրա մահը» (ԲՍ, 461), «Պատմությունն անելիս պապս միշտ կամ շահել օրերին էր երանի տալիս, կամ ել առանձին շեշտով խոսքը վերջացնում» (ԱԲ, 1, 209):

Ինչպես տեսնում ենք, միավորյալ նախադասության մեջ կամ-ը, որպես կանոն, կրկնվում է ստորոգյալներից (ու նրանց լրացումներից), իրեւ բարդ նախադասության բաղադրիչն անխադասություններից, առաջ: Մակավագեակ էլ, երբ խոսողի (գրողի) նպատակն է լինում շեշտել միավորյալ նախադասության երկրորդ բաղադրիչի հետ առաջին բաղադրիչի ստորոգյալի որևէ լրացման ունեցած բաժանական հարաբերությունը, բաժանականությունը հիմնականում գործառվում է առաջին բաղադրիչի նախադասության տվյալ լրացման և երկրորդ բաղադրիչի նախադասության ստորոգյալի ու նրա լրացումների միջև, և կամ-ը առաջին բաղադրիչի նախադասության ստորոգյալի ու նրա լրացման միջև. ինչպես՝ «Զանադան գաղտնի անցքեր, ստորերկրյա ճանապարհներով, իջնում էին ամրոցի բարձրությունից կամ դեպի գետը՝ պաշարման ժամանակ ջուր ստանալու համար, և կամ տանում էին դեպի անտառի խոր-ներ՝ զրափի հետ գուղտնի խորհրդակցություն ունենալու համար» (ԲՍ, 24):

Հաճախ էլ միավորյալ (և ոչ միայն միավորյալ) նախադասության մեջ կամ...կամ կրկնագիր շաղկապի վերջին բաղադրիչին համելվում են ընդհանուր կապակցությունը տարբեր նրբերաններով հարստացնող թե, թե չէ բաղադրիչները՝ կազմելով կամ...կամ թե, կամ...կամ թե չէ բաղադրյալ, ձեւերը: Այս դեպքում բացառման հարաբերությունը զգալապես թուլանում է՝ փոխարկվելով թվարկման, հնարավորության, ընտրության երանգներով: Օրինակ՝ «Երկուսից մինը, կամ կհաղթիմ, կամ թե իմ խմբով իսպառ կջնջվեմ» (ՄԴՄ, 288): «Դու կամ պետք է սովորե, կամ թե չէ պետք է աշխատես: Ինչպես երկում է, այս օրինակներում տրոհական հարաբերությանը զուգակցում է պայմաններհակական հարաբերության որոշ տարրը: Վերջինս ավելի շատ արտահայտվում է երկրորդ նախադասության մեջ՝ պայմանավորված թե չէ շաղկապական բաղադրիչով:

Ուսումնասիրությունները ցույց են տալիս, որ տրոհական միավորյալ նախադասությունները, բացառումից բացի, արտահայտում են նաև այլ հարաբերություններ (իհարկե, ոչ միանույն հաճախականությամբ):

1. Այդ տարբեր իմաստներից ամենից առաջ նշելի է միավորական հարաբերությունը: Այն դեպքում, եթե քերականական տրոհումը ըմբռնվում է որպես նույնականություն, համասեռություն, բացառման նշանակությունը մեղմանում է և մոտենում միավորական հարաբերությանը, իսկ տրոհական շաղկապը տվյալ կառուցվածքում կարող է փոխարկվել միավորիչ շաղկապով: Հմմտ. «Խաղաղության օրերին նույնպես ժողովական սովորական հանդիսատես չէ կամ սառը արձանագրող» (ՎՊՀԲԱ, 7): «Խաղաղության օրերին նույնպես ժողովական սովորական հանդիսատես չէ և ոչ ել սառը արձանագրող»:

Եթե ստորոգայաները լինում են իմաստով մոտ բառեր, քերականական տրոհումը, բաժանումն ըմբռնվում է իրեն նույնականություն: Ինչպես՝ «Իրերը արվում կամ ուղարկվում են երեսի կենտրոնական հանրախանութիւն կողմից...» (ՍՀ, 25. 11. 1978 թ., 4):

Միավորական հարաբերության բնույթ ունեցող տրոհական միավորյալ նախադասությունը ավելի հաճախ արտահայտում է թվարկում, որն իր հերթին միատարր չէ և ստանում է տարբեր դրսերումներ: Թվարկում արտահայտող միավորյալ նախադասության բոլոր գործողությունները տեղի են ունենում, և դրանցից մեկի ընդունելի լինելը «այլևս չի հնարագրում մյուսի ժխտումը» (ՅՅ, էջ 162): Ընդհակառակն, միավորյալ նախադասության բաղադրիչները փոխադարձաբար լրացնում են իրար, և իրոխադարձ բացառման իմաստն ել փոխադիվում է թվարկման: Պրոֆ. Վ. Առաքելյանը գրում է. «Կամ շաղկապը արտահայտում է նաև թվարկման հարաբերություն, այսինքն՝ համադասության մեկ կամ մյուս մասի առանձին նախադասությունների մեջ հաղորդված գործողությունները իրար չեն բացառում, այլ թե՛ մեկն է տեղի ունենում, թե՛ մյուսը...» (ՅՅ, էջ 347): Նման միավորյալ նախադասությունները կապակցվում են հիմնականում և կամ-ով, սակավագեպ էլ կամ-ով: Ընդ որում, և կամ-ով կապակցվելիս տրոհական հարաբերությունը ավելի շատ ձևական է լինում, և, ընդհակառակն, գերակշռում է և-ի միավորական հարաբերության իմաստը: Ինչպես՝ «Շատերն էլ խմբվել էին քաղաքից դուրս գտնվող պատնեշների շուրջը և կամ բարձրացել հանդիպակաց բլուրների վրա՝ անցնող զորահանդեսը ավելի լավ դիտելու համար» (ՄԳՄ, 453): Այս նախադասությունը հեշտությամբ փոխակերպվում է և (ու)-ով կապակցված տարբերակի: «Շատերն էլ խմբվել էին քաղաքից դուրս գտնվող պատնեշների շուրջը և բարձրացել հանդիպակաց բլուրների վրա...»: Այս և նախորդ միավորյալ նախադասությունները բովանդակությամբ նույնն են, իսկ քերականական կառուցվածքով՝ տարբեր առաջինը տրոհական հարաբերությամբ է, իսկ երկրորդը՝ միավորական:

Բավարկում արտահայտող միավորյալ նախադասության բաղադրիչների միջև գործառվող իմաստային կապերից ամենաբնորոշը ժամանակային հարաբերությունն է, որը, ինչպես միշտ, ունենում է երկու դրսելում՝ համաժամանակություն և տարժամանակություն։ Ավելացնենք, որ ժամանակային հարաբերությունը, իրեկ լրացուցիչ իմաստային երանգ, երբեմն առկա է լինում նաև բացառման հարաբերության դեպքում։ Ընդումին, միշտ էլ ավելի հաճախադեպը համաժամանակությունն է, որն արտահայտվում է բայական երեք ժամանակներով էլ։ Բաղադրիչ նախադասությունների բայ-ստորոգյալները դրսելու վում են մինույն ժամանակաձևով (լիակատար համաժամանակություն) կամ մինույն ընդհանուր ժամանակի տարրեր ժամանակաձևերով (մասնակի համաժամանակություն), իսկ անվանական ստորոգյալներն ունենում են քերականական մինույն ժամանակն ունեցող հանգույց։ Ինչպես՝ «Իրեղեն ապացուցները պահվում են գործում կամ հատուկ ցուցակով հանձնվում են դատարանի՝ իրեղեն ապացուցների պահպանովիցյան սենյակ» (ՔԴՕ, 29): «Կամ գնացել է, կամ հրաժարվել է գնալուց»։

Տարժամանակությունը տրոհական միավորյալ նախադասության մեջ գործառվում է, երբ նրա բաղադրիչների արտահայտած բոլոր իրողություններն էլ իրական են համարվում։ Ընդ որում, տվյալ դեպքում տարժամանակությունն արտահայտվում է գործողությունների թե՛ հաջորդմամբ և թե՛ նախորդմամբ։ Գործողությունների հաջորդումն արտահայտվում է բայ-ստորոգյալների ինչպես տարրեր, այնպես էլ մինույն ժամանակով։ օրինակ՝ «Այսուհետև կամ միասին ոտքով էինք գնում, կամ հերթով էինք ձի նստում» (ՀԹ, 333)։ Տարժամանակության հարաբերությունն ավելի ակնառու է արտահայտվում, երբ ստորոգյալների գործառույթով հանդես են՝ գալիս մինույն բայի անցյալի ու ներկայի, ներկայի ու ապառնու ձևերը։ Ինչպես՝ «Նա կամ հիմա է գալիս, կամ կգա վաղը»։ Տարժամանակությունը սակավադեպ էլ երևան է գալիս նկարազրկած գործողությունների նախորդմամբ՝ արտահայտվելով ստորոգյալների գործառույթով հանդես եկող մինույն բայի ներկայի ու անցյալի կամ ապառնու ու ներկայի ձևերով։ «...Մեր գրականության նախապատրաստական շրջանը անցնում է կամ անցել է» (ՎՏ, 2, 275)։

2. Տրոհական միավորյալ նախադասությունը կամ թե չէ, կամ... կամ թե չէ բաղադրյալ շաղկապներով կապակցվելու դեպքում ունենում է պայմանաներհակական հարաբերության որոշ երանգ։ Ընդումին, տվյալ դեպքում նախադասությանն այդ երանգը հաղորդում է նշված շաղկապների թե չէ բաղադրիչը (Հմմտ. 10, էջ 446)։ Այսպիսի կառուցվածքներում առաջին բաղադրիչի գործողության շկատարումը դառնում է հաջորդ

բաղադրիչի գործողության կատարման պայմանը. ինչպես՝ «ԱՌՄ լավ սովորիր, կամ քե չէ դուրս կմնաս ինստիտուտից»:

3. Տրոհական միավորյալ նախադասությունը երբեմն էլ արտահայտում է փոխարինման կամ փոխանորդման հարաբերություն (Հմտ. 28, էջ 346): Այս դեպքում երկրորդ բաղադրիչի գործողությունը կարող է փոխարինել նախորդ բաղադրիչի գործողությանը: Այսպիսի միավորյալ նախադասությունները մոտենում են թվարկում արտահայտող կառուցցներին՝ կապակցվելով կամ, կամ...կամ, քե շաղկապներով. ինչպես՝ «Երկի կշարունակի հին կյանքը կամ նույնպես կթափառի երկրեներկիր...» (ՎՈՀԲԱ, 112):

4. Այս կառուցվածքի միավորյալ նախադասությունը երբեմն էլ արտահայտում է մեկնական հարաբերություն, երբ երկրորդ բաղադրիչը ճշտում է առաջին բաղադրիչի բովանդակությունը՝ դառնալով նրա մեկնությունը: Մեկնուացը շատ ավելի ակնառու է արտահայտվում, երբ արտահական շաղկապին հաջորդում են ավելի նիշտ ասած, ավելի նիշտ, այլ կերպ ասած, ուրիշ խոսքով, ուրիշ բառերով ասած և այլ արտահայտություններ, որոնք լրացրուցիլ երանգներ են հաղորդում ամբողջ նախադասությանը: Պրոֆ. Ս. Գ. Աբրահամյանը բարդ համադասական նախադասության մեջ գործառվող նման հարաբերությունը դիտում է արտահայտական կամ բնութագրական տրոհում (տե՛ս 17, էջ 397): Հետեւ լով նրան՝ մենք այս կարգի միավորյալ նախադասություններն անվանում ենք բնութագրական տրոհմամբ միավորյալ հախադասություններ: Օրինակներ՝ «Մի քանի րոպեից հետո այլևս չեմ լինի կամ, այլ խոսքով ասած, կլինեմ գալիք անդրյության մեջ» (ՆԴ): Այդ բանը չէ տեսնում կամ, ավելի նիշտն ասած, շտեմնելուն էի տալիս (ն. տ.)<sup>11</sup>: Առաջին նախադասության բաղադրիչները իրենց նշանակությամբ համարյա նույնանում են, և ընդգծված այլ խոսքով ասած կապակցությունը ավելի է շեշտում կամ-ի մեկնական իմաստը, ուստի կամ-ը տվյալ դեպքում ստանում է այսինքն շաղկապի իմաստը, և ամբողջ նախադասությունն էլ կարող է փոխակերպվել այսինքն-ով տարբերակի: «Մի քանի րոպեից հետո այլևս չեմ լինի, այսինքն՝ կլինեմ գալիք անդրյության մեջ»:

Մեկնական հարաբերությունն ավելի ընդգծված է արտահայտվում մասնակի շարահարությամբ այն տրոհական միավորյալ նախադասության մեջ, որի առաջին բաղադրիչը, դուրս լինելով տրոհության ծիրից, արտահայտում է ընդհանուր գործողություն, վիճակ, որին հաջորդում են նրա բովանդակությունը մեկնող և տրոհական հարաբերությամբ կապ-

11 Օրինակները բաղել ենք «Հայոց լեզուա աշխատառությունից» (Հ. Բ. Աբրահամյան, 1975., էջ 345):

ված բաղադրիչները։ Նման մեկնական հարաբերությունը մասամբ դառնում է նաև ամբողջի ու մասերի հարաբերություն։ առաջին բաղադրիչը ներկայացնում է ընդհանուրը, ամբողջը, իսկ տրոհական հարաբերությամբ կապված բաղադրիչները մեկնում են այդ ամբողջի մասնավոր դրսերումները։ Առաջին բաղադրիչից հետո տրվող դադարը լինում է ավելի տեսական, որը գրավոր խոսքում արտահայտվում է միշակետով։ Այսպես՝ «նա կատարել է իր սպառնալիքը. կամ ծովն է ընկել, կամ պարանով խեղդվել, կամ ուղղվերով իրեն սպանել» (ԱՇՔ, 236—237) նախադասության մեկնական հարաբերությունը հաստատվում է առաջին բաղադրիչից հետո այսինքն, այն է մեկնական կամ բացահայտման շաղկապների «էլերականգնման» հնարավորությամբ։ «Նա կատարել է իր սպառնալիքը, այսինքն (այն է)՝ կամ ծովն է ընկել, կամ պարանով խեղդվել, կամ ուղղվերով իրեն սպանել»։

5. Տրոհական միավորյալ նախադասությունները կարող են ունենալ նաև հարցական ու երկրայական երանգներ՝ կապակցվելով թե շաղկապով, սակավադեպ էլ շարահարությամբ։ Ինչ խոսք, ավելի հաճախադեպը հարցում արտահայտելու է։ Նման միավորյալ նախադասության մեջ բացառման հարաբերությունը ուղիղ համեմատական է հարցական երանգին. որքան ուժեղ է «հարցական առողջանությունը, այնքան ընդգծվում է կապակցվող մասերի փոխադարձ բացառման հարաբերությունը» (38, էջ 166). Հարցական միավորյալ նախադասության առաջին բաղադրիչում հարցումը ընկնում է ստորոգլալի, իսկ երկրորդ բաղադրիչում՝ թե-ի վրա։ Այնուհետև, առաջին բաղադրիչից հարցումը ավելի է ընդգծվում շրջուն շարադասությամբ. ինչպես՝ «կա՞ց էր դա, թե՞ անհեծ» (ԴԴՎ, 2, 288):

Ավելացնենք նաև, որ «թե շաղկապով սկսվող համադասության երկրորդ մասը կարող է համադասել իրենից առաջ գտնվող ոչ միայն մի, այլև երկու կամ ավելի նախադասություններ. այս դեպքում համադասության առաջին մասում գտնվող հարցական նախադասությունները թվարկվում են առանց շաղկապի, իսկ հաջորդ թե շաղկապով նախադասությունը հավասար կերպով բացառում է երկուսն էլ և ավարտում թվարկումը» (28, էջ 349). ինչպես՝ «Կգնա՞» արդյոք հայրենիք, կհանդիպի՞ հարազատներին, թե՞ կտառապի կարուտից»։ Նման միավորյալ նախադասությունը լինում է նաև միակազմ. ինչպես՝ «Հանդիպե՞լ նրան, պատմե՞լ դեպքի մասին, թե՞ առաջմ հետաձգել հանդիպումը»։

Հաճախ հարցական երանգ է ունենում միավորյալ նախադասության միայն առաջին բաղադրիչը. ինչպես՝ «Նրան օգնե՞լ, թե թողնել անօդնական»։ Նման հարցումը կարող է ընկնել նաև որևէ լրացման վրա։ Այս դեպքում հարցումը երկու բաղադրիչներում էլ թուղանում է. ինչպես՝

«Ալադին Միսակին ուղարկեմ մշեցի Տիգրանին օգնության՝ Հեղինեին երգով՝ կախցնելու վան, թե նրան առաքեմ Արտոնք» (ԽԴԸԿ, 272):

Երկբայական եղանակավորող բառերի գործածության դեպքում քեզ-ով կապակցված միավորյալ նախադասությունն ստանում է երկբայության երանգ: Ընդ որում, այդ բառերը առաջին բաղադրիչում գործածվելու դեպքում երկբայությունը տարածվում է ամբողջ նախադասության, իսկ երկրորդ բաղադրիչում արտահայտվելու դեպքում՝ միայն այդ բաղադրիչի վրա: Հմմտ. «Վարդանն ու Դավիթը երևի կօգնեն մեզ, թե չեն օգնի»: «Վարդանն ու Դավիթը կօգնեն մեզ, թե երևի չեն օգնի»:

Հաճախ միևնույն միավորյալ նախադասության երկու բաղադրիչներում էլ միաժամանակ գործածվում են երկբայական եղանակավորող բառեր՝ ավելի շեշտելով երկբայությունը: Այսպիսի կառուցվածքները բաժանում ենք երկու ենթախմբի.

ա) Միատարր երկբայությամբ միավորյալ նախադասություններ, որոնց բոլոր բաղադրիչներում էլ գործածվում են երկբայության միևնույն իմաստային երանգն արտահայտող եղանակավորող բառեր. ինչպես՝ «...Մի՞քե ուզում է Շուշանիկի հանդուզն երկակայության վրա սառը ջուր ածել կամ գո՞ւցե վճռել է ազատություն տալ իր եղբորը» (ԱՇՔ, 268—269): Ընդգծված երկու բառերն էլ երկբայական-հարցական եղանակավորող բառեր են:

բ) Անմիատարր երկբայությամբ միավորյալ նախադասություններ, որոնցում զուգակցում են երկբայության տարբեր ձեեր՝ հարցման երկբայությունն ու հավանականության երկբայությունը և այլն. ինչպես՝ «Երևի կպատմի դեպքի մասին կամ շինի՞ քե որոշել է ամեն ինչ թաքցնեաւ»:

Ավելացնենք, որ հայ (ոչ միայն հայ) քերականագիտության մեջ տրոհական հարաբերությամբ բարդ համադասական նախադասությունները հաճախ չեն սահմանափակվում վերը նշված շաղկապներով ու շարահարությամբ կապակցված կառուցվածքներով: Տրոհական շաղկապներ են դիտվում նաև այլ բառեր, և, հետևաբար, դրանցով կազմված նախադասություններն էլ՝ տրոհական հարաբերությամբ բարդ համադասական նախադասություններ: Այսպես՝ Հար. Թումանյանը տրոհական շաղկապ է դիտում նաև մերք...մերք-ը (տե՛ս 46, էջ 51), պրոֆ. Վ. Առաքելյանն ու դոցենտ. Գ. Դարեգինյանը՝ մերք...մերք-ն ու մեկ...մեկ-ը (տե՛ս 28, էջ 352—353, 38, էջ 168—171): Ժամանակակից ուսու քերականագիտության մեջ նույնպես մերք...մերք-ը և մեկ...մեկ-ը դիտվում են տրոհական շաղկապներ (տե՛ս 123, էջ 289, 432, 128, էջ 142—143, 164, էջ 324, 134, էջ 243—246):

Մենք համամիտ շենք այս բառերը տրոհական շաղկապներ, իսկ դրանցով կազմված (ու իրենց կազմում շաղկապներ չունեցող) նախադասությունները տրոհական հարաբերությամբ բարդ համադասական (այդ թվում և միավորյալ) նախադասություններ դիտելու կարծիքին: Այդ զուգագիր ձևերը, մեր կարծիքով, ընդհանրապես շաղկապներ շեն և ոչ էլ նույնիսկ շաղկապական բառեր: Ի տարրերություն բռն շաղկապների, դրանց մեջ զգալի շափով ուժեղ է նյութական իմաստը: Դրանք երբեմն...երբեմն զուգագրության հետ կազմում են բառական համանիշների եռանդամ շարք՝ մեկ...մեկ—մերը...մերեմն...երբեմն: Այս զուգագիր կապակցությունները միավորյալ (և ընդհանրապես բարդ համադասական) նախադասության բաղադրիչների կապակցմանը նպաստող օժանդակ բառաքերականական միջոցներ են, որոնց բաղադրիչները գործածում են զուգորդվող եղբերի սկզբում՝ ավելի սերտ դարձնելով կապակցվող միավորների կապը: Հետեւաբար դրանցով կազմված այս միավորյալ (և ոչ միայն միավորյալ) նախադասությունները, որոնք շաղկապով կապակցված շեն, ունեն շարահարական կառուցվածք: Արդ՝ իսկ շարահյուսական ի՞նչ հարաբերությամբ են կապված դրանք՝ տրոհակա՞ն, թե՞ այլ հարաբերությամբ: Այստեղ տրոհական հարաբերության մասին խոսք լինել վի կարող, որովհետև այդ նախադասություններում բացակայում է այդ հարաբերության բռն էությունը՝ արտահայտված երեւլիթներից մեկի հնարավոր լինելը և մյուսի բացառումը ցույց տալը: Ծվալ դեպքում բաղադրիչ նախադասությունների գործողությունները կատարվում են որոշակի ոչ կանոնավոր ընդհատումներով: Ժամանակային հաջորդականության ընդգծված արտահայտումը ևս հաստատում է նշված զուգագիր ձևերով կազմված նախադասությունների տարրեր լինելը տրոհական կապակցությունից: Ահավասիկ, մեկ...մեկ, մերը...մեր ու երբեմն...երբեմն զուգագիր ձևերով կազմված շարահարական կառուցվածքի միավորյալ նախադասությունները գնահատելիս պետք է հանդես բերել տարրերակած մոտեցում, այն է՝ դրանք պետք է դիտել ա) կամ իրրե հանդիպադրական և բ) կամ իրրե միավորական հարաբերությամբ միավորյալ նախադասություններ: Ընդ որում, այս դեպքում կարենք նշանակություն են ստանում ստորոգալների կամ բայական գերազա անդամների բարիմաստները և դրանց ներքին-մտաշին հարաբերությունը: Շաղկապի (միավորի, հանդիպադրական) առկայության դեպքում երկվությունն արդեն վերանում է:

Առաջին, քննության առարկա զուգագիր ձևերով կազմված միավորյալ (և ոչ միայն միավորյալ) նախադասության բաղադրիչների ստորոգալները ավելի հաճախ լինում են բառային կամ խոսքային հականիշներ: Այս դեպքում նախադասությունը պետք է դիտել իրրե հանդիպա-

դրական հարաբերությամբ կառուց, որովհետև այս ստորոգյալների արտահայտած գործողությունները, իրքէ միևնույն առարկային կամ առարկաներին ստորոգվող հակադիր հատկանիշներ, կարող են ամենից առաջ հանդիպաղրվել: Այնուհետև, գործողությունների՝ տարրեր ժամանակներում կատարվելն էլ ինքնին դառնում է հակադրություն, այսինքն՝ ստորոգվող հատկանիշների հակադրությունն ունենում է նաև ժամանակային բնույթ: Օրինակներ՝ «Խեղանդամը երեմն բրձում էր տարօրինակ, բարձրածայն, երեմն լաց լինում» (Սեմ, 3, 197): «Դու մեր գերվել ես, մեր գերվել նրան», «Նկարագրելով իր անել վիճակը մեր նախառում էր, մեր աղերսում օգնել իրեն այս կամ այն կերպ» (ԱՇՔ, 221): «Մեր անհայտանում էր նա, մեր երեան էր զալիս ավելի ահարկու կերպարանքով» (ԲՍ, 19): «Հայկն ու Վարդանը մեկ ուրախ են, մեկ՝ տիսուր»:

Այս նախադասությունները հանդիպադրական հարաբերությամբ շարհարական միավորյալ նախադասություններ են՝ համազոր նույն նախադասությունների իսկ շաղկապով տարբերակին: Դրանում համոզվելու համար քննենք դրանցից առաջինը, ուր միևնույն առարկային վերագրովում են տարբեր, հակադիր հատկանիշներ (քոջալ—լաց լինել), որոնք տվյալ դեպքում կարող են միմիշայն հանդիպադրվել: Ներհակության արտահայտմանը նպաստում է նաև երեմն...երեմն զուգագրությունը, որը բազագրիչ նախադասությունների ընդհանուր հակադրությանը հավելում է ժամանակային հակադրությունը: Այդ նախադասությունը շաղկապակոր կառուցվածքի փոխարիկվելու դեպքում ներհակությունն ավելի որոշակի է արտահայտվում: Ինչպես՝ «Խեղանդամը երբեմն բրցում էր տարօրինակ, բարձրածայն, իսկ երբեմն լաց (էր) լինում»:

Նմանապես հաջորդ նախադասությունների ստորոգյալները կազմում են բառական (անհայտանում էր—երեան էր զալիս, ուրախ էր—տիսուր էր), խոսքային (նախառում էր—աղերսում էր), քերականական (գերել ես—գերվել ես) հականշություն, իրքէ հակադիր հասկացությունների լեզվական նշանակումներ: Ուստի այդ նախադասությունների շաղկապակոր կառուցվածքը կլինի միայն իսկ-ով ձևը:

Մասնիթություն: Մեկ...մեկ, մերը...մերը, երեմն...երեմն զուգադիր կապացությունների բաղադրիչները երկուսից ավել կրկնվելու դեպքում հակադրությունը թուլանում է և հակվում՝ զնոյի պարզ թվարկումը. ինչպես՝ «Անտառապահի որսկան շումը մեկ նայում էր տիրոջը, մեկ դիւն դայում, մոռում էր, պուշը զետնով տալիս, մեկ թիրանը բաց՝ հոգմոնքից հորանջում, մեկ ել անհանդիս հոտտում թիրերը, որտեղ թիւ առաջ թիրուսում էր միրհավը» (ԱԲ, 1, 80):

Ավելացնենք նաև, որ մեկ...մեկ, մերը...մերը, երեմն...երեմն զուգադիր ձևերով կազմված նախադասությունների՝ ավելի շատ հանդի-

պադրական հարաբերությամբ լինելն է վկայում նաև այն հանգամանքը, որ դրանք հաճախ կապակցված են լինում իսկ-ով (ինչպես՝ «Հայկը մեկ մեղ մոտ էր գալիս, իսկ մեկ էլ լինում էր իր բարեկամներից մեկի տանը»), իսկ շարահարությամբ կապված լինելու դեպքում հեշտությամբ կազմվում է նրանց իսկ-ով տարրերակը (Հմմտ. «Մերթ դաժան ես եղել, Մերթ մեղմ ու բարի» (ՊՍ, 1, 156)→Մերթ դաժան ես եղել, իսկ մերթ մեղմ ու բարի»), մինչեռ կամ-ով կազմված տարրերակով փոխարկելությունը նախադասության իմաստի պահպանման սահմաններում հիմնականում բացառվում է:

Երկրորդ, մեկ...մեկ, մերք...մերք, երեմն...երեմն զուգադիր ձևերով կազմված միավորյալ (և առհասարակ համադասական) նախադասությունները ոչ հակադիր նշանակություն ունեցող ստորոգյալներով բաղդրյած լինելու դեպքում ավելի շատ մոտենում են միավորական հարաբերությամբ կապակցությանը: Այս դեպքում արդեն բաղադրիչ նախադասությունների միջև գործառվող ոչ կանոնավոր տարժամանակությունն իբրև հակադրություն վերանում է՝ փոխարկվելով պարզ թվարկման: Օրինակներ՝ «Նա մեր հազում էր, մեր տնելում...» (Էջջէ, 34): «Իսկ Շուշանը իր լաթերի վրա տանջանքով մեր պազում, մեր բավականու է գալիս վիրավորյած անասունի պես...» (ՆԴ, 94): Այս նախադասությունների բաղադրիչները ավելի շատ միավորական հարաբերությամբ են կապված, և դրանք շաղկապակոր ձևի փոխակերպվելու դեպքում դյուրինը և (ա)՝ ով տարրերակն է, քան իսկ-ով ձեզ (կամ-ով կապակցվելու մասին էլ խոսք լինել լի կարող): Տվյալ դեպքում միավորական հարաբերությանը նպաստում է բայ-ստորոգյալների բառիմաստացին մուտիկությունը: Հմմտ. «Նա մերթ հազում էր և մերթ տնելում»: Պատահական չէ, որ ստորոգյալները իմաստով մոտ լինելու դեպքում (հատկապես երբ դրանք ցույց են տալիս մի ընդհանուր գործողության տարրեր աստիճանները) բաղադրիչ նախադասությունները կարող են կապակցվել և-ով կազմելով մեր...և մեր, մեկ...և մեկ, երեմն...և երեմն կառուցվածքները: Ինչպես՝ «Նա մեր քերում էր խորածորի ժայռերը և մեր բարձրանում թմբերի վրա» (ՄԳՄ, 329):

Այսպիսով, մեկ...մեկ, մերք...մերք (նաև՝ երեմն...երեմն) զուգադիր կապակցությունները տրոհական շաղկապներ չեն, և դրանցով կազմված միավորյալ (և առհասարակ համադասական) նախադասությունները մեծ մասամբ հանդիպադրական, մասամբ էլ միավորական հարաբերությամբ կառուցցներ են:

Այժմ երկու խոսք տրոհական հարաբերությամբ միավորյալ նախադասության կետադրության մասին: Դործառական գրեթե բոլոր ոճերում հանդիպող շարահյուսական այս կառույցի կետադրության հարցում շկա-

միօրինակություն։ Ավելին, առկա են կամայական մոտեցումներ։ Նույն կառուցվածքը ոմանք տրոհում են (ստորակետով), իսկ ուրիշները՝ ոչ Հայոց լեզվի տեսական ու մեթոդական աշխատություններում էլ, ուր տրոհական միավորյալ նախադասության կետադրությանը գիշ է անդրադարձվել, բացակայում է միասնական ըմբռնումը։ Միօրինակության հասնելու համար պետք է հանդես բերել միասնական մոտեցում։ Տրոհական միավորյալ նախադասության կետադրության միօրինականացմանը, կանոնարկմանը նպաստելու նպատակով առաջարկում ենք.

ա) Կամ, և կամ, կամ թե, կամ թե չէ, կա՞մ...և կա՞մ, կա՞մ...և կա՞մ ել շաղկապներով ու շաղկապական կապակցություններով կազմված միավորյալ նախադասությունները շտրոհել։ Տվյալ դիպքում ամենալուծաբեկվողը կամ-ով կապակցված միավորյալ նախադասության կետադրության հարցն է։ Այս դիպքում կամ-ից առաջ ստորակետ դնելը չի արդարացվում։ Նախ՝ կետադրությունը պայմանավորված է ամենից առաջ հնարանգով։ Ստորակետը վերհնչութային հատկանիշներից կցուցի դադարային դրսմորման նշանակումներից մեկն է։ Ահավասիկ, կամ-ով կապակցված միավորյալ նախադասությունը չի արտասանվում «ստորակետի հնչերանգով»։ Նրա բաղադրիչների միջև տրվող դադարը շատ անհան է և համարյա հավասար է և (ու)-ով կազմված միավորյալ նախադասության բաղադրիչների միջև տրվող դադարին։ Սա վերաբերում է նաև և կամ, կամ թե, կամ թե չէ, կա՞մ...և կա՞մ, կա՞մ...և կա՞մ ել շաղկապական կապակցություններով կազմված միավորյալ նախադասություններին։

Երկրորդ՝ այս շաղկապներով կապակցված միավորյալ նախադասության տրոհումը չի արդարացվում նաև իրեն ընդհանուր ենթակայով (կամ ենթականներով) նախադասության։

Այսպիսով, նշված շաղկապներով կապակցված միավորյալ նախադասության ստորակետով տրոհումը չի հիմնավորվում<sup>12</sup>։

բ) Ստորակետով տրոհել թե, կա՞մ...կա՞մ (կամ...կամ ել) շաղկապներով ու շարահարությամբ կապակցված միավորյալ նախադասությունները, որոնք արտասանվում են ստորակետի հնչերանգով։ Թե-ով կապակցված միավորյալ նախադասության բաղադրիչների միջև տրվող դադարը տևական է, և, հետևաբար, նրանում ստորակետի գործածությունն է՝ բնական։ Նույնը վերաբերում է նաև շարահարական կառուցվածքի տրոհական միավորյալ նախադասությանը։ Կա՞մ...կա՞մ (կա՞մ...

12 Մեր ձեռքի տակ եղած բնագրային այս կարգի օրինակների մի մասը եղել է տրոհված, իսկ մյուս մասը՝ առանց տրոհման։ Կանոնարկման նպատակով մեր շարադրանքում դրանք ներկայացրել ենք առանց տրոհման։

կա՛մ էլ) կրկնադիր շաղկապով կազմված միավորյալ նախադասության բաղադրիչներից յուրաքանչյուրը արտասանվում է շեշտված, և դրանով իսկ ընդգծվում են նաև այդ բաղադրիչների միջև գործառվող բաժանականությունն ու դադարը, ուստի տվյալ դեպքում ստորակետով տրոհումը դառնում է անհրաժեշտ:

Ինչ վերաբերում է տրոհական հարաբերությամբ տարբեր ենթականերու՝ բարդ համադասական նախադասություններին, դրանք միշտ էլ պետք է տրոհել ստորակետով՝ պայմանավորված տվյալ դեպքում տրոհական հարաբերությունը նաև ենթակաների միջև գործառվելու հետևանքով բաղադրիչ նախադասությունների միջև տրվող դադարը տևական լինելու, ինչպես նաև և-ով կապակցված տարբեր ենթականերով բարդ համադասական նախադասության համարանությամբ տրոհվելու հանգամանքով։ Հմմտ։ «Վարդանը խոստացած գիրքը կհանձնի քեզ, կամ դու ինքդ կվերցնես նրանից»։ Լուսիննեն կատարեց Կոմիտասի ստեղծագործություններից, և ներկաները հաղորդակից եղան մեծ երաժշտի արվեստին։

### ՄԵԿՆԱԿԱՆ ՀԱՐԱԲԵՐՈՒԹՅՈՒՆ

Մեկնական հարաբերությամբ միավորյալ նախադասության վերջադաս իրադարձիչը (բաղադրիչները) մեկնարանում կամ մասնավորամ է նախադաս բաղադրիչի (բաղադրիչների) բովանդակությունը։ Այս կառուցյան արտահայտում է նույնական իրողությունները որպես միևնույն առարկային կամ առարկաներին ստորոգվող հատկանիշներ։

Մեկնական միավորյալ նախադասության բաղադրիչների միջև մասամբ առկա է լինում լրացում-լրացյալի հարաբերություն։ Որքանով երկրորդ (կամ հաջորդ) բաղադրիչը մեկնարանում է առաջինի իմաստը, այդքանով այն լրացական կապի մեջ է նախադաս բաղադրիչի հետ, և ամբողջ նախադասությունն էլ աղերսվում է ստորադասական կապակցությունը։ Սակայն այդ լրացականությունը հեռու է բուն ստորադասական հարաբերություն լինելուց։ Նախ՝ ստորադասական կապակցության մեջ գերադաս նախադասության լրացյալ անդամը կանխորոշում է ստորադաս նախադասության բնույթը, որը քննության առարկա կառուցյին (և առհասարակ մեկնական հարաբերությամբ բարդ նախադասությանը) բնորոշ չէ։ Երկրորդ՝ այս նախադասությունը ստորադասական կապակցությունից տարբերվում է նաև բաղադրիչների կապակցման բառական եղանակի գործառությամբ, այն է՝ ստորադասական շաղկապները կապակցում են միայն բարդ նախադասության բաղադրիչներ (մակարերա-

կանները՝ նաև ինքնուրույն նախադասություններ), իսկ մեկնական կամ բացահայտման շաղկապները (այսինքն, այն է՝ և նախադասության բաղադրիչներ, և ինքնուրույն նախադասություններ, մի հատկանիշ, որ համադասական շաղկապների գործառական յուրահատկությունն է: Երրորդ՝ մեկնական հարաբերությամբ միավորյալ նախադասության բաղադրիչները մյուս համադասական նախադասությունների նման պակաս սերտությամբ են կապված: Եվ, վերջապես, այս նախադասության հնչերանգը շատ ավելի նման է համադասական նախադասության հնչերանգին: Այս այս բոլոր հատկանիշների հաշվառումով էլ մենք մեկնական հարաբերությամբ ընդհանուր ենթակայով բարդ նախադասությունը դիտում ենք համադասական, տվյալ դեպքում՝ միավորյալ նախադասություն:

Մեկնական միավորյալ նախադասությունն ունի կառուցվածքային ու իմաստային իր առանձնահատկությունները: Նրա բաղադրիչները կապակցվում են այսինքն (քե), այն է (քե), նշանակամ է շաղկապներով ու կապակցություններով, որոնք չունեն գործածության միևնույն հաճախականությունը. այսինքն շաղկապը համագործածական է, այն է-ն հիմնականում գրավոր խոսքում է հանգես գալիս, իսկ նշանակում է ձեզ մեկնական շաղկապի իմաստով հազվադեպ է հանդիպում:

Միավորյալ նախադասության մեջ մեկնաբանող, Տշգրտող բաղադրիչը, որպես կանոն, մեծ մասամբ լինում է ետաղան (հաճախ էլ պարզաբանումն արտահայտվում է երկու կամ ավելի բաղադրիչներով): Բաղադրիչ նախադասությունների շարադասությունը պայմանավորում է ամբողջ կառուցի հնչերանգային յուրահատկությունը. առաջին բաղադրիչից հետո ձայնի տոնը իշնում է, և որոշ դադար է տրվում, որը նախապատրաստում է անցումը մեկնաբանող բաղադրիչի (բաղադրիչների) արտասանությանը: Օրինակ՝ «Պետք է ապրել օրվա պահնջներով, այսինքն՝ մոռացության տրվել» (ԱՏԱԿ, 4):

Միավորյալ նախադասության մեջ գործառվող մեկնական հարաբերությունը միատարր չէ և ունի իմաստային տարրեր նրերանգներ: Ամենից առաջ այն ունենում է ճշգրտող, պարզաբանող բնույթ, երբ առաջին բաղադրիչ նախադասությունն արտահայտում է ընդհանուր իրողություն, որը պարզաբանվում է հաջորդ բաղադրիչով կամ բաղադրիչներով. ինչպես՝ Ալրամբ անբարեխիղճ աշակերտ է, այսինքն՝ հաճախակի է բացակայում դասերից, չի կատարում տնային աշխատանքները, բավ չի նախապատրաստվում դասերին: Ինչպես տեսնում ենք, այստեղ պարզաբանումը մասամբ կրում է նաև ընդհանուրի ու մասերի հարաբերության բնույթը:

Երբեմն էլ միավորյալ նախադասության առաջին բաղադրիչի բովանդակությունը ըմբռնվում է որպես անհասկանալի կամ պակաս հասկանալի, և վերջին բաղադրիչը մեկնում է այն. ինչպես՝ «Ես երկար անալիկ եմ արել, այսինքն՝ վերլուծել եմ երևութերը և եկել եմ այն եղանակացության...» (ՆԶՀ, 478): Այս դեպքում այսինքն-ի իմաստով գործածվում է նաև նշանակում և կապակցությունը. ինչպես՝ «Ես այլ եմ հիմա, այլևս այն չեմ- նշանակում է՝ նոր հուն եմ մտել» (ԵԶԵ, 375):

Մեկնական հարաբերությունը դրսերվում է նաև մասնավորման ձևով. ինչպես՝ «Նա ցանկանում է մտնել արվեստի աշխարհ, այսինքն՝ երաժիշտ դառնալ»:

Միավորյալ նախադասության մեջ մեկնական հարաբերությունը երբեմն էլ ստանում է ընդհանրացման բնույթ, երբ վերջին բաղադրիչն ունենում է հետեւության նրբերանգ. ինչպես՝ «Նա խուսափում է երեխաներին քերականական կանոնները սերտել տալուց և ավելի շատ գործնական աշխատանքներ է կատարում, այսինքն՝ մեծ ուշադրություն է դարձնում մայրենի լեզվից աշակերտների գործնական հմտությունների զարգացմանը»:

Մեկնական միավորյալ նախադասության ընորոշ կիրառություններից մեկն էլ ամբողջի ու մասերի հարաբերության դրսենորումն է: Այս գնացքում միավորյալ նախադասությունը, որպես կանոն, լինում է բազմաբաղդրիչ: Ընդ որում, առաջին բաղադրիչն արտահայտում է առարկայի ընդհանուր հատկանիշը (գործողություն, եղելություն, վիճակ և այլն), իսկ հաջորդ բաղադրիչները՝ այդ հատկանշի մասնավոր դրսերումները, այսինքն՝ ամբողջի մասերը: Նման միավորյալ նախադասությունը կապակցվում է թե՛ շաղկապով և թե՛ շարահարությամբ: Օրինակ՝ «Հայկը իրականացրեց տարիների ընթացքում փայտիայած երազանքը. համալսարանն ավարտեց և հայրենի գյուղի միջնակարգ դպրոցում անցավ աշխատանքին: Այստեղ ամբողջի ու մասերի հարաբերությունը կարող է արտահայտվել նաև շրջված ձևով: Այս դեպքում ընդհանուր հատկանիշը ցույց տվող բաղադրիչը հաջորդում է նույն հատկանշի կոնկրետ դրսերումներն արտահայտող բաղադրիչներին, և նախադասության շաղկապավոր կապակցումը դառնում է պարտադիր: Հմմտ. «Հայկը համալսարանն ավարտեց և հայրենի գյուղի միջնակարգ դպրոցում անցավ աշխատանքի, այսինքն՝ իրականացրեց տարիների ընթացքում փայտիայած երազանքը: Բերենք մեկ այլ օրինակ՝ «Վահրամն ու Գևորգը Երևանում ընակարան են սուացել և աշխատանքի ընդունվել մեքենաշինական գործարանում, այսինքն՝ դարձել են քաղաքաբնակներ»:

Մեկնական միավորյալ նախադասությունը սակավադեպ էլ դրսեր-

վում է հավելական (Հարակցական) կապակցության ձևով, ինչպես՝ «հսկամբոխը գիտեր իր բանը, սպասում էր վերջին գործողությանը» (լին. 149):

ՄԵԿԻ ԱՎԵԼԻ ՀԱՐԱԲԵՐՈՒԹՅՈՒՆՆԵՐԻ ՀԱՄԱՏԵՂՈՒՄԸ ՄԻԵՎՆՈՒՅՆ  
ՄԻԱՎՈՐՅԱԼ ՆԱԽԱԴԱՍՈՒԹՅԱՆ ՄԵՋ

Յուրաքանչյուր երկրադադրիշ միավորյալ նախադասություն, որպես կանոն, արտահայտում է համադասական հարաբերության քննված տարատեսակներից մեկը, թեպետ չի բացառվում դրա գործությունը նաև բազմաբաղադրիշ կառուցում: Ուսումնասիրությունները հավաստում են միևնույն բազմաբաղադրիշ միավորյալ նախադասության մեջ երկու կամ ավելի հարաբերությունների համատեղման հնարավորությունը, որը բնորոշ է նաև տարրեր ենթականներով բարդ համադասական նախադասությանը (տե՛ս 17, էջ 600—602): Միավորյալ նախադասության մեջ տարրեր հարաբերությունների համատեղումը իրացվում է ոչ միանման՝ պայմանավորված այդ հարաբերությունների դրսնորման հաճախականությամբ, զուգակցման առանձնահատկություններով և, որ առավել կարենոր է, նրանով, որ այդ հարաբերությունները լինում են հավասարաթեք ու անհավասարաթեք: Հստ այդմ էլ տարրեր հարաբերություններ համատեղող միավորյալ նախադասությունները բաժանվում են երկու խմբի՝ ա) հավասարաթեք հարաբերությունների համատեղմամբ նախադասություններ և բ) անհավասարաթեք հարաբերությունների համատեղմամբ նախադասություններ, որոնք դրսնորման են կառուցվածքային ու իմաստային տարրեր առանձնահատկություններ:

Քննենք միավորյալ նախադասության այս տարատեսակներն առանձին-առանձին:

Ա. Հավասարագենք հարաբերությունների համատեղմամբ  
միավորյալ նախադասություններ

Ավելի հաճախ միավորյալ նախադասության մեջ համատեղված հարաբերությունները լինում են հավասարաթեք: Սա գործառվում է, եթե զուգակցված շարահյուսական հարաբերությունները և դրանցով պայմանավորված իմաստներն ու իմաստային նրբերանգները հաղորդակցման գործընթացում հավասար նշանակություն են ստանում: Հավասարաթեքությունը տվյալ գեպօւմ առկա է լինում հարաբերությունների ոչ թե ընդգրկման, այլ գործառական առումով: Հարկ է նշել, որ ընդգրկման

տեսակետից միավորյալ նախադասության մեջ տարբեր հարաբերությունների համատեղումը միատարր չէ. դրանք առկա են լինում թե՛ հավասարաշափ և թե՛ անհավասարաշափ: Դրան համապատասխան էլ հավասարագեղք հարաբերությունների համատեղմամբ միավորյալ նախադասությունները բաժանվում են երկու ենթախմբի:

1. Տարբեր հարաբերություններ հավասարաշափ համատեղող միավորյալ նախադասություններ. Այս դեպքում միավորյալ կառույցում շարահյուսական հարաբերությունները՝ արտահայտվում են հավասար ընդգրկումով՝ աստիճանական կամ խառը հաջորդականությամբ: Ըստ այդմ էլ միավորյալ նախադասությունները հանդես են բերում տարբեր յուրահատկություններ՝ բաժանվելով երկու ենթախմբի՝ ա) հարաբերությունների աստիճանական հաջորդմամբ նախադասություններ և բ) հարաբերությունների խառը հաջորդմամբ նախադասություններ:

Միավորյալ նախադասության մեջ հավասարագեղք հարաբերությունների աստիճանական հաջորդումը ավելի հաճախադիպ է: Այս դեպքում առաջն բաղադրիչը երկրորդի հետ կապվում է մի հարաբերությամբ, երկրորդը երրորդի հետ՝ ուրիշ հարաբերությամբ և այլն: Նման նախադասությունները համատեղում են՝

ա) Միավորական ու ներհակական հարաբերությունները, որպիսի է տորապարբ նույնապես միատարրը՝ չէ պայմանավորված ներհակական հարաբերության անմիատարրությամբ: Ըստ այդ էլ տարբերակվում են միավորական հարաբերություն + նաև ասման հարաբերություն, միավորական հարաբերություն + նաև դիման հարաբերություն, միավորական հարաբերություն + ժխտման հարաբերություն կառուցվածքները. ինչպես՝ «Մի վայրկյան Արշակը նայեց Փառանձեմի բռնկված զեմքին և ցանկություն գգաց իր հիացումն հայտնել նրան՝ այդ խիզախության համար, բայց իսկույն էլ զգուշացավ» (ՍջՀԲ, 197); «Բայց այստեղից էլ ստիպվեց հեռանալ և ցերեկները դուրս էր անցկացնում, իսկ գիշերները քնում էր մի տրակտիրում՝ բիլիարդի սեղանի տակ» (Վ.Տ., 2, 232); «...մի վրդովվիր. այդպիսով եղածից ոչինչ չես փոխի, այլ միայն քեզ կտանշես»<sup>31</sup> (ՄՊԴՄ, 43):

բ) Միավորական ու տրահական հարաբերությունները. ինչպես՝ «Նա երրեմն մոտենում է մեզ, առաջարկում է ծխել կամ զուր է հյուրասիրում» (ՎՊՀԲԱ, 167):

գ) Ընդհանուր ներհակական հարաբերության մասնավոր դրսեւրումները. ինչպես՝ «Իմ հա՛յ ժողովուրդ, ուու փոքր ես եղել, Աղբյո՛ւր ես եղել

13 Նախադասությունը . մասամբ փոփոխել ենք:

և ո՞չ թե հեղեղ» (ՊՍ, 1, 101): Այստեղ համակցում են հակասումն ու ժխտումը:

Ինչպես նշեցինք, միավորյալ նախադասության մեջ շարահյուսական հարաբերությունները երբեմն էլ հանդես են գալիս խառը հաջորդմամբ: Այսպես, օրինակ, «Արդար մարդը սրբերի հետ շրջում է դրախտում, ուտում է շատ համեղ և լինաղ պտուղները, խմում է անմահական աղբյուրներից, բայց բնավ համ չի առնում» (ԱՒ, 3, 247) նախադասության առաջին երեք բաղադրիչները կապված են միավորական հարաբերությամբ, իսկ վերջին (4-րդ) բաղադրիչը հակասման ներհակությամբ առանձին-առանձին հակադրվում է 2-րդ և 3-րդ բաղադրիչ նախադասություններին: Հետևաբար այս կառուցում միավորական ու հակասման հարաբերություններն ունեն հավասար ընդգրկում, գործառվում են հավասար թվով (3-ական) բաղադրիչ նախադասությունների միջև, միայն թե արտահայտվում են ոչ աստիճանական հաջորդմամբ: Ավելացնենք նաև, որ վերջին բաղադրիչը նախադասությունը, հակադրվելով՝ նախորդ երկու բաղադրիչներին, սահմանափակում է թվարկումը՝ ստեղծելով փակ կառուցվածք:

2. Տարբեր հարաբերությունների անհավասարաշափ համատեղմամբ միավորյալ նախադասություններ. Միավորյալ նախադասության մեջ համատեղված հարաբերությունները երբեմն էլ լինում են անհավասարաշափ. նրանցից մեկը (կամ երկուաը) ընդգրկման տեսակետից գերակշռում է: Նման նախադասությունը հատկանշվում է նաև կառուցվածքային յուրահատկությամբ. այն կազմված է լինում չորս կամ ավելի բաղադրիչներից: Այստեղ հարաբերություններից մեկի գերակշռումը պետք է հասկանալ երկակի նշանակությամբ՝ ա) երբ տվյալ հարաբերությունն ավելի շատ բաղադրիչների միջև է գործառվում, բ) երբ այն գերակշռում է ներքին-տրամարանական ընկալմամբ:

Միավորյալ նախադասության համատեղած հարաբերությունների հավասարաթեք վլինելը պայմանավորված է լինում ամենից առաջ բաղադրիչը նախադասությունների քանակով: Տարբեր հարաբերությունների հետ կազմված համակցումների մեջ հիմնականում գերակշռում է միավորական հարաբերությունը, որի հետ հանդես են գալիս տրոհական ու ներհակական (ներառյալ հանդիպադրական, ժխտման, հակասման) հարաբերությունները՝ կազմելով միավորական հարաբերություն + միավորական հարաբերություն + տրոհական հարաբերություն, միավորական հարաբերություն + միավորական հարաբերություն + հանդիպադրական հարաբերություն և այլ կաղապարները. ինչպես՝ «Վերան երբեմն շըլիկոցով բացում էր իմ սենյակի դուռը, քարշ էր տալիս ինձ հյուրասենյակ, ստիպում էր պարել իր որևէ ընկերուհու հետ կամ ինքն էր ինձ:

պարի հրավիրում» (ՀՊ, 1, 292—293): «Ճշտախոս էին աստվածները հին, ճշտախոս էին՝ երեխայի պես. Մարդկանց մարդ էին նրանք անվանում, իսկ իրենց՝ աստված» (ՊԱ, 1, 246):

Միավորական հարաբերության գերակշռումը երբեմն էլ արտահայտվում է ընդմիջարկված ձևով. նրանով կապվում են առաջին և վերջին զույգ բաղադրիչները, իսկ միջադաս բաղադրիչները միավորվում են այլ հարաբերությամբ: Զի բացառվում նաև հարաբերությունների շներթափանցված», ոչ աստիճանական հաջորդմամբ դրսնորում: Օրինակներ՝ «Պատրիկյանը ձեռքով հուսահատական մի շարժում արտվէ, գլխարկը ոչ թե ծածկեց, այլ ծածկելիս ուղղակի խփեց գլխին և դուրս գնաց» (ՆԴ, 151); «Կոմիտասի երաժառությունը մեղ տեղափոխում է մեր պատմության խորքերը, հուզում, բայց նաև ոգեսրում է ու տոգորում համատով գալիքի հանդեպ»:

Առանձին խոսմբ են կազմում այն միավորյալ նախադասությունները, որոնցում տվյալ հարաբերությունը գերակշռում է ոչ թե քերականական արտահայտությամբ, այլ ներքին-արամաբանական ընկալմամբ: Այսպես, օրինակ, թվում է՝ «Հարգում էինք նրան, հպարտանում էինք նրանով, բայց չէինք սիրում» (ՀՊ, 1, 343) նախադասությունը միավորական և հակասման հարաբերությունների հավասարաշափ ընդգրկումով կառուցվածք է: Բայց իրականում հակասման հարաբերությունն այստեղ գերակշռում է, քանի որ վերջին բաղադրիչ նախադասությունը հավասար շափով հակադրվում է 1-ին և 2-րդ բաղադրիչներին: Հենց այդ հակադրությունն էլ կազմում է բերված նախադասության բաղադրիչների ներքին-մտային հարաբերությունը: Եվ, իրոք, այդ եռաբաղադրիչ միավորյալ նախադասությունը երկարադրիչ կառուցցների տարալուծելու դեպքում նրա բովանդակությունը, հետեւաբար նաև բաղադրիչ նախադասությունների միջև գործառվող հարաբերությունները (ներառյալ հակասմանը զուգակցող դիջականությունը) պահպանվում են: Հմմտ. «Հարգում էինք նրան, հպարտանում էինք նրանով, բայց չէինք սիրում» = «Հարգում էինք նրան, բայց չէինք սիրում», «Հպարտանում էինք նրանով, բայց չէինք սիրում»: Ինչպես տեսնում ենք, քննված օրինակում միավորական հարաբերությունը գործառվում է երկու (1-ին ու 2-րդ), իսկ հակասման հարաբերությունը՝ երեք (1-ին ու 3-րդ, 2-րդ ու 3-րդ) բաղադրիչների միջև, ուստի ընդգրկման ժամանակ գերակշռում է հակասման հակադրությունը:

Միավորյալ նախադասության մեջ հարաբերություններից մեկի գերակշռումը, ուղեմն, երբեմն էլ հատկանշվում է ոչ այնքան քերականորեն, որքան մրամաբանական ընկալմամբ: Այս դեպքում հիմնականում գերակշռում է ներհակական հարաբերությունը: Մասնավորապես

կազմվում են՝ ա) միավորական հարաբերություն + հակասման հարաբերություն, բ) միավորական հարաբերություն + ժխտման հարաբերություն, գ) տրոհական հարաբերություն + ժխտման հարաբերություն կառուցվածքի նախադասություններ, որոնցում գերակշռում է ներհակության տվյալ տարատեսակը: Թերենք օրինակներ՝ ա) «Եատ թափառեցի, շատ աշխարհներ տեսա, բայց լույսից անհրաժեշտ բան չգտա» (Աի, 3, 259): բ) «Մերուժանի մասին գաղափար անգամ չուներ, նրան երբեք չէր տեսել, այլ լսել էր նրա անունը միայն» (ԲՍ, 415): գ) «Նրանք ոչ թե կզան կամ լուր կուղարկեն իրենց մասին, այլ միայն կլրեն»:

### Բ. Անհավասարաժեք հարաբերությունների համատեղմամբ միավորյալ նախադասություններ

Կառուցվածքային ու իմաստային այլ յուրահատկություններով են հատկանշվում այն բազմաբաղադրիչ միավորյալ նախադասությունները, որոնցում համակցված հարաբերությունները հավասարաժեք չեն: Այս նախադասությունների մասին, որպիսիք հիմնականում լինում են ներհակական ու տրոհական հարաբերությամբ, վերն արդեն խոսել ենք: Այստեղ միայն ամփոփման կարգով նշենք, որ նման կառուցներում համատեղված հարաբերություններից մեկը ոչ թե գերակշռում է, այլ գերիշխում է՝ պայմանավորված խոսքի նպատակադրմամբ. խոսողը (գրողը) հաղորդակցման պրոցեսում առաջնությունը տալիս է տվյալ հարաբերությանը: Այս դեպքում խախտվում է համադասական հարաբերությունների հավասարաժեքությունը, և դրանցից մեկը առաջնացին պլան է մղվում՝ դառնալով գերիշխող, հետևաբար նաև նախադասության կառուցվածքային տարրերակման հիմունք հանդիսացող՝ հարաբերություն<sup>14</sup>: Դրա հիման վրա միավորյալ նախադասությունը բաժանվում է ներհակական կամ տրոհական հարաբերությամբ կապված երկու անդամի կամ եզրի, որոնք դառնում են բարդության անմիջական կազմիչները, իսկ նրանց միջև գործառվող գերիշխող հարաբերությունը՝ դրանք կապող հարաբերությունը: Գերիշխող հարաբերությունը ստանում է գործառական, հետևաբար նաև հաղորդակցական առավել կարևոր նշանակություն: Ինչ վերաբերում է միավորյալ նախադասության բաղդրյալ եզրի կամ եզրերի ներսում արտահայտվող հարաբերությանը, այն գերիշխող հարաբերության համեմատությամբ կազմում է ստորին օղակ՝ ամբողջ նախադասության մեջ ստանալով երկրորդական, ածանց-

14 Սա բնակ չի հակասում միավորյալ (և ընդհանրապես բարդ համադասական) նախադասության բազադրիչների համազորությանը կամ համադասությանը:

յալ գեր ու նշանակություն: Միավորյալ նախադասության պարզ կազմությամբ եղը տվյալ (գերիշխող) հարաբերությամբ կապվում է բազագրյալ եղրի բոլոր բաղադրիչներին միասին վերցրած (ներառյալ այս վերջինները կապող հարաբերությունը): Այսպես՝ «Այժմերը քարի ծերպին նոսր մացանի կանաչ տերևները չեն ուտում, խլած նայում են ներքեւ, ձորի անդունդին և մկնում» (ԱԲ, 1, 90) կառուցյն ունի երկանդամ կամ երկեղոր կառուցվածք: Ընդ որում, վերջին երկու բաղադրիչները կազմում են մեկ ամբողջի՝ հակադրության երկրորդ եղրի ստորին օղակները, իսկ դրանք կապող միավորական հարաբերությունը՝ այդ օղակում գործառվող հարաբերությունը: Մինչդեռ Ժխտման հակադրությունը, որպես բարդության անմիջական կազմիշների միջև արտահայտվող հարաբերություն, ամենաբարձր աստիճանն է: Եվ քանի որ ամբողջ նախադասության կառուցվածքը գնահատվում է այդ անմիջական կազմիշների միջև գործառվող հարաբերությամբ, ուստի բերված կառուցյը Ժխտման հարաբերությամբ միավորյալ նախադասություն է:

Այսպիսով, անհավասարաժեք հարաբերությունների համատեղմամբ միավորյալ նախադասությունները, որոնցում շարահյուսական հարաբերությունները տարբեր աստիճանի վրա են գտնվում, պետք է գնահատել տվյալ գերիշխող հարաբերությամբ:

**ՕԳՏԱԳՈՐԾՎԱՆ ԳՐԱԿԱՆՈՒԹՅԱՆ ՑԱՆԿ**

1. Արենյան Մ., Աշխարհաբարի քերականություն, Վաղարշապատ, 1906:
2. Արենյան Մ., Աշխարհաբարի շարահյուսություն, Վաղարշապատ, 1912:
3. Արենյան Մ., Հայոց լեզվի տեսություն, Երևան, 1965:
4. Արշահամյան Ա. Ա., Հայերենի դերայները և նրանց ձևաբանական նշանակությունը, Երևան, 1953:
5. Արշահամյան Ա. Ա., Բայց ժամանակակից հայերենում, Երևան, 1962:
6. Արշահամյան Ա. Ա., Ժամանակակից հայերենի կերպավորության վերլուծական միջանի դրսկորումների բնութագրման փորձ, ԼՀՊ, Երևան, 1972, № 10:
7. Արշահամյան Ա. Ա., Վերլուծականությունը արդի հայերենի տարրեր մակարդակներում, ՊԲՀ, Երևան, 1972, № 3:
8. Արշահամյան Ա. Գ., Արդի հայերենի դերանունները, Երևան, 1956:
9. Արշահամյան Ա. Գ., Ժամանակակից հայերենի շարահյուսության միջանի քանի հարցը, Երևան, 1962:
10. Արշահամյան Ա. Գ., Զբերգող խոսքի մասերը և նրանց բառական ու քերական հատկանիշների փոխհարաբերությունը ժամանակակից հայերենում, Երևան, 1965:
11. Արշահամյան Ա. Գ., Աշակերտի խոսքի զարգացումը, Երևան, 1973:
12. Արշահամյան Ա. Գ., Ժամանակակից հայերենի քերականություն, Երևան, 1974:
13. Արշահամյան Ա. Գ., Հայոց լեզու. բառ և խոսք, Երևան, 1978:
14. Արշահամյան Ա. Գ., Վերդյան Բ. Հ., Քոյսյան Վ. Ա., Հայերեն լեզվի դասագիրը, Երևան, 1966:
15. Արշահամյան Ա. Գ., Առաքելյան Վ. Գ., Քոյսյան Վ. Ա., Հայոց լեզու, մաս I, Շարահյուսություն, Երևան, 1975:
16. Արշահամյան Ա. Գ., Պանհայյան Ն. Ա., Օհանյան Հ. Ա., Ժամանակակից հայոց լեզու, հ. 2, Երևան, 1974:
17. Արշահամյան Ա. Գ., Պանհայյան Ն. Ա., Օհանյան Հ. Ա., Ցաղիկյան Խ. Գ., Ժամանակակից հայոց լեզու, հ. 3, Շարահյուսություն, Երևան, 1976:
18. Արայան Է. Ռ., Լեզվի շարահյուսական մակարդակի միավորը և նրա ձևաբանական արտահայտությունը, ԲԵՀ (հաս. գիտ.), Երևան, 1967, № 2:
19. Արայան Է. Ռ., Լեզվական աշխարհի ներքին կերպավորումը և արտաքին վերաբերությունը, Երևան, 1982:
20. Ալիքսանյան Զ., Բազմաբարդ նախադասության ուսուցումը, ՍՄ, Երևան, 1956, № 9:
21. Ամիրյան Ա., Քերականական վերլուծությունները 5—8-րդ դասարաններում, Երևան, 1961:
22. Աղայան Է. Բ., Հայ լեզվաբանության պատմություն, հ. հ. 1—2, Երևան, 1958—1962:

23. Աղայան կ. Բ., Լեզուն իրրև համակարգ և իրրև կառուցվածք, թե՛լ (հաս. գիտ.), Երևան, 1972, № 2:  
 24. Աղայան կ. Բ., Լեզվաբանության ներածություն, Երևան, 1967:  
 25. Աղայան կ. Բ., Ժամանակակից հայերենի հոլովումը և խոնարհումը, Երևան, 1967:  
 26. Այսրենյան Ա., Քննական քերականություն աշխարհաբար կամ արդի հայերեն լեզուի, Վիեննա, 1866:  
 27. Առաքելյան Վ. Դ., Հայերենի շարահյուսություն, Հ. Ա., Երևան, 1958:  
 28. Առաքելյան Վ. Դ., Հայերենի շարահյուսություն, Հ. Բ., Երևան, 1964:  
 29. Առաքելյան Վ. Դ., Ներածություն «Հայերենի շարահյուսության», Երևան, 1959:  
 30. Առաքելյան Վ. Դ., Հայերենի պարբերություն, Երևան, 1968:  
 31. Առաքելյան Վ. Դ., Կրկնության արվեստի մի քանի առանձնահատկությունների մասին, ՄՊ, Երևան, 1969, № 1:  
 32. Առաքելյան Վ. Դ., Գրիգոր Նարեկացու լեզուն և ոճը, Երևան, 1975:  
 33. Ասատրյան Մ. Ե., Բայի սեռերը ժամանակակից հայերենում, Երևան, 1959:  
 34. Ասատրյան Մ. Ե., Ժամանակակից հայոց լեզվի ձևաբանության հարցեր, Հ. Հ.  
 2—3, Երևան, 1973—1977:  
 35. Անըարջեան Ա., Տարրական քերականություն հայոց աշխարհաբար լեզուի, Ալեքսանդրապոլ, 1903:  
 36. Բաղրամյան Էմ., Միավորյալ նախադասությունների և բացահայտիլ-բացահայտիլ կետադրությունը, ՀՀԳՓ, Երևան, 1978, № 1:  
 37. Բարսեղյան Հ. Խ., Արդի հայերենի բայի և խոնարհման տեսություն, Ե., 1953:  
 38. Գարեգինյան Գ. Լ., Շաղկապները ժամանակակից հայերենում, Երևան, 1963:  
 39. Գարեգինյան Գ. Լ., Ժամանակակից հայոց լեզու բարդ նախադասություն, Երևան, 1984:  
 40. Գյուլբուղալյան Ս. Վ., Քերականության ուսուցման մի քանի հարցերի մասին, ՄՄ, Երևան, 1955, № 3:  
 41. Գյուլբուղալյան Ս. Վ., Միակազմ նախադասությունները ժամանակակից հայերենում, Երևան, 1967:  
 42. Գյուլբուղալյան Ս. Վ., Ակնարկներ հայոց լեզվի մեթոդիկայի, Երևան, 1970:  
 43. Գյուլբուղալյան Ս. Վ., Հայոց լեզվի մեթոդիկա, Երևան, 1978:  
 44. Գրիգորյան Ա.Ի., Շարահյուսական մի քանի հարց, ՀՀԳՓ, Երևան, 1970, № 3—4:  
 45. Եղիազարյան Հովհն., Քերականութիւն հայկական լեզուի, Մոսկով, 1839:  
 46. Թումանեան Հար., Հայոց աշխարհաբար լեզուի համաձայնութիւն, Թիֆլիս, 1911:  
 47. Խշինայան Ռ. Ա., Բակումցի լազմական արվեստը, Երևան, 1965:  
 48. Խշինայան Ռ. Ա., Լեզվաբանական վերլուծության սահմանը արդի հայերենի շարահյուսական մակրդակառմ, ՀՀԳ, 1977, № 12:  
 49. Խլլարյան Յ. Հ., Ոճաբանության ուսումնասիրության առարկան և խնդիրները, Երևան, 1971:  
 50. Խլլարյան Յ. Հ., Ոճաբանական տերմինների բառարան-տեղեկատու, Երևան, 1976:  
 51. Ծրագրեր հայոց լեզվի և գրականության (4—8-րդ դաս. համար), Երևան, 1972:  
 52. Կարապետյան Ա. Ս., Միավորյալ նախադասության կառուցվածքային առանձնահատկությունները, «Թեզիսներ Կիրովականի մանկավարժական ինստիտուտի 4-րդ դիտական նստաշրջանի գեկուցումների», Կիրովական, 1976:

53. Կարապետյան Ա. Ս., Հակասման հարաբերությամբ միավորյալ նախադասությունը ժամանակակից հայերենում, ՀՀԳԴ, Երևան, 1980, № 4:
54. Կարապետյան Ա. Ս., Տրոհական հարաբերությամբ միավորյալ նախադասությունը ժամանակակից հայերենում, ՀՀԳԴ, Երևան, 1980, № 6:
55. Կարապետյան Ա. Ս., Հանդիպազրական հարաբերությամբ միավորյալ նախադասությունը ժամանակակից հայերենում, ՀՀԳ, Երևան, 1981, № 5:
56. Կարապետյան Ա. Ս., Ստորոգյալի ղեղումը միավորյալ նախադասության մեջ, Երևան, 1982, № 1:
57. Կարապետյան Ա. Ս., Ժխտման հարաբերությամբ միավորյալ նախադասությունը ժամանակակից հայերենում, ՀՀԳ, Երևան, 1982, № 9:
58. Կարապետյան Ա. Ս., Թարդ համադասական նախադասության դասակարգման հարցի շարքը, «Թեպիներ և Սրբվանի անվան մանկ. ինստիտուտի երիտասարդ դիտնականների ու մասնագետների հորելանական դիտական նոտարչության», Երևան, 1982:
59. Կարապետյան Ա. Ս., Ստորոգյալի կրկնությամբ միավորյալ նախադասությունը ժամանակակից հայերենում, ՀՀԳԴ, Երևան, 1983, № 3:
60. Կարապետյան Ա. Ս., Ստորոգյալի կրկնությամբ միավորյալ նախադասության ոճական նշանակությունը, ՀՀԳ, Երևան, 1983, № 11:
61. Կարապետյան Ա. Ս., Միավորյալ նախադասության ենթական, ՀՀԳԴ, Երևան, 1984, № 4:
62. Կարապետյան Ա. Ս., Միակազմ միավորյալ նախադասությունը ժամանակակից հայերենում, ՀՀԳ, Երևան, 1985, № 10:
63. Հայկական սովորական հանրագիտարան, հ. 8, Երևան, 1976:
64. Հարույսունյան Հ. Ա., Անդեմ նախադասությունները ժամանակակից հայերենում, Երևան, 1978:
65. Հարույսունյան Հ. Ա., Կռավարումը ժամանակակից հայերենում, Երևան, 1983:
66. Ղազարյան Ս. Ղ., Հայոց գրական լեզվի պատմություն, հ. Ա, Երևան, 1981:
67. Ղարիբյան Ա. Ս., Հայոց լեզվի դասավանդման մեթոդիկա, Երևան, 1954:
68. Ղարիբյան Ա. Ս., Հայ մանկավարժական լեզվարանություն, Երևան, 1969:
69. Ղոկասյանց Հ., Քերականութիւն գրաբար լեզուի հայոց ի պեսո նորավարժից, Թիֆլիս, 1884:
70. Մալսասեան Ստ., Գրաբարի համաձայնութիւն, Թիֆլիս, 1892:
71. Մանուկյան Ա. Ա., Խոսքի զարգացումը հայոց լեզվի ուսուցման ընթացքում, Երևան, 1969:
72. Մանուկյան Ա., Խոսքի զարգացման մեթոդիկա, Երևան, 1976:
73. Մարգարյան Ա. Ս., Հայերենի հարագիր բայերը, Երևան, 1966:
74. Մելիք-Բանցյան Ն., Աշխարհաբարի քերականութիւն, Շոշի, 1893:
75. Միքրարյան Հ. Ն., Շարահյուսության ուսուցումը ութամյա գլորոցում, Երևան, 1962:
76. Միքրարյան Հ. Ն., Ստ. Պալասանյանի դերը հայոց լեզվի շարահյուսության մշակման գործում, ՀՀԳԴ, Երևան, 1970, № 3—4:
77. Չարենց Ռ. Ն., Հականից բառերը ժամանակակից հայերենում, Երևան, 1979:
78. Պալասանեան Ս., Գործնական քերականութիւն հայերէն լեզուի, Թիֆլիս, 1974:
79. Պալասանեան Ս., Քերականութիւն մայրենի լեզուի, Տփխիս, 1894:
80. Պալոյան Արտ. Հ., Կախյալ շարահյուսությամբ բարդ նախադասությունները արդի հայերենում, Երևան, 1964:

81. Պապոյան Արտ. Հ., Պարույր Սեսակի շափածոյի լեզվական արվեստը, Երևան, 1970:
82. Պապոյան Արտ. Հ., Զափածոյի լեզվական արվեստի հարցեր, Երևան, 1976:
83. Պառնասյան Ն. Ա., Ստորագասական կապակցությունը արդի հայերենի բարդ նախադասություններում, Երևան, 1961:
84. Պառնասյան Ն. Ա., Անշաղկապ բարդ նախադասությունները ժամանակակից հայերենում, «Լեզվի և ոճի հարցեր», հ. 2, Երևան, 1964:
85. Պառնասյան Ն. Ա., Շարահյուսական համանիշները ժամանակակից հայերենում, Երևան, 1970:
86. Պառնասյան Ն. Ա., Քերականական համանունները ժամանակակից հայերենում, Երևան,
87. Պետրոսյան Հ., Գալստյան Ս., Ղարաբյույն Բ., Լեզվաբանական բառարան, Երևան, 1975:
88. Պողոսյան Ա., Նախադասության դետերմինացվող և շղնտերմինացվող անդամներ, էջ, Երևան, 1974, № 8:
89. Պողոսյան Պ. Մ., Բայի և լանակային ձևերի ոճական կիրառությունները արդի հայերենում, Երևան, 1959:
90. Պողոսյան Պ. Մ., Հայոց լեզու, ուսումնաօժանդակ ձեռնարկ, Երևան, 1976:
91. Զահովյան Գ. Բ., Քերականական և ուղղագրական աշխատությունները հին և միջնադարյան Հայաստանում, Երևան, 1954:
92. Զահովյան Գ. Բ., Լեզվաբանության պատմություն, հ. հ. 1—2, Երևան, 1960—1962:
93. Զահովյան Գ. Բ., Հայոց լեզվի զարգացումը և կառուցվածքը, Երևան, 1969:
94. Զահովյան Գ. Բ., Ժամանակակից հայերենի տեսության հիմունքները, Երևան, 1974:
95. Զահովյան Գ. Բ., Գրարարի քերականության պատմություն, Երևան, 1974:
96. Զահովյան Գ. Բ., Խլաքյան Ֆ. Խ., Հայոց լեզու. ոճաբանություն, Երևան, 1976:
97. Զբրաշյան Է. Մ., Գրականության տեսություն, Երևան, 1974:
98. Սևակ Գ., Ժամանակակից հայոց լեզվի դասընթաց, Երևան, 1955:
99. Սևակ Գ., Հայոց լեզվի շարահյուսություն, Երևան, 1978:
100. Վահանյան Գ., Հայոց լեզվի ոճաբանության ձեռնարկ, Երևան, 1956:
101. Վահնջեան Գ., Դպրոցական քերականությիւն, Ալեքսանդրապոլ, 1906:
102. Վերյան Բ., Բարդ ստորագասական նախադասության շարահյուսություն, Երևան, 1970:
103. Տեր-Ղենեղյան Ն., Մայրենի լեզուի քերականութեան տարերքը, առաջին և երկրորդ մասը, Թիֆլիս, 1906:
104. Քյուրէշյան Ա. Ն., Անգամանական բաղադրյալ ստորոգյալը և նրա խնդիր ու պարագա լրացումները, Երևան, 1975:
105. Քյուրէշյան Ա. Ն., ԵՄ էական բայն իրեւ ինքնուրույն ստորոգյալ, ԲԵՀ, Երևան, 1979, № 1:
106. Քոսյան Վ. Ա., Ժամանակակից հայերենի բառակապակցությունները, Երևան, 1976:
107. Քոսյան Վ. Ա., Ժամանակակից հայերենի նախադասության վերլուծության հարցեր, Երևան, 1976:

108. Адмони В. Г., Введение в синтаксис современного английского языка, Москва, 1955.
109. Адмони В. Г., Типология предложения и логико-грамматические типы предложения, ВЯ, 1973, № 2.
110. Апресян Ю. Д., Идеи и методы современной структурной лингвистики, Москва, 1966.
111. Арутюнова Н. Д., Предложение и его смысл, логико-семантические проблемы, Москва, 1976.
112. Атаян Э. Р., Проблемы и методы структурного синтаксиса, Ереван, 1962.
113. Атаян Э. Р., Понятие элементарной синтаксической структуры, Ереван, 1964.
114. Ахманова О. С., Словарь лингвистических терминов, Москва, 1966.
115. Ахманова О. С., Микаелян Г. Б., Современные синтаксические теории, Москва, 1963.
116. Балли Ш., Общая лингвистика и вопросы французского языка, Москва, 1955.
117. Беневенист Э., Уровни лингвистического анализа, в кн. «Новые в лингвистике», вып. IV, М., 1965, стр. 439—449.
118. Бондаренко А. В., Грамматическая категория и контекст. М., 1971.
119. Будагов Р. А., К теории синтаксических отношений, ВЯ, 1973, № 1.
120. Буслаев Ф. И., Опыт исторической грамматики русского языка, ч. 2, Москва, 1858.
121. Белошапкова В. А., Современный русский язык, Синтаксис, Москва, 1977.
122. Валгина Н. С., Синтаксис современного русского языка, М., 1978.
123. Валгина Н. С., Розенталь Д. Э., Фомина Н. И., Цанукевич В. В., Современный русский язык, изд. 4, М., 1971.
124. Васильева Н. М., Структура сложного предложения, Москва, 1967.
125. Виноградов В. В., Введение. В кн. Грамматика русского языка, т. 2, ч. 1, 1954.
126. Виноградов В. В., Основные вопросы синтаксиса предложения. В кн. «Вопросы грамматического строя», М., 1955.
127. Виноградов В. В., Русский язык, Москва, 1947.
128. Волперский В. П., Панишева М. С., Почтенная Т. Г., Солданик Г. Я., Формановская Н. И., Современный русский язык, ч. 2, Синтаксис, изд. 2, М., 1976.
129. Вопросы грамматики, М.—Л., 1960.
130. Вопросы синтаксиса современного русского языка, Москва, 1950.
131. Востоков А. Х., Русская грамматика по начертанию его же сокращенной грамматики полного изложения, изд. 2, сп. 5, 1835.
132. Гвоздев А. Н., Современный русский литературный язык, ч. 2, Синтаксис, Москва, 1973.
133. Горунг Б. В., О характере языковой структуры, ВЯ, 1959, № 1.
134. Грамматика русского языка, т. 2, ч. 1, Москва, 1954.
135. Грамматика русского языка, т. 2, Синтаксис, Москва, 1960.

136. Грамматика русского современного литературного языка, Москва, 1970.
137. Греч Н. С., Практическая русская грамматика, изд. 2, 1834.
138. Гужва Ф. К., Современный русский язык, ч. 2, Москва, 1979.
139. Золотова Г. А., О синтаксической форме слова («Мысли о современном русском языке», Москва, 1969).
140. Звенинцев В. А., Язык и лингвистическая теория, Москва, 1973.
141. Земский А. М., Крючков С. Е., Светлаев М. В., Русский язык, ч. 2, Синтаксис, Москва, 1971.
142. Зинтер Л. Р., Строева Т. В., Современный немецкий язык, изд. 3, Москва, 1957.
143. Исследования по общей теории грамматики, Москва, 1968.
144. Коротаева З. И., Академик А. А. Шахматов о положениях с однородными членами и о сложном предложении. Материалы архива АН СССР. В кн. Доклады и сообщения института русского языка. Вып. 1, М.—Л., 1948.
145. Колшанский Г. В., Логика и структура языка, Москва, 1965.
146. Коротков Н. Н., Панфилов В. З., О типологии грамматических категорий, ВЯ, 1965, № 1.
147. Кусикян И. К., Очерки исторического синтаксиса литературного армянского языка, Москва, 1959.
148. Малащенко В. П., Детерминанты как общий второстепенный член предложения, РЯШ, 1971, № 5.
149. Мещанинов И. И., Части речи и члены предложения. М.—Л., 1945.
150. Мухин А. М., Структура предложения и их модели, Ленинград, 1968.
151. Мухин А. М., Лингвистический анализ, теоретические и методологические проблемы, Ленинград, 1976.
152. Овсяннико-Куликовский Д. Н., Синтаксис русского языка. Спб, 1912.
153. Панфилов В. Э., Языковые универсалии и типология предложения, ВЯ, 1974, № 5.
154. Пешковский А. М., Русский синтаксис в научном освещении, изд. 6, Москва, 1938.
155. Пешковский А. М., Интонация и грамматика. Известия русского языка и словесности, Москва, 1928.
156. Поступов Н. С., Выражение временного соотношения между однородными глагольными сказуемыми в строем слитного предложения. В кн. сб. статей по языкоzнанию (профессору МГУ В. В. Виноградову-акад.) изд. МГУ, Москва, 1958.
157. Потебня А. А., Из записок по русской грамматике, т. 1—2, изд. 2, Харьков, 1888.
158. Почтенная Т. Г., Русский язык, Синтаксис, Москва, 1977.
159. Располов И. П., О так называемых детерминирующих членах предложения, ВЯ, Москва, 1972, № 6.
160. Розенталь Д. Э., Справочник по правописанию и литературной правке изд. 2, Москва, 1971.
161. Руднев А. Г., Синтаксис осложненного предложения, Москва, 1959.
162. Руднев А. Г., Синтаксис современного русского языка, М., 1968.

163. Русская грамматика, т. 2, Синтаксис, Москва, 1982.
164. Русский язык. Энциклопедия, Москва, 1979.
165. Реформатский А. А., Введение в языкознание, Москва, 1967.
166. Скобликова Е. С., Современный русский язык, Синтаксис простого предложения, Москва, 1979.
167. Современный русский язык, ч. 2, Морфология, Синтаксис, Москва, 1964.
168. Современный русский язык, Синтаксис, под ред. проф. Е. М. Галкиной-Федорук, Москва, 1957.
169. Современный русский язык, ч. 2, Синтаксис, под ред. Д. Э. Розенталь, Москва, 1979.
170. Структурный синтаксис английского языка, Ленинград, 1972.
171. Туманян Э. Г., Армянский язык, «Языки народов СССР», Москва, 1966.
172. Фицкель А. М., Беженов Н. М., Курс современного русского литературного языка, Киев, 1965.
173. Хомский Н., Синтаксические структуры. В кн. «Новое в лингвистике», вып. 2, Москва, 1962.
174. Шапинский Н. М., Распопов И. П., Тихонов А. Н., Филипов А. В., Современный русский литературный язык, Ленинград, 1981.
175. Шапиро А. Б., Современный русский язык. Пунктуация, М., 1974.
176. Шахматов А. А., Синтаксис русского языка, изд. 2, Ленинград, 1941.
177. Шведова Н. Ю., Детерминирующий объект и детерминирующее обстоятельство как самостоятельные распространители предложений, ВЯ, 1964, № 6.

### ՀԱՄԱՐԾԱԳՐՈՒԹՅՈՒՆՆԵՐ

- Ա— Ա. Ղանալանյան, Հայկական առածանի, Երևան, 1960:
- ԱԲ— Ա. Բակոմյաց, Երկեր, հ. 1, Երևան, 1975:
- ԱԲԵ— Ա. Բակոմյաց, Ընտիր Երկեր, Երևան, 1955:
- ԱԻ— Ավ. Խսահակյան, Երկերի ժողովածու, հ. հ. 1, 3, Երևան, 1973, 1975:
- ԱԽԵ— Ավ. Խսահակյան, Ընտիր Երկեր, Երևան, 1955:
- ԱԽՀ— Ավ. Խսահակյան, Հիշտափարան, Երևան, 1977:
- ԱՀԱ— Ալազան, Հյուսիսային աստղ, Երևան, 1956:
- ԱՇ— Ալ. Շիրվանզադե, Երկեր, հ. 4, Երևան, 1950:
- ԱՇՔ— Ալ. Շիրվանզադե, Քառու, Երևան, 1976:
- ԲԱՀ— «Բանքեր Երևանի համալսարանի» (ամսագիր):
- ԲՀՍԶ— Բ. Հովսեփյան, Սերմնացանները Հվերագարձան, Երևան, 1962:
- ԳԵՐԴ— Գ. Էմին, Քաններորդ դար, Երևան, 1970:
- ԳՄ— Գ. Մահրիմյան, Երկերի ժողովածու, հ. 1, Երևան, 1966:
- ԳՄ— Գ. Մարյան, Երկերի ժողովածու, հ. 1, Երևան, 1969:
- ԳՄՎ— Գ. Գեմիրճյան, Վարդանանք, հ. 2, Երևան, 1968:
- ԵԶ— Ե. Զարենց, Երկերի ժողովածու, հ. 1, Երևան, 1962:
- ԵԶԲԵ— Ե. Զարենց, Ընտիր Երկեր, Երևան, 1983:
- ԵԶԺ— Ե. Զարենց, ժողովածու, Երևան, 1973:

ԷԶԳՀ— էքերման, Զրուցներ Գլոբի հետ, Երևան, 1975:

ԹԽԾ— Ա. Ամիրյան, Տ. Էլոյան, Հ. Միկիթարյան, Թելագրության նյութերի ժողովածու, Երևան, 1977:

ԺՓ— Հայկական ՍՍՀ օրենքների, Գերագույն սովորական նախագահության հրամանագրերի և Հայկական ՍՍՀ կառավարության որոշումների ժամանակագրական ժողովածու (1961—1962 թթ.), հ. 9, Երևան, 1966:

ԺՀ— Ա. Գ. Արրաջամյան, Ն. Ա. Պառնասյան, Հ. Ա. Օհանյան, Խ. Գ. Բագիկյան, ժամանակակից հայոց լեզու, հ. 3, Երևան, 1976:

ԼԱ— Լեռ, Անի, Երևան, 1963:

ԼԿՅ— Լոռ, Գեղարվեստական երկեր, Երևան, 1959:

ԼՀՊ— «Էլարեր հասարակական դիտումների» (ամսագիր):

ԼՀՊ— Լոռ, Հայոց պատմություն, Երևան, 1946:

ԼՍՍԿ— Լ. Տուտոյ, Աննա Կարենինիա, հ. 1, Երևան, 1957:

ԽԱ— Խ. Արույն, Վերը Հայաստանի, Երևան, 1959:

ԽԻՌԿ— Խ. Դաշտենց, Ռանչպարների կանչը, Երևան, 1979:

ՀՔ— Հովհ. Թումանյան, Երկերի ժողովածու, հ. 1—6, Երևան, 1940—1960: Հնատիր Երկեր, Երևան, 1978:

ՀՔՍ— Հր. Թամրազյան, Միամանթո, Երևան, 1964:

ՀՔԴ— «Հայոց լեզուն և գրականությունը դպրոցում» (ամսագիր):

ՀԶ— «Հայունների ձայն» (շարաթաթերթ):

ՀՍՍԹ— Հ. Սահման, Սնազ՝մ, բացվե՛ր, Երևան, 1976:

ՀՍԵ— Հ. Սահման, Քարափների երգը, Երևան, 1968:

ՀՔ— Հր. Քոչար, Ընակիր Երկեր, հ. 1, Երևան, 1975:

ՀՔՄՏԶ— Հր. Քոչար, Մեծ տան զավակները, հ. 1, Երևան, 1979:

ՄԱՀԱՏ— Մ. Արելյան, Հայոց լեզվի տեսություն, Երևան, 1965:

ՄԴՄ— Մուրացան, Գևորգ Մարզպետոնի, Երևան, 1977:

ՄՈՒՐ— Մուրացան, Երկերի ժողովածու, հ. 2, Երևան, 1951:

ՄՄ— Մ. Մեծարենց, Երկերի ժողովածու, Երևան, 1981:

ՄԵԽՏ— Մ. Նալբանդյան, Երկու տաղ, Երևան, 1954:

ՄՓՀՑ— Մ. Փափազյան, Հուշի թեկրով, Երևան, 1978:

ՆԴ— Նար-Դոս, Երկեր, Երևան, 1977:

ՆԶՀ— Ն. Զարյան, Հացավան, Երևան, 1947:

ՆԶԱԳ— Ն. Զարյան, Արա Գեղեցիկ, Երևան, 1967:

ՆՊԲՀՀ— Ն. Պառնասյան, Թերականական համանունները ժամանակակից հայերենում, Երևան, 1979

Ն. Ա.— նույն տեղում:

ՇՏ— Շիրին, Տաղեր, Երևան, 1956:

ՇԻՐՎ.— Ա. Շիրվանզադե, Երկերի լիակատար ժողովածու, հ. հ. 4, 8, Երևան, 1934, 1950:

ՊԲՀՀ— «Պատմա-բանասիրական հանդես» (ամսագիր):

ՊՊԾԾ— Պ. Պողյան, Երկերի ժողովածու, հ. 2, Երևան, 1953:

ՊՍ— Պ. Սևակ, Երկեր, հ. 1—5, Երևան, 1972—1974:

ՍԱՃՀ— Ս. Ալվազյան, Ճակատագիրն հայոց, Երևան, 1967:

ՍԳ— «Սովորական գրականություն» (ամսագիր):

ՍԶՄԿՊ— Ստ. Զորյան, Մի կյանքի պատմություն, Երևան, 1955:

ՍԶՀՑ— Ստ. Զորյան, Հայոց բերդը, Երկեր, հ. 6, Երևան, 1962:

- ՍԽԱ— Ս. Խանզադյան, Ավանդատում, Երևան, 1976;
- ՍԽՄՍ— Ս. Խանզադյան, Միթթար սպարապետ, Երկեր, հ. 3, Երևան, 1968;
- ՍՄ— «Սովետական ժայաստան» (ամսագիր):
- ՍՀԱ— «Սովետական Հայաստան» (օրաթերթ):
- ՎԱԱ— Վ. Անանյան, Սեանի ափին, Երևան, 1951;
- ՎԳԴ— Վ. Գաբրիելյան, Դիմանկարներ, Երևան, 1976;
- ՎԴ— Վ. Դավթյան, Երկերի ժողովածու, հ. 2, Երևան, 1975;
- ՎԴԱՄ— Վ. Դավթյան, Անկեղ մորենի, Երևան, 1972;
- ՎՊՀԲԱ— Վ. Պետրոսյան, Հավասարում բազմաթիվ անհայտներով, Երևան, 1978;
- ՎՏ— Վ. Տերյան, Երկեր, հ. 4. 1—3, Երևան, 1960—1966;
- ՎՓ— Վ. Փափազյան, Երկեր, հ. 3, Երևան, 1958;
- ՎՓՀՀ— Վ. Փափազյան, Հետադարձ հայացք, հ. 1, Երևան, 1956;
- ՎՓՄՊ— Վ. Փափազյան, Մրտիս պարտքը, Երևան, 1959;
- ՐԵԾ— Րաֆֆի, Երկերի ժողովածու, հ. 4. 1—4, Երևան, 1955—1956;
- ՐՍ— Րաֆֆի, Սամվել, Երկերի ժողովածու, հ. 7, Երևան, 1956;
- ՔԴՈ— ՀՍՍՀ Քաղաքացիական դատավարության օրենսդիրը, Երևան, 1978;
- ՖՎԼՔՕ— Ֆ. Վերֆել, Մուսա լիռան քառասուն օրը, Երևան, 1964;
- ՎՅ— «Вопросы языкоznания».
- РЯШ— «Русский язык в школе».